

Կ. ՍԱՂԱԹԵԼՅԱՆ

ՕՊՏԻՄԱԼԱՑՄԱՆ ՄԵԹՈԴՆԵՐ

ԵՎ

ԽԱՂԵՐԻ ՏԵՍՈՒԹՅՈՒՆ

(ԴԱՍԱԽՈՍՈՒԹՅՈՒՆՆԵՐ)

ԵՐԵՎԱՆ – 2012

Բովանդակություն

Ներածություն

1. Օպտիմալացման դասական խնդիրներ

- 1.1 Ֆունկցիայի էքստրեմում
- 1.2 Ֆունկցիայի պայմանական էքստրեմում
- 1.3 Վարիացիոն հաշիվ

2. Ուրուցիկ անալիզի հիմունքներ

- 2.1 Հիմնական սահմանումներ, անջատելիության թեորեմ
- 2.2 Գծային անհավասարությունների համակարգեր
- 2.3 Ուրուցիկ և գոգավոր ֆունկցիաներ

3. Օգտավետության տեսություն

4. Մաթեմատիկական ծրագրում

- 4.1 Կուն-Թակերի թեորեմ
- 4.2 Գծային ծրագրում
- 4.3 Օրինակներ
- 4.4 Լուծման եղանակներ: Միմպլեկս-մեթոդ
- 4.5 Դիսկրետ ծրագրում

5. Բազմանպատակային օպտիմալացում

- 5.1 Խմբային ընտրության տեսություն
- 5.2 Վեկտորական օպտիմալացում
- 5.3 Գործարքների խնդիր

6. Խաղերի տեսություն

- 6.1 Անդաշինք խաղեր
- 6.2 Հակամարտ խաղեր
- 6.3 Մատրիցային խաղեր
- 6.4 Անվերջ հակամարտ խաղեր
- 6.5 Կոպերատիվ խաղեր

7. Դինամիկ մոդելներ

- 7.1 Դինամիկ ծրագրում
- 7.2 Օպտիմալ կառավարման տեսություն
- 7.3 Դիրքային խաղեր
- 7.4 Դիֆերենցիալ խաղեր

8. Հավելված

ՆԵՐԱԾՈՒԹՅՈՒՆ

ՈՐՈՇՈՒՄՆԵՐ ԸՆԴՈՒՆԵԼՈՒ ԸՆԴՀԱՆՈՒՐ ՄԱԹԵՄԱՏԻԿԱԿԱՆ ՄՈՂԵԼԸ

Որոշումներ ընդունելու պրոցեսները ընկած են յուրաքանչյուր նպատակային գործունեության հիմքում: Արտադրական և ոչ արտադրական ոլորտները՝ իրենց գործունեության բնույթով, ամենաբազմազան կազմակերպություններ են՝ «մարդմեքենա» տիպի բարդ համակարգեր, որոնց գործունեության արդյունավետությունը էապես կախված է ինչպես ստրատեգիական, այնպես էլ տակտիկական որոշումների որակից:

Լավագույն որոշումներ ընդունելու մաթեմատիկական մոդելները բազմազան են և կարող են էապես տարբերվել միմյանցից: Այդ պատճառով այդպիսի մոդելներ հետազոտող մաթեմատիկական տեսությունները նույնպես տարբեր են ինչպես խնդիրների դրվածքով, այնպես էլ կիրառվող մաթեմատիկական ապարատով: Հաճախ այդ բոլոր տեսությունները միավորվում են «գործույթների հետազոտում», «օպտիմալացման մեթոդներ», «որոշումներ ընդունելու տեսություն» անվանումների տակ:

Որոշումներ ընդունելու ընդհանուր մոդելը կարելի է ներկայացնել որպես $\langle X, \{\succ_{\alpha}\}_{\alpha \in A} \rangle$ համակարգ, որտեղ X -ը կամայական բազմություն է, որը կոչվում է *բոլոր հնարավոր որոշումների բազմություն*, իսկ \succ_{α} -ները կամայական բինար հարաբերություններ են, որոնք կոչվում են *նախընտրելիության*, կամ *գերադասելիության հարաբերություններ*: Եթե X բազմության որևէ x և y կետերի համար $x \succ_{\alpha} y$, ապա ասում են, որ x -ը գերադասելի է կամ նախընտրելի է y -ից ըստ α հայտանիշի:

Հիմնական խնդիրը, որը դրվում է այս մոդելում, հետևյալն է. գտնել X բազմության կետ կամ կետեր, որոնք լավագույնն են \succ_{α} , $\alpha \in A$ հարաբերությունների իմաստով: Այս խնդրի լուծումը տրոհվում է երեք մասի: Նախ պետք է սահմանվի, թե որ կետն ենք համարում լավագույն կամ օպտիմալ: Այդ սահմանումը անվանում են օպտիմալության սկզբունք և տարբեր մասնավոր դեպքերում այն կարող է տարբեր լինել:

Երկրորդ խնդիրը՝ օպտիմալության սկզբունքով սահմանված կետի գոյության հարցն է: Եվ վերջապես երրորդ խնդիրը այդ կետը գտնելու մեթոդների մշակումն է:

Այժմ դիտարկենք ընդհանուր խնդրի մասնավոր դեպքերը:

ա) Դիցուք X բազմությունը վերջավոր է, և այդ բազմության վրա տրված են վերջավոր թվով նախընտրելիության հարաբերություններ: Այս դեպքում խնդիրը կոչվում է խմբային ընտրության խնդիր: Խմբային ընտրության տեսությունը կիրառվում է այնպիսի իրադրություններում, երբ հարկավոր է անհատական կարծիքների հիման վրա կառուցել խմբային կարծիք, օրինակ, փորձագիտական գնահատականներ ստանալու խնդիրներում կամ ընտրական գործընթացների հետ կապված տարատեսակ քաղաքական խնդիրներում:

բ) Եթե X բազմության վրա տրված հարաբերությունը միակն է, այսինքն՝ խնդիրն ունի $\langle X, \succ \rangle$ տեսքը, ապա կարևոր նշանակություն ունի այն հարցը, թե գոյություն ունի արդյո՞ք իրականարժեք $u(x)$ ֆունկցիա, այնպիսին, որ ցանկացած $x, y \in X$ համար՝

$$u(x) > u(y) \Leftrightarrow x \succ y:$$

Այդ ֆունկցիան անվանում են օգտավետության ֆունկցիա, իսկ տեսությունը, որը զբաղվում է այդ հարցերով՝ օգտավետության տեսություն:

գ) Այն դեպքում, երբ օգտավետության ֆունկցիան գոյություն ունի, ստանում ենք, այդպես կոչված, էքստրեմալ խնդիր՝ X բազմության մեջ լավագույն կետ գտնելու խնդիրը բերվում է

$$\max_{x \in X} u(x) \quad (*)$$

գտնելու խնդրի: Մաթեմատիկական անալիզի դասընթացից հայտնի են այս խնդրի մասնավոր դեպքերը և լուծման մեթոդները: Դա մեկ կամ մի քանի փոփոխականի անհանգելի ֆունկցիաների էքստրեմալ արժեքներ գտնելու խնդիրներն են, որտեղ X -ը իրական առանցքի հատված է, կամ R^n -ի որևէ ուղղանկյուն բազմություն:

դ) Այն դեպքերում, երբ $u(x)$ -ը n փոփոխականի ֆունկցիա է, իսկ X բազմությունը տրված է ոչ բացահայտ տեսքով՝

$$X = \{x \in R^n : g_j(x) \geq 0, j = 1, \dots, m\},$$

ապա (*) խնդիրը անվանում են մաթեմատիկական ծրագրման խնդիր:

ե) (*) խնդիրը կոչվում է վարիացիոն հաշվի խնդիր, եթե $u(x)$ -ը ֆունկցիոնալ է, որոշված որևէ բանախյան տարածության վրա, մասնավորապես ենթադրվում է, որ $X \subseteq C^k(t_0, t_1)$: Եթե դրան ավելացնում են նաև դիֆերենցիալ հավասարումների տեսքի պայմաններ և սահմանափակումներ, ապա այն անվանում են օպտիմալ կառավարման խնդիր:

զ) Երբ X բազմությունը կամայական բազմություն է և տրված հարաբերությունների թիվը վերջավոր է, ապա խնդիրը կոչվում է բազմանպատակային օպտիմալացման խնդիր: Եթե յուրաքանչյուր հարաբերության համար գոյություն ունի օգտավետության ֆունկցիա, ապա այն անվանում են վեկտորական օպտիմալացման խնդիր:

է) Եվ վերջապես, այն դեպքերում, երբ X բազմությունը կամայական է և կամայական թվով հարաբերություններ են տրված, իսկ որոշումները ընդունվում են անորոշության կամ կոնֆլիկտի պայմաններում, այդ մոդելն անվանում են խաղ, իսկ տեսությունը՝ խաղերի տեսություն:

Սույն դասընթացում հակիրճ անդրադարձել ենք վերը նշված բոլոր տեսություններին:

ՕՊՏԻՄԱԼԱՑՄԱՆ ԴԱՍԱԿԱՆ ԽՆԴԻՐՆԵՐ

1.1: ՖՈՒՆԿՑԻԱՅԻ ԷՔՍՏՐԵՄՈՒՄ

Դիցուք X -ը նորմավորված տարածության ենթաբազմություն է և $f(x)$ -ը այդ բազմության վրա որոշված իրականարժեք ֆունկցիա է: $f(x)$ ֆունկցիայի սուպրեմում կանվանենք այն M , թիվը, որը բավարարում է հետևյալ երկու պայմաններին.

1. $f(x) \leq M, x \in X$:
2. Ցանկացած $\varepsilon > 0$ թվի համար գոյություն ունի այնպիսի $x_\varepsilon \in X$, որ՝ $f(x_\varepsilon) > M - \varepsilon$:

$f(x)$ ֆունկցիայի սուպրեմումը X բազմության վրա նշանակվում է՝ $\sup_{x \in X} f(x)$: Այն դեպքում, եթե գոյություն ունի այնպիսի $x^0 \in X$ կետ, որ $f(x^0) = M$, ապա M թիվը անվանում են $f(x)$ ֆունկցիայի մաքսիմում կամ մեծագույն արժեք, նշանակում են $\max_{x \in X} f(x)$ և ասում են, որ սուպրեմումը հասանելի է, կամ մաքսիմումը գոյություն ունի: Այն կետերը, որտեղ $f(x)$ ֆունկցիան հասնում է իր մեծագույն արժեքին, անվանում են մաքսիմումի կետեր, և այդ կետերի բազմությունը նշանակում $\text{Arg max}_{x \in X} f(x)$ -ով՝

$$\text{Arg max}_{x \in X} f(x) = \left\{ x' \in X : f(x') = \max_{x \in X} f(x) \right\} :$$

Նմանապես $f(x)$ ֆունկցիայի *ինֆիմում* կանվանենք այն m թիվը, որը բավարարում է հետևյալ երկու պայմաններին.

1. $f(x) \geq m, x \in X$,
2. Ցանկացած $\varepsilon > 0$ թվի համար գոյություն ունի այնպիսի $x_\varepsilon \in X$, որ՝ $f(x_\varepsilon) > m - \varepsilon$:

$f(x)$ Ֆունկցիայի ինֆիմումը X բազմության վրա նշանակվում է՝ $\inf_{x \in X} f(x)$: Այն դեպքում, եթե գոյություն ունի այնպիսի $x^0 \in X$ կետ, որ $f(x^0) = m$, ապա m թիվը անվանում են $f(x)$ *ֆունկցիայի մինիմում* կամ *փոքրագույն արժեք*, նշանակում են $\min_{x \in X} f(x)$ և ասում են, որ ինֆիմումը հասանելի է, կամ մինիմումը գոյություն ունի: Այն կետերը, որտեղ $f(x)$ ֆունկցիան հասնում է իր նվազագույն արժեքին, անվանում են մինիմումի կետերը, և այդ կետերի բազմությունը նշանակում $Arg \min_{x \in X} f(x)$ -ով՝

$$Arg \min_{x \in X} f(x) = \left\{ x' \in X : f(x') = \min_{x \in X} f(x) \right\} :$$

Հաճախ օգտագործվում է նաև ֆունկցիայի մաքսիմումի և մինիմումի ընդհանուր՝ *ֆունկցիայի էքստրեմում* անվանումը:

Մաթեմատիկական անալիզի դասընթացում սահմանվում է նաև *լոկալ էքստրեմումի* գաղափարը:

Ասում են, որ $x^0 \in X$ կետը $f(x)$ ֆունկցիայի *լոկալ մաքսիմումի* (մինիմումի) կետ է, եթե գոյություն ունի x^0 կետի I շրջակայք այնպես, որ բոլոր $x \in I$ համար

$$f(x) \leq f(x^0) \quad (f(x) \geq f(x^0)) :$$

Բերենք ֆունկցիայի էքստրեմումների վերաբերյալ մաթեմատիկական անալիզի դասընթացից հայտնի մի քանի արդյունքներ: Էքստրեմումների հասանելիության խնդիրը լուծվում է Վայերշտրասի հայտնի թեորեմով:

Թեորեմ 1.1.1: R^n տարածության փակ սահմանափակ (կոմպակտ) բազմության վրա որոշված անընդհատ ֆունկցիան հասնում է իր մեծագույն և փոքրագույն արժեքներին:

Հետևյալ թեորեմը օգնում է գտնելու ֆունկցիայի էքստրեմումները:

Թեորեմ 1.1.2: Դիցուք $f(x)$ -ը $D \subseteq R^n$ տիրույթում որոշված ածանցելի ֆունկցիա է: Եթե $f(x)$ ֆունկցիայի էքստրեմումի կետը ֆունկցիայի D տիրույթի ներքին կետ է,

ապա այդ կետում $f(x)$ ֆունկցիայի բոլոր մասնակի ածանցյալները պետք է հավասար լինեն 0-ի, այսինքն բավարարվեն հետևյալ հավասարումները՝

$$\frac{\partial f}{\partial x_i} = 0, i = 1, 2, \dots, n:$$

Այլ կերպ ասած, էքստրեմումի կետում (եթե այն ներքին կետ է) ֆունկցիայի գրադիենտը հավասար է 0-ի:

1.2. ՖՈՒՆԿՑԻԱՅԻ ՊԱՅՄԱՆԱԿԱՆ ԷՔՍՏՐԵՄՈՒՄ

Կիրառական բազմաթիվ խնդիրներում այն տիրույթը, որտեղ փնտրում ենք ֆունկցիայի էքստրեմումը, տրվում է ոչ բացահայտ տեսքով: Դիտարկենք դասական պայմանական էքստրեմումի խնդիրը. գտնել n -փոփոխականի $f(x_1, x_2, \dots, x_n)$ ֆունկցիայի մաքսիմումը կամ մինիմումը $D \subseteq R^n$ տիրույթում, որը տրված է հետևյալ հավասարումների համակարգի տեսքով՝

$$\begin{aligned} g_1(x_1, x_2, \dots, x_n) &= b_1, \\ g_2(x_1, x_2, \dots, x_n) &= b_2, \\ &\dots\dots\dots \\ &\dots\dots\dots \\ g_m(x_1, x_2, \dots, x_n) &= b_m : \end{aligned}$$

Այս հավասարումներն անվանում են *կապի հավասարումներ*: Դիցուք $m < n$ և գոյություն ունի այնպիսի $x^0 \in D$ կետ, որ՝

$$f(x^0) = \max_{x \in D} f(x):$$

Ենթադրենք նաև, որ $f(x_1, x_2, \dots, x_n)$ և $g_i(x_1, x_2, \dots, x_n), i = 1, 2, \dots, m$ ֆունկցիաները ունեն անընդհատ մասնակի ածանցյալներ ըստ բոլոր փոփոխականների, և x^0 կետում $g_i, i = 1, 2, \dots, m$ ֆունկցիաների՝

$$J = \begin{pmatrix} \frac{\partial g_1}{\partial x_1} & \frac{\partial g_1}{\partial x_2} & \dots & \dots & \frac{\partial g_1}{\partial x_n} \\ \frac{\partial g_2}{\partial x_1} & \frac{\partial g_2}{\partial x_2} & \dots & \dots & \frac{\partial g_2}{\partial x_n} \\ \dots & \dots & \dots & \dots & \dots \\ \dots & \dots & \dots & \dots & \dots \\ \frac{\partial g_m}{\partial x_1} & \frac{\partial g_m}{\partial x_2} & \dots & \dots & \frac{\partial g_m}{\partial x_n} \end{pmatrix}$$

յակոբիանի ռանգը հավասար է m -ի: Դիցուք $\lambda_1, \lambda_2, \dots, \lambda_m$ թվերը կամայական հաստատուններ են: Կազմենք այս խնդրի $L(x, \lambda)$ Լագրանժի ֆունկցիան՝

$$L(x, \lambda) = f(x) + \sum_{i=1}^m \lambda_i g_i(x):$$

$\lambda_1, \lambda_2, \dots, \lambda_m$ հաստատունները անվանում են անորոշ փոփոխականներ, կամ Լագրանժի գործակիցներ: Բերենք պայմանական էքստրեմումի խնդրի լուծման Լագրանժի եղանակը:

Լագրանժի անորոշ գործակիցների եղանակ: Դիցուք տրված է պայմանական էքստրեմումի խնդիր՝ գտնել

$$\max_{x \in D} f(x), \quad D = \{x \in R^n : g_i(x) = b_i, i = 1, 2, \dots, m\},$$

որտեղ բոլոր ֆունկցիաները բավարարում են վերը նշված պայմաններին և $f(x)$ ֆունկցիան իր էքստրեմալ արժեքին հասնում է D տիրույթի ներքին x^0 կետում: Այս դեպքում գոյություն ունեն այնպիսի $\lambda_1, \lambda_2, \dots, \lambda_m$ հաստատուններ, որ էքստրեմումի x^0 կետում բավարարվում են հետևյալ հավասարումները՝

$$\frac{\partial L(x, \lambda)}{\partial x_i} = 0, \quad i = 1, 2, \dots, n:$$

Այսպիսով, Լագրանժի անորոշ գործակիցների եղանակը թույլ է տալիս պայմանական էքստրեմումի խնդիրը բերել ոչ պայմանական էքստրեմումի խնդրին, սակայն $L(x, \lambda)$ ֆունկցիայի նկատմամբ:

Բերենք այս եղանակի հիմնավորումը երկու փոփոխականի և մեկ կապի հավասարման դեպքում: Ենթադրենք հարկավոր է գտնել $f(x, y)$ ֆունկցիայի լոկալ էքստրեմումը $g(x, y) = 0$ կապի դեպքում: Դիցուք լոկալ էքստրեմումի կետը (x^0, y^0) -ն է: Յակոբիանի ունգի վերաբերյալ պայմանը կվերածվի $g'_x \neq 0$ կամ $g'_y \neq 0$ պայմանների: Դիցուք (x^0, y^0) կետում $g'_y \neq 0$: Հետևաբար, ոչ բացահայտ ֆունկցիաների վերաբերյալ հայտնի թեորեմի համաձայն, կարելի է $g(x, y) = 0$ հավասարումից (x^0, y^0) կետի որևէ շրջակայքում y -ը արտահայտել որպես ֆունկցիա x -ից՝ $y = \varphi(x)$, ընդ որում՝ $y^0 = \varphi(x^0)$: Տեղադրելով նույն հավասարման մեջ, կստանանք նույնություն՝ $g(x, \varphi(x)) \equiv 0$: Այստեղից՝

$$\frac{dg}{dx} = \frac{\partial g}{\partial x} + \frac{\partial g}{\partial y} \varphi'_x = 0, \quad \varphi'_x = -\frac{\partial g}{\partial x} : \frac{\partial g}{\partial y} :$$

Տեղադրելով $f(x, y)$ ֆունկցիայի մեջ $y = \varphi(x)$, կստանանք՝ $f(x, \varphi(x))$:

Քանի որ $y^0 = \varphi(x^0)$, և (x^0, y^0) -ն $f(x, y)$ ֆունկցիայի էքստրեմումի կետ է, ուստի այդ կետում՝

$$\frac{df}{dx} = 0, \quad \frac{\partial f}{\partial x} + \frac{\partial f}{\partial y} \varphi'_x = 0:$$

Այստեղից՝

$$\frac{\partial f}{\partial x} - \frac{\partial f}{\partial y} \left(\frac{\partial g}{\partial x} : \frac{\partial g}{\partial y} \right) = 0:$$

Եթե այժմ նշանակենք՝

$$\frac{\partial f}{\partial x} : \frac{\partial g}{\partial x} = \frac{\partial f}{\partial y} : \frac{\partial g}{\partial y} = -\lambda,$$

ապա վերջնականապես, (x^0, y^0) կետում, կստանանք՝

$$\begin{aligned} \frac{\partial f}{\partial x} + \lambda \frac{\partial g}{\partial x} &= 0, \\ \frac{\partial f}{\partial y} + \lambda \frac{\partial g}{\partial y} &= 0: \end{aligned}$$

Կամ՝

$$L'_x(x^0, y^0) = 0, \quad L'_y(x^0, y^0) = 0:$$

1.3: ՎԱՐԻԱՑԻՈՆ ՀԱՇԻՎ

Դիտարկենք մի քանի օրինակ, որոնք կարող են պատկերացում տալ վարիացիոն հաշվում ուսումնասիրվող խնդիրների մասին: Ինչպես գիտենք, հարթության երկու՝ $A(x_0, y_0)$ և $B(x_1, y_1)$ կետերը միացնող $y(x)$ կորի երկարությունը (եթե ունի անընդհատ ածանցյալ) տրվում է $l = \int_{x_0}^{x_1} \sqrt{1 + y'^2} dx$ բանաձևով: Փոփոխելով $y(x)$ կորը

մենք կստանանք կորի երկարության տարբեր արժեքներ, այսինքն կորի երկարությունը ֆունկցիա է կորից՝ $l = l(y(x))$: Հայտնի խնդիր է՝ գտնել տրված $A(x_0, y_0)$ և $B(x_1, y_1)$ կետերը միացնող այն կորը, որի երկարությունը ամենակարճն է: Այս խնդիրը կարելի է ձևակերպել հետևյալ կերպ. Գտնել

$$\min_{y \in C^1[x_0, x_1]} \int_{x_0}^{x_1} \sqrt{1 + y'^2} dx :$$

Դիտարկենք մեկ այլ խնդիր: Դիցուք փոփոխական խտությամբ թափանցիկ միջավայրում տրված են $A(x_0, y_0, z_0)$ և $B(x_1, y_1, z_1)$ կետերը: Հարկավոր է որոշել A կետից B կետ անցնող լույսի ճառագայթի հետագիծը: Ըստ Ֆերմայի հայտնի սկզբունքի, լույսի ճառագայթը միշտ շարժվում է ամենաարագ հետագծով: Դիցուք (x, y, z) կետում լույսի արագությունը $v(x, y, z)$ է: Ճանապարհի ds հատվածը լույսը կանցնի $t = \frac{ds}{v}$ ժամանակում: Եթե x փոփոխականը ընդունենք որպես պարամետր, լույսի որոնելի հետագծի հավասարումը կարելի է դիտարկել $(y(x), z(x))$ -տեսքով, և ժամանակի համար կստանանք հետևյալ բանաձևը՝

$$T = \int_{x_0}^{x_1} \frac{\sqrt{1 + y'^2 + z'^2}}{v(x, y, z)} dx :$$

Խնդիրը բերվում է հետևյալին: Հարկավոր է գտնել այնպիսի $y(x), z(x)$ ֆունկցիաներ, որ T -ն ունենա փոքրագույն արժեք, ընդ որում $y(x)$ և $z(x)$ ֆունկցիաները պետք է բավարարեն հետևյալ եզրային պայմաններին՝

$$y(x_0) = y_0, z(x_0) = z_0, y(x_1) = y_1, z(x_1) = z_1 :$$

Մեզ հասած պատմական տվյալների համաձայն, վարիացիոն հաշվի առաջին խնդիրը լուծվել է մոտավորապես 850-ական մ.թ.ա. թվականներին Դիոդ (Դիոդոնա, Էլիսաս) թագուհու կողմից: Երբ Տյուրոսի թագավորը մահանում է, թագավորությունը անցնում է իր զավակներին՝ որդի Պիգմալիոնին և դուստր Դիոդին: Սակայն ցանկանալով միանձնյա կառավարել երկիրը, Պիգմալիոնը սպանում է Դիոդի ամուսնուն: Դիոդն, հավաքելով իր ունեցվածքը, հավատարիմ ազնվականների հետ դիմում է փախուստի և մի առ ժամանակ հետո հասնում Աֆրիկայի հյուսիսային ափերը (այժմյան Թունիս): Այստեղ տեղի բերբերների թագավորից նա մի կտոր հողատարածք է խնդրում բնակվելու համար, սակայն թագավորը համաձայնվում է տալ այնքան հող, որքան կտեղավորվի ցուլի մորթու մեջ: Դիոդն համաձայնվում է, ընտրում ցուլին, ապա ցուլի կաշուց կտրում նեղ ժապավեններ և, միացնելով միմիանց, ստանում 2,5 մղոն երկարությամբ պարան, որով և անջատում է օվկյանոսի ափից իր հողատարածքը: Հետագայում այդ տարածքում հիմնվեց Կարթագեն պետությունը, որի առաջին թագուհին Դիոդն էր: Դիոդն ոչ միայն հնարամիտ էր, այլ նաև շատ գեղեցիկ և բազմաթիվ պոետներ, երաժիշտներ և նկարիչներ, սկսած Վերգիլիուսից և Պուլչինիից անդրադարձել են Դիոդի կյանքի պատմությանը: Ֆորմալ տեսանկյունից Դիոդի խնդիրը կարելի է ձևակերպել հետևյալ կերպ. գտնել իրական առանցքի a և b կետերը միացնող հաստատուն l երկարություն ունեցող այնպիսի $y(x)$ կոր, որ իրական առանցքով և կորով սահմանափակված պատկերի մակերեսը լինի մեծագույն: Այսպիսով, կգանք հետևյալ խնդրին՝ գտնել

$$J[y] = \int_a^b y(x) dx$$

Ֆունկցիոնալի մաքսիմումը, եթե $y(x)$ -ն բավարարում է

$$\int_a^b \sqrt{1 + y'^2} dx = l, \quad y(a) = y(b) = 0$$

պայմանին:

Ընդհանուր դեպքում, դիցուք X -ը ֆունկցիոնալ տարածություն է և $J(x)$ -ը ինտեգրալային ֆունկցիոնալ է, որոշված այդ տարածության վրա: Այստեղ կդիտարկվեն միայն $C[t_0, t_1]$ և $C^k[t_0, t_1]$ տեսքի ֆունկցիոնալ տարածություններ, որտեղ $[t_0, t_1]$ -ը իրական առանցքի որևէ հատված է:

Ֆունկցիոնալի լոկալ էքստրեմումի կետը սահմանվում է այնպես, ինչպես և ֆունկցիայի լոկալ էքստրեմումի դեպքում՝ $x^0(t)$ -ն $J(x)$ ֆունկցիոնալի լոկալ մաքսիմումի (մինիմումի) կետ է, եթե գոյություն ունի $x^0(t)$ -ի I շրջակայք (համապատասխան տարածության նորմով), որ բոլոր $x(t) \in I$ համար տեղի ունի

$$J(x^0) \geq J(x), \quad (J(x^0) \leq J(x))$$

անհավասարությունը:

Լեմ 1.3.1: (Լագրանժ): Եթե $f(t) \in C[t_0, t_1]$ և $\eta(t) \in C^1[t_0, t_1]$, $\eta(t_0) = 0, \eta(t_1) = 0$ պայմանին բավարարող բոլոր ֆունկցիաների համար

$$\int_{t_0}^{t_1} f(t)\eta(t)dt = 0,$$

ապա $f(t) \equiv 0, t \in [t_0, t_1]$:

Ապացույց. Ենթադրենք, որ լեմի պնդումը սխալ է և գոյություն ունի $\tau \in [t_0, t_1]$, որ $f(\tau) \neq 0$, մասնավորապես $f(\tau) > 0$: Առանց ընդհանրությունը խախտելու կարող ենք ենթադրել, որ τ -ն $[t_0, t_1]$ բազմության ներքին կետ է: Քանի որ $f(t)$ ֆունկցիան անընդհատ է, ուստի գոյություն ունի (τ_1, τ_2) միջակայք, որտեղ $f(t) > 0$: (Եթե այն գտնվի ծայրակետում, օրինակ $\tau = t_1$, ապա $f(t)$ ֆունկցիայի անընդհատությունից կհետևի, որ գոյություն ունի $(t', t_1]$ միջակայք, որտեղ $f(t) > 0$: Այս դեպքում որպես τ կետ կվերցնենք այդ միջակայքի կամայական ներքին կետ): Կառուցենք $\eta(t)$ ֆունկցիան հետևյալ կերպ՝

$$\eta(t) = \begin{cases} (t - \tau_1)^2 (t - \tau_2)^2, & t \in (\tau_1, \tau_2), \\ 0, & t \notin (\tau_1, \tau_2): \end{cases}$$

Այսպես կառուցված ֆունկցիան բավարարում է լեմի պայմաններին՝ $\eta(t) \in C^1[t_0, t_1]$, $\eta(t_0) = 0, \eta(t_1) = 0$: Հաշվի առնելով, որ $\eta(t)$ -ն նույնաբար զրո է (τ_1, τ_2) միջակայքից դուրս,

$$\int_{t_0}^{t_1} f(t)\eta(t)dt = \int_{\tau_1}^{\tau_2} f(t)(t-\tau_1)^2(t-\tau_2)^2 dt:$$

Սակայն այս ինտեգրալը խիստ դրական է, քանի որ (τ_1, τ_2) միջակայքում խիստ դրական է $f(t)$ -ն: Ստացված հակասությունը ապացուցում է լեմի պնդումը:

Նկատենք, որ այս լեմի պնդումը մնում է ուժի մեջ, եթե $\eta(t)$ ֆունկցիայի վրա դրվեն ավելի խիստ պայմաններ, օրինակ պահանջենք մինչև որևէ n կարգի անընդհատ ածանցյալների գոյությունը:

Դիցուք տրված է ինտեգրալային ֆունկցիոնալ՝

$$J[x] = \int_{t_0}^{t_1} L(t, x, \dot{x}) dt,$$

որտեղ $L(t, x, \dot{x})$ ֆունկցիան անընդհատ է որպես երեք փոփոխականի ֆունկցիա, և ունի անընդհատ մասնակի ածանցյալներ: Այստեղ $\dot{x}(t)$ -ով նշանակված է $x(t)$ ֆունկցիայի ածանցյալը: $J[x]$ ֆունկցիոնալի լոկալ էքստրեմումը փնտրում ենք $C^1[t_0, t_1]$ ֆունկցիաների դասում:

Կասենք, որ $x^0(t)$ ֆունկցիան $J[x]$ ֆունկցիոնալի էքստրեմումի կետ է, եթե գոյություն ունի $\varepsilon > 0$, այնպես, որ՝

$$J[x^0] \geq J[x], \quad \|x^0 - x\|_{C^1} < \varepsilon,$$

կամ՝

$$J[x^0] \leq J[x], \quad \|x^0 - x\|_{C^1} < \varepsilon:$$

Տարբեր խնդիրներում կարող են պահանջվել նաև ավելի բարձր կարգի ածանցյալների, կամ ֆունկցիայի մասնակի ածանցյալների գոյության կամ անընդհատության պայմաններ: Քանի որ այս դասընթացում մեր նպատակը վարիացիոն հաշվի ամբողջական և խիստ մաթեմատիկական տեսություն շարադրելը չէ (դրանց հետ կարելի է ծանոթանալ, օրինակ մասնագիտական [1] և [25])

գրականությունից), այլ միայն ծանոթացնել այս տեսության սկզբունքների և մոտեցումների հետ, ուստի հետագայում կենթադրենք, որ բոլոր հանդիպող ֆունկցիաները ունեն այնքան անընդհատ ածանցյալներ, որքան պահանջվի:

Վարիացիոն հաշվի պարզագույն խնդիրը: Դիտարկենք հետևյալ խնդիրը: Գտնել

$$\text{extr}_{x \in K} \int_{t_0}^{t_1} L(t, x, \dot{x}) dt,$$

որտեղ $K = \{x \in C^1[t_0, t_1], x(t_0) = x_0, x(t_1) = x_1\}$:

Դիցուք այս խնդրի լուծումը՝ $x(t)$ -ն գոյություն ունի: Վերցնենք կամայական $\eta(t) \in C^1[t_0, t_1]$ ֆունկցիա, որը ծայրակետերում հավասար է զրոյի՝ $\eta(t_0) = \eta(t_1) = 0$, և կազմենք նոր ֆունկցիա՝ $x(t) + \alpha \eta(t)$, որտեղ α -ն բավականաչափ փոքր իրական թիվ է: Այս նոր ֆունկցիան բավարարում է նույն եզրային պայմաններին, ինչ և $x(t)$ ֆունկցիան, այսինքն $x(t) + \alpha \eta(t) \in K$: Տեղադրելով J ֆունկցիոնալի մեջ, կստանանք α -ից կախված ֆունկցիա՝ ($x(t)$ և $\eta(t)$ ֆունկցիաները ֆիքսված են)՝

$$J(\alpha) = \int_{t_0}^{t_1} L(t, x + \alpha \eta, \dot{x} + \alpha \dot{\eta}) dt:$$

Ցանկացած տրված $\varepsilon > 0$ թվի համար $x(t) + \alpha \eta(t)$ ֆունկցիան կգտնվի $x(t)$ ֆունկցիայի ε շրջակայքում 0-ին մոտ բավականաչափ փոքր α -ի համար: Քանի որ $x(t)$ -ն ենթադրվել է $J[x]$ ֆունկցիոնալի լոկալ էքստրեմումի կետ, ուստի $J(\alpha)$ ֆունկցիան պետք է ունենա լոկալ էքստրեմում $\alpha = 0$ դեպքում, հետևաբար $\alpha = 0$ կետում ֆունկցիայի ածանցյալը հավասար է 0-ի: Ածանցելով ըստ α -ի, կստանանք՝

$$\begin{aligned} J'(\alpha)|_{\alpha=0} &= \int_{t_0}^{t_1} [L_x(t, x, \dot{x})\eta(t) + L_{\dot{x}}(t, x, \dot{x})\dot{\eta}(t)] dt = \\ &= \int_{t_0}^{t_1} L_x(t, x, \dot{x})\eta(t) + \int_{t_0}^{t_1} L_{\dot{x}}(t, x, \dot{x})\dot{\eta}(t) dt: \end{aligned}$$

Մասերով ինտեգրելով երկրորդ գումարելին, կստանանք՝

$$J'(\alpha)|_{\alpha=0} = \int_{t_0}^{t_1} \left[L_x(t, x, \dot{x}) - \frac{d}{dt} L_{\dot{x}}(t, x, \dot{x}) \right] \eta(t) dt + L_{\dot{x}}(t, x, \dot{x}) \eta(t) \Big|_{t=t_1} - L_{\dot{x}}(t, x, \dot{x}) \eta(t) \Big|_{t=t_0} : \quad (1.3.1)$$

Ոչ ինտեգրալային գումարելիները հավասար են 0-ի, քանի որ $\eta(t_0) = \eta(t_1) = 0$, հետևաբար՝

$$J'(\alpha)|_{\alpha=0} = \int_{t_0}^{t_1} \left[L_x(t, x, \dot{x}) - \frac{d}{dt} L_{\dot{x}}(t, x, \dot{x}) \right] \eta(t) dt : \quad (1.3.2)$$

Կիրառելով Լագրանժի լեմբ, ստանում ենք, որ եթե գոյություն ունի $J[x]$ ֆունկցիոնալի լոկալ էքստրեմումի $x(t)$ ֆունկցիա, ապա այն պետք է բավարարի հետևյալ դիֆերենցիալ հավասարմանը՝

$$L_x(t, x, \dot{x}) - \frac{d}{dt} L_{\dot{x}}(t, x, \dot{x}) = 0 : \quad (1.3.3)$$

Ֆունկցիայի դիֆերենցիալի նմանությամբ, $\delta J = J'(0)\alpha$ արտահայտությունն ($J(\alpha)$ ֆունկցիայի դիֆերենցիալը $\alpha=0$ կետում) անվանում են $J[x]$ ֆունկցիոնալի վարիացիա: Այս (1.3.3) հավասարումն անվանում են Էյլերի հավասարում, իսկ հավասարմանը բավարարող $x(t)$ ֆունկցիաները՝ էքստրեմալներ:

Այժմ ենթադրենք, որ ենթահինտեգրալային ֆունկցիան կախված է երկու՝ $x(t)$ և $y(t)$ ֆունկցիաներից, այսինքն J ֆունկցիոնալը ունի հետևյալ տեսքը՝

$$J[x, y] = \int_{t_0}^{t_1} L(t, x, y, \dot{x}, \dot{y}) dt :$$

Դիտարկենք վարիացիոն հաշվի հետևյալ խնդիրը՝

$$\underset{(x,y) \in K}{extr} J[x, y]$$

$$K = \{(x, y) \in C^1[t_0, t_1] \times C^1[t_0, t_1], x(t_0) = x_0, x(t_1) = x_1; y(t_0) = y_0, y(t_1) = y_1\} :$$

Նորից կենթադրենք, որ $J[x, y]$ -ի էքստրեմումը գոյություն ունի, $(x(t), y(t))$ -ն դրա էքստրեմումի կետն է, և $L(t, x, y, \dot{x}, \dot{y})$ ֆունկցիան բավարարում է ածանցելիության բոլոր անհրաժեշտ պայմաններին: Ինչպես և նախորդ խնդրում, դիցուք $\eta_1(t) \in C^1[t_0, t_1], \eta_2(t) \in C^1[t_0, t_1], \eta_1(t_0) = \eta_1(t_1) = 0, \eta_2(t_0) = \eta_2(t_1) = 0$ կամայական ֆունկցիաներ են, α_1, α_2 -ը բավականաչափ փոքր իրական թվեր: Ֆունկցիաներին տանք աճ՝ $x(t) + \alpha_1 \eta_1(t), y(t) + \alpha_2 \eta_2(t)$, և դիտարկենք՝

$$J(\alpha_1, \alpha_2) = \int_{t_0}^{t_1} L(t, x + \alpha_1 \eta_1, y + \alpha_2 \eta_2, \dot{x} + \alpha_1 \dot{\eta}_1, \dot{y} + \alpha_2 \dot{\eta}_2) dt :$$

Այս դեպքում նույնպես $J(\alpha_1, \alpha_2)$ ֆունկցիայի էքստրեմումը պետք է բավարարի էքստրեմումի գոյության անհրաժեշտ պայմանին՝

$$\begin{aligned} \frac{\partial J}{\partial \alpha_1} \Big|_{\substack{\alpha_1=0 \\ \alpha_2=0}} &= 0, \\ \frac{\partial J}{\partial \alpha_2} \Big|_{\substack{\alpha_1=0 \\ \alpha_2=0}} &= 0: \end{aligned}$$

Գտնենք $J(\alpha_1, \alpha_2)$ ֆունկցիայի մասնակի ածանցյալները ըստ α_1 և α_2 -ի: Արդյունքում կստանանք՝

$$\begin{aligned} \frac{\partial J}{\partial \alpha_1} \Big|_{\substack{\alpha_1=0 \\ \alpha_2=0}} &= \int_{t_0}^{t_1} \left[L_x(t, x, y, \dot{x}, \dot{y}) - \frac{d}{dt} L_{\dot{x}}(t, x, y, \dot{x}, \dot{y}) \right] \eta_1(t) dt = 0, \\ \frac{\partial J}{\partial \alpha_2} \Big|_{\substack{\alpha_1=0 \\ \alpha_2=0}} &= \int_{t_0}^{t_1} \left[L_y(t, x, y, \dot{x}, \dot{y}) - \frac{d}{dt} L_{\dot{y}}(t, x, y, \dot{x}, \dot{y}) \right] \eta_2(t) dt = 0: \end{aligned}$$

Այստեղից, կիրառելով Լագրանժի լեմբ, կստանանք՝

$$\begin{aligned} L_x(t, x, y, \dot{x}, \dot{y}) - \frac{d}{dt} L_{\dot{x}}(t, x, y, \dot{x}, \dot{y}) &= 0, \\ L_y(t, x, y, \dot{x}, \dot{y}) - \frac{d}{dt} L_{\dot{y}}(t, x, y, \dot{x}, \dot{y}) &= 0: \end{aligned}$$

Ընդհանուր, n հատ $x_1(t), x_2(t), \dots, x_n(t)$ ֆունկցիաների դեպքում, ստանում ենք հետևյալ անհրաժեշտ պայմանները՝

$$L_{x_i} - \frac{d}{dt} L_{\dot{x}_i} = 0, i = 1, 2, \dots, n:$$

Ենթաինտեգրալային L ֆունկցիան կարող է կախված լինել նաև բարձր կարգի ածանցյալներից: Պարզության համար դիտարկենք հետևյալ խնդիրը՝ գտնել

$$\underset{x \in K}{extr} J[x] = \underset{x \in K}{extr} \int_{t_0}^{t_1} L(t, x, \dot{x}, \ddot{x}) dt,$$

երբե $K = \{x \in C^2[t_0, t_1], x(t_0) = x_0, x(t_1) = x_1; \dot{x}(t_0) = x_2, \dot{x}(t_1) = x_3\}$: Նորից, ենթադրելով, որ $x(t)$ ֆունկցիան $J[x]$ ֆունկցիոնալի էքստրեմումի կետն է, տանք աճ՝ $x(t) + \alpha \eta(t)$, որտեղ $\eta(t) \in C^2[t_0, t_1]$ նորից կամայական է և բավարարում է եզրային $\eta(t_0) = \eta(t_1) = \dot{\eta}(t_0) = \dot{\eta}(t_1) = 0$ պայմաններին, α -ն 0-ին մոտ թիվ է: Տեղադրելով ֆունկցիոնալի մեջ, կստանանք՝

$$J(\alpha) = \int_{t_0}^{t_1} L(t, x + \alpha \eta, \dot{x} + \alpha \dot{\eta}, \ddot{x} + \alpha \ddot{\eta}) dt:$$

Այս ֆունկցիայի ածանցյալը ըստ α -ի 0 կետում հավասար է՝

$$\begin{aligned} J'(\alpha)|_{\alpha=0} &= \int_{t_0}^{t_1} [L_x(t, x, \dot{x}, \ddot{x})\eta(t) + L_{\dot{x}}(t, x, \dot{x}, \ddot{x})\dot{\eta}(t) + L_{\ddot{x}}(t, x, \dot{x}, \ddot{x})\ddot{\eta}(t)] dt = \\ &= \int_{t_0}^{t_1} [L_x(t, x, \dot{x}, \ddot{x})\eta(t) + L_{\dot{x}}(t, x, \dot{x}, \ddot{x})\dot{\eta}(t)] dt + \int_{t_0}^{t_1} L_{\ddot{x}}(t, x, \dot{x}, \ddot{x})\ddot{\eta}(t) dt = \\ &= \int_{t_0}^{t_1} \left[L_x(t, x, \dot{x}, \ddot{x}) - \frac{d}{dt} L_{\dot{x}}(t, x, \dot{x}, \ddot{x}) \right] \eta(t) dt + \int_{t_0}^{t_1} L_{\ddot{x}}(t, x, \dot{x}, \ddot{x})\ddot{\eta}(t) dt: \end{aligned}$$

Երկու անգամ մասերով ինտեգրելով երկրորդ գումարելին, ստանում ենք՝

$$\int_{t_0}^{t_1} L_{\ddot{x}}(t, x, \dot{x}, \ddot{x})\ddot{\eta}(t) dt = \frac{d}{dt} L_{\dot{x}}(t, x, \dot{x}, \ddot{x})\dot{\eta}(t)|_{t_0}^{t_1} - L_{\dot{x}}(t, x, \dot{x}, \ddot{x})\dot{\eta}(t)|_{t_0}^{t_1} + \int_{t_0}^{t_1} \frac{d^2}{dt^2} L_x(t, x, \dot{x}, \ddot{x})\eta(t) dt:$$

Այսպիսով, քանի որ $\eta(t_0) = \eta(t_1) = \dot{\eta}(t_0) = \dot{\eta}(t_1) = 0$, ուստի՝

$$J'(\alpha)|_{\alpha=0} = \int_{t_0}^{t_1} \left[L_x(t, x, \dot{x}, \ddot{x}) - \frac{d}{dt} L_{\dot{x}}(t, x, \dot{x}, \ddot{x}) + \frac{d^2}{dt^2} L_{\ddot{x}}(t, x, \dot{x}, \ddot{x}) \right] \eta(t) dt$$

Այստեղից, օգտվելով Լագրանժի լեմից, ստանում ենք Էյլերի հավասարումը երկրորդ կարգի ածանցյալով խնդրի համար՝

$$L_x(t, x, \dot{x}, \ddot{x}) - \frac{d}{dt} L_{\dot{x}}(t, x, \dot{x}, \ddot{x}) + \frac{d^2}{dt^2} L_{\ddot{x}}(t, x, \dot{x}, \ddot{x}) = 0:$$

Ընդհանուր դեպքում, եթե L ֆունկցիան կախված է մինչև n -րդ կարգի ածանցյալներից, Էյլերի բանաձևը կընդունի

$$\sum_{k=0}^n (-1)^k \frac{d^k}{dt^k} L_{x^{(k)}} = 0$$

տեսքը:

Իզոպերիմետրիկ խնդիր: Դիտարկենք հետևյալ խնդիրը: Բոլոր $x(t) \in C^1[t_0, t_1]$ կորերի բազմության մեջ, որոնք միացնում են (t_0, x_0) և (t_1, x_1) կետերը և որոնց համար տրված է

$$\tilde{J}[x] = \int_{t_0}^{t_1} \tilde{L}(t, x, \dot{x}) dt$$

Ֆունկցիոնալի արժեքը, գտնել այն $x(t)$ ֆունկցիան, որի դեպքում

$$J[x] = \int_{t_0}^{t_1} L(t, x, \dot{x}) dt$$

ֆունկցիոնալը կստանա էքստրեմալ արժեք: Այսպիսի խնդիրները անվանում են *իզոպերիմետրիկ* “ի պատիվ” Դիդո թագուհու: Ֆունկցիաների անընդհատության և ածանցելիության վերաբերյալ անհրաժեշտ պայմանների դեպքում այս խնդիրը բերվում է վարիացիոն հաշվի պարզագույն խնդրին հետևյալ թեորեմի օգնությամբ:

Թեորեմ 1.3.1: Եթե գոյություն ունի իզոպերիստերիկ խնդրի $x(t)$ լուծում և եթե $x(t)$ -ն $\tilde{J}[x]$ ֆունկցիոնալի էքստրեմալը չէ, ապա գոյություն ունի այնպիսի λ հաստատուն, որ $x(t)$ -ն

$$J^0[x] = \int_{t_0}^{t_1} H(t, x, \dot{x}) dt$$

ֆունկցիոնալի էքստրեմալն է, որտեղ $H = L + \lambda \tilde{L}$:

Բուլցի խնդիր: Նախորդ բոլոր խնդիրներում ենթադրվում էր, որ $x(t)$ ֆունկցիան ամրացված է ծայրակետերում՝ $x(t)$ ֆունկցիայի արժեքները $[t_0, t_1]$ հատվածի ծայրակետերում նախապես տրված են: Այժմ դիտարկենք պարզագույն խնդիրը, հանելով այդ պայմանը, այսինքն՝ գտնել

$$\text{extr}J[x] = \text{extr} \int_{t_0}^{t_1} L(t, x, \dot{x}) dt$$

բոլոր $x(t) \in C^1[t_0, t_1]$ ֆունկցիաների բազմության վրա: Այս խնդիրը կանվանենք *ազատ եզրերով խնդիր*: Նորից աճ տալով $x(t)$ -ին՝ $x(t) + \alpha \eta(t)$, որտեղ $\eta \in C^1[t_0, t_1]$ կամայական է, և ածանցելով $J(\alpha)$ -ն, կստանանք (1.3.1) արտահայտությունը՝

$$J'(\alpha)|_{\alpha=0} = \int_{t_0}^{t_1} \left[L_x(t, x, \dot{x}) - \frac{d}{dt} L_{\dot{x}}(t, x, \dot{x}) \right] \eta(t) dt + L_x(t, x, \dot{x}) \eta(t)|_{t=t_1} - L_x(t, x, \dot{x}) \eta(t)|_{t=t_0} :$$

Սակայն այստեղ, ի տարբերություն պարզագույն խնդրի, չենք պահանջել, որ $\eta(t_0) = 0, \eta(t_1) = 0$: Ակնհայտ է, որ եթե $x(t)$ -ն էքստրեմալ է ազատ եզրերով խնդրում, ապա այն էքստրեմալ է նաև ամրացված ծայրերով խնդրում և, հետևաբար՝

$$L_x(t, x, \dot{x}) - \frac{d}{dt} L_{\dot{x}}(t, x, \dot{x}) = 0 \Rightarrow \int_{t_0}^{t_1} \left[L_x(t, x, \dot{x}) - \frac{d}{dt} L_{\dot{x}}(t, x, \dot{x}) \right] \eta(t) dt = 0 :$$

Եվ քանի որ $\eta(t_0)$ -ն և $\eta(t_1)$ -ը միմյանցից անկախ կամայական թվեր են, ուստի ստանում ենք երկու լրացուցիչ եզրային պայման՝

$$L_{\dot{x}}(t, x, \dot{x})|_{t=t_0} = 0,$$

$$L_{\dot{x}}(t, x, \dot{x})|_{t=t_1} = 0:$$

Որոշ դեպքերում պահանջվում է դիտարկել նաև հետևյալ տեսքի ֆունկցիոնալներ՝

$$J[x] = \int_{t_0}^{t_1} L(t, x, \dot{x}) dt + \varphi(x(t_0)) + \psi(x(t_1)),$$

որտեղ $\varphi(x)$ -ն և $\psi(x)$ -ն անընդհատ ածանցելի ֆունկցիաներ են: Այս տեսքով տրված խնդիրն անվանում են *Բոլցի խնդիր*: Կրկնելով վերը բերված բոլոր դատողությունները, $J'(\alpha)$ - համար կստանանք՝

$$J'(\alpha)|_{\alpha=0} = \int_{t_0}^{t_1} \left[L_x(t, x, \dot{x}) - \frac{d}{dt} L_{\dot{x}}(t, x, \dot{x}) \right] \eta(t) dt +$$

$$+ L_{\dot{x}}(t, x, \dot{x}) \eta(t)|_{t=t_1} - L_{\dot{x}}(t, x, \dot{x}) \eta(t)|_{t=t_0} + \varphi_x(x(t_0)) \eta(t_0) + \psi_x(x(t_1)) \eta(t_1) = 0:$$

Այստեղ նորից, քանի որ $x(t)$ -ն էքստրեմալ է, ապա ինտեգրալը հավասար է 0-ի և նախորդ արտահայտությունը ընդունում է հետևյալ տեսքը՝

$$J'(\alpha)|_{\alpha=0} = L_{\dot{x}}(t, x, \dot{x}) \eta(t)|_{t=t_1} - L_{\dot{x}}(t, x, \dot{x}) \eta(t)|_{t=t_0} + \varphi_x(x(t_0)) \eta(t_0) + \psi_x(x(t_1)) \eta(t_1) = 0$$

կամ

$$\left(-L_{\dot{x}}(t, x, \dot{x})|_{t_0} + \varphi_x(x(t_0)) \right) \eta(t_0) + \left(L_{\dot{x}}(t, x, \dot{x})|_{t_1} + \psi_x(x(t_1)) \right) \eta(t_1) = 0:$$

Հաշվի առնելով, որ $\eta(t_0), \eta(t_1)$ արժեքները կամայական են, ստանում ենք Բոլցի խնդրի եզրային պայմանները՝

$$L_{\dot{x}}(t, x, \dot{x})|_{t_0} = \varphi_x(x(t_0)),$$

$$-L_{\dot{x}}(t, x, \dot{x})|_{t_1} = \psi_x(x(t_1)):$$

ՈՒՌՈՒՑԻԿ ԱՆԱԼԻԶԻ ՀԻՄՈՒՆՔՆԵՐ

2.1 ՀԻՄՆԱԿԱՆ ՍԱՀՄԱՆՈՒՄՆԵՐ, ԱՆՋԱՏԵԼԻՈՒԹՅԱՆ ԹԵՈՐԵՄ

Այս պարագրաֆում բերված են ուռուցիկ անալիզի հիմնական հասկացությունները և արդյունքները, որոնք հետագայում պահանջվելու են վերջավոր չափանի օպտիմացման խնդիրների հետազոտման ընթացքում:

Դիցուք R^n -ը n -չափանի էվկլիդեսյան տարածությունն է: Հիշեցնենք, որ R^n -ում $x = (x_1, x_2, \dots, x_n)$ վեկտորի նորմը սահմանվում է հետևյալ կերպ՝ $\|x\| = \sqrt{\sum_{i=1}^n x_i^2}$: Երկու՝ $x = (x_1, x_2, \dots, x_n)$ և $y = (y_1, y_2, \dots, y_n)$ վեկտորների $\langle x, y \rangle$ սկալյար արտադրյալը սահմանվում է այսպես՝ $\langle x, y \rangle = \sum_{i=1}^n x_i y_i$, իսկ $\rho(x, y)$ հեռավորությունը՝

$$\rho(x, y) = \|x - y\| = \sqrt{\sum_{i=1}^n (x_i - y_i)^2} :$$

Սահմանում 2.1.1: $X \subseteq R^n$ բազմությունը անվանում են *ուռուցիկ բազմություն*, եթե իր ցանկացած երկու՝ x' և x'' կետերի հետ մեկտեղ այն պարունակում է նաև

$$x = \alpha x' + (1 - \alpha)x'' \tag{2.1.1}$$

տեսքի բոլոր կետերը, որտեղ $0 \leq \alpha \leq 1$:

Երկրաչափորեն դա նշանակում է, որ իր ցանկացած երկու կետերի հետ մեկտեղ այն պարունակում է նաև այդ կետերը միացնող հատվածը: R^n -ում հենց (2.1.1) հավասարմանը բավարարող բոլոր x կետերի բազմությունն են անվանում x' և x'' կետերը միացնող հատված: Ուռուցիկ բազմության օրինակներ են՝ գունդը, ուղղանկյունը, ուղիղը, հարթությունը, R^n տարածության դրական օկտանտը (R_+^n) և այլն:

Թվարկենք ուռուցիկ բազմությունների մի քանի պարզ հատկություններ:

Հ.1: Ուռուցիկ բազմությունների հատումն ուռուցիկ է:

Ապացույց. Դիցուք $X = X_1 \cap X_2$, որտեղ X_1 -ն ու X_2 -ը ուռուցիկ բազմություններ են: Վերցնենք երկու կամայական x_1 և x_2 կետեր X -ից: Քանի որ $X \subseteq X_1, X \subseteq X_2$, ապա ցանկացած $\alpha \in [0,1]$ թվի համար $\alpha x_1 + (1-\alpha)x_2 \in X_1, \alpha x_1 + (1-\alpha)x_2 \in X_2$, հետևաբար, նաև՝ $\alpha x_1 + (1-\alpha)x_2 \in X$: Նույն եղանակով այս պնդումը կարելի է տարածել ցանկացած թվով ուռուցիկ բազմությունների հատման համար:

Հ.2: Ուռուցիկ X բազմության կամայական վերջավոր թվով x^1, x^2, \dots, x^k կետերի՝

$$x = \sum_{i=1}^k \alpha_i x^i$$

ուռուցիկ զծային կոմբինացիաները պատկանում են X -ին ցանկացած

$$\alpha_i \geq 0, i = 1, \dots, k, \sum_{i=1}^k \alpha_i = 1$$

գործակիցների համար:

Ապացույց. Ապացուցենք ինդուկցիայի եղանակով ըստ կետերի քանակի՝ k թվի: $k=2$ դեպքում մեր պնդումը համընկնում է ուռուցիկ բազմության սահմանման հետ: Այժմ ենթադրենք, որ X բազմության $k-1$ թվով ցանկացած կետերի ուռուցիկ զծային կոմբինացիան պատկանում է այդ բազմությանը: Դիտարկենք X բազմության k հատ $x^1, x^2, \dots, x^{k-1}, x^k$ կետերը և դրանց որևէ ուռուցիկ զծային կոմբինացիա՝

$$x = \sum_{i=1}^k \alpha_i x^i, \alpha_1 \geq 0, \alpha_2 \geq 0, \dots, \alpha_k \geq 0, \sum_{i=1}^k \alpha_i = 1:$$

Եթե $\alpha_k = 1$, ապա $\alpha_i = 0, 1 \leq i \leq k-1$ և $x = x^k \in X$: Այժմ, դիցուք $\alpha_k < 1$: Այդ դեպքում

$1 - \alpha_k = \sum_{i=1}^{k-1} \alpha_i > 0$: Ներկայացնենք x -ը հետևյալ տեսքով՝

$$x = (1 - \alpha_k) \sum_{i=1}^{k-1} \frac{\alpha_i}{1 - \alpha_k} x^i + \alpha_k x^k:$$

$\alpha_i / (1 - \alpha_k), i = 1, 2, \dots, k-1$ թվերը ոչ բացասական են և դրանց գումարը հավասար է 1-ի՝

$$\sum_{i=1}^{k-1} \frac{\alpha_i}{1-\alpha_k} = \frac{1}{1-\alpha_k} \sum_{i=1}^{k-1} \alpha_i = \frac{1}{1-\alpha_k} (1-\alpha_k) = 1:$$

Հետևաբար, $x' = \sum_{i=1}^{k-1} \frac{\alpha_i}{1-\alpha_k} x^i$ արտահայտությունը X բազմության x^1, x^2, \dots, x^{k-1} կետերի ուռուցիկ գծային կոմբինացիա է: Ինդուկցիայի ենթադրության համաձայն՝ $x' \in X$, բայց այդ դեպքում՝ $x = (1-\alpha_k)x' + \alpha_k x^k$ կետը X բազմության երկու կետերի ուռուցիկ գծային կոմբինացիա է և, հետևաբար, $x \in X$:

2.3. Դիցուք X_1 -ը և X_2 -ը կամայական ուռուցիկ բազմություններ են: Այդ դեպքում ուռուցիկ է նաև $X_1 + X_2$ բազմությունը, որտեղ՝

$$X_1 + X_2 = \{x : x = x^1 + x^2, x^1 \in X_1, x^2 \in X_2\}:$$

Ապացույց. Դիցուք՝ $x, \bar{x} \in X = X_1 + X_2$: Ըստ սահմանման, գոյություն ունեն այնպիսի $x^1, \bar{x}^1 \in X_1$ և $x^2, \bar{x}^2 \in X_2$ կետեր, որ $x = x^1 + x^2$, $\bar{x} = \bar{x}^1 + \bar{x}^2$: Վերցնենք կամայական $\alpha \in [0, 1]$ և կազմենք $\alpha x + (1-\alpha)\bar{x}$: Ունենք՝

$$\alpha x + (1-\alpha)\bar{x} = \alpha(x^1 + x^2) + (1-\alpha)(\bar{x}^1 + \bar{x}^2) = \alpha x^1 + (1-\alpha)\bar{x}^1 + \alpha x^2 + (1-\alpha)\bar{x}^2:$$

Քանի որ X_1 և X_2 բազմությունները ենթադրվել են ուռուցիկ, ապա՝ $\alpha x^1 + (1-\alpha)\bar{x}^1 \in X_1$, $\alpha x^2 + (1-\alpha)\bar{x}^2 \in X_2$, հետևաբար և $\alpha x + (1-\alpha)\bar{x} \in X = X_1 + X_2$:

2.4. Ուռուցիկ X բազմության \bar{X} փակումը ուռուցիկ է:

Ապացույց. Դիցուք $x, y \in \bar{X}$. Այդ դեպքում գոյություն ունեն X բազմության կետերի երկու $\{x^m\}, \{y^m\}$ հաջորդականություններ, որոնք զուգամիտում են համապատասխանաբար x և y կետերին: Գծային ֆունկցիայի անընդհատությունից հետևում է $\alpha x^m + (1-\alpha)y^m$ կետերի հաջորդականությունը կզուգամիտի $\alpha x + (1-\alpha)y$ կետին ցանկացած $\alpha \in [0, 1]$ դեպքում: Քանի որ յուրաքանչյուր $m=1, 2, \dots$ համար $\alpha x^m + (1-\alpha)y^m$ կետը պատկանում է X -ին, ապա $\alpha x + (1-\alpha)y$ կետը նույնպես կպատկանի \bar{X} -ին:

Հաջորդ երկու հատկությունների ապացուցումը թողնում ենք ընթերցողին:

2.5. Ուռուցիկ X բազմության ներքին կետերի X^0 բազմությունը ուռուցիկ է:

2.6. Ուռուցիկ X բազմության x^0 ներքին կետից դուրս եկող ցանկացած ճառագայթի վրա կա ամենաշատը մեկ եզրային կետ:

Մահմանում 2.1.2: X բազմության ուռուցիկ թաղանթ են անվանում այդ բազմությունը պարունակող $C(X)$ մինիմալ ուռուցիկ բազմությունը, այսինքն ուռուցիկ բազմություն, որն ընկած է X բազմությանը պարունակող ցանկացած այլ ուռուցիկ բազմության մեջ:

Ակնհայտ է, որ ուռուցիկ թաղանթը համընկնում է X բազմությունը պարունակող բոլոր ուռուցիկ բազմությունների հատման հետ: Մակայն բազմության ուռուցիկ թաղանթը կարելի է ստանալ նաև այլ կերպ:

2.7. Ոչ դատարկ X բազմության ուռուցիկ թաղանթը համընկնում է այդ բազմության կետերի բոլոր հնարավոր ուռուցիկ գծային կոմբինացիաների բազմության հետ:

Ապացույց. Քանի որ $C(X)$ -ը ուռուցիկ է և պարունակում է X բազմության բոլոր կետերը, ապա պարունակում է նաև այդ բազմության կետերի բոլոր հնարավոր ուռուցիկ գծային կոմբինացիաները: Մյուս կողմից, X բազմության կետերի բոլոր հնարավոր ուռուցիկ գծային կոմբինացիաների բազմությունը ուռուցիկ է (քանի որ, ինչպես հեշտ է անմիջականորեն ստուգել, X բազմության կետերի ուռուցիկ գծային կոմբինացիաների ուռուցիկ գծային կոմբինացիան նույնպես այդ կետերի ուռուցիկ գծային կոմբինացիա է) և պարունակում է X -ը, հետևաբար և $C(X)$ -ը:

Հաջորդ թեորեմը թույլ է տալիս ճշգրտել այս արդյունքը:

Թեորեմ 2.1.1: Ոչ դատարկ $X \subset R^n$ բազմության $C(X)$ ուռուցիկ թաղանթի յուրաքանչյուր կետ կարելի է ներկայացնել X բազմության ոչ ավել, քան $n+1$ կետերի ուռուցիկ գծային կոմբինացիայի տեսքով:

Ապացույց. Դիցուք $x \in C(X)$, $x = \sum_{i=1}^{k+1} \alpha_i x_i$, $x_i \in X, \alpha_i > 0, i=1, \dots, k+1, \sum_{i=1}^{k+1} \alpha_i = 1$ և $k \geq n+1$:

Դիտարկենք $x_1 - x_{k+1}, x_2 - x_{k+1}, \dots, x_k - x_{k+1}$ վեկտորները: Քանի որ $k > n$, ապա այս

վեկտորները գծայնորեն կախյալ են R^n -ում, այսինքն գոյություն ունեն իրական թվեր $\beta_1, \beta_2, \dots, \beta_k$ $\sum_{i=1}^k \beta_i^2 > 0$ այնպես, որ

$$\beta_1(x_1 - x_{k+1}) + \beta_2(x_2 - x_{k+1}) + \dots + \beta_k(x_k - x_{k+1}) = 0:$$

Եթե նշանակենք $\beta_{k+1} = -\sum_{i=1}^k \beta_i$, ապա՝

$$\sum_{i=1}^{k+1} \beta_i x_i = 0:$$

Դիտարկենք $\gamma_i = \alpha_i - \mu\beta_i$ թվերը, որտեղ μ -ն որոշվում է հետևյալ հավասարությունից՝

$$\frac{1}{\mu} = \max_{1 \leq i \leq k+1} \frac{\beta_i}{\alpha_i} = \frac{\beta_{i_0}}{\alpha_{i_0}}$$

Հեշտ է տեսնել, որ այս դեպքում բոլոր $i=1, 2, \dots, k+1$ համար $\gamma_i \geq 0$ և $\gamma_{i_0} = 0$: Բացի այդ՝

$$\sum_{i=1}^{k+1} \gamma_i = \sum_{i=1}^{k+1} (\alpha_i - \mu\beta_i) = \sum_{i=1}^{k+1} \alpha_i - \mu \sum_{i=1}^{k+1} \beta_i = \sum_{i=1}^{k+1} \alpha_i = 1,$$

$$\sum_{i=1}^{k+1} \gamma_i x_i = \sum_{i=1}^{k+1} \alpha_i x_i - \mu \sum_{i=1}^{k+1} \beta_i x_i = \sum_{i=1}^{k+1} \alpha_i x_i = x:$$

Այսպիսով ստանում ենք, որ x -ը ներկայացվում է ոչ ավելի, քան k տարրերի ուռուցիկ գծային կոմբինացիայի տեսքով ($\gamma_{i_0} = 0$): Շարունակելով այս գործընթացը, ի վերջո x կետի ներկայացման մեջ կմնա $n+1$ տարր:

Սահմանում 2.1.3: $K \subseteq R^n$ բազմությունը, որը ցանկացած $x', x'' \in K$ կետերի հետ մեկտեղ պարունակում է նաև $x = \alpha x' + \beta x''$, $\alpha \geq 0$, $\beta \geq 0$ բոլոր կետերը, կոչվում է *ուռուցիկ կոն*:

Ուռուցիկ կոնը ուռուցիկ բազմություն է, ցանկացած $x \in K$, $\alpha \geq 0$ համար $\alpha x \in K$, հետևաբար ցանկացած ուռուցիկ կոն պարունակում է սկզբնակետը:

Մահմանում 2.1.4: Ցանկացած $X \subseteq R^n$ բազմության համար այդ բազմությունը պարունակող մինիմալ $K(X)$ ուռուցիկ կոնը կոչվում է X բազմության *կոնսկան թաղանթ*:

Ինչպես և ուռուցիկ թաղանթի դեպքում, կարելի է ցույց տալ, որ կոնսկան թաղանթը համընկնում է X բազմության կետերի բոլոր հնարավոր ոչ բացասական գծային $x = \sum_{i=1}^k \alpha_i x_i, \alpha_i \geq 0, i=1, \dots, k$ կոմբինացիաների բազմության հետ:

Մահմանում 2.1.5: Ուռուցիկ K կոնի համար K^* *համալուծ կոն* են անվանում հետևյալ բազմությունը՝

$$K^* = \{ \alpha \in R^n : \langle \alpha, x \rangle \leq 0 \text{ բոլոր } x \in K \text{ համար} \};$$

2.8. K^* բազմությունը փակ ուռուցիկ կոն է:

Ապացույց. Նախ ցույց տանք K^* -ի ուռուցիկությունը: Դիցուք՝ $\alpha', \alpha'' \in K^*, \alpha \in (0,1), x \in K$: Այդ դեպքում՝ $\langle (\alpha\alpha' + (1-\alpha)\alpha''), x \rangle = \alpha\langle \alpha', x \rangle + (1-\alpha)\langle \alpha'', x \rangle \leq 0$, հետևաբար՝ $\alpha\alpha' + \beta\alpha'' \in K^*$: Այժմ վերցնենք K^* կոնի $\alpha^1, \alpha^2, \dots, \alpha^k, \dots$ վեկտորների հաջորդականություն, որը զուգամիտում է α -ի՝ $\lim_{k \rightarrow \infty} \alpha^k = \alpha$: Ցույց տանք, որ $\alpha \in K^*$: Իրոք, քանի որ $\alpha^k \in K^*$, ապա $\langle \alpha^k, x \rangle \leq 0, k=1, 2, \dots$: Անցնելով այս անհավասարության մեջ սահմանի և օգտվելով սկայյար արտադրյալի անընդհատությունից, ստանում ենք՝ $\langle \alpha, x \rangle \leq 0$:

Մահմանում 2.1.6: $v \in R^n$ *կետի պրոեկցիա* $X \subset R^n$ բազմության վրա անվանում են այն $p \in X$ կետը, որի համար

$$\|p - v\| = \inf_{x \in X} \|x - v\| = \rho(v, X):$$

$\rho(v, X)$ -ը անվանում են v կետի հեռավորություն X բազմությունից:

2.9. Ցանկացած X ուռուցիկ փակ բազմության և $v \in R^n, v \notin X$ համար գոյություն ունի v կետի միակ p պրոեկցիա X բազմության վրա:

Ապացույց. Դիցուք x^0 -ն X բազմության որևէ կետ է: Նշանակենք B -ով $\|v - x^0\|$ շառավիղով և v կենտրոնով փակ գունդը: Այդ դեպքում $B \cap X$ բազմությունը փակ և սահմանափակ բազմություն է և $\inf_{x \in X} \|v - x\| = \inf_{x \in B \cap X} \|v - x\|$: Քանի որ $\|v - x\|$ ֆունկցիան անընդհատ է (ըստ x -ի), ապա այն կհասնի իր ստորին ճշգրիտեզրին, այսինքն, պրոեկցիա գոյություն ունի:

Ցույց տանք, որ եթե X -ը ուռուցիկ է, ապա պրոեկցիան միակն է: Իրոք, դիցուք գոյություն ունեն այնպիսի երկու $p', p'' \in X$ կետեր, որ $\|p' - v\| = \|p'' - v\| = \rho(v, X)$:

Նշանակենք՝ $p''' = \frac{p' + p''}{2}$: Քանի որ X -ը ուռուցիկ է, ապա $p''' \in X$: Դիտարկենք

$$\begin{aligned} \rho(p''', v) &= \|p''' - v\| = \left\| v - \frac{1}{2}p' - \frac{1}{2}p'' \right\| = \left\| \left(\frac{1}{2}v - \frac{1}{2}p' \right) + \frac{1}{2}v - \frac{1}{2}p'' \right\| = \frac{1}{2} \|(v - p') + (v - p'')\| = \\ &= \frac{1}{2} \sqrt{\sum_{i=1}^n (v_i - p'_i + v_i - p''_i)^2} = \frac{1}{2} \sqrt{\sum_{i=1}^n (v_i - p'_i)^2 + 2 \sum_{i=1}^n (v_i - p'_i)(v_i - p''_i) + \sum_{i=1}^n (v_i - p''_i)^2} : \end{aligned} \quad (2.1.2)$$

Կոշի-Բունյակովսկու հայտնի անհավասարության համաձայն (տես, օրինակ [20])՝

$$\sum_{i=1}^n (v_i - p'_i)(v_i - p''_i) \leq \sqrt{\sum_{i=1}^n (v_i - p'_i)^2} \times \sqrt{\sum_{i=1}^n (v_i - p''_i)^2} , \quad (2.1.3)$$

ընդ որում հավասարություն կարող է լինել այն, և միայն այն դեպքում, երբ $(v - p')$ և $(v - p'')$ վեկտորները համեմատական են, այսինքն գոյություն ունեն այնպիսի α և β թվեր, $\alpha^2 + \beta^2 > 0$, որ $\alpha(v - p') + \beta(v - p'') = 0$: Եթե $\alpha + \beta = 0$, ապա այստեղից կստանանք, որ $v_i - p'_i = v_i - p''_i$, $i = 1, 2, \dots, n$, այսինքն՝ $p' = p''$, ինչը հակասում է մեր ենթադրությանը: Մյուս կողմից, եթե $\alpha + \beta \neq 0$, ապա բաժանելով այս հավասարումը $\alpha + \beta$ -ի վրա, կստանանք՝

$$\frac{\alpha}{\alpha + \beta} (v - p') + \frac{\beta}{\alpha + \beta} (v - p'') = 0,$$

$$v - \left(\frac{\alpha}{\alpha + \beta} p' + \frac{\beta}{\alpha + \beta} p'' \right) = 0,$$

այսինքն $v = \frac{\alpha}{\alpha + \beta} p' + \frac{\beta}{\alpha + \beta} p''$, որն անհնար է, քանզի X -ը ենթադրվել է ուռուցիկ, $p', p'' \in X$ և $v \notin X$:

Այսպիսով, (2.1.3) անհավասարությունը խիստ անհավասարություն է: Տեղադրելով այն (2.1.2)-ի մեջ, կստանանք՝

$$\begin{aligned} \rho(p''', v) &< \frac{1}{2} \sqrt{\sum_{i=1}^n (v_i - p_i')^2} + 2 \sqrt{\sum_{i=1}^n (v_i - p_i')^2} \times \sqrt{\sum_{i=1}^n (v_i - p_i'')^2 + \sum_{i=1}^n (v_i - p_i'')^2} = \\ &= \frac{1}{2} \sqrt{\left(\sqrt{\sum_{i=1}^n (v_i - p_i')^2} + \sqrt{\sum_{i=1}^n (v_i - p_i'')^2} \right)^2} = \frac{1}{2} \left(\sqrt{\sum_{i=1}^n (v_i - p_i')^2} + \sqrt{\sum_{i=1}^n (v_i - p_i'')^2} \right) = \\ &= \frac{1}{2} \rho(p', v) + \frac{1}{2} \rho(p'', v): \end{aligned}$$

Այսինքն ստացանք, որ $p''' \in X$ կետը ավելի մոտ է v -ին, քան p' և p'' պրոեկցիաները: Ստացված հակասությունը ապացուցում է պնդումը:

Թեորեմ 2.1.2 (Անջատելիության թեորեմ): Դիցուք X -ը փակ ուռուցիկ բազմություն է, $v \in R^n, v \notin X$: Այդ դեպքում գոյություն ունի $\langle a, x \rangle = c$ հիպերհարթություն այնպիսին, որ $\langle a, v \rangle > c$ և $\langle a, x \rangle \leq c$ բոլոր $x \in X$ կետերի համար:

Ապացույց. v կետի պրոեկցիան X բազմության վրա նշանակենք p -ով և դիտարկենք

$$\varphi(x) = \|x - v\|^2 = \sum_{i=1}^n (x_i - v_i)^2$$

Ֆունկցիան: Այդ դեպքում $\inf \varphi(x) = \varphi(p)$: Ֆիքսենք որևէ $x \in X$ և դիտարկենք

$$x(\alpha) = \alpha x + (1 - \alpha)p, 0 \leq \alpha \leq 1 \text{ կետերը:}$$

Քանի որ X -ը ուռուցիկ է, ապա $x(\alpha)$ -ն պատկանում է X -ին բոլոր $0 \leq \alpha \leq 1$ համար և, քանի որ p -ն v -ի պրոեկցիան է, ապա

$$\varphi(x(\alpha)) \geq \varphi(p) = \varphi(x(0)):$$

Հետևաբար,

$$\varphi'_\alpha(x(0)) = \lim_{\alpha \rightarrow 0} \frac{\varphi(x(\alpha)) - \varphi(x(0))}{\alpha} \geq 0:$$

Ածանցենք φ -ն՝

$$\varphi'_\alpha(x(\alpha)) = \left(\sum_{i=1}^n (x_i(\alpha) - v_i)^2 \right)' = 2 \sum_{i=1}^n (x_i(\alpha) - v_i) x'_i(\alpha):$$

Քանի որ $x'_i(\alpha) = (x_i - p_i)$, $x_i(0) = p_i$, ապա

$$\varphi'_\alpha(x(\alpha)) = 2 \sum_{i=1}^n (x_i(\alpha) - v_i)(x_i - p_i),$$

$$\varphi'_\alpha(x(\alpha)) \Big|_{\alpha=0} = 2 \sum_{i=1}^n (p_i - v_i)(x_i - p_i):$$

Այսինքն՝

$$\sum_{i=1}^n (p_i - v_i)(x_i - p_i) \geq 0,$$

կամ՝

$$\sum_{i=1}^n (p_i - v_i)x_i - \sum_{i=1}^n p_i(p_i - v_i) \geq 0: \quad (2.1.4)$$

Քանի որ p և v կետերը ֆիքսած են և կախված չեն x -ից, կարող ենք նշանակել՝

$$a_i = v_i - p_i, i = 1, 2, \dots, n, \quad c = \sum_{i=1}^n p_i(v_i - p_i),$$

և (2.1.4) անհավասարությունը կրնդունի հետևյալ տեսքը՝

$$\sum_{i=1}^n a_i x_i \leq c, \quad \text{կամ } \langle a, x \rangle \leq c:$$

Քանի որ $v \notin X$, ուստի

$$a = v - p \neq 0:$$

Մյուս կողմից

$$\langle a, v \rangle - c = \sum_{i=1}^n (v_i - p_i)v_i - \sum_{i=1}^n p_i(v_i - p_i) = \sum_{i=1}^n (v_i - p_i)^2 > 0:$$

Այսինքն՝ $\langle a, v \rangle > c$: Ասպիտով, թեորենն ապացուցված է:

Սահմանում 2.1.7: $\langle a, x \rangle = c$ հիպերհարթությունը կոչվում է *հենքային հիպերհարթություն* X բազմության համար $b \in X$ եզրային կետում, եթե ցանկացած $x \in X$ համար $\langle a, x \rangle \leq c$ և $\langle a, b \rangle = c$:

Հեշտ է տեսնել, որ թեորեն 2.1.2-ի ապացուցման ընթացքում կառուցած հիպերհարթությունը հենքային է p կետում:

Դժվար չէ ապացուցել հետևյալ պնդումը:

Թեորեմ 2.1.3: X ուռուցիկ բազմության ցանկացած եզրային կետում գոյություն ունի X -ի հենքային հիպերհարթություն:

Առանց ապացուցման ներկայացնենք անջատելիության թեորեմի մի քանի այլ ձևակերպումներ, որոնք բավականին հաճախ են օգտագործվում:

Թեորեմ 2.1.4: Դիցուք X -ը ուռուցիկ փակ բազմություն է և v կետը չի պատկանում X -ին: Այդ դեպքում գոյություն ունի $\langle a, x \rangle = c$ հիպերհարթություն, այնպես, որ $\langle a, v \rangle = c$ և $\langle a, x \rangle > c$ բոլոր $x \in X$ համար:

Թեորեմ 2.1.5: Դիցուք X -ը և Y -ը ուռուցիկ բազմություններ են և X -ը չի հասվում Y -ի ներքին կետերի բազմության հետ: Այդ դեպքում գոյություն ունի $\langle a, x \rangle = c$ հիպերհարթություն, այնպես, որ $\langle a, x \rangle \leq c$ բոլոր $x \in X$ և $\langle a, y \rangle \geq c$ բոլոր $y \in Y$ համար:

Թեորեմ 2.1.6: Ուռուցիկ կոնի ցանկացած հենքային հիպերհարթություն անցնում է սկզբնակետով:

Ապացույց. Դիցուք $\langle a, x \rangle = c$ հիպերհարթությունը K կոնի հենքային հիպերհարթություն է $b \in K$ կետում, այսինքն ցանկացած $x \in K$ համար՝ $\langle a, x \rangle \leq c, \langle a, b \rangle = c$: Դիտարկենք λb կետը, որտեղ $\lambda \geq 0$: Ուռուցիկ կոնի սահմանման համաձայն՝ $\lambda b \in K$, հետևաբար, $\langle a, \lambda b \rangle \leq c$: Քանի որ $\langle a, \lambda b \rangle = \lambda \langle a, b \rangle = \lambda c$, ապա $\lambda c \leq c$ անհավասարությունը բավարարվում է ցանկացած $\lambda \geq 0$ համար: Այստեղից՝ $(\lambda - 1)c \leq 0$: $\lambda = 0$ դեպքում ստանում ենք $c \geq 0$, իսկ $\lambda = 2$ դեպքում՝ $c \leq 0$: Այսպիսով, $c = 0$ և հենքային հիպերհարթության հավասարումը ստանում է հետևյալ տեսքը՝ $\langle a, x \rangle = 0$, այսինքն 0 կետը պատկանում է այդ հարթությանը:

Թեորեմ 2.1.7. Դիցուք X -ը ուռուցիկ բազմություն է R^n -ում, որը չի պարունակում R_+^n բազմության ներքին կետերը, այսինքն չի պարունակում վեկտորներ, որոնց բոլոր բաղադրիչները դրական են: Այդ դեպքում գոյություն ունի սկզբնականով անցնող $\langle a, x \rangle = 0$ հիպերհարթություն, որն անջատում է X բազմությունը R_+^n -ից:

2.2. ԳԾԱՅԻՆ ԱՆՀԱՎԱՍՏԱՐՈՒԹՅՈՒՆՆԵՐԻ ՀԱՍՏԱԿԱՐԳԵՐ

Մահմանում 2.2.1: X ուռուցիկ բազմության x կետը անվանում են *ծայրակետ*, եթե գոյություն չունեն այնպիսի տարրեր $x', x'' \in X$ կետեր, որ $x = \frac{x' + x''}{2}$:

Մահմանում 2.2.2: X բազմությունն անվանում են *ուռուցիկ բազմանիստ*, եթե այն վերջավոր թվով կետերի ուռուցիկ թաղանթ է:

Թեորեմ 2.2.1: Ուռուցիկ բազմանիստը կոմպակտ է:

Ապացույց. Դիցուք X բազմությունը x^1, x^2, \dots, x^k կետերի ուռուցիկ թաղանթն է: Վերցնենք կամայական $\{x_m\}$ հաջորդականություն X -ից և ցույց տանք, որ այս հաջորդականությունից կարելի է ընտրել ենթահաջորդականություն, որը զուգամիտում է որևէ $\bar{x} \in X$ կետի: Քանի որ $x_m \in X$ ցանկացած m -ի համար ($m = 1, 2, \dots$), ապա

$$x_m = \sum_{i=1}^k \alpha_i(m) x^i, \quad \alpha_i(m) \in [0, 1], \quad \sum_{i=1}^k \alpha_i(m) = 1:$$

$\alpha_1(m), m = 1, 2, \dots$ հաջորդականությունը սահմանափակ է, հետևաբար դրանից կարելի է ընտրել զուգամետ $\alpha_1(m_{1j})$ ենթահաջորդականություն: $\alpha_2(m_{1j})$ հաջորդականությունը նույնպես սահմանափակ է, հետևաբար դրանից ևս կարելի է ընտրել զուգամետ $\alpha_2(m_{2j})$ ենթահաջորդականություն: Շարունակելով այս գործընթացը k անգամ կստանանք զուգամետ $\alpha_i(m_{kj}), i = 1, 2, \dots, k$ հաջորդականություններ: Նշանակենք $\lim_{j \rightarrow \infty} \alpha_i(m_{kj}) = \alpha_i, i = 1, 2, \dots, k$: Ակնհայտ է, որ

$\alpha_i \geq 0, \sum_{i=1}^k \alpha_i = 1$: Այսպիսով, $\sum_{i=1}^k \alpha_i(m_{kj}) x^i$ հաջորդականությունը զուգամետ է և

$$\bar{x} = \lim_{j \rightarrow \infty} \sum_{i=1}^k \alpha_i(m_{kj}) x^i = \sum_{i=1}^k \alpha_i x^i \in X:$$

Թեորեմն ապացուցված է:

Առանց ապացուցման բերենք հետևյալ արդյունքը (տես, օրինակ, [5]):

Թեորեմ 2.2.2 (Կրեյն, Միլման): Յանկացած ոչ դատարկ կոմպակտ ուռուցիկ բազմություն R^n -ում ունի ծայրակետեր և իր բոլոր ծայրակետերի ուռուցիկ թաղանթն է:

Սահմանում 2.2.3: Ուռուցիկ K կոնը կոչվում է *բազմանիստ կոն*, եթե այն համընկնում է իր վերջավոր թվով կետերի կոնական թաղանթի հետ:

Առանց ապացուցման բերենք նաև հետևյալ ինտուիտիվ ակներև փաստը:

Թեորեմ 2.2.3: Բազմանիստ կոնը փակ է:

Սահմանում 2.2.4: $x \in R^n, x \neq 0$ վեկտորը կոչվում է *ծայրային*, եթե այն փաստից, որ $x = \frac{1}{2}x' + \frac{1}{2}x''$, $x', x'' \in K$ հետևում է, որ $x' = \lambda x, x'' = \mu x$ որևէ $\lambda \geq 0, \mu \geq 0$ համար:

Սահմանում 2.2.5: K կոնը անվանում են *սուր կոն*, եթե $x \in K$ և $-x \in K$ պայմաններից հետևում է, որ $x = 0$:

Սուր կոների համար կարելի է ապացուցել հետևյալ թեորեմը (տես, օրինակ, [5]):

Թեորեմ 2.2.4: Սուր բազմանիստ կոնը իր ծայրային վեկտորների վերջավոր բազմության կոնական թաղանթն է:

Այժմ դիտարկենք գծային անհավասարությունների համակարգեր՝

$$\begin{aligned} a_{11}x_1 + a_{12}x_2 + \dots + a_{1n}x_n &\leq b_1 \\ a_{21}x_1 + a_{22}x_2 + \dots + a_{2n}x_n &\leq b_2 \\ \dots & \\ a_{m1}x_1 + a_{m2}x_2 + \dots + a_{mn}x_n &\leq b_m : \end{aligned} \tag{2.2.1}$$

Եթե գործակիցների մատրիցը նշանակենք A -ով, b -ով՝ (b_1, b_2, \dots, b_m) սյունը, ապա այս համակարգը համառոտ կարելի է գրել հետևյալ կերպ՝

$$Ax \leq b, \tag{2.2.2}$$

որտեղ $x = (x_1, x_2, \dots, x_n)$: Եթե A մատրիցի i -երրորդ տողը նշանակենք a_i -ով, ապա (2.2.1) համակարգը կարելի է ներկայացնել նաև հետևյալ տեսքով՝

$$\langle a_i, x \rangle \leq b_i, i = 1, 2, \dots, m: \quad (2.2.3)$$

(2.2.1) համակարգի բոլոր լուծումների բազմությունը նշանակենք X -ով, այսինքն՝ $X = \{x \in R^n : Ax \leq b\}$:

Թեորեմ 2.2.5. $X = \{x \in R^n : Ax \leq b\}$ բազմությունը (եթե դատարկ չէ) ուռուցիկ փակ բազմություն է:

Ապացույց. Դիցուք $x', x'' \in X$: Կազմենք $\alpha x' + (1 - \alpha)x'' = x$, որտեղ $\alpha \in (0, 1)$: Կստանանք՝ $Ax = \alpha Ax' + (1 - \alpha)Ax'' \leq \alpha b + (1 - \alpha)b = b$: Այսպիսով, X -ը ուռուցիկ է: Փակությունը ցույց տալու համար վերցնենք X բազմության կետերի կամայական զուգամետ $x^k, k = 1, 2, \dots$ հաջորդականություն՝ $\lim_{k \rightarrow \infty} x^k = \bar{x}$: Քանի որ Ax ֆունկցիան անընդհատ է, ապա $Ax^k \leq b, k = 1, 2, \dots$ անհավասարության մեջ անցնելով սահմանի, կստանանք $A\bar{x} \leq b$:

Հեշտ է տեսնել, որ եթե $x^0 \in X$ կետի համար (2.2.3) համակարգի բոլոր անհավասարությունները խիստ են՝ $\langle a_i, x^0 \rangle < b_i, i = 1, 2, \dots, m$, ապա այդ կետը X բազմության ներքին կետ է: Իրոք, քանի որ անհավասարությունների թիվը վերջավոր է, ապա կարելի է նշել այնպիսի $\varepsilon > 0$, որ եթե $\delta = (\delta_1, \delta_2, \dots, \delta_n)$ վեկտորի երկարությունը փոքր է ε -ից՝ $\|\delta\| < \varepsilon$, ապա բավարարվում են $\langle a_i, x^0 + \delta \rangle \leq b_i, i = 1, 2, \dots, m$ անհավասարությունները, այսինքն $x^0 + \delta$ կետը նույնպես պատկանում է X -ին:

Առանձնակի հետաքրքրություն են ներկայացնում X բազմության ծայրակետերը: Ակներև է, որ ծայրակետը չի կարող լինել ներքին կետ: Իրոք, ցանկացած x^0 ներքին կետ կարելի է ներկայացնել $x^0 = 1/2(x^0 + \delta) + 1/2(x^0 - \delta)$ տեսքով, որտեղ $x^0 + \delta, x^0 - \delta \in X$, որը հակասում է ծայրակետի սահմանմանը: Այսպիսով, ծայրակետը կարող է լինել X բազմության միայն եզրային կետ և, հետևաբար, ծայրակետերը հարկավոր է փնտրել (2.2.3) համակարգի այնպիսի լուծումների մեջ, որոնց համար

այդ համակարգի անհավասարություններից առնվազն մեկը հավասարություն է: Այդ հանգամանքը հանգեցնում է հետևյալ սահմանմանը:

Սահմանում 2.2.6: $x^0 \in X$ եզրային կետի *կրիչ* կանվանենք (2.2.3) համակարգի այն բոլոր հավասարությունների բազմությունը, որոնց բավարարում է այդ կետը, այսինքն այն բոլոր $\langle a_i, x^0 \rangle = b_i$ հիպերհարթությունների բազմությունը, որոնց հատմանը այն պատկանում է: Նշանակենք՝ $I(x^0) = \{i : \langle a_i, x^0 \rangle = b_i\}$:

Այս դեպքում $x^0 \in X$ եզրային կետի համար (2.2.3) համակարգը կընդունի հետևյալ տեսքը՝

$$\langle a_i, x \rangle = b_i, \quad i \in I(x^0); \quad \langle a_i, x \rangle < b_i, \quad i \notin I(x^0):$$

A_+ -ով նշանակենք A մատրիցի $i \in I(x^0)$ տողերից բաղկացած մատրիցը: Հետևյալ թեորեմն ամբողջությամբ բնութագրում է X բազմության ծայրակետերը: Թեորեմի ապացույցը կարելի է գտնել, օրինակ, [5]-ում:

Թեորեմ 2.2.6: $x^0 \in X$ կետը հանդիսանում է X բազմության ծայրակետ այն, և միայն այն դեպքում, եթե A_+ մատրիցի ռանգը հավասար է n -ի:

Քանի որ, ըստ այս թեորեմի, X բազմության յուրաքանչյուր ծայրակետ ամբողջությամբ բնորոշվում է A մատրիցի քառակուսային չվերասերված ենթամատրիցով, իսկ այդպիսի ենթամատրիցների թիվը վերջավոր է, ապա որպես հետևանք ստանում ենք հետևյալ կարևոր պնդումը:

Թեորեմ 2.2.7: X բազմության ծայրակետերի թիվը վերջավոր է:

Թեորեմ 2.2.8: Եթե ոչ դատարկ $X = \{x \in R^n : Ax \leq b\}$ բազմությունը սահմանափակ է, ապա այն ուռուցիկ բազմանիստ է:

Թեորեմի պնդումը հետևում է ուռուցիկ բազմանիստի 2.2.2 սահմանումից և 2.2.2 թեորեմից:

Ճիշտ է նաև հակառակ պնդումը.

Թեորեմ 2.2.9: R^n -ում ցանկացած փակ ուռուցիկ բազմություն կարելի է ներկայացնել որպես գծային անհավասարությունների որևէ (վերջավոր կամ անվերջ) համակարգի լուծումների բազմություն:

Համանմանորեն կարելի է ապացուցել հետևյալ պնդումը:

Թեորեմ 2.2.10: $K = \{x \in R^n : Ax \leq 0\}$ բազմությունը ուռուցիկ բազմանիստ կոն է:

Գծային անհավասարությունների համակարգեր ուսումնասիրելիս մեծ դեր է խաղում *Ֆարկաշի լեմբ*: Գրականության մեջ օգտագործվում են այդ լեմի տարբեր ձևակերպումներ:

Թեորեմ 2.2.11: Որպեսզի $Ax \leq 0, \langle c, x \rangle > 0$ անհավասարությունների համակարգը ունենա լուծում, անհրաժեշտ է և բավարար, որ $A^T y = c$ համակարգը չունենա ոչ բացասական լուծում:

Ապացույց. *Անհրաժեշտությունը:* Դիցուք գոյություն ունի այնպիսի $y \in R^m$, որ $A^T y = c, y \geq 0$: Այդ դեպքում,

$$\langle c, x \rangle = \langle A^T y, x \rangle = \langle Ax, y \rangle:$$

Հետևաբար, եթե $Ax \leq 0$, ապա $\langle c, x \rangle \leq 0$:

Բավարարությունը: Ենթադրենք, որ $A^T y = c$ համակարգը չունի ոչ բացասական լուծում: Դիտարկենք A մատրիցի $a_i, i = 1, 2, \dots, m$ վեկտոր-տողերի K կոնական թաղանթը:

Կոնական թաղանթը պարունակում է $a_i, i = 1, 2, \dots, m$ կետերի բոլոր ոչ բացասական գծային կոմբինացիաները, այսպիսով c վեկտորը չի պատկանում K կոնին (այլ կերպ կոմբինացիայի գործակիցները կհանդիսանային $A^T y = c$ համակարգի ոչ բացասական լուծումը): Անջատելիության 2.1.2 թեորեմի համաձայն գոյություն ունի հենքային հիպերհարթություն, որն անջատում է c կետը K կոնից: Քանի որ ուռուցիկ կոնի բոլոր հենքային հիպերհարթությունները անցնում են սկզբնակետով (տես, թեորեմ 2.1.6), ապա այդ հարթության հավասարումը կունենա $\langle x, a \rangle = 0$ տեսքը: Այսինքն,

գոյություն ունի $x^0 = (x_1, x_2, \dots, x_n)$ վեկտոր, որի բոլոր բաղադրիչները միաժամանակ 0 չեն և, քանի որ K կոնը փակ է (տես, թեորեմ 2.2.3)

$$\langle x^0, c \rangle > 0, \langle x^0, a \rangle \leq 0, a \in K :$$

Քանի որ $a_i, i = 1, 2, \dots, m$ կետերը պատկանում են K կոնին, կստանանք՝

$$\langle x^0, a_i \rangle = \sum_{j=1}^n a_{ij} x_j \leq 0, i = 1, 2, \dots, m; \quad \langle x^0, c \rangle > 0,$$

Այսինքն՝ x^0 -ն $Ax \leq 0, \langle c, x \rangle > 0$ համակարգի լուծում է:

Որպես հետևանք բերենք Ֆարկաշի լեմի ևս երկու ձևակերպումներ:

Թեորեմ 2.2.12: Տեղի ունի հետևյալ այլընտրանքը՝ կամ $A^T y \geq c$ համակարգը ունի ոչ բացասական լուծում, կամ ոչ բացասական լուծում ունի $Ax \leq 0, \langle c, x \rangle > 0$ համակարգը:

Թեորեմ 2.2.13: Տեղի ունի հետևյալ այլընտրանքը՝ կամ $Ax \leq b$ համակարգը ունի ոչ բացասական լուծում, կամ ոչ բացասական լուծում ունի $A^T y \geq 0, \langle b, y \rangle < 0$ համակարգը:

2.3. ՈՒՈՈՒՑԻԿ ԵՎ ԳՈԳԱՎՈՐ ՖՈՒՆԿՑԻԱՆԵՐ

Սահմանում 2.3.1: Ուռուցիկ X բազմության վրա որոշված $f(x)$ իրականարժեք ֆունկցիան անվանում են *ուռուցիկ*, եթե ցանկացած երկու՝ $x, y \in X$ կետերի և $\alpha \in (0,1)$ համար տեղի ունի

$$f(\alpha x + (1-\alpha)y) \leq \alpha f(x) + (1-\alpha)f(y):$$

$f(x)$ ֆունկցիան անվանում են *գոգավոր*, եթե $-f(x)$ ֆունկցիան ուռուցիկ է, այսինքն՝

$$f(\alpha x + (1-\alpha)y) \geq \alpha f(x) + (1-\alpha)f(y)$$

ցանկացած $x, y \in X$ և $\alpha \in [0,1]$ համար: Եթե այս անհավասարությունները խիստ անհավասարություններ են, ապա ֆունկցիաներն անվանում են համապատասխանաբար խիստ ուռուցիկ և խիստ գոգավոր:

Նշենք, որ գծային ֆունկցիան միաժամանակ և ուռուցիկ է և գոգավոր:

Բերենք ուռուցիկ և գոգավոր ֆունկցիաների մի քանի հատկություններ:

2.2.3.1. X ուռուցիկ բազմության վրա որոշված ցանկացած $f(x)$ ուռուցիկ (գոգավոր) ֆունկցիայի և c իրական թվի համար

$$Y = \{x \in X : f(x) \leq c\}, \quad (Y = \{x \in X : f(x) \geq c\})$$

բազմությունը ուռուցիկ բազմություն է:

Այս պնդումը անմիջականորեն հետևում է ուռուցիկ ֆունկցիայի սահմանումից:

2.2.3.2. (*Յենսընի անհավասարությունը*) Եթե $f(x)$ -ը ուռուցիկ է (գոգավոր է) X ուռուցիկ բազմության վրա, ապա ցանկացած $x_i \in X$ կետերի և $\alpha_i \geq 0, i = 1, 2, \dots, k; \sum_{i=1}^k \alpha_i = 1$ թվերի համար

$$f\left(\sum_{i=1}^k \alpha_i x_i\right) \leq \sum_{i=1}^k \alpha_i f(x_i) \quad \left(f\left(\sum_{i=1}^k \alpha_i x_i\right) \geq \sum_{i=1}^k \alpha_i f(x_i) \right):$$

Այս անհավասարությունները հեշտությամբ ապացուցվում են մաթեմատիկական ինդուկցիայի եղանակով:

Հետևյալ թեորեմի ապացույցը կարելի է գտնել մաթեմատիկական անալիզի դասագրքերում:

Թեորեմ 2.3.1. Դիցուք $f(x)$ -ը ուռուցիկ (գոգավոր) է $X \subset \mathbb{R}$ ուռուցիկ բազմության վրա: Այդ դեպքում $f(x)$ -ը անընդհատ է X բազմության բոլոր ներքին կետերում և այդ կետերում ունի աջակողմյան և ձախակողմյան ածանցյալներ, որոնք բավարարում են հետևյալ անհավասարությանը՝ $f'_-(x) \leq f'_+(x)$ ($f'_-(x) \geq f'_+(x)$):

Թեորեմ 2.3.2. Դիցուք $f(x)$ -ը ուռուցիկ (գոգավոր) է X ուռուցիկ բազմության վրա: Այդ դեպքում $f(x)$ ֆունկցիայի լոկալ մինիմումը նաև գլոբալ մինիմում է (լոկալ մաքսիմումը նաև գլոբալ մաքսիմում է): Խիստ ուռուցիկության կամ գոգավորության դեպքում այն միակն է:

Ապացույց. Որոշակիության համար ենթադրենք, որ $f(x)$ -ը գոգավոր է: Դիցուք $x^* \in X$ ֆունկցիայի լոկալ մաքսիմումի կետ է, այսինքն գոյություն ունի $I \subseteq X$, $x^* \in I$ շրջակայք, որ ցանկացած $x \in I$ համար

$$f(x^*) \geq f(x):$$

Ենթադրենք, որ $x^* \in X$ կետը գլոբալ մաքսիմումի կետ չէ: Այդ դեպքում պետք է գոյություն ունենա այնպիսի $x' \in X$, որի համար

$$f(x') > f(x^*):$$

Վերցնենք $\alpha \in (0,1)$ և կազմենք $x = \alpha x^* + (1-\alpha)x'$ կոմբինացիան: Քանի որ X -ը ուռուցիկ է, ապա $x \in X$ և

$$f(x) \geq \alpha f(x^*) + (1-\alpha)f(x') > \alpha f(x^*) + (1-\alpha)f(x^*) = f(x^*):$$

Այս անհավասարությունը հակասում է նրան, որ x^* -ը լոկալ մաքսիմումի կետ է, քանի որ բավականաչափ 1-ին մոտիկ α -ների համար x -ը կպատկանի I շրջակայքին:

Թեորեմ 2.3.3. Դիցուք $f(x)$ -ը ուռուցիկ է (գոգավոր է) իրական առանցքի որևէ I միջակայքում և ածանցելի է այդ միջակայքի որևէ u կետում: Այդ դեպքում, ցանկացած $v \in I$ համար

$$f'(u)(v-u) \leq f(v) - f(u), \quad (f'(u)(v-u) \geq f(v) - f(u)):$$

Ապացույց. Քանի որ $f(x)$ -ը ենթադրել ենք ուռուցիկ, ապա ցանկացած $\alpha \in [0, 1]$ համար՝

$$f(u + \alpha(v-u)) \leq f(u) + \alpha[f(v) - f(u)],$$

$$f(u + \alpha(v-u)) - f(u) \leq \alpha[f(v) - f(u)],$$

$$\frac{(v-u)[f(u + \alpha(v-u)) - f(u)]}{\alpha(v-u)} \leq f(v) - f(u):$$

Ձգտեցնելով α -ն 0-ի և հաշվի առնելով, որ $f(x)$ -ը ածանցելի է u կետում, կստանանք թեորեմի պնդումը:

Թեորեմ 2.3.4. Դիցուք $f(x)$ -ը ուռուցիկ է իրական առանցքի որևէ I միջակայքում, $r, s, t \in I$ և $r < s < t$: Այդ դեպքում տեղի ունեն հետևյալ անհավասարությունները՝

$$\frac{f(s) - f(r)}{s - r} \leq \frac{f(t) - f(r)}{t - r} \leq \frac{f(t) - f(s)}{t - s}:$$

Ապացույց. Օգտվելով

$$1 = \frac{t-s}{t-r} + \frac{s-r}{t-r}, \quad s = \frac{t-s}{t-r}r + \frac{s-r}{t-r}t$$

նույնություններից, կստանանք՝

$$f(s) \leq \frac{t-s}{t-r}f(r) + \frac{s-r}{t-r}f(t):$$

Պահանջվող անհավասարությունները ստացվում են այստեղից ոչ բարդ ձևափոխությունների միջոցով:

Մեզ հարկավոր կլինի նաև թեորեմ 2.3.3-ի ընդհանրացումը R^n -ի վրա: Բերենք այդ թեորեմն առանց ապացուցման:

Թեորեմ 2.3.5. Դիցուք $f(x)$ -ը ուռուցիկ է (գոգավոր է) R^n -ի վրա և ունի անընդհատ մասնակի ածանցյալներ: Այդ դեպքում բոլոր $u, v \in R^n$ համար՝

$$\langle \nabla f(u), v - u \rangle \leq f(v) - f(u), \quad (\langle \nabla f(u), v - u \rangle \geq f(v) - f(u)),$$

որտեղ՝ $\nabla f = \left(\frac{\partial f}{\partial x_1}, \frac{\partial f}{\partial x_2}, \dots, \frac{\partial f}{\partial x_n} \right)$:

ՕԳՏԱՎԵՏՈՒԹՅԱՆ ՏԵՍՈՒԹՅՈՒՆ

Որոշումներ ընդունելու խնդիրները հիմնականում գործ ունեն թույլատրելի որոշումների բազմությունների և այդ բազմությունների վրա տրված նախընտրելիության հարաբերությունների հետ: Նախընտրելիության հարաբերությունների դիտարկումը կապված է այն հանգամանքի հետ, որ շատ կիրառություններում որոշում ընդունողն ի վիճակի չէ քանակապես հաշվել կամ գնահատել այն ելքը, որին կհանգեցնի այս կամ այն որոշումը: Սակայն նա համարյա միշտ կարող է որոշ (պարտադիր չէ բոլոր) ելքերի գույգերի համար նշել, թե այդ երկու ելքերից ինքը որն է նախընտրում: Օգտավետության տեսությունը փորձում է պատասխանել այն հարցին, թե հնարավոր է արդյոք, հիմնվելով միայն անցկացրած համեմատությունների վրա, համեմատվող որոշումներին վերագրել այնպիսի քանակական գնահատականներ, որ նախընտրելի որոշմանը համապատասխանի ավելի մեծ գնահատական:

Օգտավետության տեսության ընդհանուր խնդիրը կարելի է ձևակերպել հետևյալ կերպ: Դիցուք տրված է որոշումներ ընդունելու խնդիր՝ $\langle X, \succ \rangle$, որտեղ X -ը կամայական բազմություն է, որն անվանում են *պատահույթների բազմություն*, \succ -ը որևէ բինար հարաբերություն է X -ի վրա: Ընդունված է ենթադրել, որ այդ հարաբերությունը բավարարում է թույլ գծային կարգավորվածության հարաբերության պայմաններին: Հաճախ ավելի հարմար է լինում դիտարկել երկու հարաբերություններ՝ \succ -իստ նախընտրելիություն և \square - համարժեքություն: Ավելի ստույգ. Դիցուք տրված է $\langle X, \succ, \square \rangle$ համակարգ, որտեղ X -ը կամայական բազմություն է, իսկ հարաբերությունները բավարարում են հետևյալ աքսիոմներին՝

- Ցանկացած երկու՝ $x \in X, y \in X$ պատահույթների համար տեղի ունի հետևյալ երեք պնդումներից մեկը՝ $x \succ y, y \succ x, x \square y$,
- $x \square x$ ցանկացած $x \in X$ համար,
- Եթե $x \square y$, ապա $y \square x$,
- Եթե $x \square y$ և $y \square z$, ապա $x \square z$,
- Եթե $x \succ y$ և $y \succ z$, ապա $x \succ z$,
- Եթե $x \succ y$ և $y \square z$, ապա $x \succ z$,
- Եթե $x \square y$ և $y \succ z$, ապա $x \succ z$:

(3.1.1)

Այժմ անցնենք օգտավետության տեսության հիմնական խնդրին՝ կառուցել այնպիսի $u: X \rightarrow R$ ֆունկցիա, որպեսզի ցանկացած $x \in X, y \in X$ պատահույթների համար՝ $u(x) > u(y)$, այն և միայն այն դեպքում, երբ $x \succ y$:

Այսպիսի ֆունկցիաներն անվանում են *օգտավետության ֆունկցիաներ*: Կան օգտավետության ֆունկցիաների կառուցման տարբեր մոտեցումներ: Այստեղ կդիտարկվի միայն հավանականային մոտեցումը: Ընդհանուր դեպքում որոշումները կարող են ընդունվել անորոշության պայմաններում, այսինքն՝ որոշումը կարող է հանգեցնել մի քանի ելքերի, ընդ որում, որոշում ընդունելիս հայտնի չէ, թե ելքերից որը կիրականանա: Այս հանգամանքը հարկադրում է դիտարկել այսպես կոչված ”վիճակախաղեր”։ Անցնենք ֆորմալ սահմանումներին:

Դիցուք որևէ որոշում կարող է հանգեցնել երկու՝ x և y ելքերի, համապատասխանաբար, p և $(1-p)$ հավանականություններով: Այս դեպքում որոշման ելքը կոչվում է *վիճակախաղ* և նշանակվում է $px+(1-p)y$: Սա հանրահաշվական արտահայտությունն է, այլ միայն պայմանական նշանակումն է այն բանի, որ p հավանականությամբ կարող է հանդես գալ x պատահույթը, իսկ $(1-p)$ հավանականությամբ՝ y պատահույթը: Նմանապես կարելի է սահմանել վիճակախաղեր երեք և ավելի ելքերով: Ենթադրվում է, որ վիճակախաղերը նույնպես պատահույթներ են, հետևաբար կարող են լինել վիճակախաղեր, ոոնց ելքերը վիճակախաղեր են: Բացի այդ պահանջենք, որ ցանկացած $x, y, z \in X$ և $p, q \in [0, 1]$ համար վիճակախաղերը բավարարեն հետևյալ աքսիոմներին՝

$$\mathbf{U.1.} \quad px+(1-p)x = x,$$

$$\mathbf{U.2.} \quad px+(1-p)y = (1-p)y + px,$$

$$\mathbf{U.3.} \quad px+(1-p)[qy+(1-q)z] = px+(1-p)qy+(1-p)(1-q)z:$$

Դժվար չէ տեսնել, որ այս աքսիոմները թույլ են տալիս վարվել վիճակախաղերի հետ այնպես, ինչպես սովորական հանրահաշվական արտահայտության հետ:

Քանի որ ենթադրվում է, որ վիճակախաղերը նույնպես պատահույթներ են, ապա նախընտրելիության հարաբերությունները կարելի է տարածել նաև վիճակախաղերի վրա՝

Ա.4. Եթե $x \sqsubseteq z$, ապա ցանկացած $y \in X, p \in [0,1]$ համար՝

$$px + (1-p)y \sqsubseteq pz + (1-p)y,$$

Ա.5. Եթե $x \succ z$, ապա ցանկացած $y \in X, p \in [0,1]$ համար՝

$$px + (1-p)y \succ pz + (1-p)y:$$

Բացի այս արքսիոմներից, կենթադրենք, որ վիճակախաղերի բազմությունը բավարարում է նաև, այդպես կոչված, “լրիվության” արքսիոմին:

Ա.6. Դիցուք $x \succ y \succ z$: Այս դեպքում գոյություն ունի այնպիսի $p \in [0,1]$, որ

$$y \sqsubseteq px + (1-p)z:$$

X բազմության տարրերից կազմված բոլոր հնարավոր վիճակախաղերի բազմությունը նշանակենք \tilde{X} -ով: Ակնհայտ է, որ $\tilde{X} \supseteq X$: Սովորաբար կիրառություններում ենթադրվում է, որ X -ը n -չափանի էվկլիդեսյան տարածության ենթաբազմություն է՝ $X \subseteq R^n$ և այդ դեպքում \tilde{X} բազմությունը կարելի է պատկերացնել որպես X -ի ուռուցիկ թաղանթ:

Լեմ 3.1.1. Եթե $p_1 > p_2$ և $x \succ y$, ապա

$$p_1x + (1-p_1)y \succ p_2x + (1-p_2)y:$$

Ապացույց: Քանի որ $p_1 > p_2$, ապա $0 < p_1 - p_2 < 1 - p_2$: Օգտվելով Ա.1 արքսիոմից և

$$\frac{p_1 - p_2}{1 - p_2} + \frac{1 - p_1}{1 - p_2} = 1$$

նույնությունից, կստանանք, որ

$$\frac{p_1 - p_2}{1 - p_2} y + \frac{1 - p_1}{1 - p_2} y = y:$$

Ըստ Ա.3 արքսիոմի՝

$$p_1x + (1 - p_1)y = p_2x + (1 - p_2)\left(\frac{p_1 - p_2}{1 - p_2}x + \frac{1 - p_1}{1 - p_2}y\right):$$

Հետևաբար, Ա.5 արքիոմից՝

$$p_1x + (1 - p_1)y > p_2x + (1 - p_2)y:$$

Հետևանք. Ա.6 արքիոմով որոշվող p -ն միակն է և $p \in (0, 1)$:

Այժմ անցնենք օգտավետության ֆունկցիաների գոյության խնդրին: Քանի որ ավելացնելով վիճակախաղերը մենք ընդլայնեցինք որոշումների բազմությունը, ապա հարկավոր է որոշել նաև վիճակախաղերի օգտավետությունը: Քանի որ վիճակախաղի ելքը պատահական է, ապա վիճակախաղի օգտավետությունը բնական է սահմանել որպես օգտավետության մաթեմատիկական սպասում, այսինքն՝

$$u(px + (1 - p)y) = pu(x) + (1 - p)u(y): \quad (3.1.2)$$

Թեորեմ 3.1.1. Դիցուք X բազմությունը լիովին կարգավորյալ է նախընտրելիության հարաբերություններով (բավարարում է 4.1 արքիոմներին) և վիճակախաղերը բավարարում են Ա.1-Ա.6 արքիոմներին: Այդ դեպքում գոյություն ունի այնպիսի $u: \tilde{X} \rightarrow R$ ֆունկցիա, որ ցանկացած $x, y \in \tilde{X}$ և $p \in (0, 1)$ համար՝

$$1. u(x) > u(y) \Leftrightarrow x > y,$$

$$2. u(px + (1 - p)y) = pu(x) + (1 - p)u(y):$$

Բացի այդ, $u(x)$ ֆունկցիան միակն է դրական գծային ձևափոխության ճշտությամբ, այսինքն՝ յուրաքանչյուր այլ $v(x)$ օգտավետության ֆունկցիայի համար կգտնվեն այնպիսի $a > 0$ և b իրական թվեր, որ $v(x) = au(x) + b$:

Ապացույց: Վերցնենք երկու կամայական $e_1, e_0 \in \tilde{X}$, այնպիսիք, որ $e_1 > e_0$: Եթե այդպիսիք գոյություն չունեն, այսինքն բոլոր պատահույթները համարժեք են, ապա կվերցնենք $u(x) \equiv 0$:

Այժմ, դիցուք $x \in \tilde{X}$ -ը կամայական պատահույթ է: Քանի որ \tilde{X} -ը լիովին կարգավորյալ է, ուստի հնարավոր են հետևյալ հինգ դեպքերը՝ 1) $x > e_1$, 2) $x \square e_1$, 3) $e_1 > x > e_0$, 4) $x \square e_0$, 5) $e_0 > x$: Այս դեպքերից յուրաքանչյուրի համար կառուցենք օգտավետության ֆունկցիան:

1. $x > e_1 > e_0$: Այս դեպքում, ըստ Ա.6 աքսիոմի, գոյություն ունի $p \in (0, 1)$ այնպես, որ $e_1 \square px + (1-p)e_0$: Վերցնենք՝ $u(x) = \frac{1}{p}$:

2. $x \square e_1$: Այս դեպքում վերցնենք $u(x) = 1$:

3. $e_1 > x > e_0$: Այս դեպքում, ըստ Ա.6 աքսիոմի, գոյություն ունի $p \in (0, 1)$ այնպես, որ $x \square pe_1 + (1-p)e_0$: Վերցնենք՝ $u(x) = p$:

4. $x \square e_0$: Այս դեպքում վերցնենք $u(x) = 0$:

5. $e_1 > e_0 > x$: Այս դեպքում, ըստ Ա.6 աքսիոմի, գոյություն ունի $p \in (0, 1)$ այնպես, որ $e_0 \square pe_1 + (1-p)x$: Վերցնենք՝ $u(x) = \frac{p}{p-1}$:

Այսպիսով, $u(x)$ ֆունկցիան որոշեցինք բոլոր $x \in \tilde{X}$ համար: Ապացուցենք, որ այն բավարարում է (3.1.1) և (3.1.2) պայմաններին: Դիցուք $x, y \in \tilde{X}$, $x > y$: Այս պատահույթներից յուրաքանչյուրի համար կարող է տեղի ունենալ 1-5 դեպքերից մեկը: Հետևաբար, թեորեմն ամբողջությամբ ապացուցելու համար հարկավոր է դիտարկել բոլոր 25 դեպքերը: Մենք թեորեմը կապացուցենք միայն մեկ՝ $e_1 > x > y > e_0$ դեպքի համար:

Դիցուք՝ $x \square pe_1 + (1-p)e_0$, $y \square qe_1 + (1-q)e_0$, այսինքն՝ $u(x) = p$, $u(y) = q$: Եթե $p > q$, ապա, ըստ լեմ 4.1-ի՝

$$x \square pe_1 + (1-p)e_0 > qe_1 + (1-q)e_0 \square y:$$

Եվ հակառակը, եթե $p < q$, ապա՝

$$y \square qe_1 + (1-q)e_0 \succ pe_1 + (1-p)e_0 \square x:$$

Այժմ ցույց տանք $u(x)$ ֆունկցիայի զծային լինելը: Վերցնենք որևէ $s \in (0,1)$ և կազմենք $sx + (1-s)y$ վիճակախաղը.

$$sx + (1-s)y \square s[pe_1 + (1-p)e_0] + (1-s)[qe_1 + (1-q)e_0]:$$

Օգտվելով Ա.3 արքիումից, կստանանք՝

$$sx + (1-s)y \square [sp + (1-s)q]e_1 + [s(1-p) + (1-s)(1-q)]e_0:$$

Եվ, քանի որ բոլոր պատահույթները համապատասխանում են 3-րդ դեպքին, ապա՝

$$u(sx + (1-s)y) = sp + (1-s)q = su(x) + (1-s)u(y):$$

Այժմ ցույց տանք օգտավետության ֆունկցիայի միակությունը: Դիցուք, բացի կառուցված $u(x)$ ֆունկցիայից, գոյություն ունի նաև մեկ այլ՝ $v(x)$ ֆունկցիա, որը նույնպես բավարարում է (3.1.1) և (3.1.2) պայմաններին: Այդ դեպքում, քանի որ ենթադրվել է, որ $x \square pe_1 + (1-p)e_0$, ապա՝

$$v(x) = v(pe_1 + (1-p)e_0) = pv(e_1) + (1-p)v(e_0) = p(v(e_1) - v(e_0)) + v(e_0):$$

Քանի որ $v(e_1), v(e_0)$ -երը կախված չեն x -ից, նշանակենք՝ $v(e_1) - v(e_0) = a, v(e_0) = b$ ($a > 0$, քանի որ $v(e_1) > v(e_0)$) և, հաշվի առնելով, որ $p = u(x)$, վերջնականապես կստանանք՝

$$v(x) = au(x) + b:$$

Տեստազիտությունում օգտավետության ֆունկցիան կիրառվում է ապրանքների հավաքածուների գնահատման համար: Ենթադրվում է, որ շուկայում ներկա են n տեսակի ապրանքներ և եթե x_i -ով նշանակենք i -րդ տեսակի ապրանքի քանակը, ապա հավաքածուն n -չափանի վեկտոր է՝ $x = (x_1, x_2, \dots, x_n) \in R^n$: Այս դեպքում պատահույթների բազմությունը n -չափանի էվկլիդեսյան տարածության ենթաբազմություն է՝ $X \subseteq R^n$, իսկ \tilde{X} -ը այդ բազմության ուռուցիկ թաղանթը:

Բնական պահանջներից մեկն այն է, որ օգտավետության $u(x_1, x_2, \dots, x_n)$ ֆունկցիան լինի չնվազող ֆունկցիա ($x \geq y \rightarrow u(x) \geq u(y)$): Բացի այդ, հաճախ ենթադրվում է, որ այն անընդհատ է, ունի անընդհատ մասնակի ածանցյալներ: Մասնակի $\frac{\partial u}{\partial x_i}$ ածանցյալները անվանում են *ֆիկտիվ կամ արդար գներ*:

- Ասում են, որ i -րդ ապրանքը ենթակա է *եկամտի նվազման օրենքի*, եթե՝

$$\frac{\partial^2 u}{\partial x_i^2} \leq 0:$$

- Ասում են, որ i -րդ ապրանքը *փոխարինելի* է j -րդ ապրանքով, եթե՝ $\frac{\partial^2 u}{\partial x_i \partial x_j} \leq 0$

:

- Ասում են, որ i -րդ և j -րդ ապրանքները *լրացուցիչ* են միմիանց նկատմամբ, եթե՝

$$\frac{\partial^2 u}{\partial x_i \partial x_j} = \frac{\partial^2 u}{\partial x_j \partial x_i} \geq 0:$$

- Ասում են, որ որևէ օրինակ, n -րդ ապրանքը *անջատելի* է, եթե գոյություն ունեն այնպիսի $v(x_1, x_2, \dots, x_{n-1})$ և $\varphi(x_n)$ ֆունկցիաներ, որ՝

$$u(x_1, x_2, \dots, x_n) = v(x_1, x_2, \dots, x_{n-1}) + \varphi(x_n):$$

- Այն դեպքերում, երբ $\varphi(x_n)$ ֆունկցիան զծային է, ասում են, որ այդ ապրանքը *զծայնորեն փոխանցելի* է:

ՄԱԹԵՄԱՏԻԿԱԿԱՆ ԾՐԱԳՐՈՒՄ

4.1 ԿՈՒՆ-ԹԱԿԵՐԻ ԹԵՈՐԵՄ

Առաջին բաժնի 1.2 կետում դիտարկվել է պայմանական էքստրեմումի խնդիրը՝

$$\begin{cases} \max_{x \in X} f(x), \\ X = \{x \in R^n : g_j(x) = 0, j = 1, 2, \dots, m\}, \end{cases}$$

որտեղ նաև բերվել է այս խնդրի լուծման Լագրանժի եղանակը: Սակայն շատ կիրառություններում, օրինակ ժամանակակից տնտեսագիտության շատ խնդիրներում, սահմանափակումները կարող են տրված լինել ոչ միայն հավասարումների, այլ նաև անհավասարությունների տեսքով: Բացի այդ, ֆունկցիաները կարող են չբավարարել այն պայմաններին, որոնք պահանջվում են Լանգրանժի մեթոդի կիրարկման ժամանակ (օրինակ չլինեն դիֆերենցելի):

Դիտարկենք հետևյալ խնդիրը, որն անվանում են մաթեմատիկական ծրագրման ընդհանուր խնդիր.

$$\begin{cases} f(x) \rightarrow \max \\ g_i(x) \geq 0, i = 1, 2, \dots, m : \\ x \in A \subseteq R^n \end{cases} \quad (4.1.1)$$

Այս խնդրում $f(x)$ ֆունկցիան անվանում են նպատակային ֆունկցիա, իսկ

$g_i(x) \geq 0, i = 1, 2, \dots, m$ անհավասարություններն անվանում են խնդրի սահմանափակումներ:

$$G = \{x \in A \subseteq R^n : g_i(x) \geq 0, i = 1, 2, \dots, m\}$$

բազմությունն անվանում են թույլատրելի բազմություն: Խնդիրն անվանում են թույլատրելի, եթե թույլատրելի բազմությունը դատարկ չէ (այսինքն անհավասարությունների համակարգը համատեղելի է A -ում): Խնդիրն անվանում են սահմանափակ, եթե $f(x)$ ֆունկցիան սահմանափակ է վերնից G բազմության վրա:

Բիարկե, (4.1.1) խնդրի լուծման վերաբերյալ կարելի է խոսել միայն այն դեպքում, երբ խնդիրը թույլատրելի է և սահմանափակ: Սակայն իրական խնդիրներ լուծելիս՝ նախորոք անհրաժեշտ պայմանների ստուգումը բերում է բարդությունների, և հնարավոր է միայն խնդրի լուծման ընթացքում:

Մաթեմատիկական ծրագրման (4.1.1) խնդրի համար կառուցենք հետևյալ ֆունկցիան, որը հաճախ անվանում են Լագանժի ֆունկցիա՝

$$L(x, \lambda) = f(x) + \sum_{i=1}^m \lambda_i g_i(x), \quad (4.1.2)$$

որտեղ $\lambda = (\lambda_1, \lambda_2, \dots, \lambda_m), \lambda_i \geq 0, i = 1, 2, \dots, m$: $L(x, \lambda)$ ֆունկցիայի թամբակետ կանվանենք (x^0, λ^0) գույգը, որտեղ $x^0 \in A, \lambda^0 \in R_+^m$, եթե բոլոր $x \in A, \lambda \in R_+^m$ համար տեղի ունի հետևյալ կրկնակի անհավասարությունը՝

$$L(x, \lambda^0) \leq L(x^0, \lambda^0) \leq L(x^0, \lambda): \quad (4.1.3)$$

Հետևալ թեորեմը արտահայտում է (4.1.1) խնդրի լուծման և $L(x, \lambda)$ ֆունկցիայի թամբակետի գոյության կապը:

Թեորեմ 4.1.1 (Կուն-Թաքերի թեորեմ): Եթե գոյություն ունի $L(x, \lambda)$ ֆունկցիայի (x^0, λ^0) թամբակետ, ապա գոյություն ունի (4.1.1) խնդրի լուծում, ընդ որում այդ լուծումը x^0 -ն է:

Դիցուք բոլոր $f(x), g_i(x), (i = 1, 2, \dots, m)$, ֆունկցիաները զոգավոր են, A բազմությունը ուռուցիկ է և գոյություն ունի $x^* \in A$ կետ, այնպիսին, որ $g_i(x^*) > 0, (i = 1, 2, \dots, m)$ (Սլեյթրրի պայման): Այդ դեպքում, եթե (4.1.1) խնդիրն ունի լուծում, ապա $L(x, \lambda)$ ֆունկցիան ունի թամբակետ:

Ապացույց: Նախ ապացուցենք թեորեմի առաջին մասը: Դիցուք (x^0, λ^0) գույգը $L(x, \lambda)$ ֆունկցիայի թամբակետն է, այսինքն՝ բոլոր $x \in A$ և $\lambda \in R_+^m$ վեկտորների համար բավարարվում է (4.1.3) անհավասարությունը, այսինքն՝

$$f(x) + \sum_{i=1}^m \lambda_i g_i(x) \leq f(x^0) + \sum_{i=1}^m \lambda_i^0 g_i(x^0) \leq f(x^0) + \sum_{i=1}^m \lambda_i g_i(x^0): \quad (4.1.4)$$

Այս կրկնակի անհավասարության աջ մասից ստանում ենք, որ բոլոր $\lambda \in R_+^m$ համար

$$\sum_{i=1}^m \lambda_i^0 g_i(x^0) \leq \sum_{i=1}^m \lambda_i g_i(x^0): \quad (4.1.5)$$

Եթե որևէ i_0 համար տեղի ունենար $g_{i_0}(x^0) < 0$ անհավասարությունը, ապա քանի որ (4.1.5) անհավասարությունը բավարարվում է բոլոր $\lambda \in R_+^m$ համար, ընտրելով բավականաչափ մեծ λ_{i_0} կարելի է (4.1.5) անհավասարության աջ մասը դարձնել ցանկացած չափով փոքր: Այս հակասությունից հետևում է, որ բոլոր $i = 1, 2, \dots, m$ համար $g_i(x^0) \geq 0$, այսինքն x^0 -ն (4.1.1) խնդրի թույլատրելի կետ է:

Այժմ դիտարկենք (4.1.4) անհավասարության երկու ծայրերի անդամները՝

$$f(x) + \sum_{i=1}^m \lambda_i^0 g_i(x) \leq f(x^0) + \sum_{i=1}^m \lambda_i g_i(x^0):$$

Այս անհավասարությունը տեղի ունի բոլոր $x \in A$ և $\lambda \in R_+^m$, այդ թվում $\lambda = 0$ համար՝

$$f(x) + \sum_{i=1}^m \lambda_i^0 g_i(x) \leq f(x^0):$$

Բոլոր թույլատրելի x կետերի համար $g_i(x) \geq 0, i = 1, 2, \dots, m$, և հաշվի առնելով, որ $\lambda^0 \in R_+^m$, ունենք, որ $\sum_{i=1}^m \lambda_i^0 g_i(x) \geq 0$: Հետևաբար, բոլոր թույլատրելի x կետերի համար՝

$$f(x) \leq f(x^0), \quad x \in G,$$

այսինքն՝ x^0 -ն (4.1.1) խնդրի լուծումն է:

Այժմ ապացուցենք թեորեմի երկրորդ մասը: Դիցուք՝

$$f(x^0) = \max_{x \in G} f(x), \quad G = \{x \in A \subseteq R^n : g_i(x) \geq 0, i = 1, 2, \dots, m\}:$$

Նշանակենք $g_0(x) = f(x) - f(x^0)$ և դիտարկենք հետևյալ բազմությունը՝

$$E = \{y = (y_0, y_1, \dots, y_m) \in R^{m+1} : \exists x \in A : y_i \leq g_i(x), i = 0, 1, 2, \dots, m\}:$$

Ցույց տանք, որ E բազմությունը ուռուցիկ բազմություն է: Դիցուք՝ $y', y'' \in E, \alpha \in (0, 1)$: E բազմության սահմանումից հետևում է, որ գոյություն ունեն $x', x'' \in X$ այնպիսիք, որ $y' \leq g(x'), y'' \leq g(x'')$: Նշանակենք $y''' = \alpha y' + (1 - \alpha)y''$: Այս վեկտորի i -րդ բաղադրիչի համար կստանանք՝

$$y_i''' = \alpha y_i' + (1 - \alpha)y_i'' \leq \alpha g_i(x') + (1 - \alpha)g_i(x'')$$

Քանի որ բոլոր $g_i(x), i = 0, 1, 2, \dots, m$ ֆունկցիաները ենթադրվել են գոգավոր ֆունկցիաներ, ապա՝

$$\alpha g_i(x') + (1 - \alpha)g_i(x'') \leq g_i(\alpha x' + (1 - \alpha)x'')$$

A բազմությունը ուռուցիկ է, հետևաբար՝ $\alpha x' + (1 - \alpha)x'' \in A$, և այստեղից հետևում է, որ $y''' \in E$:

Քանի որ x^0 -ն (4.1.1) խնդրի լուծումն է, ապա բոլոր թույլատրելի $x \in G$ կետերի համար՝ $g_0(x) \leq 0$: Այսինքն E բազմությունը չի կարող պարունակել ոչ բացասական վեկտորներ, բացի գուցե միայն 0 կետից, հետևաբար չի հատվում R_+^{m+1} դրական օկտանտի ներքին կետերի բազմության հետ: Ուռուցիկ բազմությունների անջատելիության վերաբերյալ թեորեմից (տես թ.2.1.7) E բազմությունը կարելի է անջատել R_+^{m+1} -ից հիպերհարթությամբ, որն անցնում է սկզբնակետով: Անալիտիկորեն սա նշանակում է, որ գոյություն ունեն այնպիսի $(\lambda_0, \lambda_1, \dots, \lambda_m) = \lambda$ թվեր, որոնք միաժամանակ 0 չեն, որ

$$\langle \lambda, z \rangle \geq 0, \quad z \in R_+^{m+1}, \quad (4.1.6)$$

$$\langle \lambda, z \rangle \leq 0, \quad z \in E : \quad (4.1.7)$$

(4.1.6) անհավասարությունը տեղի ունի բոլոր ոչ բացասական վեկտորների համար, այդ թվում նաև՝ միավոր, այսինքն՝

$$\begin{aligned}
e^1 &= (1, 0, 0, \dots, 0), \\
e^2 &= (0, 1, 0, \dots, 0), \\
&\dots\dots\dots \\
&\dots\dots\dots \\
e^{m+1} &= (0, 0, 0, \dots, 1)
\end{aligned}$$

վեկտորների համար:

Տեղադրելով (4.1.6) անհավասարության մեջ, կստանանք

$$\langle \lambda, e^i \rangle = \lambda_{i-1} \geq 0, i = 1, 2, \dots, m+1:$$

Մյուս կողմից, ցանկացած $x \in A$ համար $(g_0(x), g_1(x), \dots, g_m(x))$ վեկտորը պատկանում է E բազմությանը: Տեղադրելով (4.1.7) անհավասարության մեջ, ստանում ենք՝

$$\sum_{i=0}^m \lambda_i g_i(x) \leq 0,$$

այսինքն՝

$$\lambda_0(f(x) - f(x^0)) + \sum_{i=1}^m \lambda_i g_i(x) \leq 0, \quad x \in A:$$

Եթե $\lambda_0 = 0$, ապա այս անհավասարությունը կվերածվի

$$\sum_{i=1}^m \lambda_i g_i(x) \leq 0, \quad x \in A:$$

Սակայն դա հակասում է Սլեյթրի պայմանին, ըստ որի գոյություն ունի $x^* \in A$, որի համար $g_i(x^*) > 0, i = 1, 2, \dots, m$: Ասպիտով, $\lambda_0 > 0$:

Բաժանենք անհավասարությունը λ_0 -ի վրա և նշանակենք $\lambda_i^0 = \frac{\lambda_i}{\lambda_0}, i = 1, 2, \dots, m$:

Կստանանք՝

$$f(x^0) \geq f(x) + \sum_{i=1}^m \lambda_i^0 g_i(x) = L(x, \lambda^0), \quad x \in A: \tag{4.1.8}$$

Քանի որ $g_i(x^0) \geq 0$, $i = 1, 2, \dots, m$, ուստի բոլոր $\lambda \in R_+^m$ համար՝

$$f(x^0) \leq f(x^0) + \sum_{i=1}^m \lambda_i g_i(x^0) = L(x^0, \lambda):$$

Այժմ, եթե (4.1.8) անհավասարության մեջ տեղադրենք $x = x^0$, կստանանք՝

$$f(x^0) + \sum_{i=1}^m \lambda_i^0 g_i(x^0) \leq f(x^0): \quad (4.1.9)$$

Աստեղիգ, քանի որ $\lambda_i^0 \geq 0$, $g_i(x^0) \geq 0$, $i = 1, 2, \dots, m$, ոչ բացասական են, հետևում է, որ

$$\sum_{i=1}^m \lambda_i^0 g_i(x^0) = 0$$

և

$$L(x^0, \lambda^0) = f(x^0) + \sum_{i=1}^m \lambda_i^0 g_i(x^0) = f(x^0) \quad (4.1.10)$$

Միացնելով (4.1.8), (4.1.9) և (4.1.10) անհավասարությունները, ստանում ենք՝

$$L(x, \lambda^0) \leq L(x^0, \lambda^0) \leq L(x^0, \lambda),$$

բոլոր $\lambda \in R_+^m$, $x \in A$ կետերի համար:

Նշենք, որ մաթեմատիկական ծրագրման մինիմալացման խնդրում, այսինքն

$$\begin{cases} f(x) \rightarrow \min \\ g_i(x) \geq 0, i = 1, 2, \dots, m \\ x \in A \subset R^n \end{cases}$$

տեսք ունեցող խնդրում թեորեմի պայմաններում նպատակային ֆունկցիայի գոգավորության պահանջը փոխարինվում է ուռուցիկության պահանջով, իսկ (4.1.3) անհավասարությունը՝

$$L(x, \lambda^0) \geq L(x^0, \lambda^0) \geq L(x^0, \lambda)$$

անհավասարությամբ:

Կուն-Թաքերի թեորեմը շատ պարզ տեսք է ստանում գծային խնդիրներում, այսինքն, երբ $f(x)$, $g_i(x), i=1,2,\dots,m$ ֆունկցիաները գծային են: Բերենք այդ թեորեմն առանց ապացուցման:

Թեորեմ 4.1.2 Որպեսզի մաթեմատիկական ծրագրման գծային խնդրում գոյություն ունենա լուծում, անհրաժեշտ է և բավարար, որ գոյություն ունենա $L(x, \lambda)$ ֆունկցիայի թամբակետ բոլոր $x \geq 0, \lambda \geq 0$ վեկտորների համար:

4.2. ԳԾԱՅԻՆ ԾՐԱԳՐՈՒՄ

Գծային ծրագրման խնդիրը մաթեմատիկական ծրագրման խնդրի մասնավոր դեպքն է, երբ բոլոր $f(x), g_j(x), j = 1, \dots, n$ ֆունկցիաները գծային ֆունկցիաներ են: Այս խնդիրը պատմականորեն ընդունված է ձևակերպել հետևյալ կերպ՝

$$\begin{cases} \sum_{j=1}^n c_j x_j \rightarrow \max, \\ \sum_{j=1}^n a_{ij} x_j \leq b_i, i = 1, \dots, m, \\ x_j \geq 0, j = 1, \dots, n \end{cases} \quad (4.2.1)$$

Նշանակենք՝ $c = (c_1, c_2, \dots, c_n)$, $b = (b_1, b_2, \dots, b_m)$, $A = \{a_{ij}\}_{i=1, m}^{j=1, n}$:

Այս նշանակումներով (4.2.1) խնդիրը կարելի է գրել համառոտ տեսքով՝

$$\begin{cases} \langle c, x \rangle \rightarrow \max, \\ Ax \leq b, \\ x \geq 0 \end{cases} \quad (4.2.1)^*$$

Հարկ է նշել, որ խնդրի այս տեսքը ամենաընդհանուրը չէ, քանի որ կարող է պահանջվել մինիմալացնել նպատակային ֆունկցիան, սահմանափակումները կարող են լինել հավասարությունների տեսքով, իսկ փոփոխականների վրա կարող է դրված չլինել նշանի սահմանափակում: Սակայն $\langle c, x \rangle$ ֆունկցիայի մինիմալացումը համարժեք է բացասական $-\langle c, x \rangle$ ֆունկցիայի մաքսիմալացմանը, հավասարությունը կարելի է փոխարինել երկու անհավասարություններով, իսկ նշանի սահմանափակում չունեցող փոփոխականը կարելի է ներկայացնել երկու դրական փոփոխականների տարբերությամբ: Այդ տեսքով տրված խնդիրը ընդունված է անվանել գծային ծրագրման ընդհանուր կամ ստանդարտ խնդիր:

Գծային ծրագրման խնդիրների կարևորագույն հատկություններից է այդպես կոչված երկակիությունը:

Տրված (4.2.1) կամ (4.1.1)* ստանդարտ խնդրի համար սահմանենք երկակի խնդիր հետևյալ տեսքով՝

$$\begin{cases} \sum_{i=1}^m b_i y_i \rightarrow \min, \\ \sum_{i=1}^m a_{ij} y_i \geq c_j, j = 1, 2, \dots, n, \\ y_i \geq 0, i = 1, 2, \dots, m \end{cases} \quad (4.2.2)$$

կամ, համառոտ տեսքով՝

$$\begin{cases} \langle b, y \rangle \rightarrow \min, \\ A^T y \geq c, \\ y \geq 0. \end{cases} \quad (4.2.2)^*$$

Կարելի է ցույց տալ, որ իր հերթին (4.2.1)* խնդիրը (4.2.2)* խնդրի համար երկակի խնդիր է: Երոք, բերելով (4.2.2)* խնդիրը (4.2.1)* խնդրի տեսքի, կստանանք՝

$$\begin{cases} -\langle b, y \rangle \rightarrow \max, \\ -A^T y \leq -c, \\ y \geq 0: \end{cases}$$

Այս խնդրի համար կազմենք երկակի խնդիրը՝

$$\begin{cases} -\langle c, x \rangle \rightarrow \min, \\ -Ax \geq -b, \\ x \geq 0: \end{cases}$$

Ակնհայտ է, որ այս խնդիրը համընկնում է (4.2.1)* խնդրին: Այսպիսով կարելի է խոսել երկակի խնդիրների զույգերի մասին, չնչելով, հիմնական թե երկակի խնդիր է:

Այժմ բերենք մի քանի հատկություններ, որոնք արտահայտում են երկակի խնդիրների փոխկապվածությունը: (4.2.1) և (4.2.2) խնդիրների թույլատրելի բազմությունները նշանակենք համապատասխանաբար X_1 -ով և X_2 -ով՝

$$X_1 = \{x \in R_+^n : Ax \leq b\},$$

$$X_2 = \{y \in R_+^m : A^T y \geq c\}:$$

Լեմ 4.2.1: Ցանկացած $x \in X_1$, $y \in X_2$ համար

$$\langle c, x \rangle \leq \langle b, y \rangle: \tag{4.2.3}$$

Ապացույց: Քանի որ $x \in X_1$, $y \in X_2$, ապա՝

$$\langle c, x \rangle = \sum_{j=1}^n c_j x_j \leq \sum_{j=1}^n \left(\sum_{i=1}^m a_{ij} y_i \right) x_j = \sum_{i=1}^m \left(\sum_{j=1}^n a_{ij} x_j \right) y_i \leq \sum_{i=1}^m b_i y_i = \langle b, y \rangle:$$

Լեմ 4.2.2: Եթե երկակի խնդիրներից որևէ մեկը թույլատրելի է, ապա մյուս խնդիրը սահմանափակ է:

Ապացույց: Դիցուք (4.2.1) խնդիրը թույլատրելի է, այսինքն գոյություն ունի որևէ $x' \in X_1$: Այդ դեպքում բոլոր $y \in X_2$ համար (4.2.3) անհավասարությունից կհետևի, որ

$$\langle b, y \rangle \geq \langle c, x' \rangle,$$

այսինքն, $\langle b, y \rangle$ ֆունկցիան սահմանափակ է ներքևից: Համանմանորեն, եթե (4.2.2) խնդիրը թույլատրելի է, ապա $\langle c, x \rangle$ ֆունկցիան սահմանափակ է վերևից:

Լեմ 4.2.3: Եթե գոյություն ունեն այնպիսի $x^0 \in X_1$, $y^0 \in X_2$, որ $\langle c, x^0 \rangle = \langle b, y^0 \rangle$, ապա x^0 -ն (4.2.1) խնդրի, իսկ y^0 -ն (4.2.2) խնդրի լուծումներն են:

Ապացույց: (4.2.3) անհավասարությունից հետևում է, որ բոլոր $x \in X_1$ համար

$$\langle c, x \rangle \leq \langle b, y^0 \rangle = \langle c, x^0 \rangle,$$

այսինքն x^0 -ն (4.2.1) խնդրի լուծումն է: Նույն եղանակով ցույց է տրվում, որ y^0 -ն (4.2.2) խնդրի լուծումն է:

Լեմ 6.4. Եթե երկակի խնդիրների գույզից որևէ մեկը թույլատրելի չէ, ապա մյուս խնդիրը անսահմանափակ է:

Ապացույց: Դիցուք (4.2.1) խնդիրը թույլատրելի չէ: Դա նշանակում է, որ $Ax \leq b, x \geq 0$ անհավասարությունների համակարգը անհամատեղելի է: Ըստ թեորեմ 2.2.13 (Ֆարկաշի լեմի տարբերակ) այդ դեպքում ոչ բացասական լուծում ունի հետևյալ համակարգը՝

$$A^T y \geq 0, \langle b, y \rangle < 0 \quad (4.2.6)$$

Դիցուք, (4.2.2) խնդիրը թույլատրելի է և $y^0 \in X_2$: Կազմենք հետևյալ վեկտորը՝ $y' = y^0 + \alpha \bar{y}$, որտեղ \bar{y} -ը (4.2.6) համակարգի ոչ բացասական լուծում է, իսկ α -ն դրական թիվ է: Պարզ է, որ

$$A^T y' = A^T y^0 + \alpha A^T \bar{y} \geq c$$

ցանկացած α դրական թվի համար, այսինքն, $y' \in X_2$: Մյուս կողմից

$$\langle b, y' \rangle = \langle b, y^0 \rangle + \alpha \langle b, \bar{y} \rangle:$$

Այսպիսով, α -ի աճմանը զուգընթաց, նպատակային ֆունկցիայի արժեքը կարելի է դարձնել ցանկացած չափով փոքր: Հետևաբար, (4.2.2) խնդիրը անսահմանափակ է: Ուստի, եթե (4.2.1) խնդիրը թույլատրելի չէ, ապա կամ (4.2.2) խնդիրը թույլատրելի չէ, կամ, եթե թույլատրելի է, ապա անսահմանափակ է:

4.2.2 և 4.2.4 լեմերից հետևում է, որ գծային ծրագրման երկակի խնդիրներից մեկը թույլատրելի է և սահմանափակ այն, և միայն այն դեպքում, երբ թույլատրելի է և սահմանափակ իր երկակի խնդիրը: Հաջորդ հատկությունը նույնպես ցույց է տալիս երկակի խնդիրների սերտ կապվածությունը:

Թեորեմ 4.2.1: Եթե գծային ծրագրման երկակի խնդիրներից մեկն ունի լուծում, ապա մյուս խնդիրը նույնպես ունի լուծում:

Ապացույց: Գծային ծրագրման երկակի խնդիրների համար կազմենք Լագրանժի ֆունկցիաները ըստ (4.1.2) բանաձևի՝

$$L_1(x, \lambda) = \sum_{j=1}^n c_j x_j + \sum_{i=1}^m \lambda_i (b_i - \sum_{j=1}^n a_{ij} x_j),$$

$$L_2(y, \mu) = -\sum_{i=1}^m b_i y_i + \sum_{j=1}^n \mu_j (\sum_{i=1}^m a_{ij} y_i - c_j):$$

Քանի որ $x = (x_1, x_2, \dots, x_n) \geq 0$ և $\mu = (\mu_1, \mu_2, \dots, \mu_n) \geq 0$, ինչպես նաև $y = (y_1, y_2, \dots, y_m) \geq 0$ և $\lambda = (\lambda_1, \lambda_2, \dots, \lambda_m) \geq 0$ փոփոխականները միևնույն չափողականության են և բավարարում են նույն ոչ բացասական լինելու պայմանին, ապա, μ -ի փոխարեն վերցնելով x -ը իսկ λ -ի փոխարեն՝ y -ը, կստանանք՝

$$L_1(x, y) = \sum_{j=1}^n c_j x_j + \sum_{i=1}^m y_i (b_i - \sum_{j=1}^n a_{ij} x_j) = \sum_{j=1}^n c_j x_j + \sum_{i=1}^m b_i y_i - \sum_{i=1}^m \sum_{j=1}^n x_i a_{ij} y_j,$$

$$L_2(y, x) = -\sum_{i=1}^m b_i y_i + \sum_{j=1}^n x_j (\sum_{i=1}^m a_{ij} y_i - c_j) = -\sum_{i=1}^m b_i y_i + \sum_{i=1}^m \sum_{j=1}^n x_i a_{ij} y_j - \sum_{j=1}^n x_j c_j:$$

Այսինքն՝

$$L_1(x, y) = -L_2(y, x):$$

Հետևաբար, եթե մի խնդրի Լագրանժի ֆունկցիան ունի թամբակետ, ապա մյուսը նույնպես ունի թամբակետ: Մնում է կիրառել թեորեմ 4.1.1-ը:

Լեմ 4.2.5: Եթե (x^0, y^0) -ն

$$Ax \leq b, A^T y \geq c, x \geq 0, y \geq 0, \quad (4.2.7)$$

$$\langle c, x \rangle \geq \langle b, y \rangle \quad (4.2.8)$$

համակարգի լուծումն է, ապա x^0 -ն (4.2.1) իսկ y^0 -ն՝ (4.2.2) խնդիրների լուծումներն են:

Ապացույց: Քանի որ x^0 -ն և y^0 -ն բավարարում են (4.2.7) անհավասարություններին, ապա $x^0 \in X_1$, $y^0 \in X_2$: Հետևաբար, ըստ (4.2.3) անհավասարության՝

$$\langle c, x^0 \rangle \leq \langle b, y^0 \rangle:$$

(4.2.8) անհավասարության հետ մեկտեղ ստանում ենք, որ

$$\langle c, x^0 \rangle = \langle b, y^0 \rangle:$$

Կիրառելով լեմ 4.2.3 –ը, ստանում ենք լեմի պնդումը:

Թեորեմ 4.2.2: Եթե գծային ծրագրման (4.2.1) և (4.2.2) երկակի խնդիրների զույգից յուրաքանչյուրը թույլատրելի է, ապա երկուսն էլ ունեն լուծում, ընդ որում խնդիրների նպատակային ֆունկցիաների էքստրեմալ արժեքները հավասար են:

Ապացույց: Նախորդ լեմից հետևում է, որ թեորեմը ապացուցելու համար բավարար է ապացուցել, որ (4.2.7), (4.2.8) համակարգը ունի լուծում: Այդ անհավասարությունների համակարգը կարելի է գրել մատրիցային տեսքով՝

$$\begin{pmatrix} A & 0 \\ 0 & -A^T \\ -c & b \end{pmatrix} \begin{pmatrix} x \\ y \end{pmatrix} \leq \begin{pmatrix} b \\ -c \\ 0 \end{pmatrix}, \quad x \geq 0, y \geq 0: \quad (4.2.9)$$

Դիցուք թեորեմի պնդումը ճիշտ չէ և (4.2.9) համակարգը լուծում չունի: Այդ դեպքում, ըստ թեորեմ 2.2.13 (Ֆարկաշ) լուծում պետք է ունենա հետևյալ համակարգը՝

$$\begin{pmatrix} A^T & 0 & -c \\ 0 & -A & b \end{pmatrix} \begin{pmatrix} v \\ w \\ u \end{pmatrix} \geq 0, \quad (4.2.10)$$

$$\langle v, b \rangle - \langle w, c \rangle < 0, \quad v \geq 0, w \geq 0, u \geq 0:$$

Այստեղ v -ն m -չափանի վեկտոր է, w - ն n -չափանի է, իսկ u -ն թիվ է: (4.2.10) համակարգը կարելի է գրել հետևյալ կերպ՝

$$A^T v - uc \geq 0, -Aw + ub \geq 0, \langle v, b \rangle - \langle w, c \rangle < 0, \quad (4.2.11)$$

$$v \geq 0, w \geq 0, u \geq 0:$$

Ցույց տանք, որ այս համակարգը լուծում չունի (անհամատեղելի է):

Դիցուք $x \in X_1$ և $y \in X_2$ թույլատրելի վեկտորներ են: Այդ դեպքում՝

$$\langle b, v \rangle \geq \langle Ax, v \rangle = \langle A^T v, x \rangle \geq u \langle c, x \rangle,$$

$$\langle w, c \rangle \leq \langle w, A^T y \rangle = \langle Aw, y \rangle \leq u \langle b, y \rangle,$$

այսինքն՝

$$\langle v, b \rangle \geq u \langle c, x \rangle, \langle w, c \rangle \leq u \langle y, b \rangle:$$

Առաջին անհավասարությունից հանելով երկրորդը, ստանում ենք՝

$$0 > \langle b, v \rangle - \langle c, w \rangle \geq u(\langle c, x \rangle - \langle b, y \rangle),$$

որտեղից $u > 0$:

Նշանակենք՝ $\bar{v} = v/u$ և $\bar{w} = w/u$: (4.2.11) անհավասարություններից ստանում ենք՝

$$A^T \bar{v} \geq c, \bar{v} \geq 0,$$

$$A\bar{w} \leq b, \bar{w} \geq 0,$$

$$\langle \bar{w}, c \rangle < \langle \bar{v}, b \rangle:$$

Ստացանք, որ \bar{v} -ն (4.2.2) խնդրի լուծումն է, իսկ \bar{w} -ն (4.2.1) խնդրի լուծումն է: Սակայն վերջին անհավասարությունը հակասում է լեմ 1-ի:

Այսպիսով, ստացված հակասությունը ապացուցում է, որ (4.2.7)-ն ու (4.2.8)-ը համատեղելի է և, ըստ լեմ 4.2.4-ի երկու խնդիրն էլ ունեն լուծում:

Գծային ծրագրման խնդրի լուծման գոյության մասին կարելի է խոսել միայն այն դեպքում, երբ խնդիրը սահմանափակ է և թույլատրելի: Նախորդ թեորեմից հետևում է, որ այդ պայմանները նաև բավարար պայմաններ են:

Թեորեմ 4.2.3. Որպեսզի գծային ծրագրման խնդիրը ունենա լուծում, անհրաժեշտ է և բավարար, որ խնդիրը լինի սահմանափակ և թույլատրելի:

Ապացույց: Անհրաժեշտությունը ակնհայտ է: Բավարարությունը ցույց տալու համար դիտարկենք գծային ծրագրման ընդհանուր (4.2.1) խնդիրը: Եթե երկակի (4.2.2) խնդիրը լինի ոչ թույլատրելի, ապա (4.2.1) խնդիրը ըստ լեմ 4.2.5-ի կլինի անսահմանափակ: Այսպիսով երկակի խնդիրները երկուսն էլ թույլատրելի են, և, ըստ նախորդ թեորեմի, (4.2.1) խնդիրը ունի լուծում:

4.3 ՕՐԻՆԱԿՆԵՐ

Օրինակ 4.3.1: Դիցուք որևէ ձեռնարկություն կարող է արտադրել n տեսակի ապրանքներ: Այդ տեսականին արտադրելու համար օգտագործվում են m տեսակի նյութեր կամ միջոցներ: Նշանակենք a_{ij} -ով j -րդ տեսակի արտադրանքի մեկ միավորում i -րդ նյութի պարունակությունը, իսկ b_i -ով այդ նյութի ամբողջ քանակը: c_j -ով ($j=1,2,\dots,n$), նշանակենք j -րդ արտադրանքի միավորից ստացվող եկամուտը: Եթե ձեռնարկությունը որոշի j -րդ արտադրանքից արտադրել x_j քանակ, ապա նրա ընդհանուր եկամուտը կկազմի $\sum_{j=1}^n c_j x_j$ գումար: (x_1, x_2, \dots, x_n) վեկտորը արտադրելու համար j -րդ նյութի ծախսը կկազմի $\sum_{j=1}^n a_{ij} x_j$:

Դրվում է հետևյալ խնդիրը՝ օգտագործելով եղած պաշարները, արտադրել այնպիսի (x_1, x_2, \dots, x_n) վեկտոր, որ ընդհանուր եկամուտը լինի մաքսիմալ: Այսպիսով, մենք գալիս ենք հետևյալ խնդրի՝

$$\begin{cases} \sum_{j=1}^n c_j x_j \rightarrow \max, \\ \sum_{j=1}^n a_{ij} x_j \leq b_i, i = 1, 2, \dots, m \\ x \geq 0: \end{cases}$$

Օրինակ 4.3.2: *Տրանսպորտային խնդիր:* Դիցուք որևէ ձեռնարկություն իր արտադրանքը պահեստավորել է m հատ պահեստներում և պետք է այն առաքի n հատ խանութներ: Մեկ միավոր արտադրանքի տեղափոխման ծախսերը i -րդ պահեստից j -րդ խանութ նշանակենք c_{ij} , ($i=1,2,\dots,m; j=1,2,\dots,n$): Դիցուք i -րդ պահեստի պարունակությունը A_i -է, իսկ j -րդ խանութի պահանջարկը B_j հարկավոր է որոշել i -րդ պահեստից j -րդ խանութ տեղափոխվող արտադրանքի x_{ij} քանակները: Տեղափոխման ընդհանուր ծախսերը կազմում են $\sum_{i=1}^m \sum_{j=1}^n c_{ij} x_{ij}$, իսկ սահմանափակումները որոշվում են պահեստների պաշարներով և խանութների պահանջարկով: Այսպիսով ստանում են գծային ծրագրման հետևյալ խնդիրը՝

$$\begin{cases} \sum_{i=1}^m \sum_{j=1}^n c_{ij} x_{ij} \rightarrow \min, \\ \sum_{i=1}^m x_{ij} \geq B_j, \quad j=1, 2, \dots, n : \\ \sum_{j=1}^n x_{ij} \leq A_i, \quad i=1, 2, \dots, m \\ x \geq 0: \end{cases}$$

Ակնհայտ է, որ խնդիրը թույլատրելի է միայն $\sum_{i=1}^m A_i \geq \sum_{j=1}^n B_j$ պայմաններում:

Օրինակ 4.3.3: Շրջիկ վաճառականի խնդիր: Դիցուք շրջիկ վաճառականը պետք է այցելի n հատ քաղաքներ, ընդ որում յուրաքանչյուր քաղաքն այցելում է մեկ անգամ: i -րդ քաղաքից j -րդ քաղաք տեղափոխվելու ծախսերը նշանակենք c_{ij} -ով: Վաճառականի յուրաքանչյուր երթուղի կարելի է ներկայացնել որպես մի տեղափոխություն n թվերից՝

$$p = \begin{pmatrix} 1 & 2 & \dots & n \\ i_1 & i_2 & \dots & i_n \end{pmatrix}:$$

Այդ երթուղու ծախսերը կկազմեն՝

$$c_p = c_{i_1} + c_{i_2} + \dots + c_{i_n}:$$

Փաստորեն սա կոմբինատորիկ խնդիր է: Եթե նշանակենք P -ով n էլեմենտներից բոլոր տեղափոխությունների բազմությունը (որի հզորությունը $n!$ -է), ապա կստանանք հետևյալ խնդիրը՝

$$\max_{p \in P} c_p:$$

Այս խնդրին կարելի է մոտենալ նաև այլ տեսանկյունից: Ներմուծենք x_{ij} փոփոխականներ ($i=1, 2, \dots, n; j=1, 2, \dots, n$), որոնք հավասար են 1-ի, եթե վաճառականը i -րդ քաղաքից գնում է j -րդ քաղաք, և 0 այլ դեպքում: Քանի որ վաճառականը յուրաքանչյուր քաղաք մտնում և դուրս է գալիս մեկ անգամ, ապա x_{ij} -երը պետք է բավարարեն հետևյալ պայմաններին՝

$$\sum_{i=1}^n x_{ij} = 1, j = 1, 2, \dots, n,$$

$$\sum_{j=1}^n x_{ij} = 1, i = 1, 2, \dots, n:$$

Այս պայմաններին բավարարող երթուղու ընդհանուր ծախսը հավասար կլինի

$$\sum_{i=1}^n \sum_{j=1}^n c_{ij} x_{ij} :$$

Այսպիսով ստանում ենք հետևյալ խնդիրը՝

$$\left\{ \begin{array}{l} \sum_{i=1}^n \sum_{j=1}^n c_{ij} x_{ij} \\ \sum_{i=1}^n x_{ij} = 1, j = 1, 2, \dots, n, \\ \sum_{j=1}^n x_{ij} = 1, i = 1, 2, \dots, n, \\ x_{ij} \in \{0, 1\} \end{array} \right.$$

որը տրանսպորտային խնդրի մասնավոր դեպքն է:

4.4. ԼՈՒԾՄԱՆ ԵՂԱՆԱԿՆԵՐ: ՄԻՄՊԼԵՔՍ – ՄԵԹՈԴ

Այժմ տեսնենք, թե ինչպես կարելի է գտնել գծային ծրագրման խնդրի լուծումը: Դիցուք տրված է գծային ծրագրման ընդհանուր խնդիրը՝

$$\begin{cases} \sum_{j=1}^n c_j x_j \rightarrow \max, \\ \sum_{j=1}^n a_{ij} x_j \leq b_i, i = 1, 2, \dots, m : \\ x \geq 0 \end{cases} \quad (4.4.1)$$

Տրված սահմանափակումներից յուրաքանչյուրը որոշում է R^n տարածության մի կիսատարածություն, հետևաբար թույլատրելի բազմությունը կիսատարածությունների հատում է: Քանի որ կիսատարածությունը ուռուցիկ բազմություն է, ապա թույլատրելի բազմությունը իրենից ներկայացնում է ուռուցիկ բազմություն: Այդ բազմությունը նշանակենք X -ով, այսինքն՝

$X = \left\{ x \in R_+^n : \sum_{j=1}^n a_{ij} x_j \leq b_i, i = 1, 2, \dots, m \right\}$, իսկ X բազմության ծայրակետերի բազմությունը՝ X^0 -ով:

Թեորեմ 4.4.1: Եթե (4.4.1) խնդիրը թույլատրելի է և սահմանափակ, ապա նպատակային ֆունկցիան հասնում է իր էքստրեմալ արժեքներին X բազմության ծայրակետերում:

Ապացույց: Քանի որ խնդիրը ենթադրվել է թույլատրելի և սահմանափակ, ապա, ըստ 6.3 թեորեմի, գոյություն ունի այդ խնդրի $x^0 \in X$ լուծումը: Դիցուք X -ը սահմանափակ բազմություն է: Այս դեպքում, ըստ 2.2.2, 2.2.7 և 2.2.8 թեորեմների, $x^0 \in X$ կետը կարելի է ներկայացնել X բազմության վերջավոր թվով ծայրակետերի ուռուցիկ գծային կոմբինացիայի տեսքով՝

$$x^0 = \sum_{i=1}^k \lambda_i x^i, \quad x^i \in X^0, \quad \lambda_i > 0, \quad \sum_{i=1}^k \lambda_i = 1, \quad i = 1, 2, \dots, k :$$

Ըստ ենթադրության, $\langle c, x^0 \rangle \geq \langle c, x^i \rangle$, $i = 1, 2, \dots, k$: Եթե այս անհավասարություններից առնվազն մեկը լինի խիստ, ապա կստանանք հակասություն՝

$$\langle c, x^0 \rangle = \left\langle c, \sum_{i=1}^k \lambda_i x^i \right\rangle = \sum_{i=1}^k \lambda_i \langle c, x^i \rangle < \sum_{i=1}^k \lambda_i \langle c, x^0 \rangle = \langle c, x^0 \rangle,$$

Հետևաբար՝ $\langle c, x^0 \rangle = \langle c, x^i \rangle$, $i = 1, 2, \dots, k$, այսինքն՝ $\max_{x \in X} \langle c, x \rangle = \max_{x \in X^0} \langle c, x \rangle$:

Այժմ դիտարկենք այն դեպքը, երբ X -ը սահմանափակ բազմություն չէ: Դիցուք $L = \left\{ x \in R^n : \sum_{i=1}^n x_i = a \right\}$ հիպերհարթությունն այնպիսին է, որ $x^0 \notin L$ և $x^0 \in X \cap P$,

որտեղ $P = \left\{ x \in R^n : \sum_{i=1}^n x_i \leq a \right\}$ (այդպիսի հիպերհարթություն գոյություն ունի,

բավական է վերցնել $a > \sum_{i=1}^n x_i^0$): Քանի որ $\bar{X} = X \cap P$ բազմությունը սահմանափակ է (

այդ բազմության կետերը բավարարում են $0 \leq \sum_{i=1}^n x_i \leq a$ պայմանին), ապա, ինչպես և

նախորդ դեպքում, x^0 -ն կարելի է ներկայացնել \bar{X} բազմության վերջավոր թվով ծայրակետերի ուռուցիկ գծային կոմբինացիայի տեսքով՝

$$x^0 = \sum_{i=1}^k \lambda_i x^i, \quad x^i \in \bar{X}^0, \quad \lambda_i > 0, \quad \sum_{i=1}^k \lambda_i = 1, \quad i = 1, 2, \dots, k:$$

Այստեղ բոլոր $x^i, i = 1, 2, \dots, k$ ծայրակետերը չեն կարող պատկանել L -ին, այլապես կստանանք՝ $x^0 \in L$, ինչը հակասում է մեր ենթադրությանը a թվի վերաբերյալ: Հետևաբար, առնվազն մեկ x^i ծայրակետի համար $x^i \in X^0$ և, ինչպես և վերևում, կստանանք, որ $\langle c, x^0 \rangle = \langle c, x^i \rangle$ և $\max_{x \in X} \langle c, x \rangle = \max_{x \in X^0} \langle c, x \rangle$:

Այսպիսով, խնդիրը լուծելու համար հարկավոր է գտնել թույլատրելի բազմության բոլոր ծայրակետերը, հաշվել նպատակային ֆունկցիայի արժեքը այդ կետերում և գտնել էքստրեմալ արժեքը:

Միմալեքս-մեթոդի էությունը կայանում է հետևալում: Նախ գտնում ենք թույլատրելի բազմության որևէ գագաթ և ստուգում այդ գագաթին կից բոլոր գագաթները: Եթե այդ գագաթներից որևէ մեկում ֆունկցիայի արժեքը ավելի մեծ է, ապա տեղափոխվում ենք այդ գագաթ և ստուգում դրա բոլոր կից գագաթները: Այս պրոցեսը շարունակվում է այնքան ժամանակ, մինչև հասնենք մի գագաթի, որտեղ նպատակային ֆունկցիայի արժեքը ավելի բարձր է, քան բոլոր կից գագաթներում: Քանի որ գծային ֆունկցիայի

լուծել էքստրեմումը նաև գլոբալ էքստրեմում է, ապա լուծումը կլինի հենց այդ գագաթում: Թույլատրելի բազմության գագաթների թիվը վերջավոր է, հետևաբար այս պրոցեսը կավարտվի վերջավոր թվով քայլերում:

Այժմ անցնենք սիմպլեքս-մեթոդի ֆորմալ նկարագրությանը: Դիտարկենք սահմանափակումների հետևյալ համակարգը՝

$$\begin{cases} \sum_{j=1}^n a_{ij}x_j \leq b_i, i = 1, 2, \dots, m \\ x_1 \geq 0, x_2 \geq 0, \dots, x_n \geq 0: \end{cases}$$

Վերջինս համարժեք է հետևյալ համակարգին՝

$$\begin{cases} \sum_{j=1}^n a_{ij}x_j + u_i = b_i, i = 1, 2, \dots, m \\ x_1 \geq 0, x_2 \geq 0, \dots, x_n \geq 0; u_1 \geq 0, u_2 \geq 0, \dots, u_m \geq 0: \end{cases},$$

կամ՝

$$\begin{cases} \sum_{j=1}^n a_{ij}x_j - b_i = u_i, i = 1, 2, \dots, m \\ x_1 \geq 0, x_2 \geq 0, \dots, x_n \geq 0; u_1 \geq 0, u_2 \geq 0, \dots, u_m \geq 0: \end{cases} :$$

Այս համակարգում x_j և u_i փոփոխականները չեն տարբերվում միմյանցից: Այսպիսով, ստանում ենք m հատ գծային հավասարում $n+m$ ոչ բացասական փոփոխականներով: Կազմենք այդպես կոչված սիմպլեքս-աղյուսակը՝

x_1	x_2	\dots	x_n	1	
a_{11}	a_{12}	\dots	a_{1n}	$-b_1$	$= -u_1$
\dots	\dots	\dots	\dots	\dots	\dots
a_{m1}	a_{m2}	\dots	a_{mn}	$-b_m$	$= -u_m$
c_1	c_2	\dots	c_n	0	$= w$

Այստեղ $u_i, i=1,2,\dots,m$ փոփոխականները արտահայտված են $x_j, j=1,2,\dots,n$ փոփոխականներով: Սակայն, եթե մատրիցը չվերաստեոված է, ապա ցանկացած m փոփոխականները կարելի է արտահայտել մնացած n փոփոխականների միջոցով:


Դիցուք այդ միջոցով ստացել ենք հետևյալ աղյուսակը՝

x'_1	x'_2	.	.	.	x'_n	1	
a'_{11}	a'_{12}	.	.	.	a'_{1n}	$-b'_1$	$= -u'_1$
.
a'_{m1}	a'_{m2}	.	.	.	a'_{mn}	$-b'_m$	$= -u'_m$
c'_1	c'_2	.	.	.	c'_n	δ	$= w$

Այստեղ վերջին աջ սյան բոլոր (բացի գուցե վերջինից) և ներքին տողի (բացի գուցե վերջինից) բոլոր թվերը ոչ դրական են: Այդ դեպքում այս աղյուսակը տալիս է խնդրի լուծումը: Իրոք, եթե բոլոր $x'_j, j=1,2,\dots,n$ փոփոխականները հավասարեցնենք 0-ի, ապա յուրաքանչյուր u'_i հավասար կլինի համապատասխան b'_i -ի, հետևաբար կստանա ոչ բացասական արժեք և այդ կետը կբնորոշի թույլատրելի բազմության մի գագաթ: Իրոք, քանի որ $x'_j, j=1,2,\dots,n; u_i, i=1,2,\dots,m$ փոփոխականներից յուրաքանչյուրի 0 արժեքը մի հիպերհարթության հավասարում է R^n -ում, ապա n հատի միաժամանակ 0 լինելը համարժեք է n հիպերհարթությունների հատման, այսինքն տալիս է մի կետ R^n -ում: Եթե մնացած փոփոխականները ոչ բացասական են, ապա այդ կետը թույլատրելի կետ է: Եվ, քանի որ այդ կետը ստացվում է թույլատրելի բազմությունը սահմանափակող հիպերհարթությունների հատումից, ապա այն թույլատրելի բազմության գագաթ է: Բացի դրանից, քանի որ բոլոր $c'_i, i=1,2,\dots,n$ թվերը ոչ դրական են, ապա $x'_j = 0, j=1,2,\dots,n$ դեպքում $\sum_{i=1}^n c'_i x'_i$ նպատակային ֆունկցիան կստանա մաքսիմալ արժեք:

Բերենք սիմպլեքս-մեթոդի ալգորիթմի հիմնական քայլերը առանց ապացուցման:

1-ին քայլ: Դիցուք $-b_k$ -ն աջ սյան ամենափոքր դրական թիվն է: A մատրիցի k -րդ տողում վերցնենք կամայական a_{kj_0} բացասական թիվ (եթե այդպիսի թիվ չկա, ապա խնդիրը թույլատրելի չէ): Ապա բոլոր $i \geq k$ համար, որոնց համար $-\frac{b_i}{a_{ij_0}}$ -ն բացասական է, վերցնենք այն i_0 -ն, որի համար այդ հարաբերությունը ամենամեծն է: $a_{i_0j_0}$ -ն ձևափոխության հենքային տարրն է՝ i_0 տողի հավասարումից x_{j_0} -ն արտահայտվում է մնացած փոփոխականների միջոցով և փոխարինում է u_{i_0} փոփոխականին:



Նկար 4.4.1

2-րդ քայլ: Դիցուք c_{j_0} -ն վերջին տողի ցանկացած դրական տարր է: Բոլոր i -երի համար, որոնց համար $-\frac{b_i}{a_{ij_0}}$ -ն բացասական է (եթե այդպիսիք չկան, ապա խնդիրը սահմանափակ չէ) վերցնենք այն i_0 -ն, որի համար այդ հարաբերությունը ամենամեծն է: Եվ նորից i_0 տողի հավասարումից x_{j_0} -ն արտահայտենք մյուս փոփոխականներով:

Օրինակ 4.4.1: Դիտարկենք հետևյալ օրինակը.

$$\begin{cases} x_1 + x_2 \rightarrow \max \\ 3x_1 + 2x_2 \leq 6, \\ x_1 + 2x_2 \geq 2, \quad : \\ -x_1 + x_2 \leq 1, \\ x_1, x_2 \geq 0. \end{cases}$$

Քանի որ այս խնդրի փոփոխականները ընդամենը երկուսն են, ապա այն կարելի է լուծել նաև գրաֆիկորեն: Կոորդինատային հարթության վրա անցկացնենք $3x_1 + 2x_2 = 6$, $x_1 + 2x_2 = 2$ և $-x_1 + x_2 = 1$ ուղիղները և գտնենք խնդրի թույլատրելի բազմությունը: Գծագրի վրա այն գծանշված տիրույթն է: Նպատակային ֆունկցիան իր մաքսիմալ արժեքը ընդունում է թույլատրելի բազմության A, B, C գագաթներից որևէ մեկում: Համեմատելով $A(0,1); B(4/5, 9/5); C(2,0)$ գագաթներում նպատակային ֆունկցիայի արժեքները, կստանանք օպտիմալ լուծումը B գագաթում՝ $x_1^0 = 4/5, x_2^0 = 9/5$, իսկ նպատակային ֆունկցիայի մաքսիմալ արժեքը՝ $13/5$:

Այժմ նույն խնդիրը լուծենք սիմպլեքս-եղանակով: Կազմենք խնդրի սիմպլեքս աղյուսակը՝

x_1	x_2	1	
3	2	-6	$= -u_1$
-1	-2	2	$= -u_2$
-1	1*	-1	$= -u_3$
1	1	0	w

Այս աղյուսակում որպես հենքային տարր ընտրենք աստղանիշով նշվածը, այսինքն տեղերով փոխենք x_2 -ը և u_3 -ը: Թվաբանական գործողություններից հետո կստանանք հետևյալ աղյուսակը՝

x_1	u_3	1	
5*	-2	-4	$= -u_1$
-3	2	0	$= -u_2$
-1	1	-1	$= -x_2$
2	-1	1	w

Այս աղյուսակը արդեն տալիս է թույլատրելի կետ, քանի որ երրորդ սյունակի բոլոր սարրերը ոչդրական են: Վերջին տողում ունենք մեկ դրական թիվ՝ 2 թիվն է: Որպես ձևափոխության տարր պետք է ընտրենք աստղանիշով նշվածը: Նոր աղյուսակը կունենա հետևյալ տեսքը՝

u_1	u_3	1	
$\frac{1}{5}$	$-\frac{2}{5}$	$-\frac{4}{5}$	$= -x_1$
$\frac{3}{5}$	$\frac{4}{5}$	$-\frac{12}{5}$	$= -u_2$
$\frac{1}{5}$	$\frac{3}{5}$	$-\frac{9}{5}$	$= -x_2$
$-\frac{2}{5}$	$-\frac{1}{5}$	$\frac{13}{5}$	

Ստացված աղյուսակը տալիս է խնդրի լուծումը: Իրոք, այստեղ երրորդ սյունակը և վերջին տողը ոչ դրական են: Վերցնելով $u_1 = 0$, $u_3 = 0$ կստանանք $x_1^0 = \frac{4}{5}$, $x_2^0 = \frac{9}{5}$ և $w = \frac{13}{5}$: Այս լուծումը, իհարկե, համընկնում է գրաֆիկորեն ստացված լուծման հետ:

4.5. ԴԻՍԿՐԵՏ ԾՐԱԳՐՈՒՄ

Դիսկրետ ծրագրման տեսությունը ուսումնասիրում է մաթեմատիկական ծրագրման ընդհանուր խնդրի այն մասնավոր դեպքերը, երբ փոփոխականների մի մասը, կամ բոլորը, կարող են ընդունել միայն վերջավոր թվով արժեքներ: Այդպիսի մոդելներ առաջանում են տարբեր բնագավառներում, երբ, օրինակ, ստացվող լուծումը պետք է արտահայտվի ամբողջ թվերով՝ ամբողջարժեք ծրագրում: Այդպիսի խնդրի օրինակ է նաև նախորդ բաժնում դիտարկված նշանակումների խնդիրը: Ամբողջարժեք ծրագրման խնդիրների լուծման թվացյալ ամենապարզ եղանակը՝ կլորացումը, հաճախ բերում է օպտիմալ լուծումից շատ հեռու արդյունքների: Սա է պատճառը, որ դիսկրետ ծրագրումը ձևավորվել է որպես առանձին տեսություն:

Կիրառությունների տեսանկյունից շատ կարևոր դաս են կազմում գծային ծրագրման ամբողջարժեք խնդիրները: Դիցուք տրված է գծային ծրագրման 4.2.1 խնդիր՝

$$\begin{cases} \sum_{j=1}^n c_j x_j \rightarrow \max, \\ \sum_{j=1}^n a_{ij} x_j \leq b_i, i = 1, \dots, m, \\ x_j \geq 0, j = 1, \dots, n: \end{cases}$$

Ընդ որում պահանջվում է, որ փոփոխականները ընդունեն միայն ամբողջ արժեքներ:

Նշանակենք G^c -ով $G = \left\{ x \in R_+^n : \sum_{j=1}^n a_{ij} x_j \leq b_i, i = 1, \dots, m, \right\}$ բազմության բոլոր ամբողջ

բաղադրիչներով վեկտորների բազմությունը և $C(G^c)$ -ով G^c բազմության ուռուցիկ թաղանթը: Քանի որ գծային ծրագրման խնդիրների լուծումը ոչ մի սկզբունքային դժվարություն չի պարունակում, ուստի հաճախ ամբողջարժեք խնդիրների լուծումը բերվում է գծային ծրագրման խնդիրների լուծմանը:

Թեորեմ 4.5.1: Գծային ծրագրման ամբողջարժեք խնդիրների լուծումը համընկնում է

$$\begin{aligned} \langle c, x \rangle = \sum_{j=1}^n c_j x_j \rightarrow \max, \\ x \in C(G^c): \end{aligned}$$

գծային ծրագրման խնդրի լուծման հետ:

Ապացույցն անմիջականորեն հետևում է ուռուցիկ թաղանթի սահմանումից և 4.4.1 թեորեմից: Որոշ մասնավոր դեպքերում այս թեորեմը թոյլ է տալիս անմիջապես ստանալ ամբողջարժեք խնդրի լուծումը լուծելով գծային ծրագրման խնդիր: Առանց ապացույցի (տես [13]) բերենք մեկ օրինակ:

Թեորեմ 4.5.2: Ցանկացած ամբողջ A_i և B_j գործակիցների դեպքում 4.3.2 տրանսպորտային խնդրի լուծումը ամբողջարժեք է անկախ նպատակային ֆունկցիայի գործակիցներից:

Ընդհանուր դեպքում 4.5.1 թեորեմի պնդումը ընկած է գծային ծրագրման ամբողջարժեք խնդիրների լուծման թվային ալգորիթմերի բավականաչափ մեծ խմբի՝ այդպես կոչված *կանոնավոր հատույթների* հիմքում: Ուրվագծորեն նկարագրենք կանոնավոր հատույթների եղանակը:

Դիցուք տրված է

$$\begin{cases} \langle c, x \rangle \rightarrow \max \\ x \in G^c : \end{cases}$$

գծային ծրագրման ամբողջարժեք խնդիրը և դիցուք

$$\begin{cases} \langle c, x \rangle \rightarrow \max \\ x \in G : \end{cases}$$

գծային ծրագրման խնդրի լուծումը՝ x^0 -ն ամբողջարժեք չէ: Կանոնավոր հատույթ կանվանենք

$$\sum_{j=1}^n a_j^1 x_j \leq b^1$$

անհավասարությունը, եթե այն բավարարում է հետևյալ պայմաններին՝

$$1). \sum_{j=1}^n a_j^1 x_j^0 > b^1,$$

$$2). G^C \subseteq \left\{ x \in R^n : \sum_{j=1}^n a_j^1 x_j \leq b^1 \right\}:$$

Կանոնավոր հատույթը ավելացվում է խնդրի սահմանափակումներին և լուծվում է գծային ծրագրման նոր խնդիր՝

$$\begin{cases} \langle c, x \rangle \rightarrow \max \\ x \in G \cap \left\{ x \in R^n : \sum_{j=1}^n a_j^1 x_j \leq b^1 \right\} \end{cases}:$$

Եթե այս խնդրի լուծումը նորից ամբողջարժեք չէ, ապա կառուցվում է նոր կանոնավոր հատույթ և լուծվում հաջորդ խնդիրը: Այս գործընթացը շարունակվում է մինչև ամբողջարժեք լուծում ստանալը: Ներկայումս գոյություն ունեցող թվային ալգորիթները թույլ են տալիս տարրական գործողությունների միջոցով վերջավոր թվով քայլերով լուծել ամբողջարժեք խնդիրները:

Դիտարկենք դիսկրետ խնդիրների ևս մեկ եղանակ, որը կոչվում է *ճյուղերի և եզրերի եղանակ*: Դիցուք տրված է դիսկրետ խնդիր՝

$$\begin{cases} f(x) \rightarrow \max \\ x \in G \subseteq R^n \end{cases},$$

որտեղ G բազմությունը վերջավոր է: Ենթադրենք, որ մենք կարող ենք որևէ եղանակով գնահատել $f(x)$ ֆունկցիայի արժեքը G բազմության վրա, այսինքն գտնել այնպիսի $\alpha(G)$ գնահատական (եզր), որ

$$f(x) \leq \alpha(G), x \in G:$$

Եթե այժմ կարողանանք գտնել այնպիսի $x^0 \in G$, որ $f(x^0) = \alpha(G)$, ապա x^0 -ն մեր խնդրի լուծումն է: Եթե ոչ, ապա տրոհում ենք G բազմությունը $G_1^1, G_2^1, \dots, G_{k_1}^1$ բազմությունների (ճյուղավորում ենք խնդիրը) և գնահատում $f(x)$ ֆունկցիան $G_1^1, G_2^1, \dots, G_{k_1}^1$ բազմությունների վրա: Ստանում ենք նոր գնահատականներ՝

$\alpha(G_1^1), \alpha(G_2^1), \dots, \alpha(G_{k_1}^1)$: Քանի որ $G_i^1 \subseteq G$, ապա կարելի է սպասել, որ $\alpha(G_i^1) \leq \alpha(G), i = 1, 2, \dots, k_1$: Դիցուք՝ $\alpha(G_{i_0}^1) = \max_{1 \leq i \leq k_1} \alpha(G_i^1)$: Եթե այժմ կարողանանք գտնել այնպիսի $x^0 \in G_{i_0}^1$, որ $f(x^0) = \alpha(G_{i_0}^1)$, ապա x^0 -ն մեր խնդրի լուծումն է, այլապես այս գործընթացը պետք է շարունակել մինչև խնդրի լուծումը գտնելը:

ԲԱԶՄԱՆՊԱՏԱԿԱՅԻՆ ՕՊՏԻՄԱԼԱՑՈՒՄ

5.1. ԽՄԲԱՅԻՆ ԸՆՏՐՈՒԹՅԱՆ ՏԵՍՈՒԹՅՈՒՆ

Ինչպես նշվել է ներածությունում, խմբային ընտրության խնդիրը որոշումներ ընդունելու ընդհանուր խնդրի այն մասնավոր դեպքն է, երբ ինչպես որոշումների բազմությունը, այնպես էլ նախընտրելիության հարաբերությունների թիվը վերջավոր են: Խմբային ընտրության խնդիրը կարելի է ներկայացնել հետևյալ մոդելի տեսքով՝ $\langle X, \succ_1, \succ_2, \dots, \succ_n \rangle$, որտեղ՝ $X = \{x_1, x_2, \dots, x_m\}$, իսկ նախընտրելիության հարաբերությունները ենթադրվում են թույլ կարգավորվածություններ X բազմության վրա:

Առաջին անգամ այս խնդիրը դիտարկվել է Էռոուի (Arrow) կողմից որպես որևէ դեմոկրատական երկրի ընտրական համակարգի մաթեմատիկական մոդել: Չնայած վերը նշված մոդելը շատ ավելի ընդհանուր է, սակայն մենք կպահպանենք Էռոուի մոտեցումները և ձևակերպումները:

Որոշումների բազմության $x_i, i=1, 2, \dots, m$ տարրերը անվանենք *թեկնածուներ*, իսկ նախընտրելիության $\succ_j, j=1, 2, \dots, n$ հարաբերությունները՝ *անհատական կարծիքներ*: Խնդիրը դրվում է հետևյալ կերպ: Ունենք m թեկնածու և n ընտրող: Ընտրողներից յուրաքանչյուրը արտահայտում է իր կարծիքը թեկնածուների վերաբերյալ՝ արդյունքում ստանում ենք n հատ նախընտրելիության հարաբերություն m թեկնածուների վերաբերյալ: Այդ անհատական կարծիքների հիման վրա հարկավոր է որոշել, թե ինչպիսին է ընտրողների հավաքական կարծիքը: Փաստորեն խնդիրը հետևյալն է՝ կառուցել արտապատկերում, որը X բազմության վրա անհատական կարգավորվածությունների ցանկացած $\{\succ_j\}_1^n$ համակարգին համապատասխանության մեջ կդնի մեկ կարգավորվածություն՝ \succ -խմբային կարծիք: Այդ արտապատկերումը անվանում են ընտրական կանոնադրություն, կամ, ընդհանուր դեպքում, *խմբային ընտրության կանոն*:

Էռոուն առաջարկել է հինգ միմիալ պայմաններ, որոնց ներըմբռնողական պատկերացումներով պետք է բավարարի արդարացի ընտրական կանոնադրությունը դեմոկրատական երկրներում: Այդ պայմանները անվանում են Էռոուի արքսիոմների համակարգ: Դրանք են՝

1). Խմբային ընտրության կանոնը միաբժեքորեն որոշված է բոլոր հնարավոր անհատական կարծիքների $\{\succ_j\}_1^n$ համակարգերի համար:

2). *Մոնոտոնության աքսիոմ*: Եթե անհատական կարծիքների որևէ $\{\succ_j\}_1^n$ համակարգի և $x, y \in X$ թեկնածուների զույգի համար խմբային ընտրության կանոնի համաձայն $x \succ y$, ապա եթե անհատական կարծիքները փոխվեն այնպես, որ x -ը պարունակող զույգերի վերաբերյալ կարծիքները փոխվեն միայն ի օգուտ x -ի, իսկ մնացած կարծիքները չփոխվեն, ապա կանոնը նորից կհանգեցնի՝ $x \succ y$:

3). *Անկախություն չկապված այլընտրանքներից*: Եթե անհատական կարծիքների երկու համակարգերում $X^0 \subset X$ թեկնածուների ենթաբազմության վերաբերյալ բոլոր կարծիքները համընկնում են, ապա պետք է համընկնեն նաև խմբային կարծիքները:

4). *Բոնապետության արգելք*: Գոյություն չունի այնպիսի j_0 ընտրող, որ ցանկացած $x, y \in X$ զույգի համար $x \succ_{j_0} y$ -ից հետևի՝ $x \succ y$:

5). *Պետության ինքիշխանություն*: Ցանկացած $x, y \in X$ զույգի համար, եթե կանոնի համաձայն՝ $x \succ y$, ապա գոյություն ունի առնվազն մեկ՝ j_0 ընտրող, այնպես, որ՝ $x \succ_{j_0} y$:

Էռոուի հայտնի պարադոքսը կայանում է նրանում, որ այս աքսիոմները անհամատեղելի են՝ ցանկացած կանոն, որը բավարարում է առաջին երեք աքսիոմների, բերում է կամ բոնապետության, կամ ինքնիշխանության կորստի: Բերենք այդ արդյունքն առանց ապացուցման:

Թեորեմ 5.1.1: Գոյություն չունի կանոն, որը բավարարում է 1)-5) աքսիոմների համակարգին, եթե $n \geq 2, m \geq 3$:

Ընտրական կանոններից ամենաշատ կիրառվողը մեծամասնության կանոնն է: Այն կարելի է ձևակերպել հետևյալ կերպ: Կամայական $x, y \in X$ զույգի համար նշանակենք՝

$$n_x = |\{j : x \succ_j y\}|, n_y = |\{j : y \succ_j x\}|, n_{xy} = |\{j : x \square_j y\}|:$$

Մեծամասնության կանոնը կձևակերպվի այսպես՝ $x \succ y$ այն, և միայն այն դեպքում, եթե՝ $n_x > n_y$: Հեշտ է տեսնել, որ մեծամասնության կանոնը չի բավարարում Էռոուի հենց առաջին արքսիոմին: Դիտարկենք հետևյալ օրինակը՝

$$\begin{aligned} x \succ_1 y \succ_1 z, \\ y \succ_2 z \succ_2 x, \\ z \succ_3 x \succ_3 y: \end{aligned}$$

Ըստ մեծամասնության կանոնի, մենք կստանանք՝ $x \succ y$, $y \succ z$, $z \succ x$, այսինքն ոչ տրանզիտիվ հարաբերություն: Մեծամասնության կանոնը լիովին նկարագրվում է արքսիոմների հետևյալ համակարգով՝

Ա 1: Կանոնը միարժեքորեն որոշված է թեկնածուների ցանկացած $x, y \in X$ զույգի համար:

Ա 2: Կանոնը կախված չէ թեկնածուների անվանումներից:

Ա 3: Կանոնը կախված չէ ընտրողների անվանումներից:

Ա 4: Եթե որևէ $x, y \in X$ զույգի համար կանոնը որոշել է, որ $x \square y$ և ընտրողներից մեկը փոխել է իր կարծիքն ի օգուտ x -ի, ապա կանոնը պետք է որոշի, որ $x \succ y$:

Թեորեմ 5.1.2. Միակ կանոնը, որը բավարարում է վերը բերված 4 արքսիոմի՝ մեծամասնության կանոնն է:

Ապացույց: Հեշտ է ստուգել, որ մեծամասնության կանոնը բավարարում է այս արքսիոմներին: Ցույց տանք, որ այն միակն է: Վերցնենք կամայական $x, y \in X$ զույգ: Քանի որ կանոնը կախված չէ ընտրողների անվանումներից, ապա կարող է կախված լինել միայն դրանց քանակից, այսինքն՝ n_x, n_y, n_{xy} թվերից: Դիցուք ինչ-որ կարծիքների $\{\succ_j\}_1^n$ համակարգի դեպքում՝ $n_x = n_y$: Այդ դեպքում, ըստ 2 արքսիոմի կանոնը պետք է պնդի, որ $x \square y$: Այժմ, եթե որևէ ընտրող փոխի իր կարծիքն ի օգուտ x -ի, կստանանք՝ $n_x > n_y$ և ըստ 4 արքսիոմի, կանոնը պետք է որոշի, որ $x \succ y$: Ստանում ենք մեծամասնության կանոնը:

Դիտարկենք մի կանոն ևս, որը լայն կիրառություններ ունի փորձագիտական գնահատականների տեսությունում, սպորտի բնագավառում և այլն: Դա *Կոպլենդի կանոնն է*:

Դիցուք տրված է կարծիքների որևէ $\{\succ_j\}_1^n$ համակարգ: Ցանկացած $x \in X$ նշանակենք՝

$$\alpha_j(x) = \left| \{y \in X : x \succ_j y\} \right|,$$

$$\beta_j(x) = \left| \{y \in X : y \succ_j x\} \right|$$

և կազմենք օգտավետության ֆունկցիա՝

$$u(x) = \sum_{j=1}^n (\alpha_j(x) - \beta_j(x)):$$

Ըստ Կոպլենդի կանոնի՝

$$x \succ y \Leftrightarrow u(x) > u(y):$$

Այս կանոնը, ի տարբերություն մեծամասնության կանոնի միշտ հանգեցնում է տրանզիտիվ լուծումների, սակայն չի բավարարում Էռոուի Ա.5 աքսիոմին:

Խմբային ընտրության տեսությունը հաճախ օգտագործվում է *փորձագիտական գնահատականների տեսության* շրջանակներում: Այն դեպքերում, երբ դժվար է ճշգրիտ գնահատական տալ այս կամ այն որոշմանը, կազմվում է տվյալ բնագավառի մասնագետների՝ փորձագետների խումբ, որոնցից յուրաքանչյուրն արտահայտում է իր կարծիքը և այդ կարծիքների հիման վրա ընդունվում է վերջնական որոշում:


5.2. ՎԵԿՏՈՐԱԿԱՆ ՕՊՏԻՄԱԼԱՅՈՒՄ

Վեկտորական օպտիմալացման տեսությունը ուսումնասիրում է որոշումներ ընդունելու մոդելի այն մասնավոր դեպքը, երբ նախընտրելիության հարաբերությունների թիվը վերջավոր է և յուրաքանչյուրի համար գոյություն ունի համապատասխան օգտավետության ֆունկցիա: Այսպիսով, վեկտորական օպտիմալացման մոդելը կարելի է դիտարկել հետևյալ տեսքով՝ $M = \langle X, u_1(x), u_2(x), \dots, u_n(x) \rangle$, որտեղ X -ը կամայական բազմություն է, իսկ $u_i(x), i = 1, 2, \dots, n$ ֆունկցիաները՝ X -ի վրա որոշված իրականարժեք ֆունկցիաներ են: Հարկավոր է գտնել X բազմության կետ, որն ինչ-որ իմաստով մաքսիմալացնում է բոլոր $u_i(x), i = 1, 2, \dots, n$ ֆունկցիաները միաժամանակ:

Կախված այն բանից, թե ինչ բնագավառների է վերաբերում վեկտորական օպտիմալացման խնդիրը և ինչ լրացուցիչ ինֆորմացիա կա այդ խնդրի վերաբերյալ, խնդրի լավագույն որոշումը կարելի է փնտրել ըստ օպտիմալության տարբեր սկզբունքների: Այստեղ կդիտարկվեն հայտնի սկզբունքներից մի քանիսը: Ամենաընդհանուր և կիրառվող սկզբունքներից է Պարետոյի (Pareto) օպտիմալության սկզբունքը:

Սահմանում 5.2.1: $x^0 \in X$ կետն անվանում են *Պարետո-օպտիմալ*, եթե գոյություն չունի այնպիսի $x \in X$, որ $u_i(x) \geq u_i(x^0), i = 1, 2, \dots, n$, ընդ որում այդ անհավասարություններից առնվազն մեկը խիստ է:

Գործնականում, այս սկզբունքով որոշվող կետերը հաճախ մի ընդարձակ բազմություն են կազմում, որն անվանում են Պարետո-բազմություն: Նկարներ 5.2.1 և 5.2.2-ում պատկերված են $n = 2$ դեպքում հաճախակի հանդիպող Պարետո-օպտիմալ բազմություններին համապատասխանող u_1, u_2 օգտավետության ֆունկցիաների արժեքների բազմությունները: Նկար 5.2.3-ում պատկերված է այն դեպքը, երբ Պարետո-օպտիմալ բազմությունը բաղկացած է միակ կետից: Սա համապատասխանում է այն դեպքին, երբ գոյություն ունի այնպիսի $x^0 \in X$ կետ, որ $u_1(x^0) = \max_{x \in X} u_1(x), u_2(x^0) = \max_{x \in X} u_2(x)$: Այս դեպքում խնդիրը վերանում է վեկտորական օպտիմալացման խնդիր լինելուց:



Նկար 5.2.1

Նկար 5.2.2

Նկար 5.2.3

Փաստորեն, այս սկզբունքով որոշվում է ոչ թե լավագույն կետը, այլ այն կետերի բազմությունը, որտեղ հարկավոր է փնտրել լավագույնը՝ օգտվելով խնդրի վերաբերյալ ստացած լրացուցիչ տեղեկատվությունից: Այն խնդիրներում, որտեղ այդ լրացուցիչ տեղեկատվությունը առկա է, այսինքն հայտնի են օգտավետության ֆունկցիաների համեմատական կարևորությունները, այդ ֆունկցիաների արժեքները արտահայտված են նույն միավորներով, կամ բերված են նույն մասշտաբի, շատ կիրառելի է այդպես կոչված *սկայյար սկզբունքը* :

Սահմանում 5.2.2: Դիցուք՝ $\lambda = (\lambda_1, \lambda_2, \dots, \lambda_n) \geq 0$, $\sum_{i=1}^n \lambda_i = 1$: $x^0 \in X$ կետն անվանում են օպտիմալ ըստ λ_i , $i = 1, 2, \dots, n$ կշիռներով սկայյար սկզբունքի, եթե բոլոր $x \in X$ կետերի համար՝

$$\sum_{i=1}^n \lambda_i u_i(x^0) \geq \sum_{i=1}^n \lambda_i u_i(x):$$

Այս երկու սկզբունքները տրամագծորեն տարբեր են թվում, քանի որ առաջինի դեպքում դուք ոչինչ չգիտեք խնդրի վերաբերյալ, իսկ երկրորդում գիտեք գրեթե ամեն ինչ: Սակայն պարզվում է, որ այս երկու սկզբունքները ինչ-որ իմաստով համարժեք են:

Թեորեմ 5.2.1: Եթե որոշ $x^0 \in X$, $\lambda = (\lambda_1, \lambda_2, \dots, \lambda_n) > 0$, $\sum_{i=1}^n \lambda_i = 1$ համար՝

$$\sum_{i=1}^n \lambda_i u_i(x^0) \geq \sum_{i=1}^n \lambda_i u_i(x),$$

ապա x^0 -ն օպտիմալ է ըստ Պարետոյի:

Ապացույց: Ենթադրենք հակառակը՝ դիցուք x^0 -ն օպտիմալ չէ ըստ Պարետոյի: Այդ դեպքում գոյություն ունի այնպիսի $x \in X$, որ

$$u_i(x) \geq u_i(x^0), i = 1, 2, \dots, n,$$

ընդ որում այդ անհավասարություններից առնվազն մեկը խիստ է: Այս անհավասարություններից յուրաքանչյուրը բազմապատկենք համապատասխան λ_i -ով և գումարենք: Քանի որ այդ անհավասարություններից առնվազն մեկը խիստ է, կստանանք խիստ անհավասարություն՝

$$\sum_{i=1}^n \lambda_i u_i(x) > \sum_{i=1}^n \lambda_i u_i(x^0):$$

Սա հակասում է թեորեմի պայմանին:

Թեորեմ 5.2.2: Դիցուք X -ը ուռուցիկ բազմություն է, իսկ $u_i(x), i = 1, 2, \dots, n$ ֆունկցիաները գոգավոր ֆունկցիաներ են: Այդ դեպքում, եթե x^0 -ն օպտիմալ է ըստ Պարետոյի, ապա գոյություն ունեն այնպիսի $\lambda_i \geq 0, i = 1, 2, \dots, n$, $\sum_{i=1}^n \lambda_i = 1$, որ

$$\max_{x \in X} \sum_{i=1}^n \lambda_i u_i(x) = \sum_{i=1}^n \lambda_i u_i(x^0):$$

Ապացույց: Կազմենք հետևյալ արտահայտությունը՝
 $((u_1(x) - u_1(x^0)), (u_2(x) - u_2(x^0)), \dots, (u_n(x) - u_n(x^0)))$: Ցանկացած ֆիքսած $x \in X$ կետի համար այն կարելի է դիտարկել որպես n -չափանի վեկտոր, այսինքն՝ կետ R^n -ից: Այդպիսի բոլոր հնարավոր վեկտորների բազմությունը նշանակենք V -ով՝

$$V = \{((u_1(x) - u_1(x^0)), (u_2(x) - u_2(x^0)), \dots, (u_n(x) - u_n(x^0))) : x \in X\}:$$

Քանի որ ենթադրել ենք, որ x^0 -ն օպտիմալ է ըստ Պարետոյի, ապա այս վեկտորների մեջ դրական վեկտորներ չկան՝ $V \cap R_+^n = \emptyset$: $C(V)$ -ով նշանակենք V բազմության ուռուցիկ թաղանթը: Ինչպես հայտնի է, ուռուցիկ թաղանթի ցանկացած կետ կարելի է ներկայացնել V բազմության ոչ ավելի, քան $n+1$ կետերի ուռուցիկ գծային

կոմբինացիայի տեսքով (տես թեորեմ 2.1.1.): Դա նշանակում է, որ $C(V)$ -ի ցանկացած y վեկտորի k -րդ բաղադրիչը ($k = 1, 2, \dots, n$) ունի հետևյալ տեսքը՝

$$y_k = \sum_{j=1}^{n+1} \alpha_j (u_k(x_j) - u_k(x^0)),$$

որտեղ՝

$$x_j \in X; \alpha_j \geq 0; j = 1, 2, \dots, n+1; \sum_{j=1}^{n+1} \alpha_j = 1:$$

Այստեղից՝

$$y_k = \sum_{j=1}^{n+1} \alpha_j u_k(x_j) - \sum_{j=1}^{n+1} \alpha_j u_k(x^0) = \sum_{j=1}^{n+1} \alpha_j u_k(x_j) - u_k(x^0):$$

Քանի որ ենթադրվել է, որ $u_i(x)$, $i = 1, 2, \dots, n$ ֆունկցիաները գոգավոր են, ապա՝

$$\sum_{j=1}^{n+1} \alpha_j u_k(x_j) \leq u_k \left(\sum_{j=1}^{n+1} \alpha_j x_j \right):$$

Նշանակենք՝ $x' = \sum_{j=1}^{n+1} \alpha_j x_j$: X -ը ուռուցիկ բազմություն է, հետևաբար, $x' \in X$:

Այսպիսով ստանում ենք, որ ցանկացած $y \in C(V)$ համար գոյություն ունի $x' \in X$, այնպես, որ՝ $y_k \leq u_k(x') - u_k(x^0)$; ($k = 1, 2, \dots, n$): Այստեղից հետևում է, որ եթե V բազմության մեջ չկան դրական վեկտորներ, ապա այդպիսիք չկան նաև $C(V)$ -ում: Դա նշանակում է, որ $C(V) \cap R_+^n = \emptyset$:

Ինչպես $C(V)$ բազմությունը, այնպես էլ R^n -ը ուռուցիկ են: Հետևաբար, անջատելիության թեորեմի համաձայն, այդ երկու բազմությունները կարելի է անջատել կոորդինատների սկզբնակետով անցնող հիպերհարթությամբ (տես թեորեմ 2.1.5): Անալիտիկորեն դա նշանակում է, որ գոյություն ունեն այնպիսի $\beta_1, \beta_2, \dots, \beta_n$ թվեր, որոնք միաժամանակ 0 չեն, որ

$$\sum_{i=1}^n \beta_i z_i \leq 0, \quad z \in C(V), \quad (5.2.1)$$

$$\sum_{i=1}^n \beta_i z_i \geq 0, \quad z \in R_+^n:$$

Եթե վերջին անհավասարության մեջ տեղադրենք $e^i = (0, 0, \dots, 0, 1, 0, \dots, 0) \in R_+^n$

վեկտորները, ապա կստանանք՝ $\beta_i \geq 0, i = 1, 2, \dots, n$: Այսպիսով, $\sum_{i=1}^n \beta_i > 0$: Նշանակենք՝

$\lambda_i = \frac{\beta_i}{\sum_{i=1}^n \beta_i}$: Բաժանելով (5.2.1) անհավասարությունը $\sum_{i=1}^n \beta_i$ -ի վրա և որպես z

վերցնելով V բազմության կետերը, կստանանք՝

$$\sum_{j=1}^n \lambda_j [u_k(x) - u_k(x^0)] \leq 0, \quad x \in X:$$

Այստեղից՝

$$\sum_{i=1}^n \lambda_i u_i(x) \leq \sum_{i=1}^n \lambda_i u_i(x^0), \quad x \in X:$$

Հաշվի առնելով, որ $\lambda_i \geq 0, i = 1, 2, \dots, n$, $\sum_{i=1}^n \lambda_i = 1$, ստանում ենք պահանջվող թեորեմի

պնդումը:

Այս երկու թեորեմները փաստորեն փակում են օպտիմալության սկզբունքների հարցը վեկտորական օպտիմալացման խնդիրներում: Իրոք, ցանկացած օպտիմալության սկզբունք պետք է հանգեցնի Պարետո-օպտիմալ կետի, սակայն ցանկացած Պարետո-օպտիմալ կետ կարելի է ստանալ համապատասխան կշիռներով սկայյար սկզբունքով:

Օրինակ 5.2.1: Ցանկացած արտադրական պրոցես ֆորմալ կարելի է նկարագրել (x, y) վեկտորների զույգով, որտեղ $x = (x_1, x_2, \dots, x_n)$ -ը *ծախսերի վեկտորն* է, $y = (y_1, y_2, \dots, y_m)$ -ը *արտադրանքի վեկտորը*: Այստեղ x_i -ն i -րդ տեսակի ծախսված ապրանքի քանակն է, y_j -ն j -րդ տեսակի արտադրանքի քանակն է: Որպես կանոն, եղած արտադրական տեխնոլոգիան հնարավորություն է տալիս իրագործել ոչ թե մեկ, այլ արտադրական պրոցեսների մի ամբողջ բազմություն, որոնցից ըուրաքանչյուրը բնորոշվում է իր ծախսեր-արտադրանք վեկտորով: Նշանակենք T -ով բոլոր ծախսեր-

արտադրանք վեկտորների բազմությունը, որոնք հնարավոր են տվյալ տեխնոլոգիայի պարագայում: Այսպիսով, T -ն R^{n+m} տարածության ենթաբազմություն է: Դիցուք $\alpha = (\alpha_1, \alpha_2, \dots, \alpha_n)$, $\beta = (\beta_1, \beta_2, \dots, \beta_m)$ վեկտորների բոլոր բաղադրիչները դրական են: (α, β) զույգի համար կազմենք՝

$$F_{\alpha, \beta}(x, y) = \langle \alpha, x \rangle + \langle \beta, y \rangle:$$

Եթե ենթադրենք, որ T -ն ուռուցիկ է, ապա տվյալ խնդրի համար վերը բերած թեորեմները կարելի է ձևակերպել հետևյալ կերպ.

- *Ծախսեր-արտադրանք ցանկացած վեկտոր, որը մաքսիմալացնում է $F_{\alpha, \beta}(x, y)$ ֆունկցիան T բազմության վրա, Պարետո-օպտիմալ է:*
- *Եթե (x, y) վեկտորը Պարետո-օպտիմալ է T -ում, ապա գոյություն ունեն այնպիսի α և β վեկտորներ, որ (x, y) -ը $F_{\alpha, \beta}(x, y)$ ֆունկցիայի մաքսիմումի կետ է:*

Այս պնդումների տնտեսագիտական մեկնաբանությունը հետևյալն է: Դիցուք α -ն և β -ն համապատասխան ապրանքների գներն են (α_i -ն i -րդ տեսակի ծախսված ապրանքի միավորի գինն է, β_j -ն j -րդ տեսակի արտադրանքի միավորի գինն է): Այս դեպքում $F_{\alpha, \beta}(x, y)$ -ը կհանդիսանա (α, β) գներով (x, y) արտադրական պրոցեսի իրականացումից ստացված շահույթը: Այժմ նախորդ պնդումները կընդունեն հետևյալ տեսքը.

- *Ցանկացած արտադրական պրոցես, որը մաքսիմալացնում է շահույթը որևէ գների դեպքում, Պարետո-օպտիմալ է:*
- *Յուրաքանչյուր Պարետո-օպտիմալ արտադրական պրոցես մաքսիմալացնում է շահույթը գների որևէ վեկտորի դեպքում:*

5.3. ԳՈՐԾԱՐՔՆԵՐԻ ԽՆԴԻՐ

Այժմ դիտարկենք վեկտորական օպտիմալացման խնդիրներին ձևային առումով շատ նման, սակայն իմաստային առումով տարբերվող խնդիր:

Դիցուք նորից ունենք որոշումների կամայական X բազմություն, սակայն որոշումն ընդունում է ոչ թե մեկ անձ, այլ n անձանց մի խումբ, որոնցից յուրաքանչյուրն ունի իր սեփական $u_i(x), i = 1, 2, \dots, n$ օգտավետության ֆունկցիան: Միմյանց հետ գործարքի մեջ մտնելով, նրանք համատեղ ընտրում են մեկ կետ X բազմությունից: Եթե գործարքը տեղի չի ունենում, այսինքն չեն կարողանում միմիանց հետ գալ համաձայնության, ապա i -րդ մասնակիցը ստանում է ֆիքսած $u_i^*, (i = 1, 2, \dots, n)$ օգտավետություն: Այդ $u^* = (u_1^*, u_2^*, \dots, u_n^*)$ կետն անվանում են *ստատուս քվո* կետ: Այսպիսով, գործարքի մոդելը ստանում է հետևյալ տեսքը՝ $\Gamma = \langle X; u_1(x), u_2(x), \dots, u_n(x); u_1^*, u_2^*, \dots, u_n^* \rangle = \langle X, u(x), u^* \rangle$:

Բնական է, որ Γ գործարքի յուրաքանչյուր մասնակից ձգտում է ստանալ մաքսիմալ օգտավետություն և գործարքի լուծում ասելով կհասկանանք ոչ թե ընտրած որոշումը, այլ օգտավետությունները, որոնք ստանում են մասնակիցները: Գործարքի լուծումը նշանակվենք $u^0(\Gamma) = (u_1^0, u_2^0, \dots, u_n^0)$: Քանի որ գործարքի խնդիրը էապես տարբերվում է վեկտորական օպտիմալացման խնդիրներից, ապա այս խնդրի համար հարկավոր է սահմանել նոր օպտիմալության սկզբունք: Հիմնական դիտարկվող սկզբունքը անվանում են Նեշի (Nash) սկզբունք: Այն սահմանվում է արքսիոմատիկորեն: Բերենք Նեշի արքսիոմների համակարգը:

Ա.1: Դիցուք $u^0(\Gamma) = (u_1^0, u_2^0, \dots, u_n^0)$ -ն $\Gamma = \langle X, u(x), u^* \rangle$ գործարքի լուծումն է: Այդ դեպքում լուծումը. ա) հասանելի է, այսինքն գոյություն ունի $x^0 \in X$ այնպես, որ $u^0 = u(x^0)$, բ) լուծումը անհատապես ռացիոնալ է՝ $u^0 \geq u^*$ և գ) լուծումը Պարետո օպտիմալ է՝ գոյություն չունի $x \in X$, որ $u_i(x) \geq u_i(x^0), i = 1, 2, \dots, n$ և այս անհավասարություններից առնվազն մեկը խիստ է:

Ա.2: Դիցուք $L = (L_1, L_2, \dots, L_n)$ -ը $u_i(x), i = 1, 2, \dots, n$ ֆունկցիաների դրական գծային ձևափոխությունն է: Այդ դեպքում $\langle X, Lu, Lu^* \rangle$ գործարքի լուծումը Lu^0 -ն է:

Ա.3: Դիցուք $X^0 \subseteq X$ և $\Gamma = \langle X, u(x), u^* \rangle$ գործարքի լուծումը $u^0 = u(x^0)$ -ն է: Եթե $x^0 \in X^0$, ապա $\Gamma^0 = \langle X^0, u(x), u^* \rangle$ գործարքի լուծումը նույնպես $u^0 = u(x^0)$ -ն է:

Ա.4: Եթե խնդիրը սիմետրիկ է, այսինքն $u_i^* = u_j^*$, $(i, j = 1, 2, \dots, n)$ և ցանկացած $x \in X$ համար և $\{1, 2, \dots, n\}$ բազմության ցանկացած π տեղափոխության համար գոյություն ունի $y \in X$ այնպես, որ $u_i(x) = u_{\pi(i)}(y)$, ապա $u_i^0 = u_j^0$, $(i, j = 1, 2, \dots, n)$:

Այս համակարգում առաջին աքսիոմը պահանջում է, որ գործարքի լուծումը լինի Պարետո-օպտիմալ, այսինքն բավարարի ամենաթույլ օպտիմալության սկզբունքին:

Երկրորդ աքսիոմը պահանջում է, որ լուծումը անկախ լինի չափման միավորից: Այդ պահանջը բնական է, հաշվի առնելով, որ ֆունկցիաներն օգտավետության ֆունկցիաներ են:

Երրորդ աքսիոմը կոչվում է չկապված այլընտրանքների անկախություն: Այն կարելի է դիտարկել որպես ֆունկցիայի էքստրեմումի հատկություններից մեկը:

Չորրորդ աքսիոմը կոչվում է արդարության աքսիոմ՝ եթե բոլոր խաղացողները գտնվում են նույն պայմաններում, ապա պետք է հավասար ստանան:

Պարզվում է, որ այս աքսիոմները բավարար են լուծումը միարժեքորեն որոշելու համար: Նշանակենք՝

$$U = \{u \in R^n : u = u(x), x \in X\} :$$

Քանի որ գործարքի մասնակիցներին հետաքրքրում է իրենց ստացվելիք օգտավետությունները և ոչ թե կոնկրետ որոշումն, ինչպես նաև հաշվի առնելով Ա.1 աքսիոմի առաջին պահանջը, ապա $\Gamma = \langle X, u(x), u^* \rangle$ գործարքը կարելի է դիտարկել $\Gamma = \langle U, u^* \rangle$ տեսքով:

Թեորեմ 5.3.1: Դիցուք U բազմությունը փակ, սահմանափակ, ուռուցիկ բազմություն է: Այդ դեպքում գոյություն ունի **Ա.1-Ա.4** աքսիոմներին բավարարող միակ $u^0 \in U$ լուծում:

Աստիճանային: Այստեղ կրեքենք ապացուցման միայն ընդհանուր սխեման: Նախ դիտարկենք այն դեպքը, երբ գոյություն ունի այնպիսի $u = (u_1, u_2, \dots, u_n) \in U$, որ $u_i > u_i^*$ բոլոր $i = 1, 2, \dots, n$ համար:

Կատարենք U բազմության դրական գծային ձևափոխություն, որի դեպքում u^* կետը կանցնի կոորդինատների սկզբնակետ՝ $u' = u - u^*$: U բազմության ձևափոխված պատկերը նշանակենք U' -ով: Պարզ է, որ U' բազմությունը նորից փակ, սահմանափակ, ուռուցիկ բազմություն է: Հետևաբար, գոյություն ունի $\bar{u}' \in U'$, այնպես, որ՝

$$\prod_{i=1}^n \bar{u}'_i = \max_{\substack{u' \in U', \\ u'_i > 0}} \prod_{i=1}^n u'_i: \quad (5.3.1)$$

Այժմ նորից կատարենք U' բազմության դրական գծային ձևափոխություն, որի դեպքում \bar{u}' կետը կանցնի $(1, 1, \dots, 1)$ կետի՝ $u'' = \frac{u'_i}{\bar{u}'_i}$: Նոր ստացված բազմությունը նշանակենք U'' -ով:

Նշանակենք՝

$$\bar{U} = \left\{ u = (u_1, u_2, \dots, u_n) \in R^n : \prod_{i=1}^n u_i = 1 \right\}$$

և դիտարկենք $\langle \bar{U}, 0 \rangle$ գործարքը: \bar{U} բազմությունը սիմետրիկ բազմություն է և ակնհայտորեն բավարարում է **Ա.4** աքսիոմի պայմաններին: Հետևաբար, $\langle \bar{U}, 0 \rangle$ գործարքի լուծման մեջ բոլոր բաղադրիչները պետք է լինեն հավասար: \bar{U} բազմության միակ հավասար բաղադրիչներով կետը, որը բավարարում է **Ա.1** աքսիոմի Պարետո-օպտիմալության պայմանին՝ $(1, 1, \dots, 1)$ կետն է: Մյուս կողմից, (5.3.1) պայմանից հետևում է, որ ցանկացած $u \in U''$ համար՝ $\prod_{i=1}^n u_i \leq 1$, այսինքն՝ $U'' \subseteq \bar{U}$, և, բացի դրանից, $(1, 1, \dots, 1) \in U''$: Այսպիսով, ըստ **Ա.3** աքսիոմի, $(1, 1, \dots, 1)$ կետը լուծում է նաև $\langle U'', 0 \rangle$ գործարքի համար:

Քանի որ $\langle U'', 0 \rangle$ գործարքը ստացվել է $\langle U', 0 \rangle$ գործարքից դրական գծային ձևափոխության միջոցով, ապա $\langle U', 0 \rangle$ գործարքի լուծումը, ըստ **Ա.2** արքսիումի, պետք է լինի $(1, 1, \dots, 1)$ կետի նախապատկերը, այսինքն՝ \bar{u}' -ը: **Ա.2** արքսիումից օգտվելով, ևս մեկ քայլ ետ կարելի է կատարել և վերջնակապես կստանանք, որ $\langle U, u^* \rangle$ գործարքի լուծումը $\bar{u}' - u^*$ կետն է: Այսպիսով, **Ա.1-Ա.4** արքսիումներին բավարարող լուծումը գտնելու համար հարկավոր է հաշվել

$$\max_{\substack{u \in U, \\ u > u^*}} \prod_{i=1}^n (u_i - u_i^*):$$

Վերադառնալով նախկին նշանակումներին, կստանանք, որ $\Gamma = \langle X, u(x), u^* \rangle$ գործարքի լուծումը $u^0 = u(x^0) \in U$ - է, որը բավարարում է հետևյալ առնչությանը՝

$$\prod_{i=1}^n (u(x^0) - u_i^*) = \max_{x \in X, u(x) > u^*} \prod_{i=1}^n (u(x) - u_i^*):$$

Այժմ դիտարկենք այն դեպքը, երբ գոյություն չունի այնպիսի $u = (u_1, u_2, \dots, u_n) \in U$, որ $u_i > u_i^*$ բոլոր $i = 1, 2, \dots, n$ համար: **Ա.1** արքսիումից հետևում է, որ բավական է դիտարկել միայն կետերը: Դիցուք գոյություն ունեն երկու կետեր՝ $u', u'' \in U$, $u'_i > u_i^*$, $u'_j = u_j^*$; $u''_j > u_j^*$, $u''_i = u_i^*$, $i \neq j$: Այս դեպքում, քանի որ U -ն ենթադրվել է ուռուցիկ, ապա $u''' = \frac{1}{2}u' + \frac{1}{2}u'' \in U$: Սակայն $u'''_i > u_i^*$, $u'''_j > u_j^*$ ՝ ստացանք հակասություն: Հետևաբար, ինդեքսների $I = \{1, 2, \dots, n\}$ բազմությունը կարելի է տրոհել երկու՝ I_1 և I_2 մասերի՝

$$I_1 = \{i \in I : u_i(x) \leq u_i^*, x \in X\}, I_2 = I - I_1:$$

Եվ ընդհանուր դեպքում, $u^0 = (u_1^0, u_2^0, \dots, u_n^0) \in U$ լուծումը կստանանք հետևյալ կերպ: u^0 վեկտորի $i \in I_2$ բաղադրիչները ստացվում են

$$\prod_{i \in I_2} (u_i(x^0) - u_i^*) = \max_{x \in X, u(x) > u^*} \prod_{i \in I_2} (u_i(x) - u_i^*)$$

առնչությունից, իսկ $i \in I_1$ համար՝ $u_i^0 = u_i^*$:

Օրինակ 5.3.1: Դիցուք ապահովագրական A ընկերությունն ունի ռիսկերի պորտֆել, որի դեպքում հատուցումների ξ պատահական մեծության մաթեմատիկական սպասումը հավասար է 5 պայմանական միավորի, իսկ դիսպերսիան հավասար է 4 պայմանական միավորի: Ապահովագրական B ընկերությունը ռիսկերի պորտֆելի հատուցումների η պատահական մեծության մաթեմատիկական սպասումը հավասար է 10-ի, իսկ դիսպերսիան՝ 8-ի: Այս երկու ապահովագրական ընկերությունները որոշում են մասամբ փոխանակել իրենց պորտֆելների պարունակությունը ռիսկերը նվազեցնելու նպատակով: Դիցուք A ընկերության պորտֆելի հատուցումների սկզբնական արժեքը ξ_1 է, փոխանակումից հետո՝ ξ_2 : Համապատասխանաբար, B ընկերության համար՝ η_1 և η_2 : Եթե A ընկերությունը իր պորտֆելի α մասը փոխանակում է B ընկերության պորտֆելի β մասի հետ, ապա կստանանք հետևյալ հավասարումները՝

$$\begin{aligned} E\xi_2 &= (1-\alpha)E\xi_1 + \beta E\eta_1, \\ E\eta_2 &= \alpha E\xi_1 + (1-\beta)E\eta_1: \end{aligned}$$

Այստեղից երևում է, որ փոխանակումից հետո հատուցումների մաթեմատիկական սպասումների գումարը չի փոխվում, հետևաբար փոխադարձ հաշվարկները կարող են կարգավորվել դրամական փոխհատուցմամբ: Դիտարկենք ռիսկերի հիմնական բնութագրիչը՝ դիսպերսիան: Ենթադրելով, որ պատահական ξ և η մեծությունները անկախ են, կստանանք՝

$$\begin{aligned} D\xi_2 &= (1-\alpha)^2 D\xi_1 + \beta^2 D\eta_1 = u_1(\alpha, \beta), \\ D\eta_2 &= \alpha^2 D\xi_1 + (1-\beta)^2 D\eta_1 = u_2(\alpha, \beta): \end{aligned}$$

Հաշվի առնելով, որ եթե գործարքը չկայանա, ապա ընկերությունների դիսպերսիաները կմնան սկզբնական դիսպերսիաներ՝ $D\xi_1 = 4$ և $D\eta_1 = 8$, ուստի այս գործարքի մոդելը կարելի է ներկայացնել $\langle X; u_1(\alpha, \beta), u_2(\alpha, \beta); 4, 8 \rangle$ մոդելի տեսքով, որտեղ $X = [0, 1] \times [0, 1]$: Կազմենք գործարքի Նեշի ֆունկցիան՝

$$F(\alpha, \beta) = [4 - u_1(\alpha, \beta)][8 - u_2(\alpha, \beta)] = [4 - 4(1 - \alpha)^2 - 8\beta^2][8 - 4\alpha^2 - 8(1 - \beta)^2]:$$

Մաքսիմալացնելով այս ֆունկցիան $\alpha + \beta = 1$ պայմանի դեպքում կստանանք հետևյալ արդյունքը՝

$$\alpha^0 = 0,613;$$

$$\beta^0 = 0,387;$$

$$u_1(\alpha^0, \beta^0) = 1,797;$$

$$u_2(\alpha^0, \beta^0) = 4,509:$$

Այսպիսով, փոխանակման դեպքում ընկերությունների ռիսկերը (դիսպերսիաները) նվազում են համապատասխանաբար 2,203-ով և 3,491-ով:

ԽԱՂԵՐԻ ՏԵՍՈՒԹՅՈՒՆ

6.1. ԱՆՂԱՇԻՆՔ ԽԱՂԵՐ

Ինչպես նշվել էր նախաբանում, խաղերի տեսությունը կոնֆլիկտի կամ անորոշության պայմաններում որոշումներ ընդունելու մաթեմատիկական տեսություն է: Կոնֆլիկտային իրավիճակների մաթեմատիկական մոդելները կառուցելիս առաջին հերթին հարկավոր է նշել կոնֆլիկտի մասնակիցներին, մասնակիցների հնարավորությունները, ինչպես նաև նրանց նախապատվությունները: Դիցուք կոնֆլիկտի մասնակիցները n -են, որոնցից յուրաքանչյուր i -րդն ունի իր բոլոր հնարավոր որոշումների S_i բազմությունը, իսկ որոշումների արդյունքը գնահատվում է օգտավետության H_i ֆունկցիայով: Այդպիսով կոնֆլիկտի պայմաններում որոշումներ ընդունելու մոդելը կարելի է ներկայացնել

$$G = \langle I, \{S_i\}_{i \in I}, \{H_i\}_{i \in I} \rangle \quad (6.1.1)$$

համակարգի տեսքով:

Այս համակարգն անվանում են *խաղ*, կոնֆլիկտի մասնակիցներին՝ *խաղացողներ*: $I = \{1, 2, \dots, n\}$ բազմությունը խաղացողների համարների բազմությունն է, S_i -ն անվանում են i -րդ խաղացողի *ստրատեգիաների* բազմություն: Կախված խնդրի դրվածքից այն կարող է ունենալ տարբեր կառուցվածքներ, H_i -ն n փոփոխականի իրականարժեք ֆունկցիա է, որն անվանում են i -րդ խաղացողի *շահույթի ֆունկցիա*:

Այդպես սահմանված խաղը խաղացվում է հետևյալ կերպ: Խաղացողներից յուրաքանչյուրը ընտրում է որևէ կետ իր ստրատեգիաների բազմությունից, որի արդյունքում ստացված $s = (s_1, s_2, \dots, s_n), s_i \in S_i, i = 1, 2, \dots, n$ վեկտորն անվանում են *իրավիճակ* խաղում: Այս իրավիճակում i -րդ խաղացողը ստանում է $H_i(s)$ շահույթ: Ընտրություն կատարելիս յուրաքանչյուր խաղացող ձգտում է առավելագույն շահույթի: Խաղերը միմիանցից կարող են տարբերվել ինչպես հակառակորդների քայլերի վերաբերյալ տեղեկատվությամբ, այնպես էլ խաղացողների միջև պայմանավորվածությունների առկայությամբ:

Սահմանում 6.1.1: (6.1.1) համակարգով որոշվող խաղն անվանում են *նորմալ տեսքով անդաշինք խաղ*, կամ պարզապես *անդաշինք խաղ*, եթե խաղացողներն իրենց

ընտրությունները կատարում են միմիանցից անկախ, այսինքն չստանալով ոչ մի տեղեկատվություն հակառակորդների քայլերի վերաբերյալ, և իրավունք չունեն պայմանավորվել համատեղ գործողությունների մասին:

Ինչպես երևում է խաղի սահմանումից, խաղացողի շահույթը կախված է ոչ միայն իր ընտրած ստրատեգիաից, այլ նաև մյուս բոլոր խաղացողների ընտրություններից, (որոնք անդաշինք խաղերում խաղացողին հայտնի չեն): Այսինքն, ընտրելով n փոփոխականի ֆունկցիայի միայն մեկ փոփոխականի արժեքը, խաղացողը պետք է ձգտի ստանալու իր շահույթի ֆունկցիայի առավելագույն արժեքը: Այսպիսով, առաջին հարցը, որն առաջանում է անդաշինք խաղերը դիտարկելիս, օպտիմալության սկզբունքի հարցն է: Հիմնական օպտիմալության սկզբունքը, որը կիրառվում է անդաշինք խաղերում՝ Նեշի հավասարակշռության սկզբունքն է: Այն վերաբերում է ոչ թե ստրատեգիաների այլ իրավիճակների օպտիմալությանը:

Սահմանում 6.1.2. $s^0 = (s_1^0, s_2^0, \dots, s_i^0, \dots, s_n^0)$ իրավիճակն անվանում են *ընդունելի* i -րդ խաղացողի համար, եթե բոլոր $s_i \in S_i$ ստրատեգիաների համար՝

$$H_i(s_1^0, s_2^0, \dots, s_i^0, \dots, s_n^0) \geq H_i(s_1^0, s_2^0, \dots, s_i, \dots, s_n^0) \quad (6.1.2)$$

Սահմանում 6.1.3: $s^0 = (s_1^0, s_2^0, \dots, s_i^0, \dots, s_n^0)$ իրավիճակն անվանում են ըստ Նեշի հավասարակշռության իրավիճակ, եթե այն ընդունելի է բոլոր խաղացողների համար միաժամանակ, այսինքն (6.1.2) անհավասարությունները բավարարվում են նաև բոլոր $i \in I$ համար:

Ինչպես երևում է սահմանումից, հավասարակշռության իրավիճակը խախտելը ձեռնատու չէ ոչ մի խաղացողի համար: Հետևյալ սահմանումը և հաջորդող թեորեմը թույլ են տալիս ստուգել հավասարակշռության սկզբունքի կոռեկտությունը, ինչպես նաև տարանջատել խաղի էական կողմերը ոչ էականներից:

Սահմանում 6.1.4: Երկու

$$G = \langle I, \{S_i\}_{i \in I}, \{H_i\}_{i \in I} \rangle,$$

$$G' = \langle I, \{S'_i\}_{i \in I}, \{H'_i\}_{i \in I} \rangle,$$

խաղերն անվանում են *ստրատեգիապես համարժեք*, եթե գոյություն ունեն այնպիսի $a > 0$ և $b_i, i \in I$ իրական թվեր, որ

$$H'_i(s) = aH_i(s) + b_i, \quad i \in I: \quad (6.1.3)$$

Թեորեմ 6.1.1: Ստրատեգիապես համարժեք խաղերում հավասարակշռության իրավիճակների բազմությունները համընկնում են:

Թեորեմի ապացույցն ակներև է. Բավական է (6.1.3) արտահայտությունները տեղադրել (6.1.2) անհավասարությունների մեջ և կրճատել հաստատունները:

Սահմանում 6.1.5. Անդաշինք խաղն անվանում են *հաստատուն գումարով խաղ*, եթե՝

$$\sum_{i \in I} H_i(s) = const:$$

Դժվար չէ տեսնել, որ հաստատուն գումարով ցանկացած խաղ ստրատեգիապես համարժեք է զրո գումարով խաղի:

Հավասարակշռության իրավիճակի գոյության և միակության հարցերը կախված են կոնկրետ խաղերի առանձնահատկություններից: Բերենք երեք տեսական օրինակներ, որտեղ արտացոլվում են հավասարակշռության իրավիճակի սահմանման ինչպես դրական, այնպես էլ բացասական կողմերը:

Օրինակ 6.1.1: /Հանցագործի երկրնտրանք:/ Ծանր հանցագործության մեջ մեղադրվող երկու հանցագործներ (առաջին և երկրորդ խաղացողներ) գտնվում են նախնական կալանքի միմիանցից մեկուսացված բանտախցերում: Չունենալով ուղիղ ապացույցներ, դատաքննությունը կարող է հիմնվել միայն հանցագործների խոստովանական ցուցմունքների վրա: Հանցագործներին հետևյալ պայմաններն են առաջարկվում: Եթե երկու հանցագործները խոստովանեն, որ կատարել են այդ հանցագործությունը, ապա կազատագրվեն յուրաքանչյուրը 5 տարով: Այն դեպքում, երբ հանցագործներից միայն մեկը խոստովանի, ապա խոստովանողին ազատ են արձակում, իսկ մյուսին դատապարտում են առավելագույն ժամկետի՝ 10 տարվա ազատազրկման: Եվ եթե երկուսն էլ պնդում են իրենց անմեղությունը, ապա մեղադրողը խոստանում է ներկայացնել մեղադրանք որևէ մանր հանցագործության մեջ և դատապարտել մեկական տարի յուրաքանչյուրին:

Կառուցենք այս խաղի մաթեմատիկական մոդելը: Խաղացողներն երկուսն են՝ երկու հանցագործները, հետևաբար, $I = \{1, 2\}$: Խաղացողների ստրատեգիաների բազմությունները երկելեմենտ են՝ $S_1 = S_2 = \{0, 1\}$, որտեղ 1-ը համապատասխանում է խոստովանելու ստրատեգիային, 0-ն՝ ժխտելու: Խաղացողների շահույթի ֆունկցիաները կունենան հետևյալ տեսքը

$$H_1(0,0) = -1, \quad H_2(0,0) = -1,$$

$$H_1(0,1) = -10, \quad H_2(0,1) = 0,$$

$$H_1(1,0) = 0, \quad H_2(1,0) = -10,$$

$$H_1(1,1) = -5, \quad H_2(1,1) = -5:$$

Դժվար չէ ստուգել, որ այս խաղում հավասարակշռության իրավիճակ գոյություն ունի և այն միակն է՝ դա $(1,1)$ իրավիճակն է, որի դեպքում հանցագործները երկուսն էլ խոստովանում են: $(0,0)$ իրավիճակը, որը թվում է, թե լավագույնն է հանցագործների համար, Պարետո-օպտիմալ է, սակայն կայուն չէ՝ այդ իրավիճակից շեղվելը ձեռնտու է հանցագործներից յուրաքանչյուրի համար:

Օրինակ 6.1.2: Ընտանեկան վեճ: Երիտասարդ գույզը որոշում է երեկոն անց կացնել միասին: Տվյալ պահին յուրաքանչյուրը կարող է ընտրել երկու հնարավոր վայրերից մեկը՝ գնալ թատրոն կամ ֆուտբոլի մարզադաշտ: Եթե երկուսով ընտրում են թատրոնը, ապա աղջկա (առաջին խաղացող) օգտավետությունը համարենք 5 միավոր, իսկ տղայինը (երկրորդ խաղացող)՝ 2 միավոր: Ֆուտբոլը ընտրելու դեպքում աղջկա օգտավետությունը վերցնենք 2 միավոր, տղայինը՝ 5 միավոր: Այն դեպքում, երբ ընտրությունները տարբեր են, օգտավետությունները համարենք հավասար 0-ի: Եթե թատրոն ընտրելու ստրատեգիան նշանակենք 0-ով, իսկ ֆուտբոլ ընտրելու ստրատեգիան 1-ով, ապա մոդելը կընդունի հետևյալ տեսքը՝ $I = \{1, 2\}$, $S_1 = S_2 = \{0, 1\}$,

$$H_1(0,0) = 5, \quad H_2(0,0) = 2,$$

$$H_1(0,1) = 0, \quad H_2(0,1) = 0,$$

$$H_1(1,0) = 0, \quad H_2(1,0) = 0,$$

$$H_1(1,1)=2, \quad H_2(1,1)=5:$$

Դժվար չէ տեսնել, որ այս խաղում ունենք երկու հավասարակշռության իրավիճակ՝ (0,0) և (1,1), որոնք, ի դեպ, նաև Պարետո-օպտիմալ են:

Օրինակ 6.1.3: (Գիր, դուշ): Առաջին խաղացողը պահում է մետաղադրամը: Երկրորդ խաղացողը պետք է գուշակի, թե մետաղադրամի որ կողմն է պահած: Ճիշտ գուշակելու դեպքում ստանում է մեկ միավոր, սխալի դեպքում՝ կորցնում է մեկ միավոր: Եթե մետաղադրամի կողմերը համարակալենք, ապա կստանանք հետևյալ խաղը՝ $I = \{1,2\}$, $S_1 = S_2 = \{0,1\}$,

$$H_1(0,0)=-1, \quad H_2(0,0)=1,$$

$$H_1(0,1)=1, \quad H_2(0,1)=-1,$$

$$H_1(1,0)=1, \quad H_2(1,0)=-1,$$

$$H_1(1,1)=-1, \quad H_2(1,1)=1:$$

Այս խաղում գոյություն չունեն հավասարակշռության իրավիճակներ, ինչպես նաև Պարետո-օպտիմալ ստրատեգիաներ:

Այդպիսով, դիտարկված երեք պարզագույն օրինակները ցույց են տալիս, որ անդաշինք խաղերում կարող են գոյություն չունենալ հավասարակշռության իրավիճակներ, իսկ գոյության դեպքում այն կարող է միակը չլինել: Ընդ որում հավասարակշռությունը և Պարետո-օպտիմալությունը չեն առնչվում այս խաղերում:

5.2. ՀԱԿԱՄԱՐՏ ԽԱՂԵՐ

Սահմանում 6.2.1: Զրո գումարով երկու խաղացողի խաղն անվանում են *հակամարտ խաղ*:

Հակամարտ խաղերի համար կարելի է որոշ չափով պարզեցնել նախորդ կետում բերված սահմանումները: Իրոք, քանի որ հակամարտ խաղերում միշտ երկու խաղացող են, ապա (6.1.1) խաղի սահմանման մեջ կարելի է չնշել խաղացողների I բազմությունը: Այդպիսով, մոդելի սահմանման մեջ կմնան երկու բազմություններ և շահույթի երկու՝ H_1 և H_2 ֆունկցիաներ: Սակայն, քանի որ զրո գումարով խաղի սահմանումից հետևում է, որ $H_2 = -H_1$, ապա մոդելում կարելի է նշել միայն առաջին խաղացողի շահույթի ֆունկցիան: Վերջնականապես հակամարտ խաղի մոդելը կընդունի հետևյալ տեսքը՝

$$G = \langle X, Y, H \rangle: \quad (6.2.1)$$

Այստեղ X -ը առաջին, իսկ Y -ը՝ երկրորդ խաղացողի ստրատեգիաների բազմությունն է, H -ը առաջին խաղացողի շահույթի ֆունկցիան: Խաղացողները միմիանցից անկախ ընտրում են համապատասխանաբար $x \in X$ և $y \in Y$: Արդյունքում երկրորդ խաղացողը վճարում է առաջինին $H(x, y)$ շահույթ: Դրանով խաղն ավարտվում է:

Հակամարտ խաղերում հավասարակշռության սահմանումը նույնպես պարզեցվում է: Իրոք, հավասարակշռության իրավիճակի (6.2.2) սահմանումից հետևում է, որ (x^0, y^0) կետը հավասարակշռության իրավիճակ է, եթե

$$\begin{aligned} H_1(x^0, y^0) &\geq H_1(x, y^0), x \in X, \\ H_2(x^0, y^0) &\geq H_2(x^0, y), y \in Y: \end{aligned}$$

Հաշվի առնելով, որ $H_2(x, y) = -H_1(x, y)$ և միավորելով այս անհավասարությունները, կստանանք հավասարակշռության իրավիճակի սահմանում հակամարտ խաղերում:

Սահմանում 6.2.2: (x^0, y^0) իրավիճակն անվանում են *հավասարակշռության իրավիճակ* հակամարտ խաղերում, եթե բոլոր $x \in X$ և $y \in Y$ -ի համար այն բավարարում է հետևյալ կրկնակի անհավասարությանը՝

$$H(x, y^0) \leq H(x^0, y^0) \leq H(x^0, y): \quad (6.2.2)$$

Այժմ դիտարկենք օպտիմալության մեկ այլ սկզբունք: Դիցուք արաջին խաղացողն ընտրել է որևէ $x \in X$: Եթե երկրորդ խաղացողին որևէ եղանակով հայտնի դարձավ այդ կետը, ապա ակնհայտ է, որ նա կընտրի $y \in \mathop{\text{Arg min}}_{y \in Y} H(x, y)$ (այստեղ ենթադրվում է, որ $H(x, y)$ ֆունկցիայի բոլոր էքստրեմումները հասանելի են): Այսպիսով, արաջին խաղացողն, ընտրելով որևէ $x \in X$, չի կարող ապահովել իր շահույթը ավելին, քան $\min_{y \in Y} H(x, y)$: Ընտրելով $x' \in \mathop{\text{Arg max}}_{x \in X} [\min_{y \in Y} H(x, y)]$ առաջին խաղացողի ապահոված շահույթը դառնում է նվազագույնը $\max_{x \in X} [\min_{y \in Y} H(x, y)] = v_1$:

Մյուս կողմից, ընտրելով որևէ $y \in Y$, երկրորդ խաղացողը չի վճարի առաջինին ավելին, քան $\max_{x \in X} H(x, y)$, հետևաբար, ընտրելով $y' \in \mathop{\text{Arg min}}_{y \in Y} [\max_{x \in X} H(x, y)]$ նա կվճարի առաջինին առավելագույնը $\min_{y \in Y} [\max_{x \in X} H(x, y)] = v_2$: Այն դեպքում, երբ $v_1 = v_2 = v$, առաջին խաղացողն ունի ստրատեգիա, որի դեպքում կստանա նվազագույնը v շահույթ, իսկ երկրորդ խաղացողն ունի ստրատեգիա, որի դեպքում չի վճարի առաջին խաղացողին v -ից ավել: Եվ այս դեպքում (երբ $v_1 = v_2 = v$) x' և y' ստրատեգիաները կարելի է համարել օպտիմալ: Այս սկզբունքն անվանում են *մաքսիմալ ապահոված շահույթի սկզբունք*:

Պարզվում է, որ հակամարտ խաղերում այս երկու օպտիմալության սկզբունքները՝ հավասարակշռության սկզբունքը և մաքսիմալ ապահոված շահույթի սկզբունքը համարժեք են: Ապացուցենք այդ փաստը: Նախ մեզ անհրաժեշտ կլինի հետևյալ օժանդակ պնդումը:

Լեմ 6.2.1: *Երկու փոփոխականի ցանկացած $H(x, y)$ ֆունկցիայի համար*

$$\sup_{x \in X} \inf_{y \in Y} H(x, y) \leq \inf_{y \in Y} \sup_{x \in X} H(x, y):$$

Ապացույց: Ցանկացած ֆիքսած $y \in Y$ և բոլոր $x \in X$ համար

$$H(x, y) \leq \sup_{x \in X} H(x, y):$$

Այժմ ֆիքսենք որևէ $x \in X$: Քանի որ նախորդ անհավասարությունը բավարարվում է ցանկացած ֆիքսած $y \in Y$ համար, ապա

$$\inf_{y \in Y} H(x, y) \leq \inf_{y \in Y} \left(\sup_{x \in X} H(x, y) \right):$$

Այս անհավասարությունը ճիշտ է ցանկացած ֆիքսած $x \in X$ դեպքում, հետևաբար այն ճիշտ է նաև \sup -ի համար ըստ $x \in X$

$$\sup_{x \in X} \left(\inf_{y \in Y} H(x, y) \right) \leq \inf_{y \in Y} \left(\sup_{x \in X} H(x, y) \right): \quad (6.2.3)$$

Թեորեմ 6.2.2: Որպեսզի հակամարտ $G = \langle X, Y, H \rangle$ խաղում գոյություն ունենա հավասարակշռության իրավիճակ, անհրաժեշտ է և բավարար, որ գոյություն ունենան և հավասար լինեն $\max_{x \in X} \inf_{y \in Y} H(x, y)$ և $\min_{y \in Y} \sup_{x \in X} H(x, y)$ կրկնակի էքստրեմումները:

Ապացույց: Անհրաժեշտություն: Դիցուք $G = \langle X, Y, H \rangle$ խաղում գոյություն ունի հավասարակշռության իրավիճակ, այսինքն (x^0, y^0) իրավիճակ, որը բավարարում է

$$H(x, y^0) \leq H(x^0, y^0) \leq H(x^0, y) \quad (6.2.4)$$

անհավասարությանը բոլոր $x \in X$ և $y \in Y$ համար: Քանի որ այս անհավասարության աջ մասը ճիշտ է բոլոր $y \in Y$ համար, ապա՝

$$H(x^0, y^0) \leq \inf_{y \in Y} H(x^0, y):$$

Եվ, քանի որ այն ճիշտ է x^0 կետում, ապա այն առավել ևս ճիշտ է նաև ճշգրիտ վերին եզրի համար, այսինքն՝

$$H(x^0, y^0) \leq \inf_{y \in Y} H(x^0, y) \leq \sup_{x \in X} \inf_{y \in Y} H(x, y): \quad (6.2.5)$$

Նույն եղանակով 6.2.4 անհավասարության ձախ մասից կստանանք՝

$$H(x^0, y^0) \geq \sup_{x \in X} H(x, y^0) \geq \inf_{y \in Y} \sup_{x \in X} H(x, y): \quad (6.2.6)$$

Միացնելով (6.2.5) և (6.2.6) անհավասարությունները, ստանում ենք՝

$$\sup_{x \in X} \inf_{y \in Y} H(x, y) \geq \inf_{y \in Y} H(x^0, y) \geq H(x^0, y^0) \geq \sup_{x \in X} H(x, y^0) \geq \inf_{y \in Y} \sup_{x \in X} H(x, y):$$

Սակայն 6.2.1 լեմից հետևում է, որ երկու փոփոխականի ցանկացած ֆունկցիայի համար տեղի ունի հակառակ անհավասարությունը: Այսպիսով, եթե խաղում գոյություն ունի հավասարակշռության իրավիճակ, ապա

$$\sup_{x \in X} \inf_{y \in Y} H(x, y) = \inf_{y \in Y} \sup_{x \in X} H(x, y) = H(x^0, y^0): \quad (6.2.7)$$

Բացի այդ,

$$\sup_{x \in X} \inf_{y \in Y} H(x, y) = \inf_{y \in Y} H(x^0, y), \quad \sup_{x \in X} H(x, y^0) = \inf_{y \in Y} \sup_{x \in X} H(x, y), \quad (6.2.8)$$

հետևաբար, կրկնակի էքստրեմումների արտաքին էքստրեմումները հասանելի են (x^0 և y^0 կետերում) և վերջնականապես ստանում ենք, որ

$$\max_{x \in X} \inf_{y \in Y} H(x, y) = \min_{y \in Y} \sup_{x \in X} H(x, y):$$

Բավարարություն: Այժմ ենթադրենք, որ $\max_{x \in X} \inf_{y \in Y} H(x, y)$ -ը և $\min_{y \in Y} \sup_{x \in X} H(x, y)$ -ը գոյություն ունեն և հավասար են: Արտաքին էքստրեմումների գոյությունից հետևում է այնպիսի $x' \in X$ և $y' \in Y$ կետերի գոյությունը, որոնց համար՝

$$\begin{aligned} \max_{x \in X} \inf_{y \in Y} H(x, y) &= \inf_{y \in Y} H(x', y), \\ \min_{y \in Y} \sup_{x \in X} H(x, y) &= \sup_{x \in X} H(x, y'): \end{aligned}$$

Ճշգրիտ վերին և ստորին եզրերի սահմանումից հետևում է, որ բոլոր $x \in X$ և $y \in Y$ համար

$$\begin{aligned} \max_{x \in X} \inf_{y \in Y} H(x, y) &= \inf_{y \in Y} H(x', y) \leq H(x', y), \\ \min_{y \in Y} \sup_{x \in X} H(x, y) &= \sup_{x \in X} H(x, y') \geq H(x, y'): \end{aligned} \quad (6.2.9)$$

Քանի որ այս անհավասարությունները բավարարվում են բոլոր $x \in X$ և $y \in Y$ համար, ապա բավարարվում են նաև $x' \in X$ և $y' \in Y$ համար: Տեղադրելով այս կետերը 6.2.9 անհավասարությունների մեջ և հաշվի առնելով, որ ըստ թեորեմի պայմանի կրկնակի էքստրեմումները հավասար են, կստանանք

$$\max_{x \in X} \inf_{y \in Y} H(x, y) = \min_{y \in Y} \sup_{x \in X} H(x, y) = H(x', y'): \quad (6.2.10)$$

Տեղադրելով կրկնակի էքստրեմումների $H(x', y')$ արժեքը (6.2.9) անհավասարությունների մեջ, ստանում ենք, որ

$$H(x, y') \leq H(x', y') \leq H(x', y)$$

բոլոր $x \in X$ և $y \in Y$ համար: Այսինքն, (x', y') իրավիճակը հավասարակշռության իրավիճակ է G խաղում:

Հետևանք: *Դիցուք (x^0, y^0) -ը և (x', y') -ը երկու հավասարակշռության իրավիճակներ են $G = \langle X, Y, H \rangle$ խաղում: Այդ դեպքում (x^0, y^0) և (x', y^0) իրավիճակները նույնպես հավասարակշռության իրավիճակներ են և*

$$H(x^0, y^0) = H(x', y') = H(x^0, y') = H(x', y^0):$$

Այս պնդումն արդեն ստացվել է թեորեմի ապացուցման ընթացքում: Իրոք, 6.2.8 հավասարումներից հետևում է, որ

$$x^0 \in \text{Arg max}_{x \in X} \left(\inf_{y \in Y} H(x, y) \right),$$

$$x' \in \text{Arg max}_{x \in X} \left(\inf_{y \in Y} H(x, y) \right),$$

$$y^0 \in \text{Arg min}_{y \in Y} \left(\sup_{x \in X} H(x, y) \right),$$

$$y' \in \text{Arg min}_{y \in Y} \left(\sup_{x \in X} H(x, y) \right):$$

Իսկ (6.2.10)-ից հետևում է, որ շահույթի ֆունկցիայի արժեքը հավասարակշռության իրավիճակում հավասար է կրկնակի էքստրեմումների ընդհանուր արժեքին, հետևաբար, հավասարակշռության բոլոր իրավիճակներում շահույթի ֆունկցիայի արժեքները նույնն են:

6.3. ՄԱՏՐԻՑԱՅԻՆ ԽԱՂԵՐ

Հակամարտ խաղերում հավասարակշռության իրավիճակների գոյության խնդրի դիտարկումը սկսենք մասնավոր դեպքից՝ վերջավոր հակամարտ խաղերից: Դիցուք $G = \langle X, Y, H \rangle$ խաղում X և Y բազմությունները վերջավոր են, այսինքն՝ $X = \{x_1, x_2, \dots, x_m\}$, $Y = \{y_1, y_2, \dots, y_n\}$: Նշանակենք $H(x_i, y_j) = h_{ij}$; $i = 1, 2, \dots, m$; $j = 1, 2, \dots, n$: Այսպիսով, յուրաքանչյուր վերջավոր հակամարտ խաղին կհամապատասխանի որևէ մատրից՝ $\{h_{ij}\}_{i=1, \dots, m}^{j=1, \dots, n}$: Եվ հակառակը, դիցուք տրված է որևէ $m \times n$ չափսերի H մատրից: Այս մատրիցը կարելի է դիտարկել որպես հակամարտ խաղ, որտեղ առաջին խաղացողն ունի m հատ ստրատեգիա (տողերի թվին համապատասխան), երկրորդ խաղացողն ունի n հատ ստրատեգիա (սյունների թվին համապատասխան), իսկ առաջին խաղացողի շահույթը (i, j) իրավիճակում հավասար է h_{ij} : Այսպիսով, յուրաքանչյուր վերջավոր հակամարտ խաղին կարելի է համապատասխանության մեջ դնել մեկ մատրից և յուրաքանչյուր մատրից կարելի է դիտարկել որպես հակամարտ խաղ: Այդ պատճառով վերջավոր հակամարտ խաղերն անվանում են *մատրիցային խաղեր*:

Մատրիցային խաղերի դեպքում նախորդ բաժնի սահմանումները կընդունեն հետևյալ տեսքը՝ (i^0, j^0) իրավիճակը հավասարակշռության իրավիճակ է, եթե բոլոր $i = 1, 2, \dots, m$; $j = 1, 2, \dots, n$ համար՝

$$h_{i^0, j^0} \leq h_{i, j^0} \leq h_{i^0, j} :$$

Հաշվի առնելով, որ վերջավոր բազմությունների վրա էքստրեմումները միշտ հասանելի են, հավասարակշռության իրավիճակի գոյության անհրաժեշտ և բավարար պայմանը կընդունի հետևյալ տեսքը՝

$$\max_i \min_j h_{ij} = \min_j \max_i h_{ij} :$$

Սակայն, ինչպես տեսանք թիվ 6.1.3 օրինակում, նույնիսկ պարզագույն խաղերում հավասարակշռության իրավիճակ կարող է գոյություն չունենալ: Այդ օրինակում բերված խաղի մատրիցն այսպիսին է՝

$$H = \begin{pmatrix} -1 & 1 \\ 1 & -1 \end{pmatrix};$$

Հեշտ է ստուգել, որ այս խաղում $\max_i \min_j h_{ij} = -1$, $\min_j \max_i h_{ij} = 1$, այսինքն առաջին խաղացողի մաքսիմալ ապահոված շահույթը հավասար է -1 -ի, իսկ երկրորդ խաղացողինը՝ 1 -ի: Ընդլայնենք խաղացողների հնարավորությունները և թույլ տանք նրանց ոչ թե ընտրեն կոնկրետ տող կամ սյուն, այլ տողերը և սյունները ընտրեն որոշակի հավանականություններով: Դիցուք առաջին խաղացողը մատրիցի առաջին տողն ընտրում է $p \in [0,1]$ հավանականությամբ, իսկ երկրորդ տողը՝ $1-p$ հավանականությամբ: Այս դեպքում, եթե երկրորդ խաղացողն ընտրի առաջին տողն, ապա առաջին խաղացողի շահույթի մաթեմատիկական սպասումը հավասար է $-1 \cdot p + 1 \cdot (1-p) = 1-2p$, երկրորդ տողն ընտրելու դեպքում շահույթի մաթեմատիկական սպասումը հավասար է $1 \cdot p + (-1) \cdot (1-p) = 2p-1$: Բոլոր դեպքերում առաջին խաղացողի շահույթի մաթեմատիկական սպասումը կլինի ոչ պակաս, քան $\min\{1-2p, 2p-1\}$: Հեշտ է տեսնել, որ այս արտահայտությունը հասնում է առավելագույն արժեքի $p=1/2$ դեպքում և հավասար է 0 -ի: Այսպիսով, ընտրելով տողերը հավասար հավանականություններով, առաջին խաղացողն ապահովում է իր համար 0 -ից ոչ պակաս շահույթի մաթեմատիկական սպասում: Բայց ճիշտ նույն կերպ կարող է գործել նաև երկրորդ խաղացողը, որը ընտրելով մատրիցի սյունները հավասար հավանականություններով կարող է վճարել առաջինին ոչ ավել, քան 0 : Այսպիսով, օգտագործելով այսպիսի հավանականային ստրատեգիաներ, խաղացողների ապահոված շահույթները հավասարվում են: Այս օրինակը որոշակի հիմքեր է տալիս հավանականային ստրատեգիաներ օգտագործելու համար:

Սահմանում 6.3.1: $m \times n$ չափսերի H մատրիցային խաղում առաջին խաղացողի *խառն ստրատեգիա* է կոչվում ոչ բացասական

$p = (p_1, p_2, \dots, p_m)$; $p_i \geq 0, i = 1, 2, \dots, m$; $\sum_{i=1}^m p_i = 1$ վեկտորը: Նմանապես, երկրորդ

խաղացողի *խառն ստրատեգիա* է կոչվում ոչ բացասական

$q = (q_1, q_2, \dots, q_n)$; $q_j \geq 0, j = 1, 2, \dots, n$; $\sum_{j=1}^n q_j = 1$ վեկտորը: Այստեղ p_i -ն H մատրիցի i -րդ

տող ընտրելու, իսկ q_j -ն j -րդ սյուն ընտրելու հավանականությունն է: Առաջին խաղացողի բոլոր խառն ստրատեգիաների բազմությունը նշանակենք S_m -ով, իսկ երկրորդ խաղացողի բոլոր խառն ստրատեգիաների բազմությունը՝ S_n -ով, այսինքն՝

$$S_m = \left\{ p = (p_1, p_2, \dots, p_m) \in R_+^m : \sum_{i=1}^m p_i = 1 \right\}, \quad S_n = \left\{ q = (q_1, q_2, \dots, q_n) \in R_+^n : \sum_{j=1}^n q_j = 1 \right\}:$$

Ի տարբերություն խառն ստրատեգիաների, խաղացողի կողմից տողի կամ սյան համարի ընտրությունը անվանում են խաղացողի *մաքուր ստրատեգիա*: Առաջին խաղացողի i -րդ մաքուր ստրատեգիան կարելի է դիտարկել որպես $p = (p_1, p_2, \dots, p_m)$ խառն ստրատեգիա, որտեղ $p_i = 1, p_k = 0, k \neq i$: Մաքուր ստրատեգիաի այդպիսի սահմանման դեպքում S_m բազմությունը հանդիսանում է առաջին խաղացողի մաքուր ստրատեգիաների բազմության ուռուցիկ թաղանթը: Նմանապես, S_n բազմությունը հանդիսանում է երկրորդ խաղացողի մաքուր ստրատեգիաների բազմության ուռուցիկ թաղանթը:

Խաղացողի շահույթը խառն ստրատեգիաների պայմաններում սահմանվում է, որպես շահույթի մաթեմատիկական սպասում: Քանի որ հակամարտ խաղերում խաղացողները գործում են միմիանցից անկախ, ապա առաջին խաղացողի h_{ij} շահույթ ստանալու հավանականությունը (p, q) իրավիճակում հավասար է $p_i q_j$, հետևաբար, շահույթի $H(p, q)$ մաթեմատիկական սպասումը ունի հետևյալ տեսքը՝

$$H(p, q) = \sum_{i=1}^m \sum_{j=1}^n p_i h_{ij} q_j:$$

Այն դեպքերում, երբ խաղացողներից մեկն ընտրում է մաքուր ստրատեգիա, այսինքն (p, j) , (i, q) տեսքի իրավիճակներում խաղացողի շահույթը կընդունի հետևյալ տեսքը՝

$$H(p, j) = \sum_{i=1}^m p_i h_{ij}, \quad H(i, q) = \sum_{j=1}^n h_{ij} q_j:$$

Ակնհայտ է, որ

$$H(p, q) = \sum_{i=1}^m p_i H(i, q) = \sum_{j=1}^n H(p, j) q_j:$$

Սահմանում 6.3.2: Մատրիցային խաղի խառն ընդլայնում անվանում են հետևյալ հակամարտ խաղը

$$G = \langle S_m, S_n, H(p, q) \rangle:$$

Այժմ անցնենք հավասարակշռության իրավիճակների գոյության խնդրին: Նախ ապացուցենք երկու լեմ:

Լեմ 6.3.1: (Խառն ստրատեգիաների անցման լեմ): Եթե առաջին խաղացողի որևէ $p \in S_m$ ստրատեգիայի և c -ի համար

$$H(p, j) \geq c, j = 1, 2, \dots, n,$$

ապա բոլոր $q \in S_n$ համար $H(p, q) \geq c$:

Եթե երկրորդ խաղացողի որևէ $q \in S_n$ ստրատեգիայի և c -ի համար

$$H(i, q) \leq c, i = 1, 2, \dots, m,$$

ապա բոլոր $p \in S_m$ համար $H(p, q) \leq c$:

Ապացույց: Բավական է ապացուցել լեմի առաջին մասը: Դիցուք $q = (q_1, q_2, \dots, q_n)$ -ն երկրորդ խաղացողի կամայական ստրատեգիա է: Այդ դեպքում՝

$$H(p, q) = \sum_{j=1}^n H(p, j)q_j \geq \sum_{j=1}^n cq_j = c \sum_{j=1}^n q_j = c:$$

Լեմ 13.2: (Լեմ երկրնտրանքի վերաբերյալ): $m \times n$ չափսերի ցանկացած H մատրիցի համար տեղի ունի երկու այլընտրանքներից մեկը.

1. Գոյություն ունի այնպիսի $p \in S_m$ վեկտոր, որ $H(p, j) \geq 0$ բոլոր $j = 1, 2, \dots, n$ համար:
2. Գոյություն ունի այնպիսի $q \in S_n$ վեկտոր, որ $H(i, q) \leq 0$ բոլոր $i = 1, 2, \dots, m$ համար:

Ապացույց: Դիցուք H -ը կամայական $m \times n$ չափսերի մատրից է: Մատրիցի սյունները կարելի է դիտարկել որպես m -չափանի վեկտորական տարածության կետեր՝ եթե H^j -ով նշանակենք H -ի j -րդ սյունը, այսինքն՝ $H^j = (h_{1j}, h_{2j}, \dots, h_{mj})$, ապա $H^j \in R^m$;

$j=1,2,\dots,n$: e^i -ով նշանակենք R^m -ի միավոր վեկտորը, որի i -րդ բաղադրիչը հավասար է 1-ի, իսկ մնացած բաղադրիչները հավասար են 0-ի: R^m տարածության $H^j, j=1,2,\dots,n$ և $e^i, i=1,2,\dots,m$ այդպես սահմանված $n+m$ կետերի ուռուցիկ թաղանթը նշանակենք C -ով: C -ն փակ ուռուցիկ բազմանիստ է R^m -ում (տես սահմանումը): Հնարավոր է երկու դեպք. կամ սկզբնակետը պատկանում է C -ին, կամ չի պատկանում: Դիտարկենք երկու իրարամերժ դեպքեր. R^m տարածության սկզբնակետը կամ պատկանում է C բազմությանը կամ չի պատկանում:

1. $0 \notin C$: Այս դեպքում, քանի որ C -ն փակ ուռուցիկ բազմություն է և 0-ն չի պատկանում այդ բազմությանը, ապա ըստ անջատելիության թեորեմի (տես թեորեմ 2.1.4), 0 կետով կարելի է անց կացնել $\langle \lambda, z \rangle = 0$ հիպերհարթություն, այնպես, որ բոլոր $z \in C$ համար $\langle \lambda, z \rangle > 0$: Անալիտիկորեն դա նշանակում է, որ գոյություն ունեն $\lambda_1, \lambda_2, \dots, \lambda_m$ իրական թվեր, որոնք միաժամանակ 0 չեն, որ

$$\sum_{i=1}^m \lambda_i z_i > 0, z \in C \quad (6.3.1)$$

Եթե որպես z կետեր վերցնենք $e^i, i=1,2,\dots,m$ կետերը, ապա՝

$$\langle \lambda, e^i \rangle = \lambda_i > 0; \quad i=1,2,\dots,m:$$

Նշանակենք՝

$$p_i = \frac{\lambda_i}{\sum_{k=1}^m \lambda_k}; \quad i=1,2,\dots,m:$$

Ակնհայտ է, որ $p_i > 0; \quad i=1,2,\dots,m, \quad \sum_{i=1}^m p_i = 1$, հետևաբար, $p = (p_1, p_2, \dots, p_m) \in S^m$:

Բաժանելով (6.3.1) անհավասարությունը $\sum_{i=1}^m p_i$ վրա, կստանանք՝

$$\frac{1}{\sum_{i=1}^m \lambda_i} \sum_{i=1}^m \lambda_i z_i = \sum_{i=1}^m p_i z_i > 0:$$

Այս անհավասարության մեջ որպես z վերցնելով $H^j, j=1,2,\dots,n$ կետերը, վերջնականապես կստանանք՝

$$0 < \sum_{i=1}^m p_i h_{ij} = H(p, j); \quad j=1,2,\dots,n:$$

Այսպիսով, այն դեպքում, երբ $0 \notin C$, ստանում ենք լեմմա առաջին երկրնորանքը:

2. $0 \in C$: Այս դեպքում սկզբնակետը կարելի է ներկայացնել C բազմության ծայրակետերի ուռուցիկ գծային կոմբինացիայի տեսքով: Քանի որ C բազմության ծայրակետերի բազմությունը $H^j, j=1,2,\dots,n$ $e^i, i=1,2,\dots,m$ վեկտորների բազմության ենթաբազմություն է, ապա սկզբնակետը կարելի է ներկայացնել հետևյալ կոմբինացիայի տեսքով

$$0 = \sum_{k=1}^m \alpha_k e^k + \sum_{j=1}^n \beta_j H^j,$$

որտեղ

$$\alpha_k \geq 0, \quad k=1,2,\dots,m; \quad \beta_j \geq 0, \quad j=1,2,\dots,n; \quad \sum_{k=1}^m \alpha_k + \sum_{j=1}^n \beta_j = 1 :$$

Այս հավասարությունը վեկտորական է: Եթե այն գրենք ըստ կոորդինատների, կստանանք հավասարությունների հետևյալ համակարգը

$$0 = \alpha_i + \sum_{j=1}^n \beta_j h_{ij}, \quad i=1,2,\dots,m: \quad (6.3.2)$$

Այստեղից, քանի որ բոլոր α_i -երը ոչ բացասական են, ապա

$$\sum_{j=1}^n \beta_j h_{ij} \leq 0, \quad i=1,2,\dots,m \quad (6.3.3)$$

$\beta_j, \quad j=1,2,\dots,n$ գործակիցները ոչ բացասական են և չեն կարող միաժամանակ հավասար լինեն զրոյի, այլապես (6.3.2)-ից կհետևի, որ բոլոր $\alpha_i, \quad i=1,2,\dots,m$

գործակիցները նույնպես հավասար են զրոյի, ինչը կհակասի $\sum_{k=1}^m \alpha_k + \sum_{j=1}^n \beta_j = 1$

պայմանին: Այսպիսով, $\sum_{j=1}^n \beta_j > 0$: Նշանակենք՝

$$q_j = \frac{\beta_j}{\sum_{j=1}^n \beta_j}, \quad j = 1, 2, \dots, n:$$

Ակներև է, որ $q_j \geq 0, j = 1, 2, \dots, n$ և $\sum_{j=1}^n q_j = 1$, այսինքն, $q = (q_1, q_2, \dots, q_n) \in S^n$: Մյուս

կողմից, բաժանելով (6.3.3) անհավասարությունները $\sum_{j=1}^n \beta_j$ -ի վրա, կստանանք

$$\frac{1}{\sum_{j=1}^n \beta_j} \sum_{j=1}^n \beta_j h_{ij} = \sum_{j=1}^n q_j h_{ij} = H(i, q) \leq 0, \quad i = 1, 2, \dots, m:$$

Այսպիսով ապացուցեցինք լեմի երկրորդ այլընտրանքային պնդումը ևս:

Այժմ անցնենք մատրիցային խաղերի հիմնական թեորեմի ապացուցմանը:

Թեորեմ 6.3.1: (Ֆոն Նեյման-Մորգենշթերն): Ցանկացած վերջավոր հակամարտ խաղում գոյություն ունի հավասարակշռության իրավիճակ:

Ապացույց: Դիցուք տրված է որևէ $m \times n$ չափսերի H մատրիցով վերջավոր հակամարտ խաղ: Այդ մատրիցի համար պետք է բավարարվի երկընտրանքի վերաբերյալ լեմի այլընտրանքներից մեկը: Դիցուք կատարվում է լեմի առաջին այլընտրանքը, այսինքն գոյություն ունի այնպիսի $p \in S^m$ վեկտոր, որ $H(p, j) \geq 0$ բոլոր $j = 1, 2, \dots, n$ համար: Քանի որ այս անհավասարությունը տեղի ունի բոլոր $j = 1, 2, \dots, n$ համար, ապա, ըստ լեմ 6.3.1-ի, տեղի ունի նաև բոլոր $q \in S^n$ համար՝ $H(p, q) \geq 0$, հետևաբար, նաև $\min_{q \in S^n} H(p, q) \geq 0$: Այս անհավասարությունը ճիշտ է p կետի համար, հետևաբար՝

$$\max_{p \in S^m} \min_{q \in S^n} H(p, q) \geq 0 \tag{6.3.4}$$

Այստեղ էքստրեմումի գոյությունը բխում է բազմությունների կոմպակտությունից:

Այն դեպքում, երբ H մատրիցի համար բավարարվում է 6.3.2 լեմի երկրորդ այլընտրանքը, այսինքն գոյություն ունի այնպիսի $q \in S^n$ վեկտոր, որ $H(i, q) \leq 0$ բոլոր $i = 1, 2, \dots, m$ համար, ապա, ինչպես և առաջին դեպքում, կստանանք, որ

$$\min_{q \in S^n} \max_{p \in S^m} H(p, q) \leq 0: \quad (6.3.5)$$

Այսպիսով, ցանկացած H վերջավոր մատրիցի համար տեղի ունի կամ (6.3.4)-ը, կամ (6.3.5)-ը: Հետևաբար, ոչ մի մատրիցի համար հնարավոր չէ, որ միաժամանակ

$$\max_{p \in S^m} \min_{q \in S^n} H(p, q) < 0 \quad \text{և} \quad \min_{q \in S^n} \max_{p \in S^m} H(p, q) > 0:$$

Այսինքն, ոչ մի մատրիցի համար չի կարող տեղի ունենալ հետևյալ կրկնակի անհավասարությունը

$$\max_{p \in S^m} \min_{q \in S^n} H(p, q) < 0 < \min_{q \in S^n} \max_{p \in S^m} H(p, q): \quad (6.3.6)$$

Դիցուք c -ն կամայական իրական թիվ է: H մատրիցի բոլոր տարրերից հանենք c -ն և ստացված մատրիցը նշանակենք H' -ով: Քանի որ (6.3.6) կրկնակի անհավասարությունը չի կարող տեղի ունենալ ոչ մի մատրիցի համար, ուստի այն չի կարող տեղի ունենալ նաև H' մատրիցի համար: Մյուս կողմից,

$$H'(p, q) = \sum_{i=1}^m \sum_{j=1}^n p_i (h_{ij} - c) q_j = \sum_{i=1}^m \sum_{j=1}^n p_i h_{ij} q_j - c \sum_{i=1}^m \sum_{j=1}^n p_i q_j = H(p, q) - c:$$

$$\max_{p \in S^m} \min_{q \in S^n} (H(p, q) - c) = \max_{p \in S^m} \min_{q \in S^n} H(p, q) - c,$$

$$\min_{q \in S^n} \max_{p \in S^m} (H(p, q) - c) = \min_{q \in S^n} \max_{p \in S^m} H(p, q) - c:$$

Այստեղից, ոչ մի H մատրիցի և ոչ մի իրական c թվի համար չի կարող տեղի ունենալ հետևյալ կրկնակի անհավասարությունը՝

$$\max_{p \in S^m} \min_{q \in S^n} H(p, q) - c < 0 < \min_{q \in S^n} \max_{p \in S^m} H(p, q) - c,$$

կամ

$$\max_{p \in S^m} \min_{q \in S^n} H(p, q) < c < \min_{q \in S^n} \max_{p \in S^m} H(p, q):$$

Հետևաբար ցանկացած H մատրիցի համար՝

$$\max_{p \in S^m} \min_{q \in S^n} H(p, q) \geq \min_{q \in S^n} \max_{p \in S^m} H(p, q):$$

Սակայն մյուս կողմից, երկու փոփոխականի ցանկացած ֆունկցիայի համար (տես լեմ 6.2.1)

$$\max_{p \in S^m} \min_{q \in S^n} H(p, q) \leq \min_{q \in S^n} \max_{p \in S^m} H(p, q):$$

Այսպիսով, ցանկացած H մատրիցի համար

$$\max_{p \in S^m} \min_{q \in S^n} H(p, q) = \min_{q \in S^n} \max_{p \in S^m} H(p, q): \quad (6.3.7)$$

Հաշվի առնելով, որ H -ը կամայական ֆիքսած մատրից էր, և կրկնակի էքստրեմումների հավասարությունը հավասարակշռության գոյության անհրաժեշտ և բավարար պայմանն է, թեորեմի պնդումը ապացուցված է:

Մահմանում 6.3.1: Մատրիցային H խաղում կրկնակի էքստրեմումների ընդհանուր արժեքը կոչվում է *խաղի արժեք* և նշանակվում է $V(H)$ -ով՝

$$V(H) = \max_{p \in S^m} \min_{q \in S^n} H(p, q) = \min_{q \in S^n} \max_{p \in S^m} H(p, q):$$

Բերենք խաղի արժեքի և խաղացողների օպտիմալ ստրատեգիաների մի շարք հատկություններ: Առաջին խաղացողի օպտիմալ ստրատեգիաների բազմությունը նշանակենք $T_1(H)$ -ով, երկրորդինը՝ $T_2(H)$ -ով:

2.1. Ցանկացած H մատրիցային խաղում՝

$$\max_i \min_j h_{ij} \leq V(H) \leq \min_j \max_i h_{ij}:$$

Այս պնդումը հետևում է այն փաստից, որ մաքուր ստրատեգիաների բազմությունը խառն ստրատեգիաների բազմության ենթաբազմություն է:

Հ.2. Եթե որևէ $p \in S^m$ ստրատեգիայի և իրական c թվի համար

$$H(p, j) \geq c, j = 1, 2, \dots, n,$$

ապա՝ $V(H) \geq c$:

Եթե որևէ $q \in S^n$ ստրատեգիայի և իրական c թվի համար

$$H(i, q) \leq c, i = 1, 2, \dots, m,$$

ապա՝ $V(H) \leq c$:

Սույն պնդման ապացույցը կրկնում է հիմնական թեորեմի ապացույցի սկզբնական մասը:

Հ.3. Դիցուք որևէ $p \in S^m$, $q \in S^n$ ստրատեգիաների և իրական c թվի համար

$$H(i, q') \leq c \leq H(p', j), i = 1, 2, \dots, m; j = 1, 2, \dots, n : \quad (6.3.8)$$

Այդ դեպքում՝

$$p \in T_1(H), q \in T_2(H), c = V(H):$$

Ապացույց: Քանի որ (6.3.8) անհավասարության աջ մասը բավարարվում է բոլոր $j = 1, 2, \dots, n$ համար, ապա ըստ խառն ստրատեգիաներին անցման լեմի, այն բավարարվում է նաև բոլոր $q \in S^n$ համար և, այդ թվում, q' ստրատեգիայի համար՝ $c \leq H(p', q')$: Նմանապես, (6.3.8) անհավասարության ձախ մասը բավարարվում է բոլոր $i = 1, 2, \dots, m$ համար, հետևաբար, նաև բոլոր $p \in S^m$, և, այդ թվում, p' -ի համար՝ $c \geq H(p', q')$: Այսպիսով, $c = H(p', q')$ և բավական է (6.3.8) անհավասարության մեջ c -ի փոխարեն տեղադրել $H(p', q')$:

Հ.4. Որպեսզի $p' \in T_1(H)$, անհրաժեշտ է և բավարար, որ

$$H(p', j) \geq V(H), j = 1, 2, \dots, n: \quad (6.3.9)$$

Որպեսզի $q' \in T_2(H)$, անհրաժեշտ է և բավարար, որ

$$H(i, q') \leq V(H), i = 1, 2, \dots, m:$$

Ապացույց: Ապացուցենք հատկության միայն առաջին մասը: Անհրաժեշտությունը անմիջականորեն հետևում է հավասարակշռության իրավիճակի սահմանումից: Մյուս կողմից, մատրիցային խաղերի հիմնական թեորեմից հետևում է, որ $T_2(H)$ -ը դատարկ չէ: Դիցուք՝ $q' \in T_2(H)$: Այս դեպքում, քանի որ q' -ը օպտիմալ է, ապա

$$H(i, q') \leq V(H), i = 1, 2, \dots, m:$$

Միացնելով այս անհավասարությունը (6.3.9) անհավասարության հետ, խնդիրը կրեքվի նախորդ հատկությանը:

Թեորեմ 6.3.2: Դիցուք j_0 -ն երկրորդ խաղացողի որևէ մաքուր ստրատեգիա է $m \times n$ չափսերի H մատրիցային խաղում: Այդ դեպքում կամ առաջին խաղացողն ունի այնպիսի $p^0 \in T_1(H)$ օպտիմալ ստրատեգիա, որ $H(p^0, j_0) > V(H)$, կամ երկրորդ խաղացողն ունի $q^0 \in T_2(H)$ օպտիմալ ստրատեգիա, որի j_0 -րդ բաղադրիչը հավասար է զրոյի՝ $q_{j_0}^0 = 0$:

Ապացույց: Ընդհանրությունը չխախտելով կարելի է ենթադրել, որ $V(H) = 0$ և $j_0 = n$: Դիտարկենք C ուռուցիկ կոնը, որը ծնված է R^m տարածության միավոր $e^{(i)}, i = 1, 2, \dots, m$ վեկտորներով և H մատրիցի $H^j, j = 1, 2, \dots, n$ սյուններով: Դիտարկենք երկու դեպք՝ $-H^n$ վեկտորը կամ պատկանում է C կոնին, կամ չի պատկանում: Եթե $-H^n \in C$, ապա գոյություն ունեն այնպիսի ոչ բացասական $\alpha_i, i = 1, 2, \dots, m$; $\beta_j, j = 1, 2, \dots, n-1$ թվեր, որ

$$-H^n = \sum_{i=1}^m \alpha_i e^{(i)} + \sum_{j=1}^{n-1} \beta_j H^j,$$

կամ

$$-h_{kn} = \alpha_k + \sum_{j=1}^{n-1} \beta_j h_{kj}, \quad k=1,2,\dots,m:$$

Սա նշանակում է, որ

$$\sum_{j=1}^{n-1} \beta_j h_{kj} + h_{kn} = -\alpha_k \leq 0, \quad k=1,2,\dots,m:$$

Նշանակենք՝

$$q_j^0 = \frac{\beta_j}{1 + \sum_{j=1}^{n-1} \beta_j}, \quad j=1,2,\dots,n-1; \quad q_n^0 = \frac{1}{1 + \sum_{j=1}^{n-1} \beta_j}:$$

Ակնհայտ է, որ $q_j^0 \geq 0, j=1,2,\dots,n; \sum_{j=1}^n q_j^0 = 1$, այսինքն, $q^0 = (q_1^0, q_2^0, \dots, q_n^0) \in S^n$ և բոլոր $i=1,2,\dots,m$ համար

$$H(q^0, i) = \sum_{j=1}^n q_j^0 h_{ij} = \sum_{j=1}^{n-1} \frac{\beta_j}{1 + \sum_{j=1}^{n-1} \beta_j} h_{ij} + \frac{1}{1 + \sum_{j=1}^{n-1} \beta_j} h_{in} = \frac{1}{1 + \sum_{j=1}^{n-1} \beta_j} \left(\sum_{j=1}^{n-1} \beta_j h_{ij} + h_{in} \right) \leq 0:$$

Հետևաբար, ըստ 4.4-ի, $q^0 \in T_2(H)$ և $q_n^0 > 0$:

Այժմ ենթադրենք, որ $-H^n \notin C$: Այս դեպքում, քանի որ սկզբնակետը ուռուցիկ կոնի ծայրակետ է, ապա, ըստ անջատելիության թեորեմի, սկզբնակետով կարելի է անց կացնել հիպերհարթություն, որն անջատում է $-H^n$ վեկտորը C կոնից: Դա նշանակում է, որ գոյություն ունեն այնպիսի $\lambda_i, i=1,2,\dots,m$ թվեր, որոնք միաժամանակ զրո չեն, որ բոլոր $z = (z_1, z_2, \dots, z_m) \in C$ համար

$$\sum_{i=1}^m \lambda_i z_i \geq 0 \tag{6.3.10}$$

և

$$\sum_{i=1}^m \lambda_i (-h_{in}) < 0: \tag{6.3.11}$$

Եթե որպես $z \in C$ կետեր վերցնենք բոլոր $e^{(i)}, i=1,2,\dots,m$ վեկտորները, ապա կստանանք, որ $\lambda_i \geq 0, i=1,2,\dots,m$ և, հետևաբար, $\sum_{i=1}^m \lambda_i > 0$: Նշանակենք՝ $p_i^0 = \frac{\lambda_i}{\sum_{i=1}^m \lambda_i}$:

Անմիջականորեն ստուգվում է, որ $p_i^0 \geq 0, i=1,2,\dots,m; \sum_{i=1}^m p_i^0 = 1$: Այժմ, եթե (6.3.10)

անհավասարությունները բաժանենք $\sum_{i=1}^m \lambda_i$ վրա, և որպես $z \in C$ կետեր վերցնենք $H^j, j=1,2,\dots,n$ վեկտորները, ապա՝

$$\sum_{i=1}^m p_i^0 h_{ij} = H(p^0, j) \geq 0 = V(H), j=1,2,\dots,n:$$

Հետևաբար, $p^0 = (p_1^0, p_2^0, \dots, p_m^0) \in T_1(H)$ ստրատեգիան օպտիմալ է, իսկ (6.3.11)-ից կստանանք $\sum_{i=1}^m p_i^0 h_{in} > 0$:

Հետևանք: Դիցուք $p^0 \in S^m$ և որևէ j_0 -ի համար $H(p^0, j_0) > V(H)$: Այս դեպքում երկրորդ խաղացողն ունի օպտիմալ $q^0 = (q_1^0, q_2^0, \dots, q_n^0)$ ստրատեգիա, որտեղ $q_{j_0}^0 = 0$: Եվ հակառակը, եթե երկրորդ խաղացողի բոլոր օպտիմալ ստրատեգիաներում j_0 բաղադրիչը հավասար է զրոյի, ապա $p^0 \in S^m$ համար՝ $H(p^0, j_0) > 0$: Դիցուք $q^0 \in S^n$ և որևէ i_0 համար $H(i_0, q^0) < V(H)$: Այս դեպքում առաջին խաղացողն ունի օպտիմալ $p^0 = (p_1^0, p_2^0, \dots, p_m^0)$ ստրատեգիա, որտեղ $p_{i_0}^0 = 0$: Եվ հակառակը, եթե առաջին խաղացողի բոլոր օպտիմալ ստրատեգիաներում i_0 բաղադրիչը հավասար է զրոյի, ապա $q^0 \in S^n$ ստրատեգիայի համար $H(i_0, q^0) < V(H)$:

Վերը շարադրված հատկությունները որոշ դեպքերում օգնում են լուծել մատրիցային խաղերը:

Օրինակ 6.3.1: Դիտարկենք հետևյալ խաղը: Երկու խաղացողները միմիանցից անկախ ընտրում են $\{1,2,3,4,5\}$ բազմության թվերից մեկը: Շահույթի $H(i, j)$ ֆունկցիան հավասար է $|i - j|$: Այս խաղը կարելի է ներկայացնել 5×5 չափաի մատրիցի տեսքով՝

$$H = \begin{pmatrix} 0 & 1 & 2 & 3 & 4 \\ 1 & 0 & 1 & 2 & 3 \\ 2 & 1 & 0 & 1 & 2 \\ 3 & 2 & 1 & 0 & 1 \\ 4 & 3 & 2 & 1 & 0 \end{pmatrix} :$$

Հեշտ է տեսնել, որ այս խաղում $\max_i \min_j h_{ij} = 0$, և $\min_j \max_i h_{ij} = 2$, ուստի

հավասարակշռության իրավիճակ մաքուր ստրատեգիաներում գոյություն չունի: Ըստ Հ1 հատկության՝ $0 \leq v(H) \leq 2$: Նայելով խաղի պայմաններին, կարելի է գուշակել, որ երկրորդ խաղացողը պետք է ընտրի միջին թիվը՝ 3-ը, իսկ առաջին խաղացողը՝ ծայրի թվերը: Ստուգենք երկրորդ խաղացողի մաքուր՝ $j^0 = 3$ և առաջին խաղացողի խառն՝ $p^0 = (0,5;0;0;0;0,5)$ ստրատեգիաները: Հաշվենք՝

$$H(p^0, 3) = 2; H(p^0, j) = 2, j = 1, 2, 3, 4, 5; H(i, 3) \leq 2, i = 1, 2, 3, 4, 5 :$$

Այսպիսով,

$$H(i, 3) \leq H(p^0, 3) \leq H(p^0, j), i = 1, 2, 3, 4, 5; j = 1, 2, 3, 4, 5 :$$

Հետևաբար, ըստ Հ.3 հատկության, $j^0 = 3$ և $p^0 = (0,5;0;0;0;0,5)$ ստրատեգիաները օպտիմալ են այս խաղում և $v(H) = 2$:

Որոշ մասնավոր դեպքերում մատրիցային խաղերը կարելի է լուծել գրաֆիկորեն: Դիտարկենք $(2 \times n)$ չափսի մատրիցային խաղ՝

$$H = \begin{pmatrix} h_{11} & h_{12} & \cdot & \cdot & \cdot & h_{1n} \\ h_{21} & h_{22} & \cdot & \cdot & \cdot & h_{2n} \end{pmatrix} :$$

Այստեղ առաջին խաղացողի խառն ստրատեգիան կարելի է ներկայացնել $(p, 1-p)$ տեսքով և խաղի արժեքը կստանա հետևյալ տեսքը՝

$$v(H) = \max_p \min_j H(p, j) = \max_p \min_j (ph_{1j} + (1-p)h_{2j}) :$$


(v, p) կոորդինատային հարթության մեջ անց կացնենք $v = ph_{1j} + (1-p)h_{2j}, j = 1, 2, \dots, n$ ուղիղները և գտնենք $v = \min_j (ph_{1j} + (1-p)h_{2j})$ բեկյալը: Ակներն է, որ այս բեկյալի առավելագույն արժեքը ըստ $p \in [0, 1]$ հավասար կլինի խաղի արժեքին, իսկ առաջին խաղացողի օպտիմալ ստրատեգիան հավասար է $(p^0, 1-p^0)$, որտեղ p^0 -ն այն կետն է, որտեղ բեկյալը հասնում է իր առավելագույն արժեքին: Երկրորդ խաղացողի օպտիմալ ստրատեգիան կարելի է գտնել, օգտվելով օպտիմալ ստրատեգիաների և խաղի արժեքի հատկություններից:

Օրինակ 6.3.2:

$$H = \begin{pmatrix} 4 & 3 & 1 \\ 1 & 3 & 4 \end{pmatrix}:$$

(p, v) կոորդինատային հարթության վրա գծենք $H(p, j) = v; j = 1, 2, 3$ ուղիղները (տես նկ. 6.3.1)՝

$$\begin{aligned} v &= 4p + (1-p), \\ v &= 3p + 3(1-p), \\ v &= p + 4(1-p): \end{aligned}$$



Նկար 6.3.1

Նկարի վրա հաստ գծով նշված է $v = \min_j H(p, j)$ բեկյալը: Գծագրից երևում է, որ բեկյալի մաքսիմումը $p \in [0, 1]$ տիրույթում համապատասխանում է $v = H(p, 1)$ և $v = H(p, 3)$ ուղիղների հատման կետին: Համատեղ լուծելով $v = 4p + (1 - p)$ և $v = p + 4(1 - p)$ հավասարումները, ստանում ենք՝ $p^0 = 0,5; v^0 = 2,5$: Այսպիսով՝ $v(H) = 2,5$, իսկ առաջին խաղացողի օպտիմալ ստրատեգիան $(0,5; 0,5)$ խառն ստրատեգիան է:

Այժմ գտնենք երկրորդ խաղացողի օպտիմալ ստրատեգիան: Հաշվենք $H(p^0, j), j = 1, 2, 3$ շահույթները՝

$$H(p^0, 1) = 0,5 \cdot 4 + 0,5 \cdot 1 = 2,5; \quad H(p^0, 2) = 0,5 \cdot 3 + 0,5 \cdot 3 = 3; \quad H(p^0, 3) = 0,5 \cdot 1 + 0,5 \cdot 4 = 2,5:$$

Քանի որ $H(p^0, 2) = 3 > v(H)$, ապա, ըստ թեորեմ 6.3.2 -ի, երկրորդ խաղացողի $q^0 = (q_1^0, q_2^0, q_3^0)$ օպտիմալ ստրատեգիայում $q_2^0 = 0$, իսկ q_1^0 և q_3^0 բաղադրիչները կարելի է ստանալ հավասարումների հետևյալ համակարգից՝

$$\begin{cases} 4q_1 + q_3 = 2,5 \\ q_1 + 4q_3 = 2,5 \end{cases}$$

Լուծելով այն, ստանում ենք՝ $q_1^0 = 0,5; q_3^0 = 0,5$: Այդպիսով, երկրորդ խաղացողի օպտիմալ ստրատեգիան $(0,5; 0; 0,5)$ խառն ստրատեգիան է:

Օրինակ 6.3.3: Անկյունագծային խաղեր: Դիտարկենք մատրիցային խաղ, որի մատրիցն ունի անկյունագծային տեսք՝

$$H = \begin{pmatrix} a_1 & 0 & 0 & \dots & 0 \\ 0 & a_2 & 0 & \dots & 0 \\ \dots & \dots & \dots & \dots & \dots \\ 0 & 0 & 0 & \dots & a_n \end{pmatrix},$$

որտեղ $a_i > 0, i = 1, 2, \dots, n$: Գնահատենք խաղի արժեքը: Դիցուք առաջին խաղացողն ընտրել է $\bar{p} = (1/n, 1/n, \dots, 1/n)$ ստրատեգիան: Այս դեպքում բոլոր $i = 1, 2, \dots, n$ համար $H(\bar{p}, j) = \frac{1}{n} a_j > 0$, հետևաբար, ըստ 2.2 հատկության՝ $V(H) > 0$: Եթե առաջին

խաղացողի օպտիմալ $p^0 = (p_1, p_2, \dots, p_n)$ ստրատեգիայում որևէ բաղադրիչ, օրինակ i_0 բաղադրիչը, հավասար է զրոյի, ապա $H(p^0, i_0) = 0$: Սա հակասում է 3.4 հատկությանը, քանի որ $V(H) > 0$: Այսպիսով, առաջին խաղացողի օպտիմալ ստրատեգիայի բոլոր բաղադրիչները պետք է լինեն խիստ դրական: Հետևաբար, ըստ 6.3.2 թեորեմի հետևանքի, եթե երկրորդ խաղացողի օպտիմալ ստրատեգիան նշանակենք $q^0 = (q_1, q_2, \dots, q_n)$, ապա $H(i, q^0) = V(H), i = 1, 2, \dots, n$: Միացնելով այս գծային հավասարումների համակարգին նաև $\sum_{i=1}^n q_i = 1$ հավասարումը, կստանանք $n+1$ փոփոխականներով $n+1$ հատ գծային հավասարումների հետևյալ համակարգը

$$\begin{cases} a_1 q_1 = v, \\ a_2 q_2 = v, \\ \dots\dots\dots, \\ a_n q_n = v, \\ \sum_{i=1}^n q_i = 1: \end{cases}$$

Հեշտ է ստուգել, որ համակարգի լուծումը հետևյալն է՝

$$q_i = \frac{1}{a_i \sum_{i=1}^n 1/a_i}, \quad i = 1, 2, \dots, n; \quad V(H) = \frac{1}{\sum_{i=1}^n 1/a_i}:$$

Այստեղից հետևում է, որ երկրորդ խաղացողի օպտիմալ ստրատեգիայի բոլոր բաղադրիչները խիստ դրական են, հետևաբար, օգտվելով նույն հատկությունից, երկրորդ խաղացողի $p^0 = (p_1, p_2, \dots, p_n)$ օպտիմալ ստրատեգիայի համար կստանանք՝

$$p_i = \frac{1}{a_i \sum_{i=1}^n 1/a_i}, \quad i = 1, 2, \dots, n:$$

Օրինակ 6.3.4: Դիտարկենք *հարձակում-պաշտպանություն* տեսքի մի վերջավոր խաղ: Դիցուք ունենք n օբեկտներ, որոնք պաշտպանության կարիք ունեն: Դա կարող

են լինել ինչպես ռազմական կամ տնտեսական, այնպես էլ ինֆորմացիոն բնույթի: Հարցակվողը (առաջին խաղացող) հարցակվում է այդ օբյեկտներից մեկի վրա: Պաշտպանը (երկրորդ խաղացող) այդ պահին կարող է պաշտպանել օբյեկտներից միայն մեկը: Ենթադրենք, որ i -րդ օբյեկտի արժեքը a_i -է, $a_i > 0$, $i = 1, 2, \dots, n$, իսկ հարցակման գինը - $b > 0$: Այս իրավիճակը կարելի է ներկայացնել մատրիցային խաղի տեսքով՝

$$H = \begin{pmatrix} -b & a_1 - b & a_1 - b & \dots & a_1 - b \\ a_2 - b & a_2 - b & a_2 - b & \dots & a_2 - b \\ \dots & \dots & \dots & \dots & \dots \\ a_n - b & a_n - b & a_n - b & \dots & a_n - b \end{pmatrix} :$$

Ստրատեգիապես համարժեք խաղերի վերաբերյալ թեորեմից հետևում է, որ խաղը համարժեք է H' մատրիցով խաղին՝

$$H' = \begin{pmatrix} 0 & a_1 & a_1 & \dots & a_1 \\ a_2 & 0 & a_2 & \dots & a_2 \\ \dots & \dots & \dots & \dots & \dots \\ a_n & a_n & a_n & \dots & 0 \end{pmatrix} :$$

Հաշվենք կրկնակի էքստրեմումները՝

$$\max_i \min_j h'_{ij} = 0, \quad \min_j \max_i h'_{ij} = \max \{a_i, i = 1, 2, \dots, n\} :$$

Այսպիսով, H' խաղում չկա հավասարության իրավիճակ մաքուր ստրատեգիաներում, հետևաբար խաղացողները պետք է կիրառեն խառն ստրատեգիաներ: Փորցենք գտնել $p^0 = (p_1^0, p_2^0, \dots, p_n^0)$, $q^0 = (q_1^0, q_2^0, \dots, q_n^0)$ ստրատեգիաներ, որոնք կբավարարեն

$$H'(i, q^0) = v = H'(p^0, j), \quad i = 1, 2, \dots, n; j = 1, 2, \dots, n$$

հավասարումների համակարգին: Ակներև է, որ եթե ստանանք v , p^0 և q^0 լոծումներ, որոնք բավարարեն $p^0 \in S_n, q^0 \in S_n$ պայմաններին, ապա, ըստ օպտիմալ ստրատեգիաների 3-րդ հատկության, p^0 -ն և q^0 -ն կլինեն օպտիմալ

ստրատեգիաներ, իսկ v -ն՝ խաղի արժեք : Կազմենք $H(p^0, j) = v, j = 1, 2, \dots, n$ հավասարումների համակարգը՝

$$\left\{ \begin{array}{l} \sum_{i \neq 1} p_i a_i = v, \\ \sum_{i \neq 2} p_i a_i = v, \\ \dots \dots \dots \\ \sum_{i \neq n} p_i a_i = v, \\ \sum_{i=1}^n p_i = 1: \end{array} \right.$$

Այս համակարգը կարելի է գրել հետևյալ տեսքով՝

$$\begin{aligned} \sum_{i=1}^n p_i a_i &= v - p_k a_k, \quad k = 1, 2, \dots, n \\ \sum_{i=1}^n p_i &= 1: \end{aligned}$$

Որտեղից՝

$$p_k^0 = \frac{1}{a_k \sum_{i=1}^n \frac{1}{a_i}}, \quad k = 1, 2, \dots, n; \quad v = \frac{n-1}{\sum_{i=1}^n \frac{1}{a_i}}:$$

Այժմ դիտարկենք $H'(i, q) = v, i = 1, 2, \dots, n$ համակարգը՝

$$\left\{ \begin{array}{l} a_1 \sum_{j \neq 1} q_j = v, \\ a_2 \sum_{j \neq 2} q_j = v, \\ \dots \dots \dots \\ a_n \sum_{j \neq n} q_j = v, \\ \sum_{j=1}^n q_j = 1: \end{array} \right.$$

Այն կարելի է ներկայացնել հետևյալ տեսքով՝

$$\begin{cases} a_k(1-q_k) = v, k=1,2,\dots,n \\ \sum_{j=1}^n q_j = 1: \end{cases}$$

Որտեղից՝

$$q_k^0 = 1 - \frac{n-1}{a_k \sum_{j=1}^n \frac{1}{a_j}}, \quad k=1,2,\dots,n:$$

Դժվար չէ ստուգել, որ $p^0 \in S_n$, սակայն q^0 -ի պատկանելիությունը S_n -ին պետք է ստուգվի: Մասնավորապես դիտարկենք $n=3$ դեպքը և ենթադրենք, որ $a_1 > a_2 > a_3 > 1$:

Տարանջատենք երկու դեպք. 1. $a_3 > \frac{a_1 a_2}{a_1 + a_2}$ և 2. $a_3 \leq \frac{a_1 a_2}{a_1 + a_2}$: Առաջին դեպքում՝

$$\begin{aligned} q_1^0 &= 1 - \frac{2}{a_1 \left(\frac{1}{a_1} + \frac{1}{a_2} + \frac{1}{a_3} \right)} = 1 - \frac{2}{1 + \frac{a_1}{a_2} + \frac{a_1}{a_3}} \geq 1 - \frac{2}{1+1+1} > 0, \\ q_2^0 &= 1 - \frac{2}{a_2 \left(\frac{1}{a_1} + \frac{1}{a_2} + \frac{1}{a_3} \right)} = 1 - \frac{2}{1 + \frac{a_2}{a_1} + \frac{a_2}{a_3}} \geq 1 - \frac{2}{1+1+\frac{a_2}{a_1}} > 0, \\ q_3^0 &= 1 - \frac{2}{a_3 \left(\frac{1}{a_1} + \frac{1}{a_2} + \frac{1}{a_3} \right)} = 1 - \frac{2}{1 + a_3 \left(\frac{1}{a_1} + \frac{1}{a_2} \right)} \geq 1 - \frac{2}{1 + a_3 \frac{a_1 + a_2}{a_1 a_2}} > 0 \end{aligned}$$

և, հետևաբար, $q_i^0 > 0, i=1,2,3$, այսինքն՝ $q^0 \in S_n$, և

$$V(H') = \frac{2}{\frac{1}{a_1} + \frac{1}{a_2} + \frac{1}{a_3}}:$$

Երկրորդ դեպքում, երբ $a_3 \leq \frac{a_1 a_2}{a_1 + a_2}$, օգտվելով 6.3.2 թեորեմից, օպտիմալ ստրատեգիաները փնտրենք $p^* = (p_1^*, p_2^*, 0)$, $q^* = (q_1^*, q_2^*, 0)$ տեսքով: Լուծելով

$$\begin{aligned} p_1^* a_2 &= v, & q_2^* a_1 &= v, \\ p_2^* a_1 &= v, & q_1^* a_2 &= v, \\ p_1^* + p_2^* &= 1, & q_1^* + q_2^* &= 1 \end{aligned}$$

հավասարումների համակարգը, կստանանք՝

$$p_1^* = \frac{a_2}{a_1 + a_2}, q_1^* = \frac{a_1}{a_1 + a_2}, v^* = \frac{a_1 a_2}{a_1 + a_2} :$$

Հաշվենք $H'(p^*, j)$, $j = 1, 2, 3$ և $H'(i, q^*)$, $i = 1, 2, 3$ արժեքները՝

$$\begin{aligned} H'(p^*, 1) &= \frac{a_1 a_2}{a_1 + a_2} = v^*, & H'(p^*, 2) &= \frac{a_1 a_2}{a_1 + a_2} = v^*, & H'(p^*, 3) &= \frac{a_1 a_2}{a_1 + a_2} + \frac{a_1 a_2}{a_1 + a_2} > v, \\ H'(q^*, 1) &= \frac{a_1 a_2}{a_1 + a_2} = v^*, & H'(q^*, 2) &= \frac{a_1 a_2}{a_1 + a_2} = v^*, & H'(q^*, 3) &= q_1^* a_3 + q_2^* a_3 = a_3 \leq \frac{a_1 a_2}{a_1 + a_2} = v: \end{aligned}$$

Այսպիսով, երկրորդ դեպքում, օգտվելով օպտիմալ ստրատեգիաների վերաբերյալ երրորդ հասկությունից, ստանում ենք, որ (p^*, q^*) իրավիճակը հավասարակշռության իրավիճակ է, և

$$V(H') = \frac{a_1 a_2}{a_1 + a_2}, \quad V(H) = \frac{a_1 a_2}{a_1 + a_2} - b :$$

Ընդհանուր դեպքում, երբ n -ը կամայական է, պահանջվում է նմանատիպ վերլուծություն:

Հետևյալ թեորեմը ամբողջությամբ նկարագրում է օպտիմալ ստրատեգիաների բազմությունները:

Թեորեմ 6.3.3: Մատրիցային խաղերում խաղացողների օպտիմալ ստրատեգիաների $T_1(H), T_2(H)$ բազմությունները ոչ դատարկ, փակ, սահմանափակ և ուռուցիկ բազմություններ են:

Ապացույց: Բազմությունների ոչ դատարկ լինելը հաստատվել է (6.3.1) թեորեմով: $T_1(H), T_2(H)$ բազմությունների սամանափակությունը հետևում է այն փաստից, որ այս բազմությունները համապատասխանաբար S^m և S^n սահմանափակ բազմությունների ենթաբազմություններ են: Ապացուցենք ոռուցիկությունը: Դիցուք $p', p'' \in T_1(H)$ և $\alpha \in (0,1)$: S^m բազմության ոռուցիկությունից հետևում է, որ $p''' = \alpha p' + (1-\alpha)p'' \in S^m$: Ցույց տանք, որ p''' ստրատեգիան օպտիմալ է: Իրոք, բոլոր $j=1,2,\dots,n$ համար

$$H(p''', j) = \alpha H(p', j) + (1-\alpha)H(p'', j) \geq \alpha V(H) + (1-\alpha)V(H) = V(H):$$

Այստեղից, ըստ Հ.4-ի, $p''' \in T_1(H)$:

Այժմ ցույց տանք փակությունը: Վերցնենք $T_1(H)$ բազմության $p^1, p^2, \dots, p^k, \dots$ կետերի հաջորդականություն, որը զուգամիտում է p^0 կետին: Քանի որ հաջորդականության կետերը պատկանում են նաև S^m բազմությանը, որը փակ է, ապա p^0 կետը նույնպես կպատկանի S^m -ին: $H(p, j)$ ֆունկցիան գծային է ըստ p -ի, հետևաբար, բոլոր $j=1,2,\dots,n$ համար

$$\lim_{k \rightarrow \infty} H(p^k, j) = H(p^0, j),$$

և քանի որ, $p^k \in T_1(H)$, ապա բոլոր $j=1,2,\dots,n$ համար $H(p^k, j) \geq V(H)$, $k=1,2,\dots$, ուստի՝ $H(p^0, j) \geq V(H)$: Մնում է նորից կիրառել Հ.4 հատկությունը:

Նման եղանակով ապացուցվում է $T_2(H)$ բազմության ոռուցիկությունը և փակությունը:

Հետևանք: Ցանկացած մատրիցային խաղում կամ գոյություն ունի միակ օպտիմալ ստրատեգիա, կամ դրանք անվերջ շատ են: Այս փաստը անմիջապես բխում է $T_1(H)$ և $T_2(H)$ բազմությունների ոռուցիկությունից:

Դիտարկենք օպտիմալ ստրատեգիաների ևս մեկ հատկություն, որը հաճախ հեշտացնում է խաղերի լուծումը:

Սահմանում 6.3.2: Կասենք, որ առաջին խաղացողի i -րդ մաքուր ստրատեգիան *գերադասելի է* k -րդ մաքուր ստրատեգիայից և կնշանակենք՝ $i > k$, եթե բոլոր j -երի համար $h_{ij} \geq h_{kj}$, ընդ որում այս անհավասարություններից առնվազն մեկը խիստ է: Նմանապես, երկրորդ խաղացողի j -րդ մաքուր ստրատեգիան *գերադասելի է* l -րդ մաքուր ստրատեգիայից և կնշանակենք՝ $j > l$, եթե բոլոր i -երի համար $h_{ij} \leq h_{il}$, ընդ որում այս անհավասարություններից առնվազն մեկը խիստ է: Հետևյալ թեորեմը բերենք առանց ապացուցման:

Թեորեմ 6.3.4: Դիցուք մատրիցային խաղում առաջին խաղացողի i -րդ մաքուր ստրատեգիան *գերադասելի է* k -րդ մաքուր ստրատեգիայից՝ $i > k$: Այս դեպքում առաջին խաղացողն ունի օպտիմալ $p^0 = (p_1^0, p_2^0, \dots, p_m^0)$ ստրատեգիա, որտեղ $p_k^0 = 0$: Եթե երկրորդ խաղացողի j -րդ մաքուր ստրատեգիան *գերադասելի է* l -րդ մաքուր ստրատեգիայից՝ $j > l$, ապա երկրորդ խաղացողն ունի օպտիմալ $q^0 = (q_1^0, q_2^0, \dots, q_n^0)$ ստրատեգիա, որտեղ $q_l^0 = 0$: Բացի այդ, օպտիմալ ստրատեգիաների դրական բաղադրիչները կարելի է գտնել այն խաղում, որը ստացվում է սկզբնական խաղից դուրս զգելով *գերադասվող մաքուր ստրատեգիաներին համապատասխանող տողերը կամ սյուները*:

Դիտարկենք մատրիցային խաղերի մի կարևոր մասնավոր դեպք:

Սահմանում 6.3.3: H մատրիցային խաղն անվանում են սիմետրիկ, եթե H մատրիցը շեղսիմետրիկ է, այսինքն, բոլոր i, j -ի համար $h_{ij} = -h_{ji}$:

Թեորեմ 6.3.5: *Սիմետրիկ խաղերում* $V(H) = 0$ և $T_1(H) = T_2(H)$:

Ապացույց: Դիցուք տրված է H սիմետրիկ խաղ: Սահմանումից հետևում է, որ H մատրիցը քառակուսի մատրից է: Ենթադրենք այն $n \times n$ չափսերի է: Քառակուսի մատրիցով խաղում խաղացողների ստրատեգիաների բազմությունները նույնն են՝ S^n բազմությունն է: Դիցուք երկու խաղացողներն էլ ընտրում են միևնույն $p \in S^n$ ստրատեգիան: Այս դեպքում

$$H(p, p) = \sum_{i=1}^n \sum_{j=1}^n p_i h_{ij} p_j = - \sum_{i=1}^n \sum_{j=1}^n p_i h_{ji} p_j = - \sum_{j=1}^n \sum_{i=1}^n p_j h_{ji} p_i = -H(p, p) = 0:$$

Դիտարկենք խաղացողի շահույթը որևէ (p, q) իրավիճակում: Ցանկացած $p \in S^n$ ստրատեգիայի դեպքում, ընտրելով որպես q նույն այդ ստրատեգիան շահույթը հավասար կլինի զրոյի: Հետևաբար, $\min_{q \in S^n} H(p, q) \leq 0$ և, քանի որ այս անհավասարությունը ճիշտ է ցանկացած $p \in S^n$ համար, ապա

$$\max_{p \in S^n} \min_{q \in S^n} H(p, q) \leq 0:$$

Մյուս կողմից, եթե առաջին խաղացողն ընտրի $p = q$, ապա շահույթը հավասար կլինի զրոյի, հետևաբար, $\max_{p \in S^n} H(p, q) \geq 0$ և, քանի որ այս անհավասարությունը ճիշտ է ցանկացած q -ի համար, ապա

$$\min_{q \in S^n} \max_{p \in S^n} H(p, q) \geq 0:$$

Միացնելով այս երկու անհավասարությունները, կստանանք թեորեմի առաջին պնդումը՝ $V(H) = 0$:

Դիցուք, այժմ, $p \in T_1(H)$ առաջին խաղացողի օպտիմալ ստրատեգիան է: Օպտիմալ ստրատեգիայի սահմանումից բխում է $j = 1, 2, \dots, n$ համար

$$H(p, j) = \sum_{i=1}^n p_i h_{ij} \geq V(H) = 0:$$

Տեղադրելով $h_{ij} = -h_{ji}$, կստանանք՝

$$-\sum_{i=1}^n p_i h_{ji} \geq 0$$

և

$$\sum_{i=1}^n h_{ji} p_i = H(j, p) \leq 0 = V(H)$$

բոլոր $j = 1, 2, \dots, n$ համար: Հետևաբար, ըստ 2.4-ի, $p \in T_2(H)$ և $T_1(H) \subseteq T_2(H)$: Նույն եղանակով ցույց է տրվում, որ $T_1(H) \supseteq T_2(H)$:

Մատրիցային խաղերի լուծման ընդհանուր եղանակ: Դիցուք տրված է $m \times n$ չափսերի H մատրիցային խաղ: Առանց ընդհանրությունը խախտելու կարելի է ենթադրել, որ $h_{ij} > 0$ բոլոր i, j համար: Մատրիցային խաղը լուծել նշանակում է գտնել խաղի արժեքը՝ $V(H)$ -ն և խաղացողների օպտիմալ ստրատեգիաների $T_1(H)$ և $T_2(H)$ բազմությունները: Քանի որ

$$V(H) = \max_{p \in S^m} \min_j H(p, j) = \min_{q \in S^n} \max_i H(i, q), \quad (6.3.12)$$

$$T_1(H) = \text{Arg} \max_{p \in S^m} \min_j H(p, j),$$

$$T_2(H) = \text{Arg} \min_{q \in S^n} \max_i H(i, q),$$

ապա խաղը լուծելու համար բավական է հաշվել (6.3.12) կրկնակի էքստրեմումները:

Կամայական $p = (p_1, p_2, \dots, p_m) \in S^m$ -ի համար նշանակենք՝ $v_p = \min_j H(p, j)$: Այստեղից՝

$$V(H) = \min_j H(p, j), \quad T_1(H) = \text{Arg} \max_{p \in S^m} v_p,$$

$$v_p \leq H(p, j) = \sum_{i=1}^m p_i h_{ij}, \quad j=1, 2, \dots, n: \quad (6.3.13)$$

Քանի որ բոլոր $h_{ij} > 0$ և $p_i \geq 0$, $\sum_{i=1}^m p_i = 1$, ապա $v_p > 0$ ցանկացած $p \in S^m$ համար: Բաժանենք (6.3.13) անհավասարության երկու մասերը v_p -ի վրա և նշանակենք $x_i = p_i / v_p$: Կստանանք՝

$$\sum_{i=1}^m x_i h_{ij} \geq 1, \quad j=1, 2, \dots, n \quad (6.3.14)$$

Մյուս կողմից,

$$\sum_{i=1}^m x_i = \frac{\sum_{i=1}^m p_i}{v_p} = \frac{1}{v_p} :$$

Այստեղից, v_p ֆունկցիայի մաքսիմում գտնելու խնդիրը բերվում է $\sum_{i=1}^m x_i$ մինիմում գտնելու խնդրին, որտեղ փոփոխականները բավարարում են (6.3.14) պայմաններին:

Դիտարկենք գծային ծրագրման հետևյալ խնդիրը

$$\begin{cases} \sum_{i=1}^m x_i \rightarrow \min, \\ \sum_{i=1}^m x_i h_{ij} \geq 1, j = 1, 2, \dots, n, \\ x_i \geq 0, i = 1, 2, \dots, m \end{cases} \quad (6.3.15)$$

Դժվար չէ ստուգել, որ այս խնդիրը սահմանափակ է և թույլատրելի: Դիցուք այս խնդրի լուծումը $x^0 = (x_1^0, x_2^0, \dots, x_m^0)$ -ն է: Հաշվի առնելով մեր նշանակումները, կստանանք՝

$$V(H) = \max_{p \in S^m} v_p = \frac{1}{\min \sum_{i=1}^m x_i} = \frac{1}{\sum_{i=1}^m x_i^0} :$$

Իսկ առաջին խաղացողի օպտիմալ $p^0 = (p_1^0, p_2^0, \dots, p_m^0)$ ստրատեգիայի համար՝

$$p_i^0 = x_i^0 \cdot V(H) = \frac{x_i^0}{\sum_{i=1}^m x_i^0}, i = 1, 2, \dots, m :$$

Նույն եղանակով, երկրորդ խաղացողի $q^0 = (q_1^0, q_2^0, \dots, q_n^0)$ օպտիմալ ստրատեգիան և խաղի արժեքը գտնելու համար բավական է լուծել գծային ծրագրման հետևյալ խնդիրը

$$\begin{cases} \sum_{j=1}^n y_j \rightarrow \max, \\ \sum_{j=1}^n y_j \leq 1, i=1, 2, \dots, m, : \\ y_j \geq 0, j=1, 2, \dots, n \end{cases} \quad (6.3.16)$$

Եթե այս խնդրի լուծումը նշանակենք $y^0 = (y_1^0, y_2^0, \dots, y_n^0)$ -ով, ապա

$$V(H) = \frac{1}{\sum_{j=1}^n y_j^0}, \quad q_j^0 = \frac{y_j^0}{\sum_{j=1}^n y_j^0}, j=1, 2, \dots, n :$$

(6.3.15) և (6.3.16) խնդիրները երկակի խնդիրներ են (տես 4.2 բաժինը): Այսպիսով, մատրիցային խաղի լուծումը բերվում է գծային ծրագրման երկակի խնդիրների զույգի լուծմանը:

Մատրիցային խաղերի և գծային ծրագրման կապը ավելի ակնառու դարձնելու համար բերենք գծային ծրագրման հիմնական՝ 4.2.2 թեորեմի մեկ այլ ապացույց: Դիցուք տրված է գծային ծրագրման երկակի խնդիրների զույգ՝

$$\begin{cases} \sum_{j=1}^n c_j x_j \rightarrow \max, \\ \sum_{j=1}^n a_{ij} x_j \leq b_i, i=1, \dots, m, \\ x_j \geq 0, j=1, \dots, n: \end{cases} \quad \begin{cases} \sum_{i=1}^m b_i y_i \rightarrow \min, \\ \sum_{i=1}^m a_{ij} y_i \geq c_j, j=1, 2, \dots, n, \\ y_i \geq 0, i=1, 2, \dots, m: \end{cases}$$

Թեորեմ 4.2.2*: Եթե գծային ծրագրման երկակի խնդիրների զույգից յուրաքանչյուրը թույլատրելի է, ապա երկուսն էլ ունեն լուծում, ընդ որում նպատակային ֆունկցիաների էքստրեմալ արժեքները հավասար են:

Ապացույց: Դիտարկենք H մատրիցով հետևյալ մատրիցային խաղը՝

$$H = \begin{pmatrix} 0 \dots 0 & a_{11} \dots a_{1n} & -b_1 \\ \dots & \dots & \dots \\ 0 \dots 0 & a_{m1} \dots a_{mn} & -b_m \\ -a_{11} \dots -a_{m1} & 0 \dots 0 & c_1 \\ \dots & \dots & \dots \\ -a_{1n} \dots -a_{mn} & 0 \dots 0 & c_n \\ b_1 \dots b_m & -c_1 \dots -c_n & 0 \end{pmatrix} :$$

Դժվար չէ ստուգել, որ այս խաղը սիմետրիկ խաղ է (տես սահմանում 6.3.3): Ըստ թեորեմ 6.3.5-ի այս խաղի արժեքը հավասար է զրոյի՝ $v(H) = 0$, իսկ խաղացողների օպտիմալ ստրատեգիաների բազմությունները համընկնում են: Եթե առաջին խաղացողի օպտիմալ ստրատեգիան նշանակենք $s = (s_1, s_2, \dots, s_{n+m+1})$ -ով, ապա՝ $H(s, k) \geq v(H) = 0; k = 1, 2, \dots, n + m + 1$: Գրենք այս անհավասարությունները բացված տեսքով՝

$$\begin{aligned} -\sum_{j=1}^n s_{m+j} a_{ij} + s_{n+m+1} b_i &\geq 0, \quad i = 1, 2, \dots, m, \\ \sum_{i=1}^m s_i a_{ij} - s_{n+m+1} c_j &\geq 0, \quad j = 1, 2, \dots, n \\ -\sum_{i=1}^m s_i b_i + \sum_{j=1}^n s_{m+j} c_j &\geq 0: \end{aligned}$$

Ենթադրենք, որ $s_{n+m+1} > 0$ և նշանակենք՝

$$x_j^0 = \frac{s_{m+j}}{s_{n+m+1}}, \quad j = 1, 2, \dots, n; \quad y_i^0 = \frac{s_i}{s_{n+m+1}}, \quad i = 1, 2, \dots, m ::$$

Այս նշանակումներով անհավասարությունները կընդունեն հետևյալ տեսքը՝

$$\begin{aligned} \sum_{j=1}^n a_{ij} x_j^0 &\leq b_i, \quad i = 1, 2, \dots, m, \\ \sum_{i=1}^m a_{ij} y_i^0 &\geq c_j, \quad j = 1, 2, \dots, n, \end{aligned} \tag{6.3.16}$$

$$\sum_{j=1}^n c_j x_j^0 \geq \sum_{i=1}^m b_i y_i^0 :$$

Կիրառելով 4.2.5 լեմբ, այստեղից ստանում ենք, որ $x^0 = (x_1^0, x_2^0, \dots, x_n^0)$ -ն առաջին խնդրի լուծումն է, իսկ $y^0 = (y_1^0, y_2^0, \dots, y_m^0)$ -ն՝ երկրորդ խնդրի լուծումը:

Այժմ ենթադրենք, որ առաջին խաղացողի բոլոր օպտիմալ ստրատեգիաներում $s_{n+m+1} = 0$: Քանի որ H խաղը սիմետրիկ է, ուստի զրո է նաև երկրորդ խաղացողի օպտիմալ ստրատեգիայի վերջին բաղադրիչը: Ըստ 6.3.2 թեորեմի, այստեղից հետևում է, որ առաջին խաղացողի օպտիմալ ստրատեգիայի սկայար արտադրյալը H -ի վերջին սյան հետ խիստ մեծ է 0-ից: Այսպիսով, (6.3.16) համակարգը կընդունի հետևյալ տեսքը՝

$$\begin{aligned} \sum_{j=1}^n a_{ij} x_j^0 &\leq 0, \quad i = 1, 2, \dots, m, \\ \sum_{i=1}^m a_{ij} y_i^0 &\geq 0, \quad j = 1, 2, \dots, n, \end{aligned} \quad (6.3.17)$$

$$\sum_{j=1}^n c_j x_j^0 > \sum_{i=1}^m b_i y_i^0 :$$

Այս վերջին անհավասարության մեջ կամ $\sum_{j=1}^n c_j x_j^0 > 0$, կամ $\sum_{i=1}^m b_i y_i^0 < 0$: Դիցուք

$\sum_{j=1}^n c_j x_j^0 > 0$ և $x' = (x'_1, x'_2, \dots, x'_n)$ կետը առաջին խնդրի թույլատրելի կետ է: Հեշտ է ստուգել, որ $x' + \alpha x^0$ վեկտորը թույլատրելի է ցանկացած $\alpha > 0$ թվի համար և α -ն մեծացնելով, առաջին խնդրի նպատակային ֆունկցիան կարելի է անվերջ մեծացնել, ուստի առաջին խնդիրը ոչ սահմանափակ է, ինչը հակասում է թեորեմի այն ենթադրությանը, որ երկրորդ խնդիրը թույլատրելի է: Նույն եղանակով, եթե $\sum_{i=1}^m b_i y_i^0 < 0$, ապա կստանանք, որ երկրորդ խնդիրն է ոչ սահմանափակ:

6.4 ԱՆՎԵՐՋ ՀԱԿԱՄԱՐՏ ԽԱՂԵՐ

Դիտարկումը սկսենք հաշվելի խաղերից, այսինքն այնպիսի խաղերից, որտեղ X և Y բազմությունները հաշվելի բազմություններ են՝ $X = \{x_1, x_2, \dots, x_n, \dots\}$, $Y = \{y_1, y_2, \dots, y_n, \dots\}$: Խաղացողների խառն ստրատեգիաները սահմանվում են համանման վերջավոր խաղերին (հաշվելի խաղերում խաղացողների ստրատեգիաների բազմությունները նույնն են)՝ $p = (p_1, p_2, \dots, p_n, \dots)$; $p_i \geq 0, i = 1, 2, \dots$; $\sum_{i=1}^{\infty} p_i = 1$: Առաջին խաղացողի շահույթի $H(p, q)$ մաթեմատիկական սպասումը կունենա հետևյալ տեսքը՝

$$H(p, q) = \sum_{i=1}^{\infty} \sum_{j=1}^{\infty} p_i h_{ij} q_j = \sum_{j=1}^{\infty} \sum_{i=1}^{\infty} q_j h_{ij} p_i : \quad (6.4.1)$$

Այս սահմանումներից երևում է, որ կարող են առաջանալ տեխնիկական բարդույթներ, որոնք չկային վերջավոր դեպքում: Իրոք, (6.4.1) շարքերը կարող են ոչ միայն հավասար չլինեն, այլ նույնիսկ գուգամետ չլինել: Բացի այսպիսի տեխնիկական դժվարություններից, կարող են լինել նաև այնպիսի խաղեր, որոնք չունեն լուծում նույնիսկ խառն ստրատեգիաների դասում: Բերենք այդպիսի մի խաղի օրինակ՝ $G = \langle N, N, \text{sign}(i - j) \rangle$, որտեղ N -ը ամբողջ դրական թվերի բազմությունն է: Դիցուք $p = (p_1, p_2, \dots, p_n, \dots)$ -ն առաջին խաղացողի որևէ ստրատեգիա է: Քանի որ $\sum_{i=1}^{\infty} p_i = 1$, ապա ցանկացած $\varepsilon > 0$ թվի համար գոյություն ունի այնպիսի n_0 , որ $\sum_{i=n_0}^{\infty} p_i < \varepsilon$: Հաշվենք խաղացողի շահույթը $H(p, n_0)$ իրավիճակում ֆիքսած $\varepsilon > 0$ թվի դեպքում՝

$$H(p, n_0) = \sum_{i=1}^{n_0-1} p_i (-1) + \sum_{i=n_0}^{\infty} p_i :$$

Այստեղից առաջին խաղացողի ցանկացած $p = (p_1, p_2, \dots, p_n, \dots)$ ստրատեգիաի համար $\inf_{j \in N} H(p, j) = -1$, ուստի՝ $\sup_p \inf_{j \in N} H(p, j) = -1$:

Մյուս կողմից, ինչպիսին էլ լինի երկրորդ խաղացողի $q = (q_1, q_2, \dots, q_n, \dots)$ ստրատեգիան, ցանկացած $\varepsilon > 0$ թվի համար գոյություն ունի այնպիսի n_0 , որ $\sum_{i=n_0}^{\infty} q_i < \varepsilon$ և, քանի որ

$$H(n_0, q) = \sum_{i=1}^{n_0-1} q_i (+1) + \sum_{i=n_0}^{\infty} q_i (-1),$$

ապա $\sup_i H(i, q) = 1$ երկրորդ խաղացողի բոլոր ստրատեգիաների համար: Այստեղից՝ $\inf_q \sup_i H(i, q) = 1$: Այսպիսով, $\inf_q \sup_i H(i, q) \neq \sup_p \inf_{j \in N} H(p, j)$, ուստի այս խաղում հավասարակշռության իրավիճակ գոյություն չունի: Այս օրինակը ցույց է տալիս, որ նույնիսկ ամենապարզ անվերջ խաղերում գոյության ընդհանուր թեորեմ չի կարող լինել: Սակայն խաղերի որոշ դասերի համար այդպիսի թեորեմներ ապացուցել հաջողվում է:

Դիտարկենք $G = \langle X, Y, H \rangle$ հակամարտ խաղերի ընդհանուր դեպքը, երբ X և Y բազմությունները կամայական բազմություններ են, իսկ $H(x, y)$ -ը սահմանափակ իրականարժեք ֆունկցիա է, որոշված դեկարտյան $X \times Y$ արտադրյալի վրա:

Ստրատեգիաների X և Y բազմություններում կարելի է ներմուծել մետրիկա հետևյալ եղանակով: Ցանկացած $x', x'' \in X$ կետերի համար սահմանենք՝

$$\rho(x', x'') = \sup_{y \in Y} |H(x', y) - H(x'', y)|:$$

Այս քվադրմետրիկան, որը հայտնի է որպես Հելիի մետրիկա, հեշտությամբ կարելի վերածել մետրիկայի, դուրս գցելով X բազմությունից կրկնվող ստրատեգիաները: Տոպոլոգիան, որի հիմքը կազմում են այս մետրիկայով բաց բազմությունները, կոչվում է *բնական տոպոլոգիա*, իսկ մետրիկան՝ *բնական մետրիկա*:

Դժվար չէ ստուգել, որ բնական տոպոլոգիան կարելի է կառուցել նաև այլ ճանապարհով: Ցանկացած $x^0 \in X$ կետի և $\varepsilon > 0$ համար սահմանենք

$$B_X(x^0, \varepsilon) = \left\{ x \in X : \sup_{y \in Y} |H(x^0, y) - H(x, y)| < \varepsilon \right\}$$

շրջակայքերի համակարգ: Այս շրջակայքերի համակարգով կազմված տոպոլոգիան նորից բնական տոպոլոգիան է: Նմանապես,

$$B_Y(y^0, \varepsilon) = \left\{ y \in Y : \sup_{x \in X} |H(x, y^0) - H(x, y)| < \varepsilon \right\}$$

շրջակայքերի հիման վրա, կամ

$$\rho(y', y'') = \sup_{x \in X} |H(x, y') - H(x, y'')|$$

մետրիկայի հիման վրա կառուցվում է Y բազմության բնական տոպոլոգիան:

Խաղացողների խառն ստրատեգիաներ սահմանելու համար, հարկավոր է X և Y բազմություններում ներմուծել չափելի համակարգեր: S_X -ով և S_Y -ով նշանակենք համապատասխանաբար X և Y բազմությունների ենթաբազմությունների σ -հանրահաշիվներ, որոնց վրա առայժմ սահմանափակումներ չենք դնում:

Սահմանում 6.4.1: $G = \langle X, Y, H \rangle$ խաղում առաջին խաղացողի խառն ստրատեգիա է կոչվում (X, S_X) չափելի տարածության վրա որոշված հավանականային չափը: Երկրորդ խաղացողի խառն ստրատեգիա է կոչվում (Y, S_Y) չափելի տարածության վրա որոշված հավանականային չափը: Խաղացողների խառն ստրատեգիաների բազմությունները նշանակենք համապատասխանաբար M_X -ով և M_Y -ով:

Հետագայում $H(x, y)$ ֆունկցիան ենթադրվում է սահմանափակ և չափելի $(X \times Y, S_X \times S_Y)$ չափելի տարածությունների արտադրյալի նկատմամբ: Ինչպես և վերջավոր դեպքում, առաջին խաղացողի շահույթը μ և ν խառն ստրատեգիաներ կիրառելիս սահմանվում է որպես շահույթի $H(\mu, \nu)$ մաթեմատիկական սպասում՝

$$H(\mu, \nu) = \int_{X \times Y} H(x, y) d(\mu \times \nu):$$

Նշանակենք՝

$$H(\mu, y) = \int_X H(x, y) d\mu,$$

$$H(x, \nu) = \int_Y H(x, y) d\nu:$$

Քանի որ $H(x, y)$ ֆունկցիան ենթադրվում է սահմանափակ և չափելի, ուստի, ըստ Ֆուրիեի թեորեմի (տես Հավելված)՝

$$H(\mu, \nu) = \int_X H(x, \nu) d\mu = \int_Y H(\mu, y) d\nu:$$

Ինչպես արդեն նշվել է, ի տարբերություն վերջավոր խաղերի, ընդհանուր դեպքում կարող է գոյություն չունենալ հավասարակշռության իրավիճակ, սակայն, որոշ դեպքերում, կարելի է ցանկացած չափով մոտենալ այդ իրավիճակներին: Այսպիսի դեպքերի համար սահմանենք հավասարակշռության փոքր ինչ թույլ տարբերակ:

Սահմանում 6.4.2: Տրված $\varepsilon > 0$ թվի համար $(\mu^\varepsilon, \nu^\varepsilon)$ իրավիճակը անվանում են ε -*հավասարակշռության իրավիճակ*, եթե բոլոր $\mu \in M_X$ և $\nu \in M_Y$ համար՝

$$H(\mu, \nu^\varepsilon) - \varepsilon < H(\mu^\varepsilon, \nu^\varepsilon) < H(\mu^\varepsilon, \nu) + \varepsilon: \quad (6.4.1)$$

Հետևյալ պնդումը ապացուցվում է 6.2.2 թեորեմին համանման:

Թեորեմ 6.4.1: Որպեսզի $G = \langle X, Y, H \rangle$ խաղում ցանկացած $\varepsilon > 0$ թվի համար գոյություն ունենա ε -*հավասարակշռության իրավիճակ*, անհրաժեշտ է և բավարար, որպեսզի

$$\sup_{\mu \in M_X} \inf_{\nu \in M_Y} H(\mu, \nu) = \inf_{\nu \in M_Y} \sup_{\mu \in M_X} H(\mu, \nu): \quad (6.4.2)$$

Այս կրկնակի էքստրեմումների ընդհանուր արժեքն անվանում են G խաղի արժեք և նշանակում $V(G)$ -ով:

Սահմանում 6.4.3: $G = \langle X, Y, H \rangle$ խաղն անվանում են *լիովին որոշյալ*, եթե $H(x, y)$ ֆունկցիան բավարարում է (6.4.2) պայմանին:

Բերենք մի սահմանում, որից հետագայում օգտվելու ենք:

Սահմանում 6.4.4: X տոպոլոգիական տարածությունը կոչվում է *նախակոմպակտ* տարածություն, եթե ցանկացած $\varepsilon > 0$ թվի համար գոյություն ունի վերջավոր ε -ցանց, այսինքն վերջավոր $X^\varepsilon = \{x_1, x_2, \dots, x_n\} \subseteq X$ ենթաբազմություն, որ $X = \bigcup_{i=1}^n B(x_i, \varepsilon)$:

Թեորեմ 6.4.1: Եթե $G = \langle X, Y, H \rangle$ հակամարտ խաղում X և Y տարածությունները նախակոմպակտ են բնական տոպոլոգիայում, ապա խաղը լիովին որոշյալ է:

Ապացույց: Ֆիքսենք որևէ $\varepsilon > 0$ և դիցուք $X^\varepsilon = \{x_1, x_2, \dots, x_m\}$ և $Y^\varepsilon = \{y_1, y_2, \dots, y_n\} \subseteq Y$ բազմությունները ε -ցանցեր են համապատասխանաբար X և Y տարածություններում: Դիտարկենք $G^\varepsilon = \langle X^\varepsilon, Y^\varepsilon, H^\varepsilon \rangle$ վերջավոր հակամարտ խաղ, որտեղ H^ε -ը H ֆունկցիայի սեղմումն է $X^\varepsilon \times Y^\varepsilon$ -ի վրա, այսինքն, $H^\varepsilon(x, y) = H(x, y)$ բոլոր $(x, y) \in X^\varepsilon \times Y^\varepsilon$ համար: Մատրիցային խաղերի հիմնական 6.3.1 թեորեմի համաձայն, $G^\varepsilon = \langle X^\varepsilon, Y^\varepsilon, H^\varepsilon \rangle$ խաղում գոյություն ունի $(p^\varepsilon, q^\varepsilon)$, $p^\varepsilon = (p_1, p_2, \dots, p_m)$, $q^\varepsilon = (q_1, q_2, \dots, q_n)$ հավասարակշռության իրավիճակ՝

$$\sum_{j=1}^n H(x_i, y_j) q_j \leq \sum_{i=1}^m \sum_{j=1}^n p_i H(x_i, y_j) q_j \leq \sum_{i=1}^m p_i H(x_i, y_j) \quad (6.4.4)$$

բոլոր $x_i \in X^\varepsilon$ և $y_j \in Y^\varepsilon$ համար: X տարածության նախակոմպակտությունից հետևում է, որ ցանկացած $x \in X$ համար գոյություն ունի այնպիսի $x_i \in X^\varepsilon$, որ

$$\sup_{y \in Y} |H(x, y) - H(x_i, y)| < \varepsilon,$$

ուստի՝

$$|H(x, y) - H(x_i, y)| < \varepsilon$$

բոլոր $y \in Y$ համար և, այդ թվում, բոլոր $y_j \in Y^\varepsilon$ համար՝

$$|H(x, y_j) - H(x_i, y_j)| < \varepsilon :$$

Այստեղից՝

$$H(x, y_j) - \varepsilon < H(x_i, y_j), \quad j = 1, 2, \dots, n$$

Այս անհավասարություններից յուրաքանչյուրը բազմապատկելով երկրորդ խաղացողի $q^\varepsilon = (q_1, q_2, \dots, q_n)$ օպտիմալ ստրատեգիայի համապատասխան բաղադրիչով և գումարելով ստացված անհավասարությունները, կստանանք՝

$$\sum_{j=1}^n H(x, y_j) q_j - \sum_{j=1}^n \varepsilon q_j < \sum_{j=1}^n H(x_i, y_j) q_j :$$

Այսպիսով, ցանկացած $x \in X$ համար գոյություն ունի այնպիսի $x_i \in X^\varepsilon$, որ

$$\sum_{j=1}^n H(x, y_j) q_j - \varepsilon < \sum_{j=1}^n H(x_i, y_j) q_j :$$

Մյուս կողմից, (6.4.4)-ից հետևում է, որ բոլոր $x_i \in X^\varepsilon$ համար

$$\sum_{j=1}^n H(x_i, y_j) q_j \leq \sum_{i=1}^m \sum_{j=1}^n p_i H(x_i, y_j) q_j ,$$

հետևաբար, բոլոր $x \in X$ համար՝

$$\sum_{j=1}^n H(x, y_j) q_j - \varepsilon < \sum_{i=1}^m \sum_{j=1}^n p_i H(x_i, y_j) q_j : \quad (6.4.5)$$

Համանման ձևով, օգտվելով Y տարածության նախակոմպակտությունից, կարելի է ցույց տալ, որ բոլոր $y \in Y$ համար՝

$$\sum_{i=1}^m \sum_{j=1}^n p_i H(x_i, y_j) q_j < \sum_{i=1}^m p_i H(x_i, y) + \varepsilon \quad (6.4.6)$$

Միացնելով (6.4.5) և (6.4.6) անհավասարությունները, կստանանք

$$\sum_{j=1}^n H(x, y_j) q_j - \varepsilon < \sum_{i=1}^m \sum_{j=1}^n p_i H(x_i, y_j) q_j < \sum_{i=1}^m p_i H(x_i, y) + \varepsilon \quad (6.4.7)$$

բոլոր $x \in X$ և $y \in Y$ -ի համար:

Հակամարտ $G = \langle X, Y, H \rangle$ խաղում խաղացողների խառն ստրատեգիաները սահմանվում են որպես հավանակային չափեր համապատասխանաբար (X, S_X) և (Y, S_Y) չափելի տարածությունների վրա: Կառուցենք դիսկրետ հավանականային չափեր μ^ε և ν^ε հետևյալ կերպ: Ցանկացած $A \subseteq X$, $A \in S_X$ և ցանկացած $B \subseteq Y$, $B \in S_Y$ համար

$$\mu^\varepsilon(A) = \sum_{i: x_i \in A} p_i; \nu^\varepsilon(B) = \sum_{j: x_j \in B} q_j:$$

Դժվար չէ ստուգել, որ կառուցված բազմության ֆունկցիաները իրոք հավանականային չափեր են և

$$H(\mu^\varepsilon, \nu) = \int_X H(x, y) d\mu^\varepsilon = \sum_{i=1}^m p_i H(x_i, y),$$

$$H(\mu, \nu^\varepsilon) = \int_Y H(x, y) d\nu^\varepsilon = \sum_{j=1}^n H(x, y_j) q_j,$$

$$H(\mu^\varepsilon, \nu^\varepsilon) = \int_{X \times Y} H(x, y) d(\mu^\varepsilon \times \nu^\varepsilon) = \sum_{i=1}^m \sum_{j=1}^n p_i q_j H(x_i, y_j):$$

Տեղադրելով այս արտահայտությունները (6.4.7) անհավասարությունների մեջ, կստանանք՝

$$H(\mu, \nu^\varepsilon) - \varepsilon < H(\mu^\varepsilon, \nu^\varepsilon) < H(\mu^\varepsilon, \nu) + \varepsilon$$

բոլոր $x \in X$ և $y \in Y$ համար, այսինքն $(\mu^\varepsilon, \nu^\varepsilon)$ իրավիճակը ε – հավասարակշռության իրավիճակ է $G = \langle X, Y, H \rangle$ խաղում:

Այժմ դիտարկենք հակամարտ խաղերի կարևոր մասնավոր դեպք, երբ X և Y բազմությունները իրական առանցքի հատվածներ են:

Սահմանում 6.4.4: $G = \langle [0, 1], [0, 1], H(x, y) \rangle$ հակամարտ խաղերը անվանում են *խաղեր միավոր քառակուսու վրա*:

Այս մասնավոր դեպքում, ինչպես ընդունված է հավանականությունների տեսությունում (տես Հավելված), չափելի բազմությունները կենթադրվեն իրական առանցքի բորելյան բազմությունները, իսկ որպես խառն ստրատեգիաներ ընդունված է դիտարկել բախշման ֆունկցիաներ:

Սահմանում 6.4.5: Միավոր քառակուսու վրա խաղերում առաջին խաղացողի խառն ստրատեգիան սահմանվում է որպես $F(x)$ ֆունկցիա, որը բավարարում է հետևյալ պայմաններին՝

$$F(x') \leq F(x''), \text{ եթե } x' \leq x'',$$

$$F(0) = 0, F(1) = 1,$$

$$F(x) = F(x+0), x \neq 0:$$

Երկրորդ խաղացողի խառն ստրատեգիան սահմանվում է համանմանորեն: Խաղացողի շահույթի մաթեմատիկական սպասումը խառն ստրատեգիաների օգտագործման պայմաններում սահմանվում է (ինչպես և ընդունված է հավանականությունների տեսությունում) որպես Ստիլտեսի ինտեգրալներ (եթե գոյություն ունեն)՝

$$H(F, y) = \int_0^1 H(x, y) dF(x),$$

$$H(x, G) = \int_0^1 H(x, y) dG(y),$$

$$H(F, G) = \int_0^1 \int_0^1 H(x, y) dF(x) dG(y) = \int_0^1 \int_0^1 H(x, y) dG(y) dF(x):$$

Սահմանում 6.4.6: $G = \langle [0,1], [0,1], H(x, y) \rangle$ հակամարտ խաղն անվանում են *անընդհատ խաղ*, եթե $H(x, y)$ ֆունկցիան անընդհատ է $[0,1] \times [0,1]$ քառակուսու վրա:

Լեմ 6.4.1: *Անընդհատ խաղերը նախակոմպակտ են բնական մետրիկայում:*

Ապացույց: Քանի որ $H(x, y)$ ֆունկցիան ենթադրվել է անընդհատ փակ սահմանափակ բազմության վրա, ապա այն հավասարաչափ անընդհատ է: Սա նշանակում է, որ ցանկացած $\varepsilon > \varepsilon_1 > 0$ թվերի համար գոյություն ունի այնպիսի $\delta > 0$ թիվ, որ երբ $|x' - x''| < \delta$, ապա բոլոր $y \in [0, 1]$ համար՝

$$|H(x', y) - H(x'', y)| < \varepsilon_1,$$

ուստի,

$$\sup_{y \in [0, 1]} |H(x', y) - H(x'', y)| \leq \varepsilon_1 < \varepsilon:$$

Ակներև է, որ միավոր հատվածը նախակոմպակտ է Էվկլիդեսյան մետրիկայում: Այսպիսով, ցանկացած $\varepsilon > 0$ թվի համար գոյություն ունի այնպիսի $\delta > 0$ թիվ, որ δ -ցանցը Էվկլիդեսյան մետրիկայում հանդիսանում է ε -ցանց բնական մետրիկայում:

Թեորեմ 6.4.2: *Անընդհատ խաղերում գոյություն ունի հավասարակշռության իրավիճակ:*

Ապացույց: Նախորդ լեմից հետևում է, որ անընդհատ խաղերը նախակոմպակտ են, հետևաբար, ըստ 6.4.1 թեորեմի, լիովին որոշյալ են: Ուստի, ցանկացած $\varepsilon > 0$ թվի համար գոյություն ունի $(F^\varepsilon, G^\varepsilon)$ ε -հավասարակշռության իրավիճակ: Վերցնենք $\varepsilon_1 > \varepsilon_2 > \dots > \varepsilon_n > \dots$ թվերի նվազող զրոին զուգամիտող հաջորդականություն: Յուրաքանչյուր ε_n -ի համար գոյություն ունի ε_n -հավասարակշռության իրավիճակ

$$\int_0^1 H(x, y) dG^{\varepsilon_n} - \varepsilon < \int_0^1 \int_0^1 H(x, y) dG^{\varepsilon_n} dF^{\varepsilon_n} < \int_0^1 H(x, y) dF^{\varepsilon_n} + \varepsilon \quad (6.4.8)$$

Այսպիսով, ստանում ենք բախշման ֆունկցիաների երկու հաջորդականություն՝ $\{F^{\varepsilon_n}\}$ և $\{G^{\varepsilon_n}\}$: Ըստ Հելիի առաջին թեորեմի (տես Հավելված), այս հաջորդականություններից կարելի է ընտրել գրեթե ամենուրեք զուգամիտող ենթահաջորդականություններ: Առանց ընդհանրությունը խախտելու կարելի է ենթադրել, որ $\{F^{\varepsilon_n}\}$ և $\{G^{\varepsilon_n}\}$ հաջորդականություններն են զուգամիտող: Այս հաջորդականությունների սահմանային բաշխման ֆունկցիաները նշանակենք

համապատասխանաբար $F^0(x)$ -ով և $G^0(y)$ -ով: Դիտարկենք հետևյալ ինտեգրալները՝

$$\int_0^1 H(x, y) dF^{\varepsilon_n}, \quad \int_0^1 H(x, y) dG^{\varepsilon_n} :$$

Քանի որ H ֆունկցիան անընդհատ է ըստ երկու փոփոխականի, իսկ $\{F^{\varepsilon_n}\}$ և $\{G^{\varepsilon_n}\}$ հաջորդականությունները համարյա ամենուրեք զուգամիտում են $F^0(x)$ և $G^0(y)$ ֆունկցիաներին, ուստի, ըստ Հելիի երկրորդ թեորեմի

$$\lim_{n \rightarrow \infty} \int_0^1 H(x, y) dF^{\varepsilon_n} = \int_0^1 H(x, y) dF^0$$

բոլոր ֆիքսած $y \in [0, 1]$ համար, և

$$\lim_{n \rightarrow \infty} \int_0^1 H(x, y) dG^{\varepsilon_n} = \int_0^1 H(x, y) dG^0$$

բոլոր ֆիքսած $x \in [0, 1]$ համար: Այնուհետև, քանի որ $\int_0^1 H(x, y) dG^0$ ինտեգրալը անընդհատ է ըստ x -ի, ապա, երկու անգամ կիրառելով Հելիի երկրորդ թեորեմը, կստանանք՝

$$\lim_{n \rightarrow \infty} \int_0^1 \int_0^1 H(x, y) dG^{\varepsilon_n} dF^{\varepsilon_n} = \int_0^1 \int_0^1 H(x, y) dG^0 dF^0 :$$

Այժմ, անցնելով սահմանի (6.4.8) անհավասարություններում և հաշվի առնելով, որ $\varepsilon_n \rightarrow 0$, վերջնականապես կստանանք՝

$$\int_0^1 H(x, y) dG^0 \leq \int_0^1 \int_0^1 H(x, y) dG^0 dF^0 \leq \int_0^1 H(x, y) dF^0$$

բոլոր $x \in [0, 1]$ և $y \in [0, 1]$ համար: Սա էլ նշանակում է, որ (F^0, G^0) զույգը հավասարակշռության իրավիճակ է անընդհատ խաղում:

Հետևյալ թեորեմները թույլ են տալիս որոշ մասնավոր դեպքերում գտնել նաև խաղացողների մաքուր օպտիմալ ստրատեգիաները:

Թեորեմ 6.4.3: Եթե $G = \langle [0,1], [0,1], H(x, y) \rangle$ անընդհատ խաղում շահույթի ֆունկցիան գոգավոր է ըստ առաջին փոփոխականի՝ ցանկացած ֆիքսած $y \in [0,1]$ -ի համար, ապա առաջին խաղացողն ունի մաքուր օպտիմալ ստրատեգիա:

Ապացույց: Քանի որ $H(x, y)$ ֆունկցիան անընդհատ է, ուստի առաջին խաղացողն ունի օպտիմալ, ընդհանուր դեպքում, խառն ստրատեգիա: Դիցուք այն $F^0(x)$ -ն է և $x^0 = \int_0^1 x dF^0(x)$: Ակնհայտ է, որ $x^0 \in [0,1]$ և կարող է դիտարկվել որպես առաջին խաղացողի մաքուր ստրատեգիա: Տրոհենք $[0,1]$ հատվածը $n+1$ հավասար մասերի՝ $0 = x_0 < x_1 < x_2 \dots < x_n = 1$ և նշանակենք՝ $\lambda_i = (F^0(x_{i+1}) - F^0(x_i))$: Բաշխման ֆունկցիայի սահմանումից հետևում է, որ $\lambda_i \geq 0, i = 0, 1, \dots, n$ և $\sum_{i=0}^n \lambda_i = F(1) - F(0) = 1$: $H(x, y)$ ֆունկցիան ենթադրվել է գոգավոր ըստ x -ի, հետևաբար, ցանկացած ֆիքսած $y \in [0,1]$ -ի համար՝

$$H\left(\sum_{i=0}^n \lambda_i x_i, y\right) \geq \sum_{i=0}^n \lambda_i H(x_i, y):$$

Մթիլթիեսի ինտեգրալի սահմանումից՝

$$x^0 = \int_0^1 x dF^0(x) = \lim_{n \rightarrow \infty} \sum_{i=0}^n x_i (F^0(x_{i+1}) - F^0(x_i)),$$

$$\int_0^1 H(x, y) dF^0(x) = \lim_{n \rightarrow \infty} \sum_{i=0}^n H(x_i, y) (F^0(x_{i+1}) - F^0(x_i)):$$

Հաշվի առնելով, որ $H(x, y)$ ֆունկցիան անընդհատ է, այստեղից կստանանք՝

$$H\left(\int_0^1 x dF^0(x), y\right) \geq \int_0^1 H(x, y) dF^0(x):$$

Այսինքն, $H(x^0, y) \geq H(F^0, y)$ բոլոր $y \in [0, 1]$ համար: Սա նշանակում է, որ x^0 մաքուր ստրատեգիան օպտիմալ է առաջին խաղացողի համար:

Նույն եղանակով ապացուցվում են նաև հետևյալ թեորեմները:

Թեորեմ 6.4.4: Եթե $G = \langle [0, 1], [0, 1], H(x, y) \rangle$ անընդհատ խաղում շահույթի ֆունկցիան ուռուցիկ է ըստ երկրորդ փոփոխականի՝ ցանկացած ֆիքսած $x \in [0, 1]$ կետի համար, ապա երկրորդ խաղացողն ունի մաքուր օպտիմալ ստրատեգիա:

Թեորեմ 6.4.5: Եթե $G = \langle [0, 1], [0, 1], H(x, y) \rangle$ անընդհատ խաղում շահույթի ֆունկցիան գոգավոր է ըստ առաջին փոփոխականի՝ ցանկացած ֆիքսած $y \in [0, 1]$ կետի համար և ուռուցիկ է ըստ երկրորդ փոփոխականի՝ ցանկացած ֆիքսած $x \in [0, 1]$ կետի համար, ապա խաղում գոյություն ունի հավասարակշռության իրավիճակ մաքուր ստրատեգիաներում:

Օրինակ 6.4.1: Դիտարկենք հետևյալ խաղը՝ $G = \langle [0, 1], [0, 1], (x - y)^2 \rangle$: Այս խաղում $(x - y)^2$ ֆունկցիան ըստ երկու փոփոխականների էլ ուռուցիկ է, ուստի, համաձայն 6.4.4 թեորեմի, երկրորդ խաղացողն ունի մաքուր օպտիմալ ստրատեգիա: Այստեղից,

$$V(G) = \min_{y \in [0, 1]} \max_{x \in [0, 1]} (x - y)^2:$$

Հեշտ է տեսնել, որ

$$\max_{x \in [0, 1]} (x - y)^2 = \begin{cases} (1 - y)^2, & y \leq 1/2, \\ y^2, & y \geq 1/2 \end{cases}:$$

Հետևաբար, $V(G) = \min_{y \in [0, 1]} \max_{x \in [0, 1]} (x - y)^2 = 1/4$ և երկրորդ խաղացողի օպտիմալ ստրատեգիան $y^0 = 1/2$ է: Առաջին խաղացողի օպտիմալ ստրատեգիան գտնելու համար կարելի է օգտվել այն փաստից, որ օպտիմալ ստրատեգիայի սպեկտրի կետերը պետք է բավարարեն հետևյալ հավասարմանը (այս հատկությունը ձևակերպվել էր վերջավոր խաղերի համար, սակայն տեղի ունի նաև անընդհատ խաղերում)

$$H(x, y^0) = (x - 1/2)^2 = 1/4 = V(G):$$

Այստեղից ստանում ենք երկու կետ՝ $x' = 0$, $x'' = 1$: Դժվար չէ ստուգել, որ առաջին խաղացողի օպտիմալ ստրատեգիան հետևյալ F^0 բաշխման ֆունկցիան է՝

$$F^0(x) = \begin{cases} 0, & x \leq 0 \\ 1/2, & 0 < x < 1: \\ 1, & x \geq 1 \end{cases}$$

Դիտարկենք նաև խզվող շահույթի ֆունկցիաներով խաղերի մի դաս: Խաղեր միավոր քառակուսու վրա, որտեղ շահույթի ֆունկցիան ունի խզում քառակուսու անկյունագծի վրա և անընդհատ է անկյունագծից դուրս, հանդիպում են այն դեպքերում, երբ խաղացողի ստրատեգիան ժամանակի պահի ընտրությունն է և շատ էական է, թե որ խաղացողը կկատարի առաջին ընտրությունը: Դժվար չէ ստուգել, որ այս խաղերը նախակոմպակտ չեն և Վալդի թեորեմը կիրառելի չէ, սակայն այս խաղերը նույնպես ունեն լուծում:

Թեորեմ 6.4.6: Եթե $G = \langle [0,1], [0,1], H \rangle$ խաղում շահույթի ֆունկցիան ունի հետևյալ տեսքը՝

$$H(x, y) = \begin{cases} L(x, y), & x < y, \\ \varphi(x), & x = y, \\ M(x, y), & x > y, \end{cases}$$

ընդ որում $L(x, y)$ և $M(x, y)$ ֆունկցիաները անընդհատ են իրենց որոշման եռանկյունիների փակման վրա և ցանկացած $x \in [0,1]$ համար $\varphi(x)$ ֆունկցիայի արժեքը ընկած է $L(x, x)$ և $M(x, x)$ արժեքների միջև՝

$$\min\{L(x, x), M(x, x)\} \leq \varphi(x) \leq \max\{L(x, x), M(x, x)\},$$

այս G խաղում գոյություն ունի հավասարակշռության իրավիճակ:

Ապացույց: Նախ ցույց տանք, որ G խաղը լիովին որոշված է: Վերցնենք $\varepsilon > 0$ կամայական դրական թիվ: Քանի որ $L(x, y)$ և $M(x, y)$ ֆունկցիաները

հավասարաչափ անընդհատ են, ապա գոյություն ունի այնպիսի $\delta > 0$, որ երբ $|x' - x''| < \delta$, ապա բոլոր $y \in [0, 1]$ կետերի համար տեղի ունի՝

$$\begin{aligned} |L(x', y) - L(x'', y)| &< \varepsilon, \\ |M(x', y) - M(x'', y)| &< \varepsilon \end{aligned} \quad (6.4.9)$$

և երբ $|y' - y''| < \delta$, ապա բոլոր $x \in [0, 1]$ կետերի համար տեղի ունի՝

$$\begin{aligned} |L(x, y') - L(x, y'')| &< \varepsilon, \\ |M(x, y') - M(x, y'')| &< \varepsilon \end{aligned} \quad (6.4.10)$$

Կամայականորեն ընտրենք՝

$$0 = x_0 < x_1 < \dots < x_n = 1$$

կետեր այնպես, որ $x_{i+1} - x_i < \delta$ բոլոր $i = 0, 1, \dots, n-1$ համար և վերցնենք $y_i = x_i$, $i = 0, 1, \dots, n-1$: Նշանակենք՝ $X^\varepsilon = \{x_0, x_1, \dots, x_n\}$, $Y^\varepsilon = \{y_0, y_1, \dots, y_n\}$ և դիտարկենք $G^\varepsilon = \langle X^\varepsilon, Y^\varepsilon, H \rangle$ վերջավոր հակամարտ խաղը: Խաղացողների օպտիմալ ստրատեգիաները G^ε խաղում նշանակենք համապատասխանաբար $p^\varepsilon = (p_0, p_1, \dots, p_n)$ և $q^\varepsilon = (q_0, q_1, \dots, q_n)$: Այսպիսով, բոլոր $x_i \in X^\varepsilon$, $y_j \in Y^\varepsilon$ համար

$$H(x_i, p^\varepsilon) \leq H(p^\varepsilon, q^\varepsilon) \leq H(p^\varepsilon, y_j): \quad (6.4.11)$$

Նկատենք, որ

$$H(p^\varepsilon, y_j) = \sum_{i < j} x_i L(x_i, y_j) + x_j \varphi(x_j) + \sum_{i > j} x_i M(x_i, y_j): \quad (6.4.12)$$

Վերցնենք կամայական $y \in [0, 1]$: Ենթադրենք, որ $y \notin Y^\varepsilon$, $y \in (y_j, y_{j+1})$: Ունենք՝

$$H(p^\varepsilon, y) = \sum_{i \leq j} x_i L(x_i, y) + \sum_{i > j} x_i M(x_i, y): \quad (6.4.13)$$

Ենթադրենք, որ

$$\varphi(x_j) \leq L(x_j, x_j): \quad (6.4.14)$$

Հանելով (6.4.13) անհավասարությունը (6.4.12)-ից, կստանանք՝

$$\begin{aligned} H(p^\varepsilon, y_j) - H(p^\varepsilon, y) &= \sum_{i < j} p_i L(x_i, y_j) - \sum_{i < j} p_i L(x_i, y) - p_j L(x_j, y) + p_j \varphi(x_j) + \\ &+ \sum_{i > j} p_i M(x_i, y_j) - \sum_{i > j} p_i M(x_i, y) = \sum_{i < j} p_i (L(x_i, y_j) - L(x_i, y)) + p_j (\varphi(x_j) - L(x_j, y)) + \\ &+ p_i (L(x_j, y_j) - L(x_j, y)) + \sum_{i > j} p_i (M(x_i, y_j) - M(x_i, y)): \end{aligned}$$

Օգտվելով (6.4.10) անհավասարություններից, կստանանք՝

$$H(p^\varepsilon, y_j) - H(p^\varepsilon, y) \leq \sum_{i < j} p_i \varepsilon + p_j \varepsilon + p_j (\varphi(x_j) - L(x_j, y_j)) + \sum_{i > j} p_i \varepsilon$$

և, հաշվի առնելով, որ $\sum_{i=0}^n p_i = 1$ և (6.4.14) պայմանը, վերջնականապես կստանանք, որ բոլոր $y \in [y_j, y_{j+1}]$; $j = 0, 1, \dots, n-1$ համար՝

$$H(p^\varepsilon, y) + \varepsilon \geq H(p^\varepsilon, y_j): \quad (6.4.15)$$

Այժմ ենթադրենք, որ

$$\varphi(x_{j+1}) \leq M(x_{j+1}, x_{j+1}):$$

Այս դեպքում՝

$$\begin{aligned} H(p^\varepsilon, y_{j+1}) - H(p^\varepsilon, y) &= \sum_{i < j+1} p_i (L(x_i, y_{j+1}) - L(x_i, y)) + p_{j+1} (\varphi(x_{j+1}) - L(x_{j+1}, y_{j+1})) + \\ &+ p_{j+1} (L(x_{j+1}, y_{j+1}) - L(x_{j+1}, y)) + \sum_{i > j+1} p_i (M(x_i, y_{j+1}) - M(x_i, y)): \end{aligned}$$

և, ինչպես և վերևում,

$$H(p^\varepsilon, y) + \varepsilon \geq H(p^\varepsilon, y_{j+1})$$

բոլոր $y \in [y_j, y_{j+1}]$; $j = 0, 1, \dots, n-1$ համար: Այսպիսով,

$$\varphi(x_i) \leq \max \{L(x_i, x_i), M(x_i, x_i)\}, \quad i = 0, 1, \dots, n$$

դեպքում ցանկացած $y \in [0, 1]$ համար գոյություն ունի $y_j \in Y^\varepsilon$, այնպես, որ՝

$$H(p^\varepsilon, y_j) \leq H(p^\varepsilon, y) + \varepsilon:$$

Այս անհավասարությունը միացնելով (6.4.11) անհավասարության հետ ստանում ենք, որ բոլոր $y \in [0, 1]$ համար՝

$$H(p^\varepsilon, q^\varepsilon) \leq H(p^\varepsilon, y) + \varepsilon: \quad (6.4.16)$$

Նման դատողություններով կարելի է ցույց տալ, որ

$$\varphi(x_i) \geq \min \{L(x_i, x_i), M(x_i, x_i)\}, \quad i = 0, 1, \dots, n$$

դեպքում ցանկացած $x \in [0, 1]$ համար՝

$$H(x, q^\varepsilon) - \varepsilon \leq H(p^\varepsilon, q^\varepsilon):$$

Միացնելով այս անհավասարությունը (6.4.16) անհավասարությանը, կստանանք, որ բոլոր $x \in [0, 1]$, $y \in [0, 1]$ համար՝

$$H(x, q^\varepsilon) - \varepsilon \leq H(p^\varepsilon, q^\varepsilon) \leq H(p^\varepsilon, y):$$

Նշանակենք $F^\varepsilon(x)$ -ով և $G^\varepsilon(y)$ -ով աստիճանային բաշխման ֆունկցիաները, որոնք համապատասխանաբար ունեն p_i թռիչքներ x_i , $i = 0, 1, \dots, n$ կետերում, և q_j թռիչքներ y_j , $j = 0, 1, \dots, n$ կետերում: Հաշվի առնելով, որ՝

$$H(p^\varepsilon, y) = \sum_{i=0}^n p_i H(x_i, y) = \int_0^1 H(x, y) dF^\varepsilon(x) = H(F^\varepsilon(x), y),$$

$$H(x, q^\varepsilon) = \sum_{i=0}^n \sum_{j=0}^n H(x, y_j) q_j = \int_0^1 H(x, y) dG^\varepsilon(y) = H(x, G^\varepsilon(y)),$$

$$H(p^\varepsilon, q^\varepsilon) = \sum_{i=0}^n \sum_{j=0}^n p_i H(x_i, y_j) q_j = \int_0^1 \int_0^1 H(x, y) dF^\varepsilon(x) dG^\varepsilon(y) = H(F^\varepsilon(x), G^\varepsilon(y)),$$

(6.4.17) անհավասարությունը կստանա հետևյալ տեսքը՝

$$H(x, G^\varepsilon(y)) - \varepsilon \leq H(F^\varepsilon(x), G^\varepsilon(y)) \leq H(F^\varepsilon(x), y):$$

Սա էլ նշանակում է, որ $(F^\varepsilon(x), G^\varepsilon(y))$ իրավիճակը ε -հավասարակշռության իրավիճակ է G խաղում: Հավասարակշռության իրավիճակի գոյությունը ապացուցվում է այնպես, ինչպես 6.4.2 թեորեմում, օգտվելով Հելիի թեորեմներից:

6.5 ԿՈՈՊԵՐԱՏԻՎ ԽԱՂԵՐ

Սույն բաժնի սկզբում (կետ 6.1) սահմանել ենք n խաղացողի խաղ նորմալ տեսքով որպես $G = \langle I, \{S_i\}_{i \in I}, \{H_i\}_{i \in I} \rangle$ համակարգ, որտեղ $I = \{1, 2, \dots, n\}$ -ն խաղացողների բազմությունն է, S_i բազմությունները խաղացողների ստրատեգիաների բազմություններ են, իսկ $H_i(s_1, s_2, \dots, s_n)$ ֆունկցիաները խաղացողների շահույթի ֆունկցիաներն են: Սակայն այնտեղ դիտարկվում էր խաղի անդաշինք տարբերակը, այսինքն այն տարբերակը, երբ խաղացողները իրավունք չունեն պայմանավորվելու միմիանց հետ և կազմել դաշինքներ կամ կոալիցիաներ: Այժմ դիտարկենք այն դեպքը, երբ խաղացողները կարող են միավորվել: Դիցուք խաղացողների մի խումբ միավորվել է և ստեղծել $T \subseteq I$ կոալիցիա: Այդ դեպքում T կոալիցիայի մաքսիմալ ապահոված շահույթը՝ $v(T)$ -ն կարելի է հաշվել հետևյալ բանաձևով (տես կետ 6.2)՝

$$v(T) = \max_{s_i: i \in T} \min_{s_i: i \in I \setminus T} \sum_{i \in I} H_i(s_1, s_2, \dots, s_n):$$

Ենթադրենք նաև, որ կոալիցիայի ընդհանուր շահույթը կարող է կամայականորեն բաշխվել կոալիցիայի անդամների միջև: Այսպիսի խաղերն անվանում են *խաղեր կողմնակի վճարումներով*: Այսուհետ դիտարկվելու են միայն այսպիսի խաղեր: Այս խաղերում խաղացողի ստրատեգիայի ընտրությունը թելադրվում է կոալիցիայի կողմից, որին նա անդամակցում է: Այսպիսով, խաղացողի և՛ գործողությունները, և՛ շահույթը կախված են միայն կոալիցիաների շահույթներից: Հետևաբար կարելի է վերանալ խաղի սկզբնական ստրատեգիական բնույթից և դիտարկել միայն $v(T)$ ֆունկցիան:

Սահմանում 6.5.1: I բազմության բոլոր ենթաբազմությունների բազմության վրա որոշված $v(T)$ իրականարժեք ֆունկցիան անվանում են *բնութագրիչ ֆունկցիա*, եթե այն բավարարում է հետևյալ պայմաններին՝

1. $v(\emptyset) = 0$,
 2. $v(S \cup T) \geq v(S) + v(T), T \cap S = \emptyset$:
- (6.5.1)

Այստեղ երկրորդ պայմանը բնական է և նշանակում է, որ միավորվելով խաղացողները կարող են միայն շահել:

Սահմանում 6.5.2: Կոոպերատիվ n խաղացողի խաղ անվանում են $\langle I, v(T) \rangle$ գույզը, որտեղ $I = \{1, 2, \dots, n\}$ բազմությունը խաղացողների բազմությունն է, իսկ $v(T)$ -ն (6.5.1) սահմանմանը բավարարող բնութագրիչ ֆունկցիա:

Ակնհայտ է, որ ամենամեծ $v(I)$ ընդհանուր շահույթը խաղացողները կստանան, եթե բոլորը միավորվեն: Այս դեպքում հիմնական հարցը ընդհանուր շահույթը խաղացողների միջև արդարացի բաժանելն է:

Սահմանում 6.5.3: Կոոպերատիվ $\langle I, v(T) \rangle$ խաղում $x = (x_1, x_2, \dots, x_n)$ վեկտորն անվանում են *բաժանք*, եթե այն բավարարում է հետևյալ երկու պայմաններին՝

1.
$$\sum_{i=1}^n x_i = v(I),$$
2.
$$x_i \geq v(\{i\}), i \in I:$$

Խաղում բոլոր բաժանքների բազմությունը նշանակենք $X(v)$ -ով: Բաժանքի սահմանումից հետևում է, որ ընդհանուր շահույթը ամբողջությամբ է բաժանվում խաղացողների միջև և յուրաքանչյուրը ստանում է ոչ պակաս, քան եթե խաղա միայնակ:

Սահմանում 6.5.4: $\langle I, v(T) \rangle$ խաղն անվանում են *էական խաղ*, եթե $\sum_{i=1}^n v(\{i\}) < v(I)$:

Ակներև է, որ հետաքրքրություն ներկայացնում են միայն էական խաղերը, քանի որ ոչ էական խաղերում գոյություն ունի միայն մեկ բաժանք՝ $x_i = v(\{i\}), i \in I$:

Կոոպերատիվ խաղերի հիմնական խնդիրը լավագույն բաժանքներ գտնելն է: Լավագույն բաժանքները գտնելու համար նախ սահմանենք բաժանքների գերադասելիության հարաբերությունը: Դիցուք խաղում x -ը և y -ը երկու տարբեր բաժանքներ են: Քանի որ այս երկու վեկտորների բաղադրիչների գումարները հավասար են, ապա x բաժանքը ձեռնտու կլինի խաղացողների մի մասին, y բաժանքը՝ մեկ այլ մասին: Սակայն, որպեսզի խաղացողները պնդեն, որ ընդունվի այս կամ այն բաժանքը, պետք է ունենան այդ իրավունքը: Սա հանգեցնում է հետևյալ սահմանման:

Սահմանում 6.5.5: Ասում են, որ $x = (x_1, x_2, \dots, x_n)$ բաժանքը գերադասելի է $y = (y_1, y_2, \dots, y_n)$ բաժանքից ըստ $S \subseteq I$ կոալիցիայի, և նշանակում են $x \succ_S y$, եթե

1. $x_i > y_i, i \in S,$
2. $\sum_{i \in S} x_i \leq v(S):$

Եվ կասենք, որ x բաժանքը գերադասելի է y բաժանքից՝ $x \succ y$, եթե գոյություն ունի $S \subseteq I$ կոալիցիա, ըստ որի $x \succ_S y$:

Բաժանքների գերադասելիության սահմանումից երևում է, որ սա բավականին “վատ” հարաբերություն է՝ օրինակ այն կարող է տրանզիտիվ չլինել: Ուստի կոպերատիվ խաղերում օպտիմալության սկզբունք սահմանելը կարևորագույն խնդիրներից է: Հայտնի են օպտիմալության սկզբունքների բազմաթիվ սահմանումներ, որոնք կիրառվում են տարբեր ոլորտներում: Այստեղ կդիտարկվեն այդ սկզբունքներից մի քանիսը:

Սահմանում 6.5.6: Բաժանքների $V \subseteq I$ բազմությունը կոչվում է N-M- լուծում, կամ պարզապես լուծում, եթե V բազմության ոչ մի բաժանք գերադասելի չէ մյուսից և ցանկացած $y \notin V$ բաժանքի համար գոյություն ունի այնպիսի $x \in V$ բաժանք, որ $x \succ y$:

Սահմանում 6.5.7: Չգերադասվող բաժանքների բազմությունը կոչվում է *խաղի միջուկ* և նշանակվում է $C(v)$ -ով:

Դիտարկենք խաղի լուծման և միջուկի որոշ հատկություններ: Հայտնի են խաղեր, որտեղ լուծումները բազմաթիվ են, սակայն կառուցված են նաև խաղեր, որտեղ լուծում գոյություն չունի: Ի տարբերություն լուծման, միջուկը, եթե դատարկ չէ, ապա միակն է խաղում և ընկած է լուծման մեջ: Խաղի մի լուծում չի կարող ընկած լինել մեկ այլ լուծման մեջ: Իրոք, դիցուք խաղում գոյություն ունեն երկու՝ V', V'' լուծումներ, ընդ որում $V' \subset V''$: Եթե $y \in V'' \setminus V'$, ապա, քանի որ V' -ը լուծում է, գոյություն ունի այնպիսի $x \in V'$, որ $x \succ y$: Դա հակասում է այն պայմանին, որ V'' -ը լուծում է: Այստեղից և այն փաստից, որ միջուկը ընկած է լուծման մեջ, հետևում է, որ եթե միջուկը համընկնում է լուծման հետ, ապա լուծումը միակն է: Հետևյալ թեորեմը բնորոշում է միջուկի կառուցվածքը:

Թեորեմ 6.5.1: $\langle I, \nu \rangle$ խաղի $C(\nu)$ միջուկը համընկնում է

$$E = \left\{ x \in X : \sum_{i \in S} x_i \geq \nu(S), S \subseteq I \right\}$$

բազմության հետ:

Ապացույց: Դիցուք $x \in E$: Եթե $x \notin C(\nu)$, ապա պետք է գոյություն ունենա $y \in X$, $y \succ x$ բաժանք: Դիցուք $y \succ_S x$, այսինքն

$$y_i > x_i, i \in S,$$

$$\sum_{i \in S} y_i \leq \nu(S):$$

Սակայն $\sum_{i \in S} x_i < \sum_{i \in S} y_i \leq \nu(S)$: Սա հակասում է նրան, որ $x \in E$:

Մյուս կողմից, դիցուք $x \in C(\nu)$, սակայն որևէ $S \subseteq I$ կոալիցիաի համար $\sum_{i \in S} x_i < \nu(S)$:

Կառուցենք բաժանք հետևյալ եղանակով: Նշանակենք

$$\lambda = \nu(S) - \sum_{i \in S} x_i$$

և սահմանենք՝

$$y_i = \begin{cases} x_i + \lambda / |S|, i \in S \\ \nu(\{i\}) + \frac{\nu(I) - \nu(S) - \sum_{i \in I \setminus S} \nu(\{i\})}{|I \setminus S|}, i \in I \setminus S \end{cases}$$

Հեշտ է ստուգել, որ $y = (y_1, y_2, \dots, y_n)$ -ը բաժանք է և $y \succ_S x$: Սա հակասում է այն ենթադրությանը, որ $x \in C(\nu)$: Այսպիսով, $C(\nu) = E$:

Սահմանում 6.5.8: Երկու՝ $\langle I, v \rangle$ և $\langle I, w \rangle$ խաղերն անվանում են *ստրատեգիապես համարժեք*, կամ պարզապես *համարժեք*, եթե գոյություն ունեն այնպիսի $a > 0$ և $b, i \in I$ իրական թվեր, որ բոլոր $S \subseteq I$ համար՝

$$v(S) = aw(S) + \sum_{i \in S} b_i :$$

Դիցուք $\langle I, v \rangle$ և $\langle I, w \rangle$ խաղերը համարժեք են, $X(v)$ -ն բաժանքների բազմությունն է $\langle I, v \rangle$ խաղում, իսկ $Y(w)$ -ն բաժանքների բազմությունն է $\langle I, w \rangle$ խաղում: Ակներև է, որ $y(x) = ax + b$ արտապատկերումը փոխմիարժեք համապատասխանություն է հաստատում $X(v)$ և $Y(w)$ բազմությունների միջև, ընդ որում $x' \succ x''$ առնչությունից հետևում է, որ $y(x') \succ y(x'')$:

Քանի որ ստրատեգիական համարժեքությունը համարժեքության հարաբերություն է խաղերի բազմության վրա, ապա հետաքրքիր է ընտրել յուրաքանչյուր համարժեքության դասից մի կոնկրետ խաղ:

Սահմանում 6.5.9: $\langle I, v \rangle$ խաղն անվանում են $(0,1)$ տեսքի խաղ, եթե

1. $v(\{i\}) = 0, i \in I,$
2. $v(I) = 1:$

Այս սահմանումներից անմիջականորեն հետևում է հետևյալ թեորեմը:

Թեորեմ 6.5.2: *Յանկայսաձ էական խաղ ստրատեգիապես համարժեք է մեկ և միայն մեկ $(0,1)$ տեսքի խաղի:*

Այժմ դիտարկենք կոոպերատիվ խաղերի մի կարևոր դաս:

Սահմանում 6.5.10: $\langle I, v \rangle$ խաղն անվանում են *ուռուցիկ խաղ*, եթե բոլոր $S, T \subset I$ կոալիցիաների համար՝

$$v(S) + v(T) \leq v(S \cup T) + v(S \cap T):$$

Թեորեմ 6.5.3: $\langle I, v \rangle$ խաղն ուռուցիկ է այն, և միայն այն դեպքում, երբ

$$v(S \cup \{i\}) - v(S) \leq v(T \cup \{i\}) - v(T)$$

բոլոր i -րդ խաղացողին չպարունակող $S \subset T \subseteq I \setminus \{i\}$ կոալիցիաների համար:

Ապացույց. Նախ ապացուցենք անհրաժեշտությունը: Դիցուք $L \subset M$ կոալիցիաները չեն պարունակում i -ն: Խաղի ուռուցիկությունից հետևում է, որ

$$v(L \cup \{i\}) + v(M) \leq v(L \cup M \cup \{i\}) + v(L \cup \{i\} \cap M),$$

որտեղից՝

$$v(L \cup \{i\}) + v(M) \leq v(M \cup \{i\}) + v(L) \Rightarrow v(L \cup \{i\}) - v(L) \leq v(M \cup \{i\}) - v(M):$$

Ապացուցենք բավարարությունը: Դիտարկենք երկու՝ $L \subset M$ կոալիցիաներ և կամայական K կոալիցիա, այնպիսին, որ $M \cap K = \emptyset$: Դիցուք՝ $K = \{i_1, i_2, \dots, i_k\}$: Այս դեպքում ցանկացած $l = 1, 2, \dots, k$ համար՝

$$v(L \cup \{i_1, i_2, \dots, i_l\}) - v(L \cup \{i_1, i_2, \dots, i_{l-1}\}) \leq v(M \cup \{i_1, i_2, \dots, i_l\}) - v(M \cup \{i_1, i_2, \dots, i_{l-1}\}):$$

Գումարելով այս անհավասարությունները ըստ l -ի 1-ից k , կստանանք, որ ցանկացած $L \subset M$ և $K \subseteq I \setminus M$ կոալիցիաների համար՝

$$v(L \cup K) - v(L) \leq v(M \cup K) - v(M):$$

Այժմ վերցնենք կամայական S, T կոալիցիաներ: Նախորդ անհավասարությունից հետևում է, որ

$$v((S \cap T) \cup (S \setminus T)) - v(S \cap T) \leq v(T \cup (S \setminus T)) - v(T),$$

կամ՝

$$v(S) - v(S \cap T) \leq v(S \cup T) - v(T):$$

Ապացույցն ավարտված է:

Թեորեմ 6.5.4: Ուռուցիկ խաղերում միջուկը դատարկ չէ:

Ապացույց: Դիցուք տրված է $(0,1)$ տեսքի $\langle I, v \rangle$ ուռուցիկ խաղը: Նշանակենք՝

$$x_i = v\{1\}, x_i = v(\{1, 2, \dots, i\}) - v(\{1, 2, \dots, i-1\}), i \in I \setminus \{1\}:$$

$v(S)$ ֆունկցիայի սուպերադիտիվությունից (տես (6.5.1)) հետևում է, որ $x_i \geq 0$, $\sum_{i \in I} x_i = v(I)$, ուստի $x = (x_1, x_2, \dots, x_n)$ վեկտորը բաժանք է: Վերցնենք կամայական $S = \{i_1, i_2, \dots, i_s\}$ կոալիցիա և դիտարկենք երկու՝ $L = \{i_1, i_2, \dots, i_{p-1}\}$ և $M = \{1, 2, \dots, i_{p-1}\}$, $1 \leq p \leq s$ կոալիցիաներ: Քանի որ $L \subset M$, ապա, ըստ նախորդ թեորեմի՝

$$v\{i_1, i_2, \dots, i_p\} - v\{i_1, i_2, \dots, i_{p-1}\} \leq v\{1, 2, \dots, i_p\} - v\{1, 2, \dots, i_{p-1}\} = x_p:$$

Գումարելով այս անհավասարությունները ըստ p -ի 1-ից s , կստանանք՝

$$v\{i_1, i_2, \dots, i_s\} = v(S) \leq \sum_{i \in S} x_i:$$

Հետևաբար, ըստ 6.5.1 թեորեմի, x բաժանքը պատկանում է $C(v)$ միջուկին:

Ակներև է, որ այս թեորեմում էական չէ խաղացողների համարակալումը, ուստի միջուկին կպատկանեն նաև բոլոր $x = (x_1, x_2, \dots, x_n)$ վեկտորները, որտեղ՝

$$x_1 = v(\{i_1\}), x_2 = (v(\{i_1, i_2\}) - v(\{i_1\})), \dots, x_n = (v(\{i_1, i_2, \dots, i_n\}) - v(\{i_1, i_2, \dots, i_{n-1}\})):$$

Ուռուցիկ խաղերի միջուկի ամբողջական նկարագրությունը տալիս է հետևյալ թեորեմը, որը բերում ենք առանց ապացույցի:

Թեորեմ 6.5.5: Ուռուցիկ խաղի միջուկը ուռուցիկ բազմանիստ է, որի ծայրակետերի բազմությունը համընկնում է նախորդ թեորեմում սահմանված բաժանքների բազմության հետ:

Վերևում դիտարկված օպտիմալության սկզբունքները հանգեցնում են օպտիմալ բաժանքների բազմությունների, որոնցից այնուհետև հարկ է լինում ընտրել լավագույն բաժանքը, օգտվելով այս կամ այն հանգամանքներից: Հաջորդ

օպտիմալության սկզբունքը զերծ է այդ թերություններից, որոշում է միակ բաժանք, ընդ որում այն գոյություն ունի ցանկացած խաղում: Այս սկզբունքով որոշվող բաժանքը կոչվում է խաղի արժեք, կամ Շեպլիի վեկտոր: Նախ տանք մի քանի սահմանումներ:

Սահմանում 6.5.11: $\langle I, v \rangle$ խաղի կրիչ անվանում են այն $T \subseteq I$ կոալիցիան, որ $v(S) = v(S \cap T)$ ցանկացած $S \subseteq I$ համար:

Սահմանում 6.5.12: Դիցուք π -ն n տարրերի որևէ տեղափոխություն է և $S = \{i_1, i_2, \dots, i_s\} \subseteq I$ կոալիցիաի համար՝ $\pi S = \{\pi(i_1), \pi(i_2), \dots, \pi(i_s)\}$: $\langle I, \pi v \rangle$ -ով նշանակենք խաղը, որի համար՝

$$\pi v(S) = v(\pi S), \quad S \subseteq I:$$

Սահմանում 6.5.13: $\langle I, v \rangle$ խաղի արժեք, կամ Շեպլիի վեկտոր կոչվում է $\varphi[v] = (\varphi_1[v], \varphi_2[v], \dots, \varphi_n[v])$ բաժանքը, որը բավարարում է Շեպլիի հետևյալ երեք արքիոմներին:

Ա1. Եթե $T \subseteq I$ -ն խաղի կրիչ է, ապա

$$\sum_{i \in T} \varphi_i[v] = v(I):$$

Ա2. Ցանկացած $i \in I$ և π տեղափոխության համար՝

$$\varphi_{\pi(i)}[\pi v] = \varphi_i[v]:$$

Ա3. Ցանկացած երկու՝ $\langle I, v \rangle$ և $\langle I, u \rangle$ խաղերի համար՝

$$\varphi_i[u + v] = \varphi_i[u] + \varphi_i[v], \quad i \in I:$$

Թեորեմ 6.5.6: Ցանկացած կոպերատիվ խաղում գոյություն ունի միակ վեկտոր, որը բավարարում է Ա1-Ա3 արքիոմներին:

Թեորեմի ապացույցը կարելի է գտնել խաղերի տեսության դասագրքերում (տես, օրինակ, [16],[25]): Նշենք միայն, որ թեորեմը կառուցողական է և տալիս է Շեպլիի վեկտորի բացահայտ տեսքը՝

$$\varphi_i[v] = \sum_{\substack{S \subset I \\ i \in S}} \frac{(|S|-1)(|I \setminus S|)}{n!} [v(S) - v(S \setminus \{i\})], \quad i \in I: \quad (6.5.2)$$

Օրինակ 6.5.1: Դիցուք բաժնետիրական ընկերությունը ունի չորս բաժնետեր, որոնք համապատասխանաբար ունեն 10, 20, 30 և 40 բաժնետոմսեր: Ենթադրենք, որ S կոալիցիաի շահույթը հավասար է 1-ի, եթե այդ կոալիցիայի անդամների բաժնետոմսերի ընդհանուր քանակը գերազանցում է բոլոր բաժնետոմսերի 50 տոկոսը և 0-ի այլ դեպքում (սա նշանակում է, որ այդ կոալիցիան կարող է հաղթել քվեարկության դեպքում): Այս խաղում Շեպլիի վեկտորը կունենա հետևյալ տեսքը՝ $(1/12, 3/12, 3/12, 5/12)$: Այստեղից երևում է, որ խաղացողի «ուժը» որոշվում է ոչ միայն բաժնետոմսերի քանակով, այլ նաև որոշումների վրա ազդելու հնարավորություններով: Օրինակ երկրորդ և երրորդ խաղացողների բաժնետոմսերի քանակը տարբեր է, սակայն հնարավորությունները նույնն են:

Օրինակ 6.5.2: Դիտարկենք հետևյալ խնդիրը: Դիցուք որևէ կազմակերպություն ունի 1,8 մլն դրամ ազատ միջոցներ և ցանկանում է ներդնել բանկ բարձր տոկոսադրույքով: Բանկային տոկոսադրույթները հետևյալն են՝

Գումար	Տոկոս
0-ից մինչև 1մլն	8
1մլն-3մլն	10
3մլն-5մլն	12

Բարձր տոկոսադրույքով եկամուտ ստանալու նպատակով իրեն համաձայն են միանալ ևս երկու կազմակերպություն՝ համապատասխանաբար 900000 և 300000 դրամ միջոցներով: Հիմնական հարցը, որը առաջանում է այս խնդրում՝ ինչպես բաշխել ստացված եկամուտը: Այստեղ պարզունակ լուծումը կարող է լինել բաշխումը ըստ ներդրած գումարի 12 տոկոսի: Սակայն այս լուծումը հաշվի չի առնում մասնակիցների յուրահատկությունները:

Կառուցենք 3 խաղացողի կոպերատիվ $\langle I, v \rangle$ խաղ, որտեղ $I = \{1, 2, 3\}$, իսկ $v(S)$ ֆունկցիան որոշվում է այն գումարով, որը կատանան S կոալիցիայի մասնակիցները, գործելով մյուսներից անկախ: Հարմարության համար նշանակենք՝

$$v(\{i\}) = v_i, v(\{i, j\}) = v_{ij}, v(\{1, 2, 3\}) = v_{123}:$$

Այսպիսով՝

$$\begin{aligned} v_1 &= 180000, v_2 = 72000, v_3 = 24000, \\ v_{12} &= 270000, v_{13} = 220000, v_{23} = 120000, \\ v_{123} &= 360000: \end{aligned}$$

Դժվար չէ ստուգել, որ կառուցված խաղը ուռուցիկ է: Գտնենք խաղի միջուկը: 6.5.5 թեորեմի համաձայն բավական է գտնել միջուկի ծայրակետերը: Երեք խաղացող կարող են կազմել 6 հնարավոր հերթականություն՝

$$(1, 2, 3), (1, 3, 2), (2, 1, 3), (2, 3, 1), (3, 1, 2), (3, 2, 1):$$

Ուստի միջուկի ծայրակետերը վեցն են՝

$$\begin{aligned} x^1 &= (180000, 90000, 90000), \\ x^2 &= (180000, 140000, 40000), \\ x^3 &= (198000, 72000, 90000), \\ x^4 &= (240000, 72000, 48000), \\ x^5 &= (196000, 140000, 24000), \\ x^6 &= (240000, 96000, 24000): \end{aligned}$$

Այսպիսով, միջուկը այս վեց վեկտորների ուռուցիկ թաղանթն է և միջուկի ցանկացած բաժանք կարող է հանդիսանալ եկամուտների օպտիմալ բաշխում:

Հաշվենք նաև Շեպլիի վեկտորը և համեմատենք ստացված լուծման հետ: Օգտվելով (6.5.2) բանաձևից, կստանանք՝

$$\begin{aligned}\varphi_1 &= \frac{2!}{3!}(v_{123} - v_{23}) + \frac{1!1!}{3!}(v_{12} - v_2) + \frac{1!1!}{3!}(v_{13} - v_3) + \frac{2!}{3!}(v_1 - 0) = 205666,66\dots; \\ \varphi_2 &= \frac{2!}{3!}(v_{123} - v_{13}) + \frac{1!1!}{3!}(v_{12} - v_1) + \frac{1!1!}{3!}(v_{23} - v_3) + \frac{2!}{3!}(v_2 - 0) = 101666,66\dots; \\ \varphi_3 &= \frac{2!}{3!}(v_{123} - v_{12}) + \frac{1!1!}{3!}(v_{13} - v_1) + \frac{1!1!}{3!}(v_{23} - v_2) + \frac{2!}{3!}(v_3 - 0) = 52666,66\dots\end{aligned}$$

Դժվար չէ ստուգել, որ Շեպլիի վեկտորը համընկնում է միջուկի ծանրության կենտրոնի հետ և կարող է համարվել այս խնդրի լավագույն լուծում:

Օրինակ 6.5.3: Դիտարկենք հետևյալ խնդիրը, կապված ապահովագրական ընկերությունների գործունեության հետ: Դիցուք ունենք 100 անհատներից բաղկացած խումբ, որոնցից յուրաքանչյուրը կարող է տվյալ ժամանակահատվածում կորցնել 1 միավոր բարիք $p_1 = 0,01$ հավանականությամբ: Իրենց ռիսկերը նվազեցնելու համար նրանք որոշում են միավորվել և ստեղծել փոքր ապահովագրական ընկերություն: Ենթադրենք, որ խմբի հիմնադիր կապիտալը պետք է լինի այնպիսին, որ ընկերության սնանկանալու հավանականությունը չգերազանցի 0,001-ը: Ենթադրելով պարզության համար, որ ռիսկերը անկախ են, մոտարկենք բինոմիալ բաշխվածությունը նորմալ բաշխվածությամբ և, օգտվելով այդպես կոչված “3 սիգմաների օրենքից”, հիմնադիր կապիտալի համար կստանանք հետևյալ արժեքը՝

$$V_1 = n_1 p_1 + 3\sqrt{n_1 p_1 (1 - p_1)} = 10 + 9 = 19:$$

Այսպիսով, յուրաքանչյուրը պետք է ներդնի 0,19 միավոր:

Դիցուք երկրորդ խումբը նույնպես բաղկացած է 100 անհատից, սակայն երկրորդ խմբի անդամները նույն ժամանակահատվածում 1 միավորը կորցնում են $p_2 = 0,02$ հավանականությամբ: Եթե իրենք նույնպես ստեղծեն ապահովագրական միություն, ապա այս խմբի ապահովագրական ֆոնդը հավասար է՝

$$V_2 = n_2 p_2 + 3\sqrt{n_2 p_2 (1 - p_2)} = 20 + 12 = 32:$$

Դիտարկենք նաև երրորդ խումբը, որը նորից բաղկացած է 120 անդամից, որոնց համար 1 միավոր բարիք կորցնելու հավանականությունը $p_3 = 0,03$ է: Այս խմբի ապահովագրական ֆոնդը հավասար է՝

$$V_3 = n_3 p_3 + 3\sqrt{n_3 p_3 (1 - p_3)} = 36 + 15 = 51:$$

Այժմ ենթադրենք, որ այս երեք ընկերությունները որոշում են միավորվել և ստեղծել մեկ ընդհանուր ընկերություն: Հաշվենք այս միջյալ ընկերության ապահովագրական ֆոնդը՝

$$V_{123} = n_1 p_1 + n_2 p_2 + n_3 p_3 + 3\sqrt{n_1 p_1 (1 - p_1) + n_2 p_2 (1 - p_2) + n_3 p_3 (1 - p_3)} = 66 + 21 = 87:$$

Ինչպես տեսնում ենք, միավորումը թույլ է տալիս նվազեցնել ապահովագրական ֆոնդի ծավալը, քանի որ եթե ընկերությունները գործում են միմիանցից անկախ, ապա ապահովագրական ֆոնդերի գումարը կկազմի $19 + 32 + 51 = 102$ իսկ միավորվելու դեպքում՝ 87 միավոր: Սակայն միավորվելիս հարկավոր է որոշել յուրաքանչյուր խմբի ներդրումը ընդհանուր ապահովագրական ֆոնդում: Այս խնդիրը դիտարկենք որպես կոպերատիվ խաղ՝ $G = \langle I, \nu \rangle$, որտեղ $I = \{1, 2, 3\}$, և՝

$$\nu\{1\} = V_1 = 19,$$

$$\nu\{2\} = V_2 = 32,$$

$$\nu\{3\} = V_3 = 51,$$

$$\nu\{1, 2\} = n_1 p_1 + n_2 p_2 + 3\sqrt{n_1 p_1 (1 - p_1) + n_2 p_2 (1 - p_2)} = 30 + 15 = 45,$$

$$\nu\{2, 3\} = n_2 p_2 + n_3 p_3 + 3\sqrt{n_2 p_2 (1 - p_2) + n_3 p_3 (1 - p_3)} \approx 75,3,$$

$$\nu\{1, 3\} = n_1 p_1 + n_3 p_3 + 3\sqrt{n_1 p_1 (1 - p_1) + n_3 p_3 (1 - p_3)} \approx 63,5,$$

$$\nu\{1, 2, 3\} = V_{123} = 87:$$

Դժվար չէ ստուգել, որ այս խաղի համար Շեպլիի վեկտորը կտա հետևյալ բաժանքը՝ $(14, 9; 26, 9; 45, 6)$: Դուրս գրենք խաղի միջուկը բնութագրող առնչությունները՝

$$x_1 \leq 19,$$

$$x_2 \leq 32,$$

$$x_3 \leq 51,$$

$$x_1 + x_2 \leq 45,$$

$$x_2 + x_3 \leq 75,3,$$

$$x_1 + x_3 \leq 63,5,$$

$$x_1 + x_2 + x_3 \leq 87:$$

Հեշտությամբ ստուգվում է, որ Շեպլիի վեկտորը պատկանում է խաղի միջուկին, հետևաբար այն կարող է դիտվել, որպես խնդրի օպտիմալ բաշխում: Այսպիսով, ընդհանուր ապահովագրական ընկերություն ստեղծելու համար առաջին խմբի անդամները պետք է ներդնեն յուրաքանչյուրը մոտավորապես 0,15 միավոր, երկրորդ խմբի անդամները մոտավորապես 0,27 միավոր և երրորդ խմբի անդամները՝ 0,38 միավոր յուրաքանչյուրը:

ԴԻՆԱՄԻԿ ՄՈՂԵԼՆԵՐ

Սույն բաժնում դիտարկվում են որոշումներ ընդունելու այնպիսի խնդիրներ, որտեղ որոշումը ընդունվում է ժամանակի ընթացքում՝ քայլ առ քայլ, կամ անընդմեջ:

6.1. ԴԻՆԱՄԻԿ ԾՐԱԳՐՈՒՄ

Դիցուք ձեռնարկությունն ունի որևէ արտադրանք ստանալու երկու տեխնոլոգիական պրոցեսներ, ընդ որում առաջին պրոցեսում x քանակությամբ ռեսուրսը /պաշարը/ բերում է $g(x)$ եկամուտ և սկզբնական պաշարից մնում է αx քանակություն, իսկ երկրորդ պրոցեսում x պաշարը բերում է $h(x)$ եկամուտ և պաշարը նվազում է մինչև βx : Դիցուք պաշարի սկզբնական քանակը x է: Այն բաշխելով երկու պրոցեսների միջև, համապատասխանաբար y և $x-y$ մասերի, ձեռնարկությունը կստանա $R_1(x, y) = g(y) + h(x-y)$ եկամուտ, իսկ մնացյալ պաշարը հավասար կլինի $x_1 = \alpha y + \beta(x-y)$: Դիցուք մնացած պաշարը նորից բաշխում ենք երկու պրոցեսների միջև՝ x_1 -ը տրոհում ենք y_1 և $x_1 - y_1$ մասերի, ստանալով $g(y_1) + h(x_1 - y_1)$ եկամուտ և $x_2 = \alpha y_1 + \beta(x_1 - y_1)$ մնացյալ պաշար: Այս դեպքում բաշխման երկու քայլերից ստացված եկամուտը հավասար կլինի՝

$$R_2(x, y, y_1) = g(y) + h(x-y) + g(y_1) + h(x_1 - y_1): \quad (16.1)$$

Կրկնելով այս գործնթացը, n -րդ քայլում կստանանք՝

$$R_n(x, y, y_1, \dots, y_{n-1}) = \sum_{i=1}^{n-1} R_i(x, y, y_1, \dots, y_{i-1}),$$

որտեղ՝

$$\begin{aligned} x_1 &= \alpha y + \beta(x-y), 0 \leq y \leq x, \\ x_i &= \alpha y_{i-1} + \beta(x_{i-1} - y_{i-1}), 0 \leq y_{i-1} \leq x_{i-1}, i = 2, 3, \dots, n: \end{aligned}$$

Առավելագույն վերջնական շահույթը կստանանք մաքսիմալացնելով $R_n(x, y_1, \dots, y_n)$ ֆունկցիան y_1, \dots, y_n փոփոխականների՝ վերևում նշված անհավասարություններով որոշվող տիրույթում:

Եթե ենթադրենք, որ $g(x)$ և $h(x)$ ֆունկցիաները անընդհատ և ածանցելի են իրենց որոշման տիրույթում, ապա այս խնդիրը կարելի է լուծել դասական եղանակներով, օրինակ դիտարկելով որպես պայմանական էքստրեմումի խնդիր: Սակայն դասական եղանակները հիմնականում տալիս են տիրույթի ներսում էքստրեմումի գոյության անհրաժեշտ պայմաններ և հարկավոր է լինում ստուգել ֆունկցիայի վարքը տիրույթի եզրում: Այս ամենը շատ է բարդեցնում խնդիրը մեծ n -ի դեպքում:

Դինամիկ ծրագրման եղանակը թույլ է տալիս նման խնդիրները լուծել քայլ առ քայլ: Նկարագրենք այդ եղանակը վերևում բերված օրինակի վրա:

Քանի որ $R_n(x, y, y_1, \dots, y_{n-1})$ ֆունկցիայի մաքսիմալ արժեքը կախված է միայն սկզբնական ռեսուրսի x քանակից և քայլերի n թվից, նշանակենք՝

$$f_1(x) = \max_{0 \leq y \leq x} [g(y) + h(x-y)], f_n(x) = \max_{y, y_1, \dots, y_{n-1}} R_n(x, y, y_1, \dots, y_{n-1})$$

Բաշխման երկու քայլերից հետո ամբողջ ստացած եկամուտը հավասար է առաջին քայլում ստացած եկամուտի և երկրորդ քայլում $x_1 = \alpha y + \beta(x-y)$ ռեսուրսը բաշխելիս ստացված եկամուտի գումարին: Ինչպիսին էլ լինի առաջին քայլում ընտրած y -ը, մնացորդային ռեսուրսը հաջորդ քայլում պետք է բաշխվի օպտիմալ ձևով: Այսպիսով, եթե y_1 -ը օպտիմալ է ընտրվել, ապա (16.1) արտահայտությունը կընդունի հետևյալ տեսքը՝

$$R_2(x, y, y_1) = g(y) + h(x-y) + f_1(\alpha y + \beta(x-y)):$$

Իսկ մաքսիմալ եկամուտի համար կստանանք՝

$$f_2(x) = \max_{0 \leq y \leq x} [g(y) + h(x-y) + f_1(\alpha y + \beta(x-y))]:$$

Շարունակելով այս դատողությունները, n -քայլանի գործընթացի համար կստանանք հետևյալ բանաձևը՝

$$f_n(x) = \max_{0 \leq y \leq x} [g(y) + h(x-y) + f_{n-1}(\alpha y + \beta(x-y))], n \geq 2, \quad (16.2)$$

$$f_1(x) = \max_{0 \leq y \leq x} [g(y) + h(x-y)]:$$

Այս ռեկուրենտ բանաձևերը թույլ են տալիս n -չափանի խնդիրը հանգեցնել n հաստ մեկ չափանի խնդիրների: Իրոք, դիցուք՝

$$f_1(x) = \max_{0 \leq y \leq x} [g(y) + h(x-y)] = [g(y_1) + h(x-y_1)]:$$

Երկրորդ քայլում հաշվում ենք՝

$$f_2(x) = \max_{0 \leq y \leq x} [g(y) + h(x-y) + f_1(\alpha y + \beta(x-y))]:$$

Ապա հաշվում ենք $f_3(x)$ և այսպես շարունակ: Արդյունքում ստանում ենք երկու հաջորդականություններ՝ $\{y_i\}$ և $\{f_i(x)\}$, $i=1,2,\dots$, որոնք տալիս են տրված ռեսուրսով և քայլերով բաշխման խնդրի օպտիմալ լուծումը: Այն դեպքերում, երբ քայլերի թիվը շատ մեծ է, կարելի է (16.2) ռեկուրենտ բանաձևերի փոխարեն օգտվել ֆունկցիոնալ հավասարումից՝

$$f(x) = \max_{0 \leq y \leq x} [g(y) + h(x-y) + f(\alpha y + \beta(x-y))]:$$

Լուծման այս նույն եղանակը կարելի է կիրառել տարբեր խնդիրներում: Դիտարկենք, օրինակ, պայմանական էքստրեմումի բազմաչափ խնդիր՝

$$\begin{cases} F(x_1, x_2, \dots, x_n) = \sum_{i=1}^n g_i(x_i) \rightarrow \max, \\ \sum_{i=1}^n x_i = c, \\ x_i \geq 0, i = 1, 2, \dots, n \end{cases} :$$

Ենթադրենք, որ բոլոր $g_i(x)$ ֆունկցիաները անընդհատ են $x \geq 0$ տիրույթում: Քանի որ խնդրի լուծումը կախված է միայն c -ից և n -ից, ուստի կարելի է նշանակել՝

$$f_n(c) = \max_{x_1, x_2, \dots, x_n} F(x_1, x_2, \dots, x_n):$$

Դատելով այնպես, ինչպես նախորդ խնդրում, կարող ենք ստանալ ռեկուրենտ բանաձև՝

$$\begin{aligned} f_1(c) &= g_1(c), \\ f_i(c) &= \max_{0 \leq x \leq c} [g_i(x) + f_{i-1}(c-x)] \end{aligned} \quad (16.3)$$

$i = 2, \dots, n$ համար:

Այս երկու բերված մոդելներում կիրառված է դինամիկ ծրագրման խնդիրների լուծման հիմնական օպտիմալության սկզբունքը՝ օպտիմալ կերպով բաշխել ռեսուրսը վերջին քայլում, եթե հայտնի է, թե ինչպես օպտիմալ կերպով բաշխել մնացորդային ռեսուրսը նախորդ քայլերում և այդպես, քայլ առ քայլ գալ մինչև սկիզբ:

Բերենք թվային օրինակ: Դիտարկենք հետևյալ խնդիրը՝

$$\begin{cases} \sum_{i=1}^n \frac{x_i^2}{c_i} \rightarrow \min, \\ \sum_{i=1}^n x_i = c, \\ x_i \geq 0, i = 1, 2, \dots, n \end{cases}$$

Այստեղ $c_i > 0, i = 1, 2, \dots, n$:

Այս խնդրի համար (16.3) բանաձևը կընդունի հետևյալ տեսքը՝

$$f_k(c) = \min_{0 \leq x \leq c} \left(f_{k-1}(c-x) + \frac{x^2}{c_k} \right):$$

Կազմենք՝

$$f_1(c) = R_1(c) = \frac{c^2}{c_1}, \quad R_2(x) = \frac{(c-x)^2}{c_1} + \frac{x^2}{c_2}:$$

Ածանցելով և հավասարեցնելով զրոի, կստանանք՝

$$x_2(c) = \frac{cc_2}{c_1 + c_2}, \quad c - x_2(c) = \frac{cc_1}{c_1 + c_2}, \quad f_2(c) = \min_{0 \leq x \leq c} R_2(x) = \frac{c^2}{c_1 + c_2} :$$

Այժմ ենթադրենք, որ

$$f_k(c) = \frac{c^2}{c_1 + c_2 + \dots + c_k}$$

և կազմենք

$$f_{k+1}(c) = \min_{0 \leq x \leq c} \left(\frac{(c-x)^2}{c_1 + c_2 + \dots + c_k} + \frac{x^2}{c_{k+1}} \right) :$$

Դժվար չէ ստուգել, որ

$$x_{k+1}(c) = \frac{cc_{k+1}}{c_1 + c_2 + \dots + c_{k+1}}, \quad f_{k+1}(c) = \frac{c^2}{c_1 + c_2 + \dots + c_{k+1}} :$$

Այսպիսով, ցանկացած $n \geq 2$ համար՝

$$\min \sum_{i=1}^n \frac{x_i^2}{c_i} = \frac{c^2}{c_1 + c_2 + \dots + c_n} :$$

Իսկ ռեսուրսի օպտիմալ բաշխման $x_1^0, x_2^0, \dots, x_n^0$ կետերը ստանալու համար օգտվենք դինամիկ ծրագրման հիմնական սկզբունքից. նախ որոշենք x_n^0 -ն՝

$$x_n^0 = x_n(c) = \frac{cc_n}{c_1 + c_2 + \dots + c_n} :$$

Հաջորդ քայլում որոշվում է x_{n-1}^0 -ն՝

$$\begin{aligned} x_{n-1}^0 &= x_{n-1}(c - x_n^0) = \frac{(c - x_n^0)c_{n-1}}{c_1 + c_2 + \dots + c_{n-1}} = \left(c - \frac{cc_n}{c_1 + c_2 + \dots + c_n} \right) \frac{c_{n-1}}{c_1 + c_2 + \dots + c_{n-1}} = \\ &= \frac{c(c_1 + c_2 + \dots + c_n)c_{n-1} - cc_{n-1}c_n}{(c_1 + c_2 + \dots + c_n)(c_1 + c_2 + \dots + c_{n-1})} = \frac{cc_{n-1}(c_1 + c_2 + \dots + c_{n-1})}{(c_1 + c_2 + \dots + c_n)(c_1 + c_2 + \dots + c_{n-1})} = \frac{cc_{n-1}}{c_1 + c_2 + \dots + c_n} : \end{aligned}$$

Շարունակելով, կստանանք՝

$$x_i^0 = \frac{cc_i}{(c_1 + c_2 + \dots + c_n)}, \quad i = 1, 2, \dots, n:$$

6.2. ՕՂՏԻՄԱԼ ԿԱՌԱՎԱՐՄԱՆ ՏԵՍՈՒԹՅՈՒՆ

Օպտիմալ կառավարման տեսությունը ուսումնասիրում է որոշումներ ընդունելու այնպիսի խնդիրներ, որտեղ որոշումներն ընդունվում են անընդհատ, ժամանակի յուրաքանչյուր պահին:

Որպես օրինակ դիտարկենք ավտոմեքենայի ուղղագիծ շարժումը: Առանց ընդհանրությունը խախտելու կարող ենք ենթադրել, որ այդ շարժումը կատարվում է իրական առանցքով, և ժամանակի t պահին մեքենան գտնվում է իրական առանցքի $x(t)$ կետում: Մեքենայի վիճակը յուրաքանչյուր t պահին կարելի է նկարագրել $x(t)$ դիրքով և $\dot{x}(t)$ արագությամբ: Ուղղագիծ շարժման դեպքում մեքենայի կառավարումը կատարվում է վարորդի կողմից մեքենայի վրա ուժ կիրառելով (այս կամ այն չափով սեղմելով “գազի պեդալը”): Ժամանակի t պահին կիրառվող ուժը նշանակենք $u(t)$ -ով: Հաշվի առնելով, որ արագացումը հավասար է $\ddot{x}(t)$, ըստ Նյուտոնի երկրորդ օրենքի շարժման հավասարումը կունենա հետևյալ տեսքը՝

$$m\ddot{x} = u - b\dot{x}, \quad (7.2.1)$$

որտեղ m -ը մեքենայի զանգվածն է, $b\dot{x}$ -ը շփման ուժը: Որպեսզի ստանանք մեքենայի վիճակի պարամետրերի անմիջական կախվածությունը կիրառվող ուժից, նշանակենք՝ $x_1 = x, x_2 = \dot{x}$: Այս դեպքում (7.2.1) հավասարումը կվերածվի համարժեք համակարգի՝

$$\begin{cases} \dot{x}_1 = x_2, \\ \dot{x}_2 = \frac{1}{m}u - \frac{b}{m}x_2 : \end{cases}$$

Ընտրելով յուրաքանչյուր t պահին $u(t)$ կառավարումը, և լուծելով դիֆերենցիալ հավասարումների սույն համակարգը, կարելի է ստանալ մեքենայի շարժման $(x_1(t), x_2(t))$ հետագիծը ցանկացած սկզբնական դիրքի դեպքում:

Ընդհանուր դեպքում *կառավարվող օբյեկտի* վիճակը կարող է նկարագրվել $x = (x_1, x_2, \dots, x_n) \in R^n$ վեկտորով, որն անվանում են *ֆազային կետ*, շարժումը կարող է կառավարվել $u = (u_1, u_2, \dots, u_m) \in U \subseteq R^m$ պարամետրերով, որոնք անվանում են

Ֆունկցիոնալը ստանում է էքստրեմալ արժեքը (մաքսիմալ կամ մինիմալ, կախված խնդրի դրվածքից), կոչվում է *օպտիմալ կառավարվող պրոցես*։

Այսպիսով, օպտիմալ կառավարման խնդիրը տրված է, եթե տրված են՝

1. կառավարման $U \subseteq R^m$ տիրույթը,
2. տերմինալ Σ մակերևույթը,
3. շարժման $\dot{x} = f(x, u)$ հավասարումները,
4. նպատակային $J(x, u) = \int_{t_0}^{t_1} L(x(t), u(t)) dt + H(s)$ ֆունկցիոնալը:

Չնայած օպտիմալ կառավարման տեսությունը ստեղծվել է որպես դիֆերենցիալ խաղերի մասնավոր դեպք, և սկզբնական շրջանում ուսումնասիրել է խնդիրներ, որոնք կապված էին ֆիզիկական շարժման հետ՝ տիեզերագնացության, բալիստիկ հրթիռների, ինքնաթիռների ավտոմատ կառավարման և այլ բնագավառներում, այժմ այս տեսությունը լայն կիրառություններ է ստացել նաև տնտեսագիտության, բժշկության, քաղաքաշինության և այլ բնագավառներում: Բերենք մի քանի օրինակ: Յուրաքանչյուր մարդու առողջական վիճակը կարելի է նկարագրել վերջավոր թվով պարամետրերով՝ ճնշում, ջերմաստիճան, արյան բաղադրություն և այլն, այսինքն ներկայացնել, որպես ֆազային կետ: Յուրաքանչյուր պահին ընտրելով դեղորայքների տեսակը և քանակը (կառավարումները) կարելի է դնել խնդիր՝ մինիմալ ժամանակում կամ մինիմալ վնասներով առողջացնել հիվանդին:

Բերենք մեկ այլ օրինակ: Քաղաքի կամ երկրի տնտեսական իրավիճակը կարելի է նկարագրել մի շարք պարամետրերով՝ բյուջե, էներգետիկա, տրանսպորտային ցանց, տվյալ ճյուղի գործարանների հզորություններ և այլն: Այդ պարամետրերը կարող են փոփոխվել վարկային, հարկային և այլ միջոցառումների շնորհիվ: Կարող է դրվել խնդիր՝ մինիմալ ժամանակահատվածում, կամ մինիմալ ծախսերով հզորացնել երկիրը:

Դինամիկ ծրագրման մոտեցում: Պարզության համար հիմնական մոտեցումները և արդյունքները դիտարկենք արագագործության խնդրի օրինակի վրա: Դիցուք ֆազային x կետից հարկավոր է մինիմալ ժամանակում, շարժվելով շարժման (17.2) հավասարումներին համաձայն, հասնել x^1 ֆազային կետ: Այստեղ վերջնական x^1 կետը համարում ենք ֆիքսված, իսկ սկզբնական x կետը փոփոխական, այսինքն խնդիրը փորձում ենք լուծել ցանկացած սկզբնական դիրքի համար:

Ենթադրություն 1: Ենթադրենք, որ ցանկացած սկզբնական x կետի համար գոյություն ունի միակ օպտիմալ (x, u) պրոցես և $T(x)$ -ով նշանակենք x կետից x^1 կետ հասնելու մինիմալ ժամանակը:

Ենթադրություն 2: Ենթադրենք, որ այս բաժնում դիտարկվող բոլոր ֆունկցիաները անընդհատ են և ունեն այնքան անընդհատ մասնակի ածանցյալներ, որքան պահանջվի: Հետագա դատողություններում ավելի հարմար է $T(x)$ ժամանակի փոխարեն դիտարկել հակադարձ՝ $\theta(x) = -T(x)$ ժամանակը:

Դիցուք x^0 -ն ֆազային տարածության որևէ կետ է, և $u^0 \in U$: Ենթադրենք, որ t_0 պահին մեր օբյեկտը գտնվում է x^0 կետում և շարժվում է u^0 հաստատուն կառավարման ներքո, համաձայն շարժման (17.2) հավասարումների, մինչև $x(t)$ կետը, ծախսելով $t-t_0$ ժամանակ: $x(t)$ կետից շարժվելով օպտիմալ մինչև x^1 կետը կծախսվի $T(x(t))$ ժամանակ: Ուստի, x^0 կետից մինչև x^1 կծախսվի $(t-t_0)+T(x(t))$ ժամանակ: Սակայն, քանի որ x^0 կետից մինչև x^1 հասնելու օպտիմալ (մինիմալ) ժամանակը հավասար է $T(x^0) = T(x(t_0))$, ապա՝

$$T(x(t_0)) \leq (t-t_0) + T(x(t)):$$

Փոխարինելով $T(x)$ ֆունկցիան $-\theta(x)$ -ով և բաժանելով $t-t_0$ վրա, կստանանք՝

$$\frac{\theta(x(t)) - \theta(x(t_0))}{t-t_0} \leq 1:$$

Անցնելով սահմանին, երբ $t \rightarrow t_0$, ստանում ենք՝

$$\left. \frac{d}{dt} \theta(x(t)) \right|_{t=t_0} \leq 1:$$

Եվ, քանի որ $\dot{x}_i(t) = f_i(x, u)$, ապա վերջնականապես ստանում ենք՝

$$\left. \frac{d}{dt} \theta(x(t)) \right|_{t=t_0} = \sum_{i=1}^n \frac{\partial \theta(x^0)}{\partial x_i} \dot{x}_i(t) \Big|_{t=t_0} = \sum_{i=1}^n \frac{\partial \theta(x^0)}{\partial x_i} f_i(x^0, u^0) \leq 1:$$

Այստեղ x^0 և u^0 կետերը կամայական էին: Ուստի *Ֆազային տարածության ցանկացած x կետի և կառավարման տիրույթի ցանկացած u կետի համար*

$$\sum_{i=1}^n \frac{\partial \theta(x)}{\partial x_i} f_i(x, u) \leq 1: \quad (7.2.4)$$

Դիցուք, այժմ, $(x(t), u(t))$ -ն օպտիմալ պրոցես է, որը տեղափոխում է օբյեկտը $x^0 = x(t_0)$ կետից $x^1 = x(t_1)$ կետ, այսինքն t_0 պահին օբյեկտը գտնվում է $x(t_0)$ ֆազային կետում և ծախսելով $T(x^0)$ ժամանակ, t_1 պահին հասնում է x^1 կետ: Այստեղից՝ $t_1 = t_0 + T(x^0)$, ընդ որում ավելի արագ հասնել x^1 կետ հնարավոր չէ: Դիցուք t -ն, $t_0 \leq t < t_1$ որևէ միջանկյալ պահ է: Շարժումը օպտիմալ $(x(t), u(t))$ պրոցեսի դեպքում ֆազային $x^0 = x(t_0)$ կետից մինչև $x(t)$ կետ տևում է $t - t_0$ ժամանակ, իսկ $x(t)$ -ից մինչև $x^1 = x(t_1)$ կետ՝ $T(x(t))$ ժամանակ: Ավելի արագ $x(t)$ կետից հասնել $x^1 = x(t_1)$ կետ անհնար է. դա կհակասեր $(x(t), u(t))$ պրոցեսի օպտիմալությանը: Այսպիսով,

$$T(x(t_0)) = (t - t_0) + T(x(t)):$$

Այստեղ, փոխարինելով $T(x)$ -ը $-\theta(x)$ -ով, կստանանք՝

$$\frac{\theta(x(t)) - \theta(x(t_0))}{t - t_0} = 1:$$

Անցնելով սահմանին, երբ $t \rightarrow t_0$, ստանում ենք՝

$$\left. \frac{d}{dt} \theta(x(t)) \right|_{t=t_0} = 1$$

և, ինչպես և վերևում, կստանանք՝

$$\sum_{i=1}^n \frac{\partial \theta(x(t))}{\partial x_i} f_i(x(t), u(t)) = 1: \quad (7.2.5)$$

Հարմարության համար նշանակենք՝

$$B(x, u) = \sum_{i=1}^n \frac{\partial \theta(x)}{\partial x_i} f_i(x, u) \quad (7.2.6)$$

Այժմ, համեմատելով (17.4) և (17.5) առնչությունները, կարելի է ձևակերպել հետևյալ պնդումը:

Թեորեմ 7.2.1: *Եթե ֆիքսված x^1 վերջնական դիրքով, շարժման $\dot{x} = f(x, u)$ հավասարումներով և U կառավարման տիրույթով արագագործության խնդրում բավարարվում են 1 և 2 ենթադրությունները, ապա՝*

1. $B(x, u) \leq 1$ բոլոր $x \neq x^1$ կետերի և u կառավարումների համար,
2. $B(x(t), u(t)) \equiv 1$ ցանկացած օպտիմալ $(u(t), x(t))$ պրոցեսի համար:

Դիցուք, այժմ, $(u(t), x(t))$ -ն, $t_0 \leq t < t_1$, օպտիմալ կառավարվող պրոցես է: Ֆիքսենք որևէ $t \in [t_0, t_1]$: Մեր ենթադրությունների համաձայն գոյություն ունեն $B(x, u)$ ֆունկցիայի անընդհատ մասնակի ածանցյալները ըստ x_1, x_2, \dots, x_n , ընդ որում վերը նշված թեորեմից հետևում է, որ մասնակի ածանցյալները հավասար են զրոի: Ածանցենք $B(x, u)$ ֆունկցիան՝

$$\frac{\partial B(x, u(t))}{\partial x_k} = \sum_{i=1}^n \frac{\partial^2 \theta(x)}{\partial x_i \partial x_k} f_i(x, u(t)) + \sum_{i=1}^n \frac{\partial \theta(x)}{\partial x_i} \frac{\partial f_i(x, u(t))}{\partial x_k} = 0, \quad k = 1, 2, \dots, n: \quad (7.2.7)$$

Քանի որ՝

$$\frac{d}{dt} \left(\frac{\partial \theta(x(t))}{\partial x_k} \right) = \sum_{i=1}^n \frac{\partial^2 \theta(x)}{\partial x_k \partial x_i} \dot{x}_i = \sum_{i=1}^n \frac{\partial^2 \theta(x)}{\partial x_k \partial x_i} f_i(x(t), u(t)): \quad (7.2.8)$$

Ուստի (7.2.7) հավասարումը կստանա հետևյալ տեսքը՝

$$\frac{d}{dt} \left(\frac{\partial \theta(x(t))}{\partial x_k} \right) + \sum_{i=1}^n \frac{\partial \theta(x)}{\partial x_i} \frac{\partial f_i(x, u(t))}{\partial x_k} = 0 \quad k = 1, 2, \dots, n: \quad (7.2.7^*)$$

Նկատենք, որ նախորդ (7.2.4) – (7.2.7*) բանաձևերում $\theta(x)$ ֆունկցիան չի մտնում, մտնում են միայն դրա մասնակի ածանցյալները: Հարմարության համար նշանակենք՝

$$\psi_1(t) = \frac{\partial \theta(x(t))}{\partial x_1}, \psi_2(t) = \frac{\partial \theta(x(t))}{\partial x_2}, \dots, \psi_n(t) = \frac{\partial \theta(x(t))}{\partial x_n}:$$

Այս նշանակումներով (7.2.6)-ը կրնո՞ւնի հետևյալ տեսքը՝

$$B(x, u) = \sum_{i=1}^n \psi_i(t) f_i(x, u),$$

իսկ (7.2.7*) հավասարումները՝

$$\dot{\psi}_k(t) + \sum_{i=1}^n \psi_i(t) \frac{\partial f_i(x, u(t))}{\partial x_k} = 0, \quad k = 1, 2, \dots, n:$$

Կամ՝

$$\dot{\psi}_k(t) = - \sum_{i=1}^n \psi_i(t) \frac{\partial f_i(x, u(t))}{\partial x_k}, \quad k = 1, 2, \dots, n: \quad (7.2.9)$$

Հարմարության համար ներմուծենք՝ $2n + m$ փոփոխականի ֆունկցիա՝

$$H(\psi_1, \psi_2, \dots, \psi_n; x_1, x_2, \dots, x_n; u_1, u_2, \dots, u_m) = \sum_{i=1}^n \psi_i f_i(x, u): \quad (7.2.10)$$

Այս ֆունկցիայի օգնությամբ (7.2.9) հավասարումները կրնո՞ւնեն հետևյալ տեսքը՝

$$\dot{\psi}_k = - \frac{\partial H}{\partial x_k}, \quad k = 1, 2, \dots, n: \quad (7.2.11)$$

Ամփոփելով վերընշված ոչ խիստ դատողությունները, կարելի է ձևակերպել օպտիմալ կարավարման արագագործության խնդրի լուծման հետևյալ սկզբունքը:

Մաքսիմումի սկզբունք: Եթե կառավարվող պրոցեսը օպտիմալ է, ապա գոյություն ունի (7.2.9) համակարգի այնպիսի $\psi_1, \psi_2, \dots, \psi_n$ ոչ տրիվիալ լուծում, որ ցանկացած $t_0 \leq t < t_1$ համար՝

$$H(\psi(t), x(t), u(t)) = \max_{u \in U} H(\psi(t), x(t), u), \quad (7.2.12)$$

$$\dot{x} = f(x(t), u(t)):$$

Չնայած այն հանգամանքի, որ այս սկզբունքը ստացվել է դժվար ստուգվող ենթադրությունների դեպքում և չի կարող համարվել օպտիմալ պրոցեսի գոյության անհրաժեշտ պայման, սակայն պարզվում է, որ այս սկզբունքը գործում է նաև առանց որևէ ենթադրությունների $\theta(x)$ ֆունկցիայի վերաբերյալ: Անցնենք այդ սկզբունքի խիստ ապացուցմանը մասնավոր՝ գծային խնդրի դեպքում: Ընդհանուր դեպքի ապացույցը բավականաչափ բարդ է և կարելի է գտնել [7]-ում:

Արագագործության գծային խնդիր: Դիտարկենք հետևյալ խնդիրը: Դիցուք օպտիմալ կառավարման շարժման հավասարումները գծային են՝

$$\dot{x}_i = \sum_{j=1}^n a_{ij} x_j + \sum_{k=1}^m b_{ik} u_k; \quad i = 1, 2, \dots, n, \quad (7.2.13)$$

որտեղ a_{ij} և b_{kj} գործակիցները հաստատուններ են: Նույնիսկ ամենապարզ խնդիրներում օպտիմալ կառավարումը կարող է անընդհատ չլինել: Այդ պատճառով հարկավոր է ընդլայնել դիտարկվող կառավարումների դասը:

Սահմանում 7.2.1: $u(t) = (u_1(t), u_2(t), \dots, u_m(t))$ կառավարումը անվանում են *թույլատրելի կառավարում*, եթե $u_k(t)$, $k = 1, 2, \dots, m$ ֆունկցիաներից յուրաքանչյուրը ունի ոչ ավելի, քան վերջավոր թվով առաջին կարգի խզման կետեր (գոյություն ունեն աջից և ձախից վերջավոր սահմաններ), անընդհատ է աջից և անընդհատ է որոշման տիրույթի ծայրակետերում:

Եթե (7.2.13) հավասարումների $a_{ij}, i = 1, 2, \dots, n, j = 1, 2, \dots, n$ գործակիցների մատրիցը նշանակենք A -ով, $b_{ik}, i = 1, 2, \dots, n, k = 1, 2, \dots, m$ գործակիցների մատրիցը՝ B -ով, ապա (7.2.13) հավասարումները կարող ենք գրել վեկտորական տեսքով՝

$$\dot{x} = Ax + Bu : \quad (7.2.14)$$

Տրված $u(t)$ կառավարման համար հետագծի գոյության հարցը հանգեցնում է (17.13) համակարգի լուծման գոյությանը: Ինչպես հայտնի է (տես, օրինակ, [7]), համակարգի լուծումը սահմանվում է, որպես $a < t < b$ միջակայքի վրա որոշված $x(t) = (x_1(t), x_2(t), \dots, x_n(t))$ ածանցելի ֆունկցիաների համակարգ, որոնք տեղադրելով (7.2.13) համակարգի մեջ, այդ համակարգի յուրաքանչյուր հավասարումը դարձնում են նույնություն:

Բերենք գոյության մի թեորեմ, որի ապացույցը կարելի է գտնել [7] ում:

Թեորեմ 7.2.2: Եթե $u_1(t), u_2(t), \dots, u_m(t)$ ֆունկցիաները որոշված և անընդհատ են $a < t < b$ միջակայքի վրա, ունեն վերջավոր սահմաններ $t \rightarrow a$ և $t \rightarrow b$ դեպքում, ապա, ինչպիսին էլ լինեն ֆազային $x_1^0, x_2^0, \dots, x_n^0$ կետերը, գոյություն ունեն $x_1(t), x_2(t), \dots, x_n(t)$ ֆունկցիաներ, որոնք որոշված և անընդհատ են ամբողջ $a \leq t \leq b$ հատվածի վրա, հանդիսանում են (7.2.13) համակարգի լուծում և, բացի այդ, բավարարված են

$$x_1(a) = x_1^0, x_2(a) = x_2^0, \dots, x_n(a) = x_n^0 \quad (7.2.15)$$

պայմանները: Այս պայմաններով $x_i(t)$, $i = 1, 2, \dots, n$ ֆունկցիաները որոշվում են միարժեքորեն:

Օգտվելով այս թեորեմից, կարելի է լուծում ստանալ նաև թույլատրելի կառավարումների դեպքում: Իրոք, դիցուք թույլատրելի կառավարումը կամայական $u(t) = (u_1(t), u_2(t), \dots, u_m(t))$ վեկտոր-ֆունկցիան է, որոշված $t_0 \leq t \leq t_1$ հատվածի վրա և $x^0 = (x_1^0, x_2^0, \dots, x_n^0)$ -ն որևէ ֆազային կետ է: Նշանակենք $\tau_1, \tau_2, \dots, \tau_l$ բոլոր այն կետերը, որտեղ $u_1(t), u_2(t), \dots, u_m(t)$ ֆունկցիաներից առնվազն մեկը խզում ունի: Դիցուք այս կետերը համարակալված են աճման կարգով՝ $\tau_1 < \tau_2 < \dots < \tau_l$: Տեղադրելով $u_1(t), u_2(t), \dots, u_m(t)$ ֆունկցիաները (7.2.10) հավասարման մեջ, կունենանք՝

$$\dot{x}_i(t) = \sum_{j=1}^n a_{ij} x_j(t) + \sum_{k=1}^m b_{ik} u_k(t), \quad i = 1, 2, \dots, n \quad (7.2.16)$$

կամ, վեկտորական տեսքով՝

$$\dot{x}(t) = Ax(t) + Bu(t): \quad (7.2.16^*)$$

Նախ (7.2.16) համակարգը դիտարկենք $[t_0, \tau_1]$ հատվածում: Այս հատվածի վրա (7.2.13) համակարգը բավարարում է 7.2.2 թեորեմի պայմաններին, ուստի գոյություն ունեն $x_1(t), x_2(t), \dots, x_n(t)$ ֆունկցիաներ, որոնք որոշված են և անընդհատ $t_0 \leq t \leq \tau_1$ հատվածի վրա, բավարարում են սկզբնական (7.2.15) պայմաններին և հանդիսանում են (7.2.16) համակարգի լուծում $t_0 < t < \tau_1$ վրա:

Այժմ կարող ենք (7.2.16) համակարգը դիտարկել $[\tau_1, \tau_2]$ հատվածի վրա, վերցնելով $x(\tau_1) = (x_1(\tau_1), x_2(\tau_1), \dots, x_n(\tau_1))$ կետը որպես սկզբնական դիրք: $[\tau_1, \tau_2]$ հատվածի վրա նորից կարող ենք կիրառել 7.2.2 թեորեմը՝ գոյություն ունի լուծում $x(\tau_1)$ սկզբնական դիրքով: Այս լուծումը նույնպես նշանակենք $x(t) = (x_1(t), x_2(t), \dots, x_n(t))$: Այժմ $x_1(t), x_2(t), \dots, x_n(t)$ ֆունկցիաները կառուցված են $t_0 < t < \tau_2$ հատվածի վրա, անընդհատ են այդ հատվածի վրա, ներառյալ τ_1 կետը և բավարարում են (7.2.15) սկզբնական պայմաններին: Շարունակելով այս գործընթացը, վերջ ի վերջո կկառուցենք $x(t)$ ֆունկցիան ամբողջ հատվածի վրա: Ստացված $x_1(t), x_2(t), \dots, x_n(t)$ ֆունկցիաները անընդհատ են $[t_0, t_1]$ հատվածի վրա և կտոր առ կտոր ածանցելի (կարող են խզվել միայն $\tau_1, \tau_2, \dots, \tau_l$ կետերում): Այսպես կառուցված $x(t)$ ֆունկցիան կանվանենք (7.2.16) համակարգի՝ $u(t)$ կառավարմանը համապատասխանող լուծում: Կասենք, որ $u(t)$ կառավարումը տեղափոխում է ֆազային կետը x^0 դիրքից x^1 դիրք, եթե նրան համապատասխանող $x(t)$ լուծման համար $x(t_0) = x^0$, $x(t_1) = x^1$:

Այժմ անցնենք մաքսիմումի սկզբունքի ապացուցմանը արագագործության գծային խնդրում: Ենթադրենք, որ կառավարման U տիրույթը ուռուցիկ բազմանիստ է, պարունակում է սկզբնակետը, սակայն սկզբնակետը U -ի ծայրակետ չէ: Առանց ընդհանրությունը խախտելու կարող ենք ենթադրել, որ վերջնական ֆազային x^1 դիրքը սկզբնակետն է: Այսպիսով, դիտարկում ենք հետևյալ խնդիրը՝ կառավարվող օբյեկտը, որի շարժումը նկարագրվում է (7.2.16) հավասարումներով, հարկավոր է, ընտրելով յուրաքանչյուր վայրկյանին որևէ $u \in U$ կառավարում, R^n ֆազային տարածության ցանկացած x դիրքից մինիմալ ժամանակում բերել սկզբնակետ:

Սահմանում 7.2.2: Դիցուք T -ն որևէ դրական թիվ է: V_T -ով նշանակենք ֆազային տարածության բոլոր այն կետերի բազմությունը, որտեղից կարելի է տեղափոխվել սկզբնակետ T ժամանակամիջոցում, կամ ավելի արագ, շարժվելով որևէ թույլատրելի կառավարմամբ: V_T բազմությունը անվանում են T -ին համապատասխանող հասանելիության տիրույթ:

Լեմ 7.2.1: V_T հասանելիության տիրույթը ուռուցիկ բազմություն է:

Ապացույց: Դիցուք x^0 -ն V_T բազմության կամայական կետ է, $u(t)$ -ն թույլատրելի կառավարում է, որը տեղափոխում է այդ կետը սկզբնակետ T -ն չգերազանցող t_1 ժամանակահատվածում և $x(t)$ -ն $u(t)$ -ին համապատասխանող հետագիծն է: Եթե $t_1 < T$, ապա կարող ենք շարունակել $u(t)$ կառավարումը և $x(t)$ հետագիծը ամբողջ $[0, T]$ հատվածի վրա, վերցնելով $x(t) \equiv 0, u(t) \equiv 0$, երբ $t_1 < t \leq T$: Նշանակենք՝

$$\bar{x}(t) = \begin{cases} x(t), & 0 \leq t \leq t_1 \\ 0, & t_1 < t \leq T \end{cases}, \quad \bar{u}(t) = \begin{cases} u(t), & 0 \leq t \leq t_1 \\ 0, & t_1 < t \leq T \end{cases}:$$

Այլ կերպ ասած, $(\bar{x}(t), \bar{u}(t))$ կառավարվող պրոցեսի դեպքում $x(t)$ կետը t_1 պահին հասնում է սկզբնակետ և այնտեղ կանգնում ամբողջ մնացած ժամանակի ընթացքում: Այսպիսով, եթե $x^0 \in V_T$, ապա գոյություն ունի այնպիսի թույլատրելի կառավարում, որը տեղափոխում է կետը սկզբնակետ ուղիղ T ժամանակահատվածում և, հետևաբար V_T -ն կարելի է սահմանել, որպես ֆազային կետերի այնպիսի բազմություն, որոնցից կարելի է տեղափոխվել սկզբնակետ ուղիղ T ժամանակահատվածում:

Այժմ ցույց տանք V_T բազմության ուռուցիկությունը: Դիցուք x'_0 -ն և x''_0 -ն V_T բազմության երկու կամայական կետեր են և $\lambda \in (0, 1)$: Կազմենք $\bar{x}_0 = \lambda x'_0 + (1 - \lambda)x''_0$ և ցույց տանք, որ \bar{x}_0 կետը նույնպես պատկանում է V_T -ին: Ըստ V_T բազմության սահմանման, գոյություն ունեն $(x'(t), u'(t))$ և $(x''(t), u''(t))$ թույլատրելի կառավարվող պրոցեսներ, որոշված $[0, T]$ հատվածի վրա, որոնք բավարարում են հետևյալ եզրային պայմաններին՝

$$x'(0) = x'_0, \quad x''(0) = x''_0, \quad x'(T) = x''(T) = 0: \tag{7.2.17}$$

Նշանակենք՝

$$\bar{u}(t) = \lambda u'(t) + (1-\lambda)u''(t), \quad 0 \leq t \leq T, \quad (7.2.18)$$

$$\bar{x}(t) = \lambda x'(t) + (1-\lambda)x''(t), \quad 0 \leq t \leq T: \quad (7.2.19)$$

Քանի որ, ըստ ենթադրության, U կառավարման տիրույթը ուռուցիկ բազմանիստ է, ուստի (7.2.18)-ից հետևում է, որ յուրաքանչյուր $0 \leq t \leq T$ համար $\bar{u}(t)$ -ն պատկանում է U բազմությանը: Այնուհետև, $u'(t)$ և $u''(t)$ կառավարումները թույլատրելի կառավարումներ են, այսինքն ունեն ոչ ավելի, քան վերջավոր թվով իզման կետեր, հետևաբար նաև $\bar{u}(t)$ -ն ունի ոչ ավելի, քան վերջավոր թվով իզման կետեր, այսինքն թույլատրելի է:

Մյուս կողմից, $x'(t)$ -ն և $x''(t)$ -ն համապատասխանաբար $u'(t)$ և $u''(t)$ կառավարումներին համապատասխանող հետագծերն են, ուստի $0 < t < T$ միջակայքի բոլոր կետերում, բացի իզման կետերից, բավարարում են շարժման հավասարումներին՝

$$\dot{x}'(t) = Ax'(t) + Bu'(t),$$

$$\dot{x}''(t) = Ax''(t) + Bu''(t):$$

Բազմապատկելով այս առնչություններից առաջինը λ -ով, իսկ երկրորդը՝ $(1-\lambda)$ -ով, կստանանք՝

$$\begin{aligned} \dot{\bar{x}} &= \lambda \dot{x}'(t) + (1-\lambda)\dot{x}''(t) = \lambda Ax'(t) + \lambda Bu'(t) + (1-\lambda)Ax''(t) + (1-\lambda)Bu''(t) = \\ &= A[\lambda x'(t) + (1-\lambda)x''(t)] + B[\lambda u'(t) + (1-\lambda)u''(t)] = A\bar{x}(t) + B\bar{u}(t): \end{aligned}$$

Այսպիսով, բոլոր $0 < t < T$ համար, բացի կառավարումների իզման կետերից, կառավարվող $(\bar{x}(t), \bar{u}(t))$ պրոցեսը բավարարում է շարժման հավասարումներին, այսինքն՝ $\bar{x}(t)$ հետագիծը համապատասխանում է $\bar{u}(t)$ կառավարմանը:

Վերջապես ստուգենք եզրային պայմանները: (7.2.17) և (7.2.19) –ից ունենք՝

$$\bar{x}(0) = \lambda x'(0) + (1-\lambda)x''(0) = \lambda x'_0 + (1-\lambda)x''_0 = \bar{x}_0,$$

$$\bar{x}(T) = \lambda x'(T) + (1-\lambda)x''(T) = \lambda \cdot 0 + (1-\lambda) \cdot 0 = 0:$$

Այսպիսով, ստացվեց, որ $\bar{u}(t)$ թույլատրելի կառավարումը տեղափոխում է ֆազային կետը \bar{x}_0 կետից սկզբնակետ T ժամանակում, այսինքն՝ $\bar{x}_0 \in V_T$, և, հետևաբար, V_T -ն ուռուցիկ է:

Լեմ 7.2.2: Եթե x^0 -ն V_T բազմության ներքին կետ է, ապա x^0 -ից կարելի է հասնել սկզբնակետ ավելի արագ, քան T ժամանակահատվածում:

Ապացույց: Դիցուք x^0 -ն V_T բազմության որևէ ներքին կետ: Սա նշանակում է, որ գոյություն ունի ոռուցիկ M_0 բազմանիստ, որը ամբողջությամբ ընկած է V_T բազմության մեջ: M_0 բազմանիստի ծայրակետերը նշանակենք y^1, y^2, \dots, y^k -ով: Քանի որ $y^i \in V_T, i=1, 2, \dots, k$, ապա յորաքանչյուր y^i -ի համար գոյություն ունի $u^i(t)$ կառավարում, որը T ժամանակահատվածում y^i կետը տեղափոխում է սկզբնակետ: Համապատասխան հետագծերը նշանակենք $y^i(t)$ -ով, $i=1, 2, \dots, k$: Այսպիսով, $y^i(0) = y^i, y^i(T) = 0$: Վերցնենք կամայական $\varepsilon > 0$ և նշանակենք M_ε -ով $y^1(\varepsilon), y^2(\varepsilon), \dots, y^k(\varepsilon)$ կետերի ուռուցիկ թաղանթը: Բավականաչափ փոքր ε -ի դեպքում այն նորից կպարունակի x^0 կետը: $y^i(\varepsilon), i=1, 2, \dots, k$ կետից կարելի է հասնել սկզբնակետ $T-\varepsilon$ ժամանակում, շարժվելով $y^i(t)$ հետագծով: Հետևաբար, բոլոր $y^1(\varepsilon), y^2(\varepsilon), \dots, y^k(\varepsilon)$ կետերը պատկանում են հասանելիության $V_{T-\varepsilon}$ տիրույթին: Քանի որ $V_{T-\varepsilon}$ բազմությունը ուռուցիկ է, ուստի $V_{T-\varepsilon}$ բազմությանը կպատկանի նաև x^0 կետը: Սա էլ նշանակում է, որ x^0 կետից կարելի է հասնել սկզբնակետ $T-\varepsilon < T$ ժամանակում:

Արագագործության գծային խնդրի համար (7.2.9)-(7.2.12) նշանակումները և առնչությունները կրնդունեն ավելի պարզ տեսք՝

$$H = \sum_{i=1}^n \psi_i \left(\sum_{j=1}^n a_{ij} x_j + \sum_{k=1}^m b_{ik} u_k \right) = \sum_{i=1}^n \psi_i \sum_{j=1}^n a_{ij} x_j + \sum_{i=1}^n \psi_i \sum_{k=1}^m b_{ik} u_k = \langle \psi, Ax \rangle + \langle \psi, Bu \rangle \quad (7.2.20)$$

և, քանի որ առաջին գումարելին չի պարունակում u -ն, ապա՝

$$H(\psi(t), x(t), u(t)) = \max_{u \in U} H(\psi(t), x(t), u) = \max_{u \in U} \sum_{i=1}^n \psi_i(t) \sum_{k=1}^m b_{ik} u_k = \max_{u \in U} \langle \psi, Bu \rangle: \quad (7.2.21)$$

Օժանդակ $\psi_1, \psi_2, \dots, \psi_n$ ֆունկցիաների համար կունենանք՝

$$\frac{\partial H}{\partial x_j} = \frac{\partial}{\partial x_j} \left(\sum_{i=1}^n \psi_i \sum_{j=1}^n a_{ij} x_j + \sum_{i=1}^n \psi_i \sum_{k=1}^m b_{ik} u_k \right) = \sum_{i=1}^n a_{ij} \psi_i, \quad j = 1, 2, \dots, n,$$

հետևաբար,

$$\dot{\psi}_j = - \sum_{i=1}^n a_{ij} \psi_i, \quad j = 1, 2, \dots, n \quad (7.2.22)$$

կամ՝

$$\dot{\psi} = -A^T \psi:$$

Լեմ 7.2.3: Դիցուք $u(t) = (u_1(t), u_2(t), \dots, u_m(t))$ -ն կամայական թույլատրելի կառավարում է, որոշված $t_0 \leq t \leq t_1$ հատվածի վրա, $x(t) = (x_1(t), x_2(t), \dots, x_n(t))$ -ն (17.10) հավասարման համապատասխան լուծումն է, որը սկսվում է որևէ x^0 կետից, իսկ $\psi(t) = (\psi_1(t), \psi_2(t), \dots, \psi_n(t))$ ֆունկցիաները (7.2.9) հավասարումների համակարգի կամայական ոչ տրիվիալ լուծումն է: Այդ դեպքում՝

$$\frac{d}{dt} \langle \psi(t), x(t) \rangle = \langle \psi(t), Bu(t) \rangle \quad (7.2.23)$$

$u(t)$ կառավարման անընդհատության բոլոր կետերում (այն կետերում, որտեղ բոլոր $u_1(t), u_2(t), \dots, u_m(t)$ ֆունկցիաները անընդհատ են) և, հետևաբար,

$$\langle \psi(t_1), x(t_1) \rangle - \langle \psi(t_0), x(t_0) \rangle = \int_{t_0}^{t_1} \langle \psi(\tau), Bu(\tau) \rangle d\tau: \quad (7.2.24)$$

Ապացույց: $u_1(t), u_2(t), \dots, u_m(t)$ կառավարումների անընդհատության կետերում՝

$$\begin{aligned} \frac{d}{dt} \langle \psi(t), x(t) \rangle &= \frac{d}{dt} \left(\sum_{i=1}^n \psi_i(t) x_i(t) \right) = \sum_{i=1}^n \psi_i(t) \dot{x}_i(t) + \sum_{i=1}^n \dot{\psi}_i(t) x_i(t) = \\ &= \sum_{i=1}^n \left(\sum_{j=1}^n a_{ij} x_j + \sum_{k=1}^m b_{ik} u_k \right) \psi_i(t) + \sum_{i=1}^n x_i(t) \left(-\sum_{j=1}^n a_{ij} \psi_j(t) \right) = \\ &= \sum_{i=1}^n \left(\sum_{k=1}^m b_{ik} u_k \right) \psi_i(t) = \langle \psi(t), Bu(t) \rangle : \end{aligned}$$

Քանի որ $\langle \psi(t), x(t) \rangle$ սկալյար արտադրյալը անընհատ ֆունկցիա է և ունի ածանցյալներ ամենուրեք, բացի վերջավոր թվով կետերից, ուստի՝

$$\psi(t_1)x(t_1) - \psi(t_0)x(t_0) = \int_{t_0}^{t_1} \frac{d}{dt} \langle \psi(\tau), x(\tau) \rangle d\tau = \int_{t_0}^{t_1} \langle \psi(\tau), Bu(\tau) \rangle d\tau :$$

Հետևանք: Դիցուք $x(t) = (x_1(t), x_2(t), \dots, x_n(t))$ ֆունկցիաները

$$\dot{x}_i(t) = \sum_{j=1}^n a_{ij} x_j \quad i = 1, 2, \dots, n$$

համասեռ համակարգի լուծումն է, իսկ $\psi(t) = (\psi_1(t), \psi_2(t), \dots, \psi_n(t))$ ֆունկցիաները՝ (7.2.22) համակարգի լուծումն է: Այդ դեպքում $\langle \psi(t), x(t) \rangle$ սկալյար արտադրյալը հաստատուն է:

Իրոք, $x(t)$ -ն (7.2.10) համակարգի լուծումն է $u(t) \equiv 0$ կառավարման դեպքում: Հետևաբար՝

$$\frac{d}{dt} \langle \psi(t), x(t) \rangle = 0, \quad \text{այսինքն՝} \quad \langle \psi(t), x(t) \rangle = \text{const} :$$

Թեորեմ 7.2.3 (Մաքսիմումի սկզբունք): Դիցուք արագագործության գծային խնդրում $(u(t), x(t))$ -ն օպտիմալ պրոցես է, որը մինիմալ ժամանակում տեղափոխում է x^0 ֆազային կետը սկզբնակետ: Այդ դեպքում գոյություն ունի (7.2.22) համակարգի

այնպիսի ոչ տրիվիալ $\psi(t)$ լուծում, որ ժամանակի ցանկացած պահին $u(t)$ կառավարումը բավարարվում է մաքսիմումի պայմանին՝

$$H(\psi(t), x(t), u(t)) = \max_{u \in U} H(\psi(t), x(t), u) = \max_{u \in U} \sum_{i=1}^n \psi_i(t) \sum_{k=1}^m b_{ik} u_k = \max_{u \in U} \langle \psi, Bu \rangle :$$

Ապացույց: Դիցուք $(x(t), u(t))$ -ն օպտիմալ պրոցես է, որը տեղափոխում է օբյեկտը x^0 ֆազային կետից սկզբնակետ $T = t_1 - t_0$ ժամանակում: Դիտարկենք հասանելիության V_T տիրույթը: 7.2.2 լեմից հետևում է, որ x^0 կետը V_T բազմության եզրային կետ է: Դիցուք Γ -ն x^0 կետով անցկացրած V_T բազմության որևէ հենքային հիպերհարթություն է: Նշանակենք Π -ով այն կիսատարածությունը, որը որոշվում է Γ հիպերհարթությամբ և պարունակում է V_T բազմությունը: Նշանակենք \bar{n} -ով հիպերհարթության նորմալ վեկտորը, որը դուրս է գալիս x^0 կետից և գտնվում է Π կիսատարածությունում: Π կիսատարածությունը բաղկացած է այն բոլոր x կետերից, որոնց համար $(x - x^0)$ վեկտորը կազմում է սուր կամ ուղիղ անկյուն \bar{n} վեկտորի հետ, այսինքն որոնց համար $\langle \bar{n}, (x - x^0) \rangle$ սկալյար արտադրյալը ոչ բացասական է՝

$$\langle \bar{n}, (x - x^0) \rangle \geq 0 : \quad (7.2.25)$$

Քանի որ V_T բազմությունը ամբողջությամբ ընկած է Π կիսատարածության մեջ, ուստի V_T բազմության ցանկացած x կետի համար այս անհավասարությունը ճիշտ է:

Սկզբնական $\psi(t_0) = \bar{n}$ պայմանով (7.2.22) հավասարման լուծումը նշանակենք $\psi(t) = (\psi_1(t), \psi_2(t), \dots, \psi_n(t))$ -ով և այն դիտարկենք $t_0 \leq t \leq t_1$ հատվածի վրա: Այս լուծումը տրիվիալ չէ, քանի որ $\bar{n} \neq 0$: Ցույց տանք, որ $\psi(t)$ -ն այն լուծումն է, որի դեպքում $u(t)$ -ն բավարարում է մաքսիմումի պայմանին: Ենթադրենք հակառակը՝ որոշակի $\tau \in [t_0, t_1]$ պահին մաքսիմումի (7.2.21) պայմանը տեղի չունի, այսինքն կգտնվի այնպիսի $v \in U$, որի համար

$$\langle \psi(\tau), Bu(\tau) \rangle < \langle \psi(\tau), Bv \rangle : \quad (7.2.26)$$

Եթե $\tau < t_1$, ապա $u(t)$ կառավարումը և, հետևաբար, $\langle \psi(t), Bu(t) \rangle$ սկայյար արտադրյալը անընդհատ է աջից τ կետում, այսինքն անընդհատ է որևէ $[\tau, \tau+h]$ հատվածի վրա: Անընդհատությունից հետևում է, որ այդ հատվածի վրա տեղի ունի (7.2.26) անհավասարությունը:

Եթե $\tau = t_1$, ապա $u(t)$ կառավարումը և, հետևաբար, $\langle \psi(t), Bu(t) \rangle$ սկայյար արտադրյալը անընդհատ է ձախից τ կետում, այսինքն անընդհատ է որևէ $[\tau-h, \tau]$ հատվածի վրա: Անընդհատությունից հետևում է, որ այդ հատվածի վրա տեղի ունի (7.2.26) անհավասարությունը: Բոլոր դեպքերում ստանում ենք, որ գոյություն ունի այնպիսի $[\tau_1, \tau_2]$ հատված, որ բոլոր $t \in [\tau_1, \tau_2]$ համար՝

$$\langle \psi(t), Bu(t) \rangle < \langle \psi(t), Bv \rangle$$

Այժմ սահմանենք $\bar{u}(t)$ կառավարում $[t_0, t_1]$ հատվածի վրա հետևյալ կերպ՝ $\bar{u}(t) = v$, եթե $t \in [\tau_1, \tau_2)$ և հավասար է $u(t)$ $[t_0, t_1]$ հատվածի մյուս կետերում: $\bar{x}(t)$ -ով նշանակենք $\bar{u}(t)$ կառավարմանը համապատասխանող հետագիծը $\bar{x}(t_1) = 0$ վերջնական պայմանով: Այս հետագիծը դիտարկենք $[t_0, t_1]$ հատվածի վրա և սկզբնական կետը նշանակենք \bar{x}^0 -ով ($\bar{x}(t_0) = \bar{x}^0$): Այսպիսով, \bar{x}^0 կետից կարելի է տեղափոխվել սկզբնակետ $T = t_1 - t_0$ ժամանակում կիրառելով $\bar{u}(t)$ կառավարումը: Ուստի \bar{x}^0 կետը պատկանում է V_T հասանելիության տիրույթին և ըստ (7.2.25)-ի՝

$$\langle \bar{n}, (\bar{x}^0 - x^0) \rangle \geq 0:$$

Կիրառենք լեմ 7.2.3-ը $\psi(t), x(t), u(t)$ ֆունկցիաների նկատմամբ $[t_0, t_1]$ հատվածի վրա՝

$$\langle \psi(t_1), x(t_1) \rangle - \langle \psi(t_0), x(t_0) \rangle = \int_{t_0}^{t_1} \langle \psi(\tau), Bu(\tau) \rangle d\tau:$$

Նմանապես՝

$$\langle \psi(t_1), \bar{x}(t_1) \rangle - \langle \psi(t_0), \bar{x}(t_0) \rangle = \int_{t_0}^{t_1} \langle \psi(\tau), B\bar{u}(\tau) \rangle d\tau:$$

Հանելով երկրորդ հավասարությունը առաջինից և նկատելով, որ $x(t_1) = \bar{x}(t_1) = 0$, ստանում ենք՝

$$\langle \psi(t_0), (\bar{x}(t_0) - x(t_0)) \rangle = \int_{t_0}^{t_1} (\langle \psi(\tau), Bu(\tau) \rangle - \langle \psi(\tau), B\bar{u}(\tau) \rangle) d\tau :$$

Այս հավասարության ձախ մասը հավասար է $\langle \bar{n}, (\bar{x}^0 - x^0) \rangle$, իսկ աջ մասում $[\tau_1, \tau_2]$ հատվածի վրա $\bar{u}(t) = v$, իսկ այս հատվածից դուրս $\bar{u}(t) = u(t)$, հետևաբար ենթաինտեգրալային ֆունկցիան հավասար է 0-ի: Այսպիսով կստանանք՝

$$\langle \bar{n}, (\bar{x}^0 - x^0) \rangle = \int_{\tau_1}^{\tau_2} (\langle \psi(\tau), Bu(\tau) \rangle - \langle \psi(\tau), Bv \rangle) d\tau :$$

Քանի որ աջ մասում ենթաինտեգրալային ֆունկցիան ըստ (7.2.26)-ի խիստ բացասական է, ուստի՝

$$\langle \bar{n}, (\bar{x}^0 - x^0) \rangle < 0$$

Սա հակասում է (7.2.25) անհավասարությանը: Այս հակասությունը ապացուցում է, որ մաքսիմումի պայմանը բավարարվում է բոլոր $t \in [t_0, t_1]$ համար:

Օրինակ: Որպես արագագործության գծային խնդրի օրինակ դիտարկենք սույն բաժնի սկզբում դիտարկված մեքենայի ուղղագիծ շարժման օրինակը, ենթադրելով, որ շփման ուժը բացակայում է, իսկ զանգվածը հավասար է 1-ի: Այս խնդրի շարժման հավասարումները կրնդունեն հետևյալ տեսքը՝

$$\begin{cases} \dot{x}_1 = x_2, \\ \dot{x}_2 = u: \end{cases} \quad , \quad |u| \leq 1, \quad x_1(t_1) = 0, x_2(t_1) = 0:$$

Կառուցենք H ֆունկցիան՝

$$H(\psi, x, u) = \psi_1 x_2 + \psi_2 u :$$

Հեշտ է տեսնել, որ H ֆունկցիայի մաքսիմումը կախված է u -ի գործակցի նշանից՝ եթե t պահին $\psi_2(t) > 0$, ապա H ֆունկցիան կունենա մաքսիմում $u = 1$

կառավարման դեպքում, իսկ եթե $\psi_2(t) < 0$, ապա մաքսիմում կստանանք, երբ $u = -1$: Այնուհետև, օգտվելով (7.2.9) բանաձևերից, օժանդակ $\psi_1(t), \psi_2(t)$ ֆունկցիաների համար ստանում ենք հետևյալ հավասարումները՝

$$\begin{cases} \dot{\psi}_1 = 0, \\ \dot{\psi}_2 = -\psi_1: \end{cases}$$

որտեղից՝

$$\psi_1(t) = c_1, \psi_2(t) = c_1 t + c_2,$$

որտեղ c_1, c_2 -ը ինտեգրման հաստատուններն են: Այսպիսով, $\psi_2(t)$ ֆունկցիան, լինելով գծային ֆունկցիա, նշանը կարող է փոխել ոչ ավելի քան մեկ անգամ, հետևաբար օպտիմալ կառավարումը ունի ոչ ավելի, քան մեկ խզման կետ $[t_0, t_1]$ հատվածի վրա:


Ժամանակի այն հատվածում, որտեղ $u \equiv 1$, շարժման հետագծի համար կստանանք հետևյալ հավասարումները՝

$$\begin{cases} \dot{x}_1 = x_2, \\ \dot{x}_2 = 1: \end{cases}$$


Որտեղից՝

$$x_1 = \frac{1}{2} x_2^2 + c:$$

Ստանում ենք պարաբոլների ընտանիք, կախված c հաստատունից: Այսպիսով, հետագծի այն կտորը, որը համապատասխանում է $u \equiv 1$ կառավարմանը, իրենից ներկայացնում է պարաբոլի աղեղ: Քանի որ $\dot{x}_2 = 1 > 0$, հետևաբար շարժումը այս պարաբոլներով կատարվում է ներքևից վերև (տես նկ. 7.2.1), ընդ որում այս ընտանիքի միայն մեկ պարաբոլն է անցնում սկզբնակետով :



Նկ.7.2.1



Նկ.7.2.2

Այն հատվածում, որտեղ $u \equiv -1$, շարժման հավասարումները կստանան հետևյալ տեսքը՝


$$\begin{cases} \dot{x}_1 = x_2, \\ \dot{x}_2 = -1: \end{cases}$$

և հետագծի համար կստանանք՝

$$x_1 = -\frac{1}{2}x_2^2 + c$$

Նորից ստանում ենք պարաբոլների ընտանիք, սակայն ողված հակառակ կողմադեղ, սակայն ողված հակառակ կողմ: Այս պարաբոլներով շարժումը կկատարվի վերից վար, քանի որ $\ddot{x}_2 = -1 < 0$ (տես նկ.7.2.2), ընդ որում և այս ընտանիքի միայն մեկ պարաբոլն է անցնում սկզբնակետով :


Այսպիսով, հետագիծը կունենա հետևյալ տեսքը. կախված այն բանից, թե որ քառորդում է սկզբնական դիրքը, կետը կշաժվի մեկ պարաբոլով, այնուհետև, փոխելով կառավարումը $u \equiv 1$ -ից $u \equiv -1$, կամ հակառակը, կանցնի մյուս պարաբոլի վրա և կհասնի սկզբնակետ: Նկար 7.2.3-ում պատկերված է A սկզբնական դիրքից ֆազային կետի օպտիմալ հետագծի մի օրինակ:



Նկ.7.2.3


7.3. ԴԻՐՔԱՅԻՆ ԽԱՂԵՐ

Դիրքային խաղերը n խաղացողի այն խաղերն են, որտեղ որոշումներն ընդունվում են ժամանակի ընթացքում՝ քայլ առ քայլ: Դիտարկենք մի օրինակ՝ բոլորին հայտնի շախմատային խաղը: Ինչպես հայտնի է, այս խաղում երկու խաղացող կա՝ սպիտակները և սևերը: Խաղն սկսվում է սկզբնական դիրքից՝ խաղատախտակի վրա ֆիգուրների սկզբնական դասավորությունից: Այս դիրքին կարելի է համապատասխանեցնել մի կետ հարթության վրա: Առաջին քայլը կատարում են սպիտակները՝ ընտրելով 20 հնարավոր քայլերից մեկը: Հնարավոր այս քայլերից յուրաքանչյուրի ընտրության դեպքում խաղատախտակի վրա ստանում ենք նոր դիրք՝ 20 հնարավոր դիրքերից մեկը, որը նույնպես կարելի է նշել կետով հարթության վրա: Ցույց տալու համար, որ այս դիրքերը կարելի է «ընկնել» սկզբնական դիրքից, յուրաքանչյուր դիրքը սկզբնականի հետ միացնենք սլաքով: Հաջորդ քայլը սևերինն է: Նրանք նույնպես ունեն 20 հնարավոր ընտրությունն ստացված 20 դիրքերից յուրաքանչյուրում: Հետևաբար, սևերի առաջին քայլից հետո կարող է ստեղծվել 400 դիրք: Այս պրոցեսը շարունակելով, հարթության վրա կստանանք կետերի և սլաքների բազմություն (տես նկ.7.3.1): Այն դիրքերին, որտեղ խաղն ավարտվում է (օրինակ մատային կամ պատային դիրքերում) համապատասխանում են դիրքեր, որոնցից սլաք չի դուրս գալիս (վերջնական դիրքեր): Ցուրաքանչյուր վերջնական դիրքին համապատասխանեցնենք 1, -1, կամ 0 թվեր, կախված նրանից, սպիտակները հաղթել են այդ դիրքում, պարտվել են, թե խաղն ավարտվել է ոչ-ոքի:



Նկար 7.3.1

Նշանակենք բոլոր դիրքերի բազմությունը X -ով, սլաքների բազմությունը՝ E -ով, վերջնական դիրքերի բազմությունը՝ X^* -ով: Այս նշանակումներով շախմատի մոդելը կարելի է ներկայացնել $\Gamma = \langle X, E \rangle$ զույգով և $H: X^* \rightarrow \{-1, 0, +1\}$ շահույթի ֆունկցիայով: Ինչպես հայտնի է, $\langle X, E \rangle$ զույգը կոչվում է *գրաֆ* և, մասնավորապես, կառուցված գրաֆը միակապ, կողմնորոշված, ացիկլիկ գրաֆ է, որն անվանում են *ծառ*, իսկ սկզբնական դիրքը՝ *ծառի արմատ*: Ընդհանուր դեպքում կարող են լինել երկուսից ավելի խաղացողներ: Բացի այդ, քանի որ որոշումները ընդունվում են ժամանակի ընթացքում, ապա որոշումները ընդունելիս առաջանում է նաև նախորդ քայլերում ընդունված որոշումների վերաբերյալ տեղեկատվության քանակի և կառուցվածքի հարցը: Դիրքային խաղերում այս տեսակի հարցերը ընդունված է լուծել ինֆորմացիոն բազմությունների հասկացության միջոցով: Կոպիտ ասած, քայլ կատարելիս խաղացողը կարող է իմանալ ոչ թե կոնկրետ դիրքը, այլ միայն դիրքերի որ բազմությունում է գտնվում: Նկար 7.3.2-ում բերված է երկու քայլանի “գիր-դուշ” խաղի ծառը:



Նկար 7.3.2

Այժմ տանք դիրքային խաղի ընդհանուր սահմանումը:

Սահմանում 7.3.1: n -խաղացողի G խաղը որոշվում է.

1. Խաղի $\langle X, E \rangle$ ծառով,
2. Խաղացողների $I = \{1, 2, \dots, n\}$ բազմությամբ,
3. $X = X_1 \cup X_2 \cup \dots \cup X_m \cup X^*$ տրոհումով ըստ քայլերի, $X_1 = \{x_1\}$,
4. $X \setminus X^* = \bigcup_{i \in I} X^i$ տրոհումով ըստ խաղացողների,

5. $X^i \cap X_j = \bigcup_{l=1}^{k_{ij}} u_l^{ij}, i, j \in I$ ինֆորմացիոն տրոհումներով,
6. $h_i : X^* \rightarrow (-\infty, +\infty), i \in I$ շահույթի ֆունկցիաներով:

Դիրքային խաղը խաղացվում է հետևյալ կերպ: Նշանակենք E_x -ով սլաքների բազմությունը, որը դուրս է գալիս x դիրքից: Սլաքները անվանում են *այլընտրանքներ*: Դիցուք սկզբնական x_1 դիրքը պատկանում է X^{j_0} բազմությանը: Սա նշանակում է, որ սկզբնական դիրքում քայլի իրավունքը j_0 խաղացողինն է՝ նա ընտրում է որևէ $e = (x_1, x_2) \in E_{x_1}$: Եթե $x_2 \in u_l^{2j_1} \subseteq X^{j_1}$, ապա քայլը j_1 -րդ խաղացողինն է և նա ընտրում որևէ $e = (x_2, x_3) \in E_{x_2}$: Այստեղ ենթադրվում է, որ յուրաքանչյուր ինֆորմացիոն բազմության x դիրքերի համար E_x բազմությունները համընկնում են: Այս պրոցեսը շարունակվում է այնքան ժամանակ, մինչև խաղը տեղափոխվի որևէ $x \in X^*$: Այստեղ խաղն ավարտվում է և յուրաքանչյուր խաղացող ստանում է իր շահույթի ֆունկցիայի արժեքը $x \in X^*$ կետում:

Սահմանում 7.3.2. Խաղացողի *մաքուր ստրատեգիա* G խաղում անվանում են ցանկացած արտապատկերում, որը խաղացողի յուրաքանչյուր ինֆորմացիոն բազմությանը համապատասխանության մեջ է դնում այդ բազմությունից դուրս եկող որևէ այլընտրանք: Դժվար չէ ստուգել, որ ստրատեգիաների ցանկացած $s = (s_1, s_2, \dots, s_n)$ վեկտորը միարժեքորեն որոշում է որևէ $x(s) \in X^*$ վերջնական դիրք: Եթե i -րդ խաղացողի մաքուր ստրատեգիաների բազմությունը նշանակենք S_i -ով, և $H_i(s) = h_i(x(s))$, $i \in I$, ապա խաղը կարելի է ներկայացնել հետևյալ համակարգի տեսքով՝

$$\langle I, \{S_i\}_{i \in I}, \{H_i(s)\}_{i \in I} \rangle$$

որն անվանում են n -խաղացողի խաղի նորմալ տեսք (տես 5.1 բաժինը): Այս եղանակով ցանկացած վերջավոր դիրքային խաղ կարելի է բերել նորմալ տեսքի: Մասնավորապես հակամարտ դիրքային խաղերը կբերվեն մատրիցային խաղերի, որոնց լուծման գոյությունը և լուծման եղանակները դիտարկվել են 5.3 բաժնում:

Սակայն երբ ինֆորմացիոն բազմությունների թիվը աճում է, շատ արագ աճում է մաքուր ստրատեգիաների թիվը: Բացի այդ, որոշ դեպքերում դիրքային կառուցվածքը թույլ է տալիս անհամեմատ հեշտ լուծել խաղը:

Բերենք դիրքային խաղերի մի կարևոր մասնավոր դեպքի սահմանում:

Սահմանում 7.3.3. Դիրքային G խաղն անվանում են *լրիվ ինֆորմացիայով խաղ*, եթե խաղի բոլոր ինֆորմացիոն բազմությունները մեկ տարրանի բազմություններ են:

Լրիվ ինֆորմացիայով խաղի օրինակ է հանդիսանում շախմատը: Առանց ապացուցման բերենք թեորեմ լրիվ ինֆորմացիայով խաղերի վերաբերյալ (տես [18]):

Թեորեմ 7.3.1. Լրիվ ինֆորմացիայով խաղերում գոյություն ունի հավասարակշռության իրավիճակ մաքուր ստրատեգիաներում:

Դիտարկենք դիրքային խաղի մեկ այլ մոդել, որը չի օգտագործում գրաֆը, որպես մոդելի հիմք, ինչը թույլ է տալիս այն օգտագործել նաև ուսումնասիրելու անվերջ դիրքային խաղերը: Այս մոդելի հիմնական առանձնահատկությունը կայանում է նրանում, որ այն դիրքային է միայն առաջին խաղացողի համար: Մոդելը տրվում է օբյեկտների հետևյալ համակարգով.

1. U_1, U_2, \dots, U_n բազմություններով, որոնց անվանում են ինֆորմացիոն տարածություններ,

2. X_1, X_2, \dots, X_n բազմություններով, որոնց անվանում են առաջին խաղացողի այլընտրանքների տարածություններ,

3. Z_1, Z_2, \dots, Z_n բազմություններով, որոնց անվանում են հակառակորդի այլընտրանքների տարածություններ,

4. $g_i : \prod_{j=1}^i Z_j \times \prod_{j=1}^{i-1} X_j \rightarrow U_i, i = 1, 2, \dots, n$ արտապատկերումներով, որոնց անվանում

են ինֆորմացիոն արտապատկերումներ,

5. $H : \prod_{j=1}^n Z_j \times \prod_{j=1}^n X_j \rightarrow R$ արտապատկերումով, որն անվանում են առաջին

խաղացողի շահույթի ֆունկցիա:

Խաղում են հետևյալ կերպ: Առաջին քայլում հակառակորդը ընտրում է որևէ $z_1 \in Z_1$ այլընտրանք: Արաջին խաղացողին հայտնի է դառնում $g_1(z_1) \in U_1$ արտապատկերման արժեքը և նա ընտրում է որևէ $x_1 \in X_1$ կետ: Այնուհետև հակառակորդը ընտրում է որևէ $z_2 \in Z_2$: Առաջին խաղացողին հայտնի է դառնում $g_2(z_1, z_2, x_1) \in U_2$ արտապատկերման արժեքը, և նա ընտրում է որևէ $x_2 \in X_2$: Խաղը շարունակվում է այնքան ժամանակ, մինչև ընտրվեն բոլոր $z_1, \dots, z_n, x_1, \dots, x_n$ և առաջին խաղացողը ստանում է H արտապատկերման արժեքն այդ կետում, այսինքն՝ $H(z_1, \dots, z_n, x_1, \dots, x_n)$: Ընդհանուր դեպքում բոլոր $U_1, U_2, \dots, U_n; X_1, X_2, \dots, X_n$ բազմությունները ենթադրվում են չափելի տարածություններ, իսկ H և $g_i, i = 1, 2, \dots, n$ արտապատկերումները՝ չափելի արտապատկերումներ: Սակայն, ավելորդ բարդություններից խուսափելու համար կդիտարկենք միայն վերջավոր խաղեր:

Սահմանում 7.3.3. *Խաղացողի մաքուր ստրատեգիան* սահմանվում է որպես

$$c = (c_1, c_2, \dots, c_n), \quad c_i : U_i \rightarrow X_i, \quad i = 1, 2, \dots, n$$

արտապատկերումների վեկտոր: *Հակառակորդի ստրատեգիան* սահմանվում է որպես $z = (z_1, \dots, z_n) \in \prod_{j=1}^n Z_j$ վեկտոր: (Այստեղ չենք տարբերում հակառակորդի մաքուր և խառն ստրատեգիաները):

Խաղացողի և հակառակորդի ստրատեգիաների յուրաքանչյուր (c, z) զույգ միարժեքորեն որոշում է $x_{c,z} = (x_1, \dots, x_n)$ կետ հետևյալ կերպ՝

$$x_i = c_i(g_i(z_1, \dots, z_i, x_1, \dots, x_{i-1})), i = 2, \dots, n$$

$$x_1 = c_1(z_1):$$

Այստեղից, ստրատեգիաների յուրաքանչյուր (c, z) զույգ միարժեքորեն որոշում է խաղացողի շահույթը՝

$$\bar{H}(c, z) = H(x_{c,z}, z):$$

Խաղացողի խառն ստրատեգիան սահմանվում է հետևյալ կերպ: Դիցուք (Ω, \mathcal{A}, P) -ն հավանականային տարածություն է: Նշանակենք՝ $U = \bigcup_{i=1}^n U_i$:

Սահմանում 7.3.4. *Խաղացողի խառն ստրատեգիա* կանվանենք

$$s = \{s_u\}_{u \in U}, \quad s_u : \Omega \rightarrow X_i, \quad u \in U_i \quad i = 1, 2, \dots, n:$$

Ֆիքսած $z \in Z = \prod_{i=1}^n Z_i$ դեպքում յուրաքանչյուր s խառն ստրատեգիան միարժեքորեն որոշում է $\mu_{s,z}$ հավանականային չափ $X = \prod_{i=1}^n X_i$ բազմության վրա հետևյալ կերպ: Յուրաքանչյուր (ω, z, s) եռյակի համար, որտեղ $\omega \in \Omega$, ռեկուրենտ բանաձևով սահմանենք $w(\omega, s, z) = (w_1, w_2, \dots, w_n)$ վեկտոր՝

$$w_1 = s_{g_1(z_1)}(\omega), \quad w_i = s_{g_i(z_1, \dots, z_i, w_1, \dots, w_{i-1})}(\omega), \quad i = 1, 2, \dots, n.$$

Եվ $\mu_{s,z}$ չափը սահմանվում է որպես $w(\cdot, s, z)$ պատահական վեկտորի հավանականային բաշխում՝

$$\mu_{s,z} = Pw^{-1}(\cdot, s, z):$$

Սահմանում 7.3.5. Երկու՝ s' և s'' ստրատեգիաներն անվանում են *համարժեք*, եթե ցանկացած $z \in Z$ համար $\mu_{z,s'} = \mu_{z,s''}$:

Խաղի ինֆորմացիոն կառուցվածքը բնորոշվում է g_i ինֆորմացիոն արտապատկերումների հատկություններով:

Սահմանում 7.3.6. Խաղն անվանում են *լրիվ հիշողությամբ խաղ*, եթե գոյություն ունեն այնպիսի

$$\varphi_j^i : U_i \rightarrow U_j, \quad j < i,$$

$$\psi_j^i : U_i \rightarrow X_j, \quad j < i,$$

արտապատկերումներ (որոնք հայտնի են խաղացողին) որ՝

$$\varphi_j^i g_i(z_1, \dots, z_i, x_1, \dots, x_{i-1}) = g_i(z_1, \dots, z_j, x_1, \dots, x_{j-1}),$$

$$\psi_j^i g_i(z_1, \dots, z_i, x_1, \dots, x_{i-1}) = x_j:$$

Սա նշանակում է, որ լրիվ հիշողությամբ խաղերում խաղացողը հիշում է, թե ինչպիսի ինֆորմացիա է նա ստացել, և ինչ ընտրություններ է կատարել նախորդ քայլերում:

Սահմանում 7.3.7. Խաղացողի խառն $s = \{s_u\}_{u \in U}$ ստրատեգիան կանվանենք *վարվելակերպի ստրատեգիա*, եթե բոլոր $s_u, u \in U$ պատահական մեծությունները միմիանցից անկախ են:

Թեորեմ 7.3.1. *Լրիվ հիշողությամբ խաղերում խաղացողի ցանկացած խառն ստրատեգիայի համար գոյություն ունի համարժեք վարվելակերպի ստրատեգիա:*

Ապացույց: Դիցուք $s = \{s_u\}_{u \in U}$ խաղացողի որևէ խառն ստրատեգիա է: Կառուցենք այս ստրատեգիային համապատասխանող վարվելակերպի ստրատեգիա: Դիցուք $u \in U, u \in U_i, u = g_i(z_1, z_2, \dots, z_i; x_1, x_2, \dots, x_{i-1})$: Նշանակենք՝ $u_k = g_i(z_1, z_2, \dots, z_k; x_1, x_2, \dots, x_{k-1}), k = 1, 2, \dots, i-1$: Քանի որ խաղը լրիվ հիշողությամբ խաղ է, ուստի՝

$$u_k = \phi_k^i u, \quad x_k = \phi_k^i u, \quad k = 1, 2, \dots, i-1:$$

Նշանակենք՝

$$\nu_u(x_i) = P\{s_u = x_i \mid s_{u_k} = x_k, k = 1, 2, \dots, i-1\} = P\{s_u = x_i \mid s_{\phi_k^i u} = \phi_k^i u, k = 1, 2, \dots, i-1\}:$$

Այստեղ $P(\cdot \mid \cdot)$ -ով նշանակված են պայմանական հավանականությունները: Հավանականությունների դասընթացից հայտնի է, որ X_i բազմության վրա որոշված ցանկացած ν_u հավանականային բաշխման համար գոյություն ունի $q_u: \Omega \rightarrow X_i$ պատահական մեծություն, այնպես, որ՝ $\nu_u(x_i) = P\{q_u = x_i\}$: Ակնհայտ է, որ այսպես կառուցած $q = \{q_u\}_{u \in U}$ ստրատեգիան վարվելակերպի ստրատեգիա է:

Ցույց տանք, որ s և q ստրատեգիաները համարժեք են: Ֆիքսենք որևէ $z \in Z$ և կամայական $x = (x_1, x_2, \dots, x_n)$ համար դիտարկենք՝

$$\mu_{z,s}(x) = P\{w(\cdot, s, z) = x\} = P\{s_{g_1(z)} = x_1, s_{g_2(z, x_1)} = x_2, \dots, s_{g_{n-1}(z, x_1, x_2, \dots, x_{n-1})} = x_n\}:$$

Նշանակենք՝ $u_i = g_i(z, x_1, x_2, \dots, x_{i-1}), i = 1, 2, \dots, n$: Կստանանք՝

$$\begin{aligned}
\mu_{z,s}(x) &= P\{s_{u_1} = x_1, s_{u_2} = x_2, \dots, s_{u_n} = x_n\} = \\
&= P\{s_{u_n} = x_n \mid s_{u_{n-1}} = x_{n-1}, \dots, s_{u_1} = x_1\} P\{s_{u_{n-1}} = x_{n-1} \mid s_{u_{n-2}} = x_{n-2}, \dots, s_{u_1} = x_1\} \cdots P\{s_{u_1} = x_1\} = \\
&= P\{s_{u_n} = x_n \mid s_{\phi_{n-1}^n u} = \phi_{n-1}^n u_n, \dots, s_{\phi_1^n u} = \phi_1^n u_n\} P\{s_{u_{n-1}} = x_{n-1} \mid s_{\phi_{n-2}^n u} = \phi_{n-2}^n u_n, \dots, s_{\phi_1^n u} = \phi_1^n u_n\} \cdots P\{s_{\phi_1^n u} = x_1\} = \\
&= \nu_{u_n}(x_n) \nu_{u_{n-1}}(x_{n-1}) \cdots \nu_{u_1}(x_1) = P\{q_{u_n} = x_n\} P\{q_{u_{n-1}} = x_{n-1}\} \cdots P\{q_{u_1} = x_1\} = \\
&= P\{q_{u_n} = x_n, q_{u_{n-1}} = x_{n-1}, \dots, q_{u_1} = x_1\} = \mu_{z,q}(x):
\end{aligned}$$

Այսպիսով թեորեմն ապացուցված է:

Սահմանում 7.3.8. Լրիվ հիշողությամբ խաղն անվանում են *միաժամանակյա խաղ*, եթե խաղում գոյություն ունեն խաղացողին հայտնի

$$\psi_j^i : U_i \rightarrow Z_j, \quad j < i$$

արտապատկերումներ, այնպես որ՝

$$\psi_j^i g_i(z_1, \dots, z_i, x_1, \dots, x_{i-1}) = z_j :$$

Ներմուծենք օժանդակ խաղեր նորմալ տեսքով: Նշանակենք՝

$$G(0) = \langle X_1, Z_1, H_0 \rangle, \quad G(\hat{x}_{n-1}, \hat{z}_{n-1}) = \langle X_n, Z_n, H_{\hat{x}_{n-1}, \hat{z}_{n-1}} \rangle,$$

$$G(\hat{x}_{k-1}, \hat{z}_{k-1}) = \langle X_k, Z_k, H_{\hat{x}_{k-1}, \hat{z}_{k-1}} \rangle, \quad k = 1, 2, \dots, n-1,$$

որտեղ $\tilde{H}_0(x_1, z_1) = V(G(x_1, z_1))$, $\tilde{H}_{\hat{x}_{n-1}, \hat{z}_{n-1}}(x_n, z_n) = H(x_1, x_2, \dots, x_n; z_1, z_2, \dots, z_n)$,

$\tilde{H}_{\hat{x}_{k-1}, \hat{z}_{k-1}}(x_k, z_k) = V(G(\hat{x}_{k-1}, \hat{z}_{k-1}))$, $k = 1, 2, \dots, n-1$: Այստեղ $V(G)$ -ով նշանակված է G

խաղի արժեքը, ցանկացած $y = (y_1, y_2, \dots, y_n)$ վեկտորի համար նշանակել ենք

$\hat{y}_k = (y_1, y_2, \dots, y_k)$: Առանց ապացուցման բերենք հետևյալ թեորեմը:

Թեորեմ 7.3.2. Միաժամանակյա խաղի լուծումը կարելի է ստանալ հաջորդաբար լուծելով $G(\hat{x}_{k-1}, \hat{z}_{k-1})$ հակամարտ խաղերը:

Օրինակ: Դիտարկենք սույն բաժնում բերված “գիր-դուշ” խաղի երկու քայլանի տարբերակը: Խաղի գրաֆը պատկերված է նկար 7.3.2-ում: Առաջին խաղացողի՝ “հակառակորդի” ստրատեգիան կունենա (z_1, z_2) տեսքը, որտեղ $z_1 \in [1, 2]$, $z_2 \in [1, 2]$: Այս խաղում՝

$$U_1 = \{u_1\}, U_2 = \{u_1^2, u_2^2, u_3^2, u_4^2\}, \\ X_1 = \{1, 2\}, X_2 = \{1, 2\}:$$

Կառուցենք $G(1,1) = \langle Z_2, X_2, H_{1,1} \rangle$ խաղը: Այն մատրիցային խաղ է $H_{1,1}$ մատրիցով՝

$$H_{1,1} = \begin{pmatrix} -2 & 0 \\ 0 & -2 \end{pmatrix}:$$

Համանմանորեն կառուցենք $G(1,2), G(2,1), G(2,2)$ խաղերը: Համապատասխան մատրիցները կունենան հետևյալ տեսքը՝

$$H_{1,2} = \begin{pmatrix} 0 & 2 \\ 2 & 0 \end{pmatrix}, H_{2,1} = \begin{pmatrix} 0 & 2 \\ 2 & 0 \end{pmatrix}, H_{2,2} = \begin{pmatrix} -2 & 0 \\ 0 & -2 \end{pmatrix}$$

Հեշտությամբ կարելի է գտնել այս խաղերի արժեքները՝

$$v(G(1,1)) = -1, v(G(1,2)) = 1, v(G(2,1)) = 1, v(G(2,2)) = -1:$$

Այժմ կարելի է կառուցել G^0 խաղը, որի մատրիցն է՝

$$H_0 = \begin{pmatrix} -1 & 1 \\ 1 & -1 \end{pmatrix}:$$

Այս խաղի և, հետևաբար, սկզբնական խաղի արժեքը հավասար է 0-ի: Իսկ խաղացողի օպտիմալ ստրատեգիաները նույնն են այս բոլոր խաղերում՝ $q^0 = \left(\frac{1}{2}, \frac{1}{2}\right)$, ուստի

խաղացողի օպտիմալ վարքի ստրատեգիան՝ $\eta^0 = (\eta_{u_1}, \eta_{u_1^2}, \eta_{u_2^2}, \eta_{u_3^2}, \eta_{u_4^2})$ կընդունի

հետևյալ տեսքը՝ $P\{\eta_u = x\} = \frac{1}{2}$ բոլոր $u \in U_1 \cup U_2$ և $x \in X_1 \cup X_2$ համար:

7.4: ԴԻՖԵՐԵՆՑԻԱԼ ԽԱՂԵՐ

Այս բաժնում դիտարկվում են հակամարտ դիֆերենցիալ խաղեր, որոնք դիրքային խաղերի ընդհանրացում են, որտեղ քայլերի թիվն անվերջ է (կոնտինուում է), այսինքն առաջին և երկրորդ խաղացողները, որոնց նշանակում են E -ով և P -ով, որոշումները ընդունվում են ժամանակի յուրաքանչյուր պահին: Նախ դիտարկենք *հետապնդման խաղերը*: Դիցուք տարածության մեջ տրված են երկու՝ $x \in R^n$ և $y \in R^n$ կետեր, որոնց շարժումը կառավարում են երկու խաղացողներ, ընտրելով յուրաքանչյուր պահին համապատասխանաբար $u \in U \subseteq R^k$ և $w \in W \subseteq R^m$ կառավարումները: Այս դրվածքով, ինչպես և օպտիմալ կառավարման խնդիրներում, խաղացողների շարժման հետագծերը համապատասխան դիֆերենցիալ հավասարումների համակարգերի լուծումներ են, որոնք կախված են u և w պարամետրերից: Դիցուք $x(t)$ կետի շարժման հավասարումներն են՝

$$\dot{x} = f(x, u), \quad x \in R^l, \quad u \in U \subseteq R^k$$

սկզբնական x^0 պայմանով, իսկ $y(t)$ կետի շարժման հավասարումները՝

$$\dot{y} = g(y, w), \quad y \in R^s, \quad w \in W \subseteq R^m$$

սկզբնական y^0 պայմանով: Ինչպես և օպտիմալ կառավարման խնդիրներում, կետերի ֆազային տարածությունները կարող են չհամընկնել շարժման իրական տարածության հետ ($l \geq n, s \geq n$): Այստեղ մենք կդիտարկենք լրիվ ինֆորմացիայով խաղերը, այսինքն այն դեպքը, երբ խաղացողները յուրաքանչյուր t պահին գիտեն $x(t)$ և $y(t)$ ֆազային կետերը: Խաղը սկսվում է (x^0, y^0) սկզբնական դիրքից և յուրաքանչյուր t պահին $(x(t), y(t))$ ֆազային կետում խաղացողները ընտրում են $u \in U$ և $w \in W$ կառավարումները:

Հետապնդման խաղերում շահույթի ֆունկցիաները կարող են տրվել տարբեր եղանակներով: Հիմնականում դիտարկվում են երկու տարբերակներ՝ արագագործության խնդիր, երբ առաջին խաղացողը ձգտում է մինիմալ ժամանակում մոտեցնել իր կողմից կառավարվող $x(t)$ կետը երկրորդ խաղացողի կողմից կառավարվող $y(t)$ կետին նախորոք տրված l հեռավորության վրա, և ֆիքսած T ժամանակամիջոցով խնդիր, երբ շահույթի ֆունկցիան $\rho(x(T), y(T))$ հեռավորությունն է:

Ֆորմալ տեսանկյունից ունենալ երկու կետ R^n -ում համարժեք է նրան, որ դիտարկվի մեկ կետ՝ $z \in R^{2n}$ տարածության մեջ, որը կառավարվում է երկու խաղացողների կողմից՝ $u \in U$ և $w \in W$ կառավարումներ ընտրելով:

Ընդհանուր դեպքում կասենք, որ տրված է *հակամարտ դիֆերենցիալ խաղ*, եթե տրված են.

1. $U \subseteq R^k$ և $W \subseteq R^m$ կառավարման տիրույթները,
2. $\dot{z} = f(z, u, w)$, $z \in R^n$, $f = (f_1, f_2, \dots, f_n)$, $u \in U$, $w \in W$ շարժման հավասարումները,
3. Տերմինալ $\Sigma \subset R^n$ տիրույթը,
4. $H(u, w) = \int_0^T G(z) dt + h(s)$, $s \in \Sigma$ շահույթի ֆունկցիան:

Այս տեսքով սահմանված դիֆերենցիալ խաղն արտաքինապես նման է օպտիմալ կառավարման խնդրի մոդելին, սակայն կան նաև էական տարբերություններ: Նախ, քանի որ այս խաղը հակամարտ խաղ է, ուստի հարկավոր է սահմանել խաղացողների ստրատեգիաները, քանի որ կառավարումները բացի ժամանակից կախված են նաև ֆազային դիրքերից: Բացի այդ, հարկավոր են պայմաններ, որոնք կապահովեն հավասարակշռության իրավիճակի գոյությունը: Կան նաև այլ տեսական և տեխնիկական խնդիրներ, որոնք էականորեն բարդացնում են դիֆերենցիալ խաղերի ուսումնասիրությունը:

Հիմնական մոտեցումները նկարագրելու համար առայժմ ենթադրենք, որ խաղում գոյություն ունի հավասարակշռության իրավիճակ, գոյություն ունեն օպտիմալ կառավարումներ և համապատասխան հետագծեր, ընդ որում կառավարման U և W տիրույթները որոշվում են $a_i \leq u_i \leq b_i$, $i = 1, 2, \dots, k$; $c_j \leq w_j \leq d_j$, $j = 1, 2, \dots, m$ անհավասարություններով: Բնչպես նաև ենթադրենք, որ բոլոր ֆունկցիաները, որոնց հետ առնչվելու ենք այս բաժնում, անընդհատ ածանցելի են այնքան անգամ, որքան հարկավոր լինի: Սկզբնական $z \in R^n$ ֆազային կետում սկսվող խաղի արժեքը նշանակենք $V(z)$ -ով:

Ենթադրենք, որ $t = 0$ պահին E խաղացողն ընտրում է $\bar{u} \in U$ կառավարումը, իսկ P խաղացողը՝ $\bar{w} \in W$ կառավարումը: Այս դեպքում բավականաչափ փոքր Δt

ժամանակամիջոցից հետո ֆազային փոփոխականները մոտավորապես հավասար կլինեն $z + \Delta z$, որտեղ՝

$$\Delta z_i = f_i(z, \bar{u}, \bar{w}) \Delta t, \quad i = 1, 2, \dots, n$$

և շահույթի ֆունկցիան հավասար կլինի՝

$$\int_0^{\Delta t} G(z_1, z_2, \dots, z_n) dt \approx G(z_1, z_2, \dots, z_n) \Delta t :$$

Խաղը վերսկսվում է $z + \Delta z$ կետից և, եթե Δt պահից օգտագործվում են օպտիմալ կառավարումները, ապա շահույթը հավասար կլինի՝

$$G(z_1, z_2, \dots, z_n) \Delta t + V(z + \Delta z) :$$

Քանի որ

$$V(z + \Delta z) \approx V(z) + \sum_{i=1}^n V_i(z) \Delta z_i,$$

որտեղ, ինչպես միշտ, V_i -ով նշանակել ենք $V(z_1, z_2, \dots, z_n)$ ֆունկցիայի մասնակի ածանցյալները ըստ $z_i, i = 1, 2, \dots, n$: Այստեղից,

$$V(z + \Delta z) \approx V(z) + \sum_{i=1}^n V_i(z) f_i(z, \bar{u}, \bar{w}) \Delta t$$

Հետևաբար, ենթադրելով, որ \bar{u} -ն և \bar{w} -ն օպտիմալ կառավարումներն են $t = 0$ պահին, $V(z)$ շահույթի ֆունկցիայի համար ստանում ենք

$$V(z) \approx G(z_1, z_2, \dots, z_n) \Delta t + V(z) + \sum_{i=1}^n V_i(z) f_i(z, \bar{u}, \bar{w}) \Delta t :$$

Չզուգահեռելով $\Delta t \rightarrow 0$, կստանանք *դիֆերենցիալ խաղերի հիմնական հավասարումը՝*

$$G(z_1, z_2, \dots, z_n) + \sum_{i=1}^n V_i(z) f_i(z, \bar{u}, \bar{w}) = 0 : \quad (7.4.1)$$

Կամ, որը համարժեք է՝

$$\max_u \min_w \left\{ G(z_1, z_2, \dots, z_n) + \sum_{i=1}^n V_i(z) f_i(z, u, w) \right\} = 0: \quad (7.4.2)$$

Հիմնական հավասարումը ստանալուց հետո, ինչպես և օպտիմալ կառավարման խնդրում, կարող ենք ստանալ հետագծերի հավասարումները: Ածանցելով (7.4.1) հավասարումը ըստ z_i -ի (հաշվի առնելով, որ u և w կառավարումները կախված են z -ից) և հավասարեցնելով 0-ի, կստանանք՝

$$\begin{aligned} \frac{\partial}{\partial z_j} \left(\sum_{i=1}^n V_i(z) f_i(z, \bar{u}, \bar{w}) + G(z_1, z_2, \dots, z_n) \right) &= \sum_{i=1}^n V_i(z) \frac{\partial f_i(z, \bar{u}, \bar{w})}{\partial z_j} + \sum_{i=1}^n \frac{\partial V_i(z)}{\partial z_j} f_i(z, \bar{u}, \bar{w}) + \\ &+ \sum_{l=1}^k \frac{\partial}{\partial u_l} \left(\sum_{i=1}^n V_i(z) f_i(z, \bar{u}, \bar{w}) + G(z) \right) \frac{\partial u_l}{\partial z_j} + \sum_{s=1}^m \frac{\partial}{\partial w_s} \left(\sum_{i=1}^n V_i(z) f_i(z, \bar{u}, \bar{w}) + G(z) \right) \frac{\partial w_s}{\partial z_j} + \\ &+ \frac{\partial G(z_1, z_2, \dots, z_n)}{\partial z_j} = 0, j = 1, 2, \dots, n \end{aligned} \quad (7.4.3)$$

Այս գումարում՝ (համեմատել (7.2.8)-ի հետ)

$$\sum_{i=1}^n \frac{\partial V_i(z)}{\partial z_j} f_i(z, \bar{u}, \bar{w}) = \frac{dV_j}{dt} :$$

Այժմ դիտարկենք

$$\sum_{l=1}^k \frac{\partial}{\partial u_l} \left(\sum_{i=1}^n V_i(z) f_i(z, \bar{u}, \bar{w}) + G(z) \right) \frac{\partial \bar{u}_l}{\partial z_j}$$

արտահայտությունը: Օպտիմալ կառավարման յուրաքանչյուր \bar{u}_j բաղադրիչն իր արժեքը կարող է ընդունել $[a_j, b_j]$ հատվածի կամ ներքին կետում, կամ ծայրակետերից մեկում: Եթե այդ արժեքը ներքին կետում է, ապա՝

$$\frac{\partial}{\partial u_l} \left(\sum_{i=1}^n V_i(z) f_i(z, \bar{u}, \bar{w}) + G(z) \right) = 0:$$

Իսկ եթե օպտիմալ արժեքը որոշման տիրույթի ծայրակետում է, ապա \bar{u}_l -ը հաստատուն է, հետևաբար, $\partial \bar{u}_l / \partial z_j = 0$: Այսպիսով, բոլոր դեպքերում՝

$$\sum_{l=1}^k \frac{\partial}{\partial u_l} \left(\sum_{i=1}^n V_i(z) f_i(z, \bar{u}, \bar{w}) + G(z) \right) \frac{\partial \bar{u}_l}{\partial z_j} = 0, \quad j = 1, 2, \dots, n:$$

Նույն դատողությունների համաձայն, նաև՝

$$\sum_{s=1}^m \frac{\partial}{\partial w_s} \left(\sum_{i=1}^n V_i(z) f_i(z, \bar{u}, \bar{w}) + G(z) \right) \frac{\partial \bar{w}_s}{\partial z_j} = 0, \quad j = 1, 2, \dots, n:$$

Վերջնականապես, (7.4.3) հավասարումը կրնդունի հետևյալ տեսքը՝

$$\frac{\partial}{\partial z_j} \left(\sum_{i=1}^n V_i(z) f_i(z, \bar{u}, \bar{w}) + G(z_1, z_2, \dots, z_n) \right) = \sum_{i=1}^n V_i(z) \frac{\partial f_i(z, \bar{u}, \bar{w})}{\partial z_j} + \frac{dV_j}{dt} + \frac{\partial G(z_1, z_2, \dots, z_n)}{\partial z_j} = 0,$$

Կամ՝

$$\dot{V}_j = - \sum_{i=1}^n V_i(z) \frac{\partial f_i(z, \bar{u}, \bar{w})}{\partial z_j} - \frac{\partial G(z)}{\partial z_j}, \quad j = 1, 2, \dots, n:$$

Այս հավասարումները

$$\dot{z}_j = f_j(z, \bar{u}, \bar{w}), \quad j = 1, 2, \dots, n$$

հավասարումների հետ միասին անվանում են դիֆերենցիալ խաղի *հետագծի հավասարումներ*:

Օրինակ 7.4.1 (Խելագար վարորդ): Այս խաղում շարժումը տեղի է ունենում հարթության վրա: Վարորդը (P) ավտոմեքենայով փորձում է վրաերթի ենթարկել հետիոտնին (E): Ենթադրվում է, որ ավտոմեքենայի շարժումը սահմանափակված է պտտման մինիմալ r շառավիղով, իսկ հետիոտնը կարող յուրաքանչյուր պահին ընտրել ցանկացած ուղղություն: Պարզության համար ենթադրենք, որ խաղացողների արագությունները հաստատուն են՝ համապատասխանաբար a և b , $a < b$: Հետիոտնի կառավարումը շարժման ուղղությունն է՝ այդ պահին իր ուղղության վեկտորի և արցիսների առանցքի միջև կազմած φ անկյունը: Ավտոմեքենայի

կառավարումը՝ կորության R շառավիղի ընտրությունը: Այսպիսով, հետիոտնի շարժման հավասարումները կունենան հետևյալ տեսքը՝

$$\begin{aligned}\dot{x}_1 &= a \cos \varphi, \\ \dot{x}_2 &= a \sin \varphi:\end{aligned}$$

Իսկ ավտոմեքենայի շարժման հավասարումները կազմելու համար կարող ենք օգտվել անկյունային արագության բանաձևից՝ $\dot{\theta} = b/R$ ՝

$$\begin{aligned}\dot{x}_3 &= b \cos x_5, \\ \dot{x}_4 &= b \sin x_5, \\ \dot{x}_5 &= \frac{b}{R}:\end{aligned}$$

Որտեղ x_5 -ը մեքենայի ուղղության վեկտորի կազմած անկյունն է աբցիսների առանցքի հետ: Քանի որ կառավարման որոշման տիրույթը՝ $[r, +\infty)$ բազմությունը սահմանափակ չէ, ներմուծենք նոր կառավարում՝ $\phi = r/R$, և ենթադրենք, որ աջ ուղղությունը դրական է, ձախ ուղղությունը բացասական: Այսպիսով, վարորդի կառավարման տիրույթը կընդունի հետևյալ տեսքը՝ $|\phi| \leq 1$: Խաղի շարժման հավասարումները կլինեն՝

$$\begin{aligned}\dot{x}_1 &= a \cos \varphi, \\ \dot{x}_2 &= a \sin \varphi, \\ \\ \dot{x}_3 &= b \cos x_5, \\ \dot{x}_4 &= b \sin x_5, \\ \dot{x}_5 &= \frac{b\phi}{r}:\end{aligned}$$

Այս խաղը դիտարկենք որպես արագագործության խաղ, այսինքն ենթադրենք, որ P -ն փորձում է հնարավորինս արագ բռնել E -ին, իսկ E -ն փորձում է հնարավորինս հետաձգել այդ պահը (հույս ունենալով օգնություն ստանալ):

Կազմենք այս խաղի հիմնական հավասարումը՝

$$\max_{\varphi} \min_{\phi} \left(V_1 a \cos \varphi + V_2 a \sin \varphi + V_3 b \cos x_5 + V_4 b \sin x_5 + V_5 \frac{b\phi}{r} \right) = 0 :$$

Կամ՝

$$\max_{\varphi} \min_{\phi} \left(a(V_1 \cos \varphi + V_2 \sin \varphi) + b(V_3 \cos x_5 + V_4 \sin x_5) + V_5 \frac{b\phi}{r} \right) = 0 :$$

Այստեղ φ -ից կախված է միայն առաջին փակագիծը, իսկ ϕ -ից միայն վերջին գումարելին: Դժվար չէ ստուգել, որ օպտիմալ $\bar{\varphi}$ և $\bar{\phi}$ կառավարումները հետևյալն են՝

$$\cos \bar{\varphi} = \frac{V_1}{\sqrt{V_1^2 + V_2^2}}, \sin \bar{\varphi} = \frac{V_2}{\sqrt{V_1^2 + V_2^2}}; \bar{\phi} = \operatorname{sgn} V_5 :$$

Այժմ կազմենք հետագծերի հավասարումները՝

$$\begin{aligned} \dot{V}_1 &= 0, \\ \dot{V}_2 &= 0, \\ \dot{V}_3 &= 0, \\ \dot{V}_4 &= 0 \\ \dot{V}_5 &= b(V_3 \cos x_5 - V_4 \sin x_5): \end{aligned}$$

Օպտիմալ կառավարումների տեսքից երևում է, որ E -ի համար օպտիմալ կառավարումը հաստատուն է ($\bar{\varphi} = \text{const}$), իսկ P -ի օպտիմալ կառավարումը բաղկացած է լինելու աջ և ձախ հնարավորինս կտրուկ պտույտներից: Այսպիսով, չնայած մենք ենթադրել էինք, որ բոլոր դիտարկվող ֆունկցիաները պետք է բավականաչափ ողորկ լինեն, կառավարումը անընդհատ չէ և ընդհանուր դեպքում չենք կարող խոսել շարժման հավասարումների լուծման գոյության մասին: Այս թերությունները կարելի է վերացնել, դիտարկելով խաղացողների ստրատեգիաների նոր դաս:

Սահմանում 7.4.1. E խաղացողի $u(\cdot)$ կտոր առ կտոր ծրագրային ստրատեգիա անվանում են (σ, a) գույգը, որտեղ σ -ն $[0, +\infty)$ ժամանակահատվածի որևէ $0 = t_0 \leq t_1 \leq \dots \leq t_k \leq \dots$ տրոհում է վերջավոր կուտակման կետեր չունեցող t_k կետերով, իսկ a -ն արտապատկերում է, որը յուրաքանչյուր t_k կետին և $z(t_k)$ ֆազային դիրքին

համապատասխանության մեջ է դնում $[t_k, t_{k+1})$ միջակայքում որոշված չափելի $u^k(t)$ ֆունկցիա: Նույն կերպ, P խաղացողի $w(\cdot)$ կտոր առ կտոր ծրագրային ստրատեգիա անվանում են (δ, b) գույգը, որտեղ δ -ն $[0, +\infty)$ ժամանակահատվածի որևէ $0 = t'_0 \leq t'_1 \leq \dots \leq t'_k \leq \dots$ տրոհում է վերջավոր կուտակման կետեր չունեցող t'_k կետերով, իսկ b -ն արտապատկերում է, որը յուրաքանչյուր t'_k կետին և $z(t'_k)$ ֆազային դիրքին համապատասխանության մեջ է դնում $w^k(t)$ չափելի ֆունկցիա, որոշված $[t'_k, t'_{k+1})$ միջակայքում: Դիֆերենցիալ խաղերի տարբեր դասերի համար հավասարակշռության գոյության թեորեմներ բերված են [24]-ում:

ՀԱՎԵԼՎԱԾ

Օգտագործվող տերմինների և հասկացությունների վերաբերյալ տարակարծություններից խուսափելու նպատակով բերենք մի քանի հիմնական սահմանումներ և արդյունքներ (տես [12],[24]):

ԲԻՆԱՐ ՀԱՐԱԲԵՐՈՒԹՅՈՒՆՆԵՐ

Սահմանում: Տրված X բազմության կարգավորված զույգերի $R \subseteq X \times X$ ենթաբազմությունը անվանում են *բինար հարաբերություն*: Եթե $(x, y) \in R$, ապա ասում են, որ x տարրը բինար հարաբերության մեջ է y տարրի հետ և նշանակում են xRy : Ներկայացնենք հարաբերությունների մի քանի հատկություններ.

- R հարաբերությունն անվանում են *ռեֆլեքսիվ*, եթե ցանկացած $x \in X$ համար xRx :
- R հարաբերությունն անվանում են *հակառեֆլեքսիվ*, եթե xRy -ից հետևում է, որ $x \neq y$:
- R հարաբերությունն անվանում են *սիմետրիկ*, եթե xRy -ից հետևում է yRx :
- R հարաբերությունն անվանում են *հակասիմետրիկ*, եթե xRy , yRx -ից հետևում է, որ $x = y$:
- R հարաբերությունն անվանում են *տրանզիտիվ*, եթե xRy , yRz -ից հետևում է, որ xRz :

Սահմանում: R հարաբերությունն անվանում են *թույլ կարգավորություն*, եթե այն ռեֆլեքսիվ, հակասիմետրիկ և տրանզիտիվ հարաբերություն է: R հարաբերությունն անվանում են *խիստ կարգավորություն*, եթե այն հակառեֆլեքսիվ և տրանզիտիվ հարաբերություն է: R հարաբերությունն անվանում են *համարժեքություն*, եթե այն ռեֆլեքսիվ, սիմետրիկ և տրանզիտիվ հարաբերություն է: X բազմությունն անվանում են *լիովին կամ զծայնորեն կարգավորված* R կարգավորությամբ, եթե ցանկացած երկու $x, y \in X$ կետերի համար տեղի ունի կամ xRy , կամ yRx :

ՉԱՓԵԼԻ ՏԱՐԱԾՈՒԹՅՈՒՆՆԵՐ

X բազմության ենթաբազմությունների S բազմությունն անվանում են բուլյան σ -հանրահաշիվ, կամ պարզապես σ -հանրահաշիվ, եթե

1. Ցանկացած $E \subseteq X, E \in S$ և $F \subseteq X, F \in S$ համար՝ $E \setminus F \in S$:
2. Ցանկացած հաշվելի թվով $E_i \subseteq X, E_i \in S; i = 1, 2, \dots$ բազմությունների համար՝ $\bigcup_{i=1}^{\infty} E_i \in S$:
3. $X \in S$:

Բազմությունների վերաբերյալ հայտնի $E \cap F = (E \cup F) \setminus (E \setminus F) \setminus (F \setminus E)$ առնչությունից հետևում է, որ σ -հանրահաշիվը փակ է նաև հաշվելի հատման նկատմամբ, այսինքն, եթե $E_i \subseteq X, E_i \in S; i = 1, 2, \dots$, ապա՝ $\bigcap_{i=1}^{\infty} E_i \in S$: (X, S) զույգն անվանում են *չափելի տարածություն*, իսկ $E \subseteq X, E \in S$ բազմությունները՝ *չափելի բազմություններ* :

Իրական առանցքի վրա կիսաբաց միջակայքերով ($[a, b)$ տեսքի) ծնված σ -հանրահաշիվն անվանում են *բորելյան σ -հանրահաշիվ* : Հեշտությամբ ապացուցվում է, որ այն պարունակում է նաև իրական առանցքի բոլոր ինչպես բաց, այնպես էլ փակ բազմությունները :

(X, S) չափելի տարածության վրա որոշված իրականարժեք $f(x)$ ֆունկցիան անվանում են *չափելի ֆունկցիա*, եթե ցանկացած բորելյան բազմության նախապատկերը չափելի է, այսինքն, բորելյան ցանկացած B բազմության համար՝ $f^{-1}(B) \in S$:

Հավանականային չափ (X, S) չափելի տարածության վրա անվանում են S σ -հանրահաշիվի վրա որոշված բազմության $\mu(E)$ ֆունկցիան, եթե այն բավարարում է հետևյալ պայմաններին.

1. $\mu(E) \geq 0$ ցանկացած $E \in S$ համար:
2. ցանկացած $E \subseteq X, E \in S$ և $F \subseteq X, F \in S, E \cap F = \emptyset$ բազմությունների համար՝ $\mu(E \cup F) = \mu(E) + \mu(F)$:
3. $\mu(\emptyset) = 0, \mu(X) = 1$:

(X, S) չափելի տարածության վրա որոշված $f(x)$ իրականարժեք ֆունկցիան անվանում են պարզ ֆունկցիա, եթե այն կարելի է ներկայացնել

$$f(x) = \sum_{i=1}^n \alpha_i \chi_{E_i}(x)$$

տեսքով, որտեղ $\chi_{E_i}(x)$ -ն E_i բազմության բնութագրիչ ֆունկցիան է՝

$$\chi_{E_i}(x) = \begin{cases} 1, & x \in E_i, \\ 0, & x \notin E_i: \end{cases}$$

Պարզ ֆունկցիայի ինտեգրալ ըստ հավանականային μ չափի սահմանվում է հետևյալ կերպ՝

$$\int f(x) d\mu = \sum_{i=1}^n \alpha_i \mu(E_i):$$

(X, S) չափելի տարածության վրա որոշված իրականարժեք $f(x)$ ֆունկցիան անվանում են *ինտեգրելի ֆունկցիա* ըստ μ չափի, եթե գոյություն ունի պարզ $f_n(x)$ ֆունկցիաների միջինում ֆունդամենտալ հաջորդականություն, որը զուգամիտում է $f(x)$ ֆունկցիային ըստ μ չափի, այսինքն այնպիսի հաջորդականություն, որ՝

$$\lim_{n, m \rightarrow \infty} \int |f_n(x) - f_m(x)| d\mu = 0,$$

և

$$\lim_{n \rightarrow \infty} \mu \{x : |f_n(x) - f(x)| \geq \varepsilon\} = 0$$

ինչպիսին էլ որ լինի $\varepsilon > 0$ թիվը: Ինտեգրելի ֆունկցիայի ինտեգրալը ըստ չափի սահմանվում է որպես՝

$$\int f(x) d\mu = \lim_{n \rightarrow \infty} \int f_n(x) d\mu:$$

ԳՐԱԿԱՆՈՒԹՅՈՒՆ

- [1] Ավետիսյան Վ., Պողոսյան Ս., Վարիացիոն հաշիվ և օպտիմալ կառավարում, Երևան, 2008:
- [2] Թունիև Ա.Դ., Սոփիստիկ Յու.Ս., Գծային հանրահաշվի և գծային ծրագրավորման մեթոդներ, Երևան, 2002:
- [3] Սահակյան Մ.Ա., Սարգսյան Հ.Լ., Սարգսյան Ա.Դ., Տոնոյան Ռ.Ն., Տնտեսության վերլուծության մաթեմատիկական եղանակներ, I հ., Երևան, 1997:
- [4] Սահակյան Մ.Ա., Սարգսյան Հ.Լ., Սարգսյան Ա.Դ., Տոնոյան Ռ.Ն., Տնտեսության վերլուծության մաթեմատիկական եղանակներ, II հ., Երևան, 2001:
- [5] Ашманов С.А., Линейное программирование, М., Наука, 1981.
- [6] Беллман Р. Динамическое программирование, И*Л, М., 1960.
- [7] Болтянский В.Г., Математические методы оптимального управления, М., Наука, 1969.
- [8] Воробьев Н.Н., Бескоалиционные игры, М., Наука, 1984.
- [9] Гихман И.И., Скороход А.В., Введение в теорию случайных процессов, М., Наука, 1965.
- [10] Зангвилл У.И., Нелинейное программирование, М., Сов.Радио, 1973.
- [11] Карманов В.Г., Математическое программирование, М., ФМЛ, 2004.
- [12] Колмогоров А.Н., Фомин С.В., Элементы теории функций и функционального анализа, М., ФМЛ, 2004.
- [13] Корбут А.А., Финкельштейн Ю.Ю., Дискретное программирование, М., Наука, 1969.
- [14] Мулен Э., Теория игр, М., Мир, 1985.
- [15] Никайдо...Выпуклые..
- [16] Оуэн Г., Теория игр, М., Мир, 1971.
- [17] Партхасаратхи Т., Рагхаван Т., Некоторые вопросы теории игр двух лиц, М., Мир, 1974.
- [18] Петросян Л. И и др., Теория игр, ИВШ, М., 1998
- [19] Позиционные игры, сб., М., Наука, 1967.
- [20] Полия Г., Сеге Г., Задачи и теоремы из анализа, М., ФМЛ, 1978.
- [21] Понтрягин Л.С., Обыкновенные диф. уравнения, М., Наука, 1965.
- [22] Розен В.В., Математические модели принятия решения в экономике, ИВШ, М., 2002.
- [23] Толстов Г.П., Мера и интеграл, М., Наука, 1976.
- [24] Халмош П., Теория меры, М., И*Л, 1953.
- [25] Schmidt C., Game Theory and Economic Analysis, NY, London, 2002.

[26] van Brunt, The Calculus of Variations, Springer-Verlag,2004.